

13

8

2-54

3





B-13-B-16



ONVPHRII PANVINII
VERONENSIS FRATRIS
EREMITÆ AVGVSTINIANI,
De primatu Petri & Apostolicæ
sedis potestate
LIBRI TRES
CONTRA CENTVRIARVM AVCTORES.

CVM PRIVILEGIIS.



VERONÆ,
Apud Hieronymum Discipulum,
M D LXXXIX.

*Bibliothecæ Domus Romanæ Pauperum
Matris Dei Scholarum Piarum.*

16. B. 13. 2

ONVIRII TAVNIA

VERONENSIS TRATIS

ERRATA AVASTIATA

De p... in ... de ...

Idis ...

LIBRI TRES

CONTRA GENTILIAVM AVASTIATA

ERRATA AVASTIATA



16. B. 13. 2

De p... in ... de ...

Idis ...

BEATISSIMO PATRI SYXTO V.

ROMANÆ ET CATHOLICÆ
ECCLESIAE PONTIFICI

M. ANTONIVS CARDINALIS

Columna felicitatem perpetuam.



*U*M Ecclesia Dei clauum
regente Pio V. Honusfrus
Panuinius Alexandrum
Cardinalem Farnesium in
Siciliam proficiscentem se-
queretur, libros duos de Pri-
matu Petri iam absolutos fidei mea com-
mendauit, sperans se quum redisset (ut in præ-
fatione erat pollicitus) tertium quoque abso-
luturum: sed morte præreptus promissa quidem
præstare non potuit ; per eos autem qui mo-
rienti aderant, me rogauit, ut quos mihi a-
biens libros commendauerat, si eos Reipub.
vtilis fore iudicaret, typis excudendos cu-
rarem. Ego ne supremam hominis volunta-
tem frustrarer ; & si omnia summa diligen-
tia iterum atque iterum examinaßem, atque

probaſſem , nolui tamen committere , ut de
re tanti momenti ſolus iudicandi onus , peri-
culumqꝫ ſubirem . Adhibitis igitur aliquot
Theologis , & , quod caput eſt , Gulielmi Sir-
letij Cardinalis , viri ſumma probitatis , cru-
ditionisqꝫ præſidio atque conſilio fretus , eos li-
bros ut hoc præſertim tempore utiliſſimos om-
nino publicandos eſſe cenſui ; ſi prius Latinij
familiaris mei diligentia , in ſacrorum Pa-
trum lectione verſati , ſua quibuſqꝫ auctori-
bus , qui in priore libro citantur , vindicaren-
tur ; lociqꝫ , unde ſententia ſumpta ſunt , cer-
tius indicarentur ; quo facilius omnia expe-
dituſqꝫ inueniri poſſent , atque emendatiora
legerentur . Cum hac autem bona fide perfe-
ciſſem , putavi me neceſſario hoc opus Sixto
V. dicare oportere , de cuius in Eccleſia Dei
primatu tam ordinate , tam diſtincte , tam ve-
ris , ſolidiſqꝫ rationibus , tam conſtanti , tot ſæ-
culis continuato Catholicorum Patrum testi-
monio , & conſenſu , probato & confirmato
tractatum in eo videmus , ut magno bonorum
ſolatio futurum eſſe conſidam : ſperemqꝫ fore ,
ut non pauci ex ijs , qui adhuc in tenebris
iacent , horum librorum auxilio , adiuuante

Chri-

*Christo propediem veritatis lucem id est te
legitimum Petri successorem, Christiq; in ter-
ris Vicarium agnoscant, & venerentur.*

Romæ Idibus Iulij, 1589.

LEONARDUS DE VITIS

LEONARDUS DE VITIS

Y
 1
 2
 3
 4
 5
 6
 7
 8
 9
 10
 11
 12
 13
 14
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

200

SANCTISS. AC BEAT. PATRI
PIO V. PONT. MAX.

ONVPHRIVS PANVINIVS VERONEN.
FRATER EREMITA AVGVSTINIANVS
SALVTEM PERPETVAM DICIT.



X ijs rebus quæ Deo optimo maximo cure sunt, nihil esse illi ecclesia sua carius, res iam ipsa docuit: aduersa enim fere semper tempestate magnisque iactatam fluctibus, nunquam ipse obrui permisit. Veruntamen liquid est, quod vel ad minuendam eius dignitatem vel ad opes infirmandas valere videatur, id recentiores hæretici quamuis abstrusū atque reconditum non modo excogitant, verum etiam omni plane studio, omnibus ingenij animique viribus exercent. Nihil autem grauiore odio quam Romanam ecclesiam infestantur, cui se aduersari & intentos esse tantum abest ut dissimuleut, ut etiam in eo scelere vltro gloriantur: Hanc enim quasi arcem & propugnaculum esse vident eius doctrinæ, ad quam expugnandam atque euertendam machinas omnes comparant. Ab hac mente fraudes insidiæque manarunt. Inde studium, inde fluxit industria, & propensa ad interpretationem sacrorum librorum voluntas, ut falsa specie veritatis obiecta, imperitorum animos à salutaribus institutis ad exitiosa consilia traducerent: Et quanquā in Christianam rempublicam detrimenti tantum eorum artes inuexerint, quantum ego cum cogito (cogito autem sæpissime) grauius ingemisco, eorum tamen nondum nostris expleta malis improbitas ad aliā progreditur, noua conari non desinit, nullum labefactandæ religionis

nostræ modum aut finem facit: Cum enim suarum opinionum commenta, quibus pulcherrimam sanctorum Patrum doctrinam inquinare studuerunt, non patere satis omnium ingenijs intelligerent, quippe si quis ea nosse velit, ac scientia comprehendere, non omnino sacrarum litterarum expertem aut inexercitatum oportet esse, nouissime ut hæreticam prauitatem quasi cuiusdam veneni vim in omnes partes, diffunderent, falsam historiam satanæ artibus contextam distributam in Centurias emiserunt, fore sperantes, historiæ nomen, quæ rerum præteritarum notitiam pollicetur, non obscuris inuolutam verbis, sed ita expressam, ut eam quilibet vel idiota & illiteratus assequi possit, nihil improbe fictum esse, nihil tenere affirmatum persuadeat: Callide autem ut fallaciæ pateant, ad quærendam mendacio auctoritatem, à prima nostra religionis origine ad hanc usque diem serie perpetua complecti omnia sunt aggressi; quod in tam prolixa tam varia tamque multiplici narratione, latere dolos, nemine fere sentiente, res admisceri falsas, veras autem vel omitti vel si præteriri silentio non possent, immutari facile posse existimarunt; Nec eos omnino spes fefellit: quotus enim quisque est, qui præstigias eorum agnoscat? qui laqueos verborum captionesque cernat? Nihil autem propositum illis inagis est, nihil sibiunt ardentius, quam ut ecclesiæ Romanæ datum à Christo primatum adimant; nec mirum; siquid enim ex pluribus partibus ita constat, ut cæteras una moderetur & regat, facile est, quæcunque laborare ea una incolumi incipiat, eius unius ope subueniri; princeps autem illa si lædatur, non æque recreari potest auxilio cæterarum, quibus ipsa suas vires aut sua damna communicat. Propterea cum vniuersæ ecclesiæ christianæ Romana summo atque absoluto iure præsit, hoc si quasi fundamentum tollatur corruere omnia quis non videt? Hanc igitur vnā hæretici petunt atque inuadunt. Hanc si labefacta-

facere possent, dissolutio rerum omnium, quam vehementer expetunt, consequeretur, diuina permiscerentur humanis; vix sanctissimis legibus locus esset. Ne in errore quidem omnes diu consentirent: Non enim exclusa ratione & æquitate, diuturna societas vlla potest esse, Exorirentur in singulas horas tanquam ex hydra illa poetica horribilia nouarum sectarum monstra, qualia iam vidimus, ac videmus in Germania, Anglia, cæterisque regionibus ab ecclesia Romana tanquam à capite dissidentibus, Nimirum in hoc reliquarum Ecclesiarum capite sanctissimo ac nobilissimo mens illa potestasque viget, quæ diuinæ mentis, & potestatis imaginem refert, quam saluator humani generis IESVS CHRISTVS à patre accepta Petro Apostolorum summo tradidit, ut in reliquos Vicarios suos quicumque per infinitam posteritatem futuri essent, nulla iuris immutatione permaneret. Quod nisi primatus hic à Deo esset: consensisse tamen in eo constituendo Christianos omnes oporteret exemplo earum rerum, quas aut inuenit ars, aut natura peperit, quæ nisi ab vno regantur, & quasi principem quendam intueantur, quam facile labantur & concidunt, omnes intelligunt. Nam quod in cunctis rebus publicis æquo iure tota ciuitas est atque vni ciuium imperium leges non concedunt, exprimit tamen quod leges negare videntur, gubernationis ratio & necessitas, ut vnica quædam potestas temporaria in multos ciues successionem, quasi cætera remedia sint infirma, constituatur, quæ totius reipublicæ corpus moderetur. Hoc ego cum semper ita senserim, cumque ad incolumitatem Christianæ religionis primatu Pontificis Romani nihil utilius, atque adeo nihil magis necessarium esse ratio doceat, experientia comprobet, Duxi meas esse partes pro ea persona quæ sustineo, quoniam pridem sacris addictus, religionem profiteor, proque eo studio quod à primis annis ad ecclesiasticam historiam contuli memoria etiam impellente

Mar-

Marcelli et optimi Pontificis, qui me ad hanc industriam adhuc iuvenem suis sanctissimis monitis excitavit, duxi inquam simul omnia cogitans, operam mihi esse collocandam in historia ecclesiastica componenda, non ad libidinem, aut arbitrium meum, quod sæpe factum ab hæreticis animaduerxi; sed ad legem veritatis, & ad præscriptum antiquorum patrum, à quorum auctoritate testimonioque ne latum quidem vnguem discedendum esse boni, & sapientes viri iudicant. Hic meus labor, quem profecto viribus humanis maiorem suscepi, tamen solus diuina gratia fultus originem primam & continuationem huiusce primatus, Episcopique Romani summam in ecclesia Dei potestatem ostendet. Ac mihi venit in mentem, ut id quod opto, facilius consequar, quicquid ad hanc sententiam comprobendam veteres illi Christianæ pietatis cultores prodidere, seorsum in vnum colligere volumen, eoque ordine cuncta explicare, quirem ipsam ante oculos omnium luce clariorem constituat. Quod Sanctitas vestra optime perspiciet, cui quemadmodum summa à me debetur, & præstatur observantia, itidem deberi à me hanc priorem industriam meam, eique opus hoc mittendum esse sum arbitratus: cum enim semper honorem Dei omnibus in rebus ante posuerit, & antequam in ista sede diuino numine collocaretur, acerrime ecclesiam, alio summam potestatem obtinente, defenderit, nunc cum in ipsam potestas eadem à Deo translata sit, ut publicam rem ab imminente periculo liberet, non dubito quin nos instituta sua quatenus licet imitantes, nullumque laborem, nullum etiam vitæ discrimen pro ecclesiæ dignitate recusantes benigno vultu accipiat, æquis auribus audiat, suaque etiam cohortatione ad instituti operis absolutionem impellat; Ut enim qui se in viam dederit peritum itineris ducem nactus errare nullo modo potest, sic me, Beatissime pater, in suscepto labore ac studio confirmabit iudicium tuum; & quam-



quam nullas difficultates extimescam, tua tamen vox quasi
emissa diuinitus animos addet, sicut subsidium præterea nul-
lum, tanquam assecutus iam omnia, mihi esse requirendum
existimem.

Vale Romæ Kal. Martijs anno salutis M D L X V I.

T

CAPITA LIBRORVM
DE PRIMATV PETRI
ET APOSTOLICAE ROMANAE
SEDIS POTESTATE

DE A. S. D. N. PIVM V. PAPAM

Libri Primi.

- 1 VNITATEM, siue primatum vnus in Christi ecclesia necessarium fuisse ostenditur.
- 2 Primatum in persona beati Petri Apostoli in ecclesia à Christo institutum fuisse aliquot euangeliorum testimonijs explicatis ostenditur.
- 3 Primatum in persona beati Petri Apostoli institutum fuisse probatur xvij. euangelistarum testimonijs.
- 4 De clauibus ecclesiasticis S. Petro à Christo traditis.
- 5 Cui potissimum clauis ecclesiae datae sint, & de differentia potestatis clauium & pascendi Sancto Petro, et cæteris Apostolis vel ecclesiae tributae.
- 6 Quanam ratione sacrae scripturae auctoritates & testimonia dubia vel in controuersiam reuocata sint intelligenda.
- 7 Sanctorum patrum ante Concilium Nicenum sententiae & interpretationes de supradictis xvij. euangelistarum locis quibus primatus Petri constituitur.
- 8 Sanctorum quatuor Doctorum Latinae ecclesiae sententiae super xvij. loca, & de Petri primatu.
- 9 Aliorum Sanctorum patrum Graecorum & Latinorum post concilium Nicenum interpretationes de iisdem xvij. locis.
- 10 Sanctorum patrum intra millesimum annum auctoritates de eadem re & locis.
- 11 Eorum quae contra Petri Primatum à Centuriarum auctoribus ex sacris literis afferuntur dissolutio. Primatum dupliciter considerari posse, quantum ad habitum & quantum ad actum, idest quo ad eius substantiam & usum potestatis.
- 12 Quod Petrus primatus potestatem sibi à Christo traditam actu

- in ecclesia exercuerit, et aliquot auctu Apostolorum locis probat.
- 13 Sanctorum patrum sententia de usu primariæ potestatis S. Petri Apostoli, & eorumdem locorum interpretatio.
 - 14 Ad ea quæ contra usum primatus Petri à Centuriarum auctoribus ex sacris literis afferuntur responsio.
 - 15 Quod S. Petrus Romam venerit & Romanam ecclesiam fundaverit probatur ex omnibus vetustis sanctorum patrum Græcorum & Latinorum monumentis.
 - 16 Quæ ab hæreticis contra afferuntur, singillatim & per capita diluuntur.
 - 17 Quod S. Petrus Romæ obiit & summam in ecclesia potestatem sibi à Christo traditam Clementi successori suo reliquerit ex sanctis patribus probatur.

CAPITA LIBRI SECVNDI;

Quod Clemens, cæteri; post ipsum Romani Pontifices Petri primatum in Ecclesia Dei retinuerint, eoq; usi sint.

Hoc caput in plures, quas infra afferam, partes distribuitur: Quid Episcopi ipsi Romani de suo & apostolicæ sedis primatu potestate, & usu senserint, dixerint, scripserint.

- 1 AFFIRMARUNT S. Petrum successoribus suis Romanis Pontificibus Apostolatus sui principatum reliquisse.
- 2 Affirmarunt in his quæ sunt fidei Romanam sedem nunquã errasse potuisse.
- 3 Docuerunt mandatis apostolicæ sedis & decretis ita obtemperandum esse perinde ac si diuina S. Petri voce essent prolata aut firmata.
- 4 Docuerunt Romanam sedem omnium ecclesiarum principem, caput & primam esse, ad quam omnium ecclesiarum cura pertineret.
- 5 Professi sunt cuncta negotia ecclesiastica difficilia ad eius examen & iudicium referri debere.
- 6 Dixerunt omnium causarum pronocationem ad sedem Apostolicam esse.

- 7 Professi sunt eam supremam in cunctis ecclesiis iurisdictionem habere, ipsam vero à nemine iudicari posse.
- 8 Dixerunt ad Episcopum Romanum pertinere conuocationem generalis concilij.
- 9 Afferuerunt quod ad eum pertinet reprobatio vel probatio et executio decretorum conciliarium.
- 10 Afferuerunt ab eo constituta à nullo irritari posse, & quod Romanæ sedis priuilegia à nemine tolli queant.
- 11 Negarunt posse saluari à Romanæ sedis fide deficientes.
- 12 Apostolicæ sedis fidem, reuerentiam, curam vniuersalem, & primatum ubique prædicarunt, docuerunt, insinuarunt.
- 13 Attulerunt auctoritates, & loca sacrae scripturæ pro suo primatu confirmando.

Quid Pontifices Romani pro sui & sedis
Apostolicæ primatus iure & potestate fecerint.

Quæ ad doctrinam orthodoxam & fidem Catholicam priuatim pertinent, tractarunt.

- 1 IDOLOLATRIAM quantū temporum ratio tulit, abrogarūt.
- 2 Ad gentes nondum conuersas prædicatores & doctores miserunt, qui eas Christi euangelium edocerent.
- 3 Verbum Dei recte prædicarunt, sinceram doctrinam docuerunt vel doceri procurarunt.
- 4 Orthodoxam doctrinam omnes ecclesias per epistolas erudierunt, prædicarunt, & eam scripto defenderunt.
- 5 Puram doctrinam in ecclesijs conseruarunt.
- 6 Damnaverunt libros apocryphos, & authenticos probarunt.
- 7 Dederunt operam ne quis à doctrina sua, & apostolicæ sedis recederet.
- 8 Repugnantes sanæ doctrinæ excommunicarunt, & castigari procurarunt.
- 9 Synodorum consultationibus totius orbis terrarū responderunt.
- 10 Synodicas literas de sua ordinatione cum rectæ fidei formula omnibus ecclesijs, & præsertim Patriarchalibus miserunt.

- 11 Formulas rectæ fidei Imperatoribus , & Metropolitanis præscripserunt .
- 12 Sententias suas de suspectis vel dubiis opinionibus rogati aperuerunt .
- 13 Rectam fidei formulam ab suspectis de hæresi Episcopis exegerunt .
- 14 Episcoporum rectam fidem probauerunt , falsam reprobarunt et damnauerunt .
- 15 Ecclesias & Episcopos in errorem inductos per legatos & epistolas erudierunt , vt ad rectam viam redirent hortati sunt , & ad saniores mentem reuocarunt .
- 16 Pios in hæresim lapsos monitos , nec relapsos suspendunt , excommunicauerunt , priuarunt , in carcerem coniici , aut exilio tradi curauerunt .
- 17 Hæreses & hæreticos damnaverunt , & excommunicauerunt , idque per literas omnibus ecclesiis insinuarunt .
- 18 Episcopos & ecclesias de suo officio monuerunt tam contra hæreticos , quàm vt hæreses natas vel pullulantes absunderent .
- 19 Episcopos hortati sunt ad rectam fidem , & iudicia apostolicæ sedis sententiasque tuendas .
- 20 Legatos miserunt , qui errores hæreticorum cognoscerent , corrigerent , vel ad se referrent .
- 21 Hortati sunt Episcopos , & Ecclesiarum pios Doctores ; vt contra hæreticos scriberent .
- 22 Imperatoribus , Regibus , & Episcopis mandarunt , vt contra vicinos eorundem iurisdictionibus Episcopos hæreticos pro veritate tuenda inuigilarent , & si quid animaduertèrent male agi , tum ad se , tum ad Imperatorem referrent .
- 23 Synodis leges de hæreticorum & hæresum condemnatione præscripserunt .
- 24 Sua contra hæreticos decreta amplecti & seruari curauerunt .
- 25 Vigilarunt pro ædificatione omnium Ecclesiarum , pro tuenda sana doctrina , pro hæresibus extirpandis , & ecclesiastica disciplina seruanda .

Quæ ad doctrinam orthodoxam & fidem catholicam publice pertinent , fecerunt .

1 CONCILIA generalia conuocantur , vel ea Imperatorum auctoritate

- ritate conuocari permiserunt, aut procurarunt.
- 2 Conciliis generalibus præsentem præfiderunt.
 - 3 Ad concilia generalia legatos suos miserunt, aut Episcopos delegarunt, qui præfiderent.
 - 4 Decreta conciliorum generalium ipsis perentibus confirmarunt.
 - 5 Eadem ad omnes ecclesias promulgauerunt.
 - 6 Ius exequendi decreta synodica & præfictum Concilii Nicæni habuerunt, & eorum acta defenderunt.
 - 7 Curarunt ut politici magistratus ea ubique exequi & seruari facerent.
 - 8 Generalia concilia abrogarunt, quibus ipsi vel eorum legati non præfiderunt, aut sine eorum auctoritate celebrata, vel ad se non confirmata.
 - 9 Male in his acta damnauerunt, aut retractarunt.
 - 10 Decreta conciliaria sine ipsorum auctoritate promulgata antiquarunt.
 - 11 Concilia prouincialia pro diuersis Ecclesiæ negociis celebrarunt.
 - 12 Eorum tempus & formam metropolitanis præscripserunt.
 - 13 Eorum acta confirmarunt, aut reprobauerunt.
 - 14 Contra illa & alios canones Ecclesiasticos necessitate cogente dispensauerunt.

Clauium potestatem exercuerunt.

- 1 Excommunicarunt dissentientes à reliquæ ecclesiæ consensu.
- 2 Excommunicarunt dissentientes ob dogmatum fidem, vel de iis peruerse disputantes.
- 3 Excommunicarunt hæreticos, & eos excommunicatos ubiq; denunciauerunt.
- 4 excommunicarunt malos ecclesiarum Prælatos.
- 5 excommunicarunt malos Principes, Reges, & Imperatores.
- 6 Neminem ab se excommunicatum sine suo consensu ab aliis recipi voluerunt.
- 7 Pœnitentes aut per se, aut per legatos absoluerunt.
- 8 Hæreticos resipiscentes oblato pœnitentiæ, & rectæ fidei libello, quo errores suos damnabant, absoluerunt.

Abse

- 9 Ab se absolutos ab aliis Episcopis recepi voluere.
- 10 Excommunicationem legitimam aliorum Episcoporum iuauerunt.
- 11 Gratulari sunt episcopis de hæresi reuersis & recte sentientibus.

Quæ ad politiam ecclesiasticam pertinent administrarunt.

- 1 SCHISMATA in ecclesiis orta sedarunt.
- 2 Super Archiepiscopos & Patriarchas supremam dignitatem habuerunt.
- 3 Episcopos, Archiepiscopos, Patriarchas, confirmauerunt, creauerunt, constituerunt, ordinarunt, & consecrarunt.
- 4 Episcopos, Archiepiscopos, Patriarchas, Imperatorum, Regum, Principum, populorum, aut cleri suffragijs lectos ad se missos consecrarunt.
- 5 Archiepiscopis pallia, paraturas, benedictiones, reliquias traderunt, vel absentibus miserunt.
- 6 Multorum Prælatorum creationes & ordinationes nõ probarunt.
- 7 Episcopis & Archiepiscopis leges dictarunt.
- 8 Formas & potestatem instaurandi, aut instituendi, aut dedicandi ecclesias prælati præscripserunt.
- 9 Episcopis & Archiepiscopis prohibuerunt consecrationes in legitime electorum Antistitum.
- 10 Archiepiscopis mandarunt ordinationes & depositiones Episcoporum.
- 11 Archiepiscopis ius tribuerunt, vt in schismate electorum alterum quem vellent constituerent, vel vtrumque de Episcopatu contententem tertio suspecto remouerent.
- 12 Ius confirmandorum, creandorum, & ordinandorum, Episcoporum Archiepiscopis concesserunt.
- 13 Prælati ius tribuerunt conuocandi synodos.
- 14 Episcopos inique à synodis, vel alijs Episcopis damnatos eorum causa cognita restituerunt.
- 15 Prælatos falso ab alijs Episcopis traductos vel inique eiektos defenderunt, restituerunt.
- 16 Prælatos aliquot nobiliores & doctiores Vicarios, in prouincijs constituerunt super omnes prouinciarum illarum ecclesias, vt causas

causas faciliores definirent, grauiore ad sedem apostolicam refererent.

- 17 Archiepiscopis iusserunt, ut quæ Episcoporum iudicio decerni non possent, & grauiora quæque negotia ad sedem apostolicam referrent, & sine eius consilio nihil in ijs rebus agerent.
- 18 Priuilegia, insignia, superioritates, exemptiones, & dignitates Prelatis concesserunt & confirmarunt.
- 19 Metropolitanis male facientibus minati sunt se illis iura sua eripituros.
- 20 Eorum male acta resciderunt.
- 21 Mandarunt suffraganeis ut suis Archiepiscopis parerent.
- 22 Episcoporum errata reprehenderunt, emendarunt, castigarunt, & agendi formulas præciperunt.
- 23 Episcopos de suo officio rebus ad Ecclesiasticam disciplinam pertinentibus, item de pace ecclesiarum monuerunt.
- 24 Metropolitanorum & Episcoporum superbiam represserunt.
- 25 Prelatis mortuis noua comitia tanquam ecclesiæ vniuersalis custodes instituerunt, ecclesias de alio legendo monuerunt, vel ad se mittendo ut ordinaretur.
- 26 Ecclesiarum pastore vacantium curam & visitationem proximioribus episcopis iniunxerunt.
- 27 Episcopos de vna in aliam ecclesiam transtulerunt.
- 28 Sedes Episcopales & Archiepiscopales instituerunt, mutarunt, vniuerunt, diiunxerunt, & suppresserunt.
- 29 Cunctos qui ipsorum patrocinium petierunt, adiutarunt.
- 30 Ad Reges & Imperatores scripserunt, eosque monuere de rebus ad ecclesiasticam disciplinam pertinentibus.
- 31 Inter politicos magistratus dissentientes auctoritatem suam interposuerunt, quo eos ad pacem & concordiam redigerent.
- 32 Ecclesiasticam politiam constituerunt.

Iudicia & prouocationem ad se habuere.

- 1 QVÆSTIONES inter episcopos initas suo arbitrio diremunt.
- 2 Prelatos accusatos ad causam dicendam citarunt, non ob temperantes suspenderunt, excommunicarunt, priuarunt.
- 3 Episcoporum causas cognouerunt, & aliquot episcopos ab aliis episcoporum synodis damnatos restituerunt.

- 4 Male à Metropolitanis in iudiciis acta resciderunt.
- 5 Mandarunt Archiepiscopis vt appellationes ad sedem Apostolicā permitterent.
- 6 Ad se prouocantium causas cognouerunt, eos absoluerunt, vel condemnarunt.
- 7 Politicos magistratus iusserunt in integrum restituere ab se absolutos.
- 8 Querelas & causas ad se delatas Metropolitano aut Synodo ab eo coactæ, qui eas terminarent, subdelegarunt.
- 9 Vicinis Metropolitanis causas contra peruersos episcopos vel hæreticorum fautores commiserunt, eisque iniunxerunt vt contra ipsorum fraudes vigilarent.
- 10 Legatos qui huiusmodi causas cognoscerent, miserunt.
- 11 Archiepiscopis præceperunt vt causas litigantium iuste & breuiter expeditent.

Varios ritus & cęremonias condiderunt.

- 1 Suos ritus & cęremonias in administratione sacramentorum aliis ecclesiis communicarunt.
- 2 Dies festos, ieiunia solemnia statis diebus, cerei, palmarum, cineris, candelarum, & aliarum rerum benedictiones, supplicationes, lustramina, aquam lustralem, psallendi ritum, sacramentorum cęremonias, Item lingua latina vbique in ecclesiis vti constituerunt.
- 3 Nuptias certis temporibus prohibentes, matrimoniorū leges sanxerunt.
- 4 Sanctorum reliquias, eleemosynas, vasa vestes sacras, pallia & similia prælatis miserunt.
- 5 Prælatis dedicationes ecclesiarum & ritus S. R. E. præscripserunt.
- 6 Ab aliis vsurpatos ritus sine consensu Sedis Apostolicę prohibuerunt.
- 7 In causis matrimonialibus quid fieri oportet decreuere, & cunctis significarunt.
- 8 Monachorum ordines probarunt.
- 9 Supremum in monasteriis ius habuerunt, vt disciplinæ monasticę custodes.
- 10 Reges & Imperatores inunxerunt.

Quid

Quid alij de Pontificis Romani & apostolicæ
Sedis primatu & potestate senserint, dixe-
rint, scripserint.

Concilia generalia & mutuus ecclesiæ
Catholicæ consensus.

- 1 ROMANI pontificis supremam in cunctis ecclesijs potestatem
agnouerunt & confessi sunt.

Concilia Prouincialia.

- 1 ROMANI pontificis supremam in cunctas ecclesias auctori-
tem prædicarunt.
- 2 Fidem apostolicæ sedis professi sunt.
- 3 Papam patrem Imperatoris vocarunt.
- 4 Papam Dominum Episcoporum principem, & patrem patrum
appellarunt.

Imperatores, ipsorum leges & rescripta.

- 1 Ecclesiam Romanam pro omnium ecclesiarum capite agnoue-
runt.
- 2 Episcopum Romanum omnium episcoporum principem confes-
si sunt.

Doctores, Episcopi & alij Prælati.

- 1 AFFIRMARUNT quod Romana ecclesia omniū princeps
caput & mater esset.
- 2 Quod in ea orthodoxa fides crederetur.
- 3 Quod omnium ecclesiarum cura ad eam pertineret.
- 4 Quod ipsa de cunctis iudicaret, & de ea nemo.
- 5 Quod eius communioni in cunctis sociari vellent, cuius fidem
deserens à nullo potest in communionem recipi.
- 6 Romani pontificis primatum iure diuino esse professi sunt.
- 7 Romani pontificis primatum vbique prædicarunt.

- 8 Romanum pontificem ecclesie Catholice caput esse docuerunt,
& præ cæteris magnificauerunt.
- 9 eius auxilium & præsidium in damnatione hæreticorum postu-
larunt.

Reges principes & potentes.

- 1 Papam esse caput ecclesie & omnium in orbe terrarum sacerdo-
tum affirmarunt.
- 2 Primum Archipontificem vocarunt.

Quid alij pro episcopi Romani & Apo-
stolicæ sedis primatu & potestate
gesserint.

Concilia generalia.

- 1 NICÆNA Synodus eius auctoritatem confirmavit.
- 2 eius primatum alię Synodi stabilierunt.
- 3 Sua decreta ab eo confirmari voluerunt.
- 4 In damnatione hæreticorum ab eo auxilium petierunt.
- 5 Damnationem hæreticorum illo auctore factas ei insinuarunt.
- 6 Nicæna synodus & alię prouocationem ex cunctis ecclesijs ad
eum concesserunt.
- 7 Vniuersalis episcopi nomen reliqua concilia ei tribuerunt.
- 8 Patriarcharum creationem Romano pontifici nunciauerunt.

Concilia Prouincialia.

- 1 De rebus dubijs & controuersis eum consuluerunt.
- 2 Petierunt vt legatos suos Pontifex Romanus mitteret ad synodos
eorum, qui contra canones Ecclesiasticos commissa corrige-
rent.
- 3 Acta sua à Pontifice Romano confirmari voluerunt.
- 4 Epistolas decretales Romanorum pontificum susceperunt.
- 5 Acta synodorum vniuersalium eius iussu suscepta promulgarunt.
- 6 Communionem apostolicæ sedis secuta sunt.
- 7 Eius auxilium in damnatione hæreticorum obtinuerunt.

8 Nomen Papæ Romani in ecclesiis suis missarum tempore recitari
iussit.

Imperatores Romani, ipsorum leges & rescripta.

- 1 LEGEM tulere, vt ecclesia Romana pro omnium ecclesiarum
capite ab omnibus Christianis agnolceretur.
- 2 Legem promulgarunt vt Catholici omnes Christiani papæ Ro-
mani fidem sequerentur.
- 3 Rectæ fidei suæ libellos ei miserunt.
- 4 Episcopi Romani primatum cognouerunt & exposuerunt.
- 5 Multa apostolicæ sedis priuilegia contulerunt.
- 6 Episcopo Romano se humiliarunt.
- 7 Gratiâ ei pro sedulitate sua in rebus fidei egerunt.
- 8 In rebus fidei Romani pontificis conatus adiutarunt.
- 9 Decreta vel ab se vel à Concilijs edita ab eo confirmari petie-
runt.
- 10 Episcoporum quæstiones ad eius decisionem reiecerunt.
- 11 Bona temporalia ei donarunt, vel ab aliis donata confirmauerunt
vt villas, oppida, vrbes, prouincias & similia.

Episcopi Doctores & alij Ecclesiæ ministri.

- 1 Romani pontificis creationem alijs Episcopis nuntiarunt.
- 2 Omnium ecclesiarum curam illi diuinitus traditam esse docuerunt
& professi sunt.
- 3 Illi obedientiam præstiterunt.
- 4 Metropolitani recens creati synodicam epistolam de recta fide ad
Papam miserunt.
- 5 Petierunt ab eo pallii vsum, reliquias, & priuilegiorum confirma-
tionem.
- 6 Iura episcopatum suorum ab eo confirmari petiere.
- 7 Archiepiscopi & clerici petierunt confirmationem ab eo episco-
porum ab se electorum.
- 8 Iuramentum Papæ præstiterunt.
- 9 Libros de suâ fide ad eum miserunt.
- 10 In rebus dubijs vel difficilioribus eius sententias & consensum.

requisserunt.

- 11 Quæ ipsi determinare non potuerunt, ad sedem apostolicam retulere.
- 12 Eius acquievere sententiæ & determinationi, & eius fidem amplexi sunt.
- 13 Eius scripta & epistolas dogmaticas susceperunt.
- 14 Quæsierunt eius sententias de fide orthodoxa, & contulerunt cum eo de erroribus hæreticorum.
- 15 Hæreses & hæreticos Papæ insinuarunt.
- 16 Exorientes vel repullulantes hæreses ei nuntiabant, consilium et auxilium ab eo quibus eas reprimerent, expetere.
- 17 Doctrinam orthodoxam abiicientes eius auctoritate castigarunt.
- 18 In damnatione hæreticorum & errorum ab eo auxilium petierunt, qui eos adiuuauit.
- 19 Ab hæresi resipiscentes, vel de ea suspecti, aut nondum detecti, aut ab aliis damnati libros fidei ad Papam misere, eius auxilium et absolutionem impetrarunt.
- 20 Controuersias in Ecclesiis ortas Papæ retulerunt.
- 21 In contentionibus de iurisdictione eius iudicium & sententiam petiere.
- 22 In causis communibus decisionem ab episcopo Romano expetierunt, ut sua auctoritate pacem & concordiam ecclesiæ constitueret.
- 23 Sine Romani pontificis permissu iudicis personam non usurparunt.
- 24 Se & sua iudicia ei subiecerunt.
- 25 Appellauere ad eam synodum vniuersalem tantum cui Romanus pontifex præsideret.
- 26 Dissidentes inter se ad Papam prouocauerunt.
- 27 Episcopi ab aliis episcopis damnati ad eum prouocarunt eius auxilium & iudicium requirentes obtinuerunt.
- 28 Perierunt ab eo commendationes pro se, aut pro suis ad alios.
- 29 Alios ad obedientiam S. R. E. inuitarunt.
- 30 Mores & ritus ecclesiæ Romanæ secuti sunt.
- 31 In constituenda polina ecclesiastica Papæ præsidium implorarunt.
- 32 Contra iniurias & oppressiones Præfectorum, & magistratuum secularium & Metropolitanorum eius præsidium implorarunt.
- 33 Gratias ei pro sedulitate & vigilantia sua egerunt.

- 1 Iura monasteriorum ab eo confirmari petierunt.
- 2 ecclesias ab se constitutas ei subiecerunt.
- 3 episcopos suarum prouinciarum ad eum pro consecratione miserunt.
- 4 ecclesias rebelles compescuerunt, & ad eius obedientiam retraxerunt.
- 5 Reuerentiam cum pedum osculo exhibuerunt.
- 6 Donationes amplissimas agrorum, villarum, oppidorum, Ciuitatum, Prouinciarum & aliarum rerum temporalium ei fecerunt.
- 7 Regna sua vectigalia S. R. E. constituerunt.
- 8 Pontifices Romanos inique vexatos defenderunt.
- 9 eorum arbitrio res politicas tractarunt.

CAPITA LIBRI TERTII,

Qui contra Romani Pontificis auctoritatem
senferint, scripserint, egerint, & eorum
refutatio.

Qui contra vsum potestatis Romani Pontificis
senferint, scripserint, fecerint, & ipso-
rum refutatio.

Quæ contra Sancti Petri Apostoli & Romani
Pontificis auctoritatem potestatemue, &
eius vsum à recentioribus hæreticis
objiciuntur dissolutio.

SCITV dignum nos in asserendis his quæ ad potestatem Romani
pontificis pertinent, non nisi iis auctoribus vsos, qui ante Caroli Magni
Imperatoris tempora scripserunt, quique certissimæ auctoritatis ab
hæreticis recentioribus probantur.

AD LECTOREM.

MIRVM non sit primum duntaxat
librum huius operis vulgari, solus enim
iussu, & opera M. Antonij Cardinalis Colum-
nae, & lucubrationibus eruditissimi, religiosissi-
miq; viri Latini Latinij Viterbiensis pridem
emendatus in lucem prodit hoc tempore; secun-
dus liber propediem Deo fauente edetur; quod
datur interim libens accipe.

III
P R Æ F A T I O.



ULTI^{ma} eximia pietate & eruditione
præditi uiri, me sæpius adhortati sunt,
ut in recenti hoc sacras literas pro-
fundi genere, quo iam suscepta doctri-
na confirmati sacrorum ritus, receptæ
cerimoniæ fundatæ, stabilitæq; con-
suetudines, ueluti machinis adhibi-
tis, frangi, labefactariq; uidentur, indicium meum,
quod uerbis aliquando aperueram, etiam scripto pate-
facerem, quod me omnino tanto oneri imparem esse non
dubitans, non tutum modo sed honestissimum etiam si-
lentium meum fore existimaui. Accedit quod, quæ hacte-
nus controuersa fuere, partim eiusmodi sunt, ut utrinque
sacrarum literarum auctoritate inniti uideantur, ita ut
nisi accuratè ea consideranti, atque in sacris literis uersatissi-
mo, difficile sit de alterutra parte iudicare; partim uero
magis in consuetudine, ritibusq; receptis, quam in diuinis
libris manifeste comprehenduntur. Quæ cum animadu-
terem non minus obscura, quam explicatu difficilia hone-
stius mihi uisum est, quod nesciebam ingenue me ignorare
fateri, quàm temere, arroganterq; in grauissimis rebus iu-
diciū meum interponere, præsertim quum semper per-
suasum mihi fuerit, quantumlibet priuatim multi dispu-
tent, & diutius easdem quæstiones conserant, nunquam
tamen futurum ut hoc attritu flamma ueritatis elucescat,
& aduersa pars ueris argumentis uicta det uictoribus ma-
nus, sed ita demum controuersias omnes explicari, sedariq;
posse sum arbitratus, si, ut alias sæpe, & paulo ante Tri-
denti recte, pieq; factum est, communi Patrum omnium
torius orbis Christiani scitu, de his omnibus decretum, san-
citumq; fuerit. Satis enim constat in generalibus Con-

P R Æ F A T I O.

cilijs pro fidei pietate congregatis Remip. Christianam institutis, legibus, placitis, auctam, ornatam, stabilitamque fuisse, grauissimasque esse controuersias ea ratione sedatas. Illud postremo magnopere, ut tacèrem, me hortabatur, quod qui hætenus contra ueritatem, contra fidem & Ecclesiam catholicam eiusmodi argumenta tractarunt, non tantum exemplis rationibusque certauerunt, quantum conuicijs & maledictis, à quibus ego uehementer abhorreo, nec Christiana pietate res acta est, sed canina facundia, ut mihi in animum induxisse uideantur, ita demum se in causa uictores euasuros, si in maledicendo superiores discessissent. Nec contumelijs tantum, sed quod dictu quoque nefas est, ingrauiissimis rebus, iocis, sannis, scommatibus, libros refererunt. Enimuero qui ueritatis perquirendæ studio scribunt, mites, modestosque seipsos Christi exemplo exhibere decet, qui quum ipsa ueritas esset in seipso quoque mansuetudinem prædicauit, tantumque abfuit ut ipse maledixerit, ut etiam ne maledicentes quidem (ut Petrus ait) redarguerit. Ita enim nos affectos esse oportet, ut nec inferre iniuriam uelimus, nec, si acceperimus, referre. Si autem sanctissimos, & eruditissimos homines referre uelim, qui cum aduersus manifestos religionis nostræ hostes scriberent, à Christiana tamen modestia ne latum quidem unguem recesserunt, id illis mirum certe uideatur, qui remotis iurgijs, & conuicijs, nec satis recte uerum perquiri, nec facile inueniri posse arbitrantur. Scribunt Tertullianus in Scapulam, Cyprianus in Demetrianum, Origenes in Celsum, Eusebius in Porphyrium, Basilus, Nazianzenus, & Cyrillus in Iulianum apostatam acres & impios Christianorum hostes. Arguunt illi quidem insaniam, furorem, & apposita ratione ueluti quibusdam cathenis iniectis compescere eos nituntur, hostes denique appellant, ea tamen adhibita moderatione, ut non conuicijs indulgere, sed pietatis rationem habere uideantur. Nec tamen contra eos scri-

bunt,

bunt, qui diuerso sensu, atque cæteri quippiam in sacris literis interpretabantur, aut quia sacris libris petitis testimonijs impietatem suam tueri conabantur, sed aduersus eos, qui furijs feralibus exagitati, aris, templis, diuinis sacrificijs & uniuersæ Reipublicæ Christianæ, atrox & truculentum bellum indixerant. Paulo fortasse uehementior Nazianzenus in Iulianum cuiuspiam uidebitur, at in hoste tam impio, tamque dolofo quiderat, quod dici leuius posset, qui non tormentis, aut ui tantum, sed dolis, insidijs, incredibili astu uiros innocentissimos petebat? Quum autem contra Eunomianos stylum uertit, qui se Christianos appellari uolebant, sic se paternis uisceribus moueri testatur, ut eos etiam amicos & fratres appellet. Quid? nonne Basilius in eundem Eunomium scribens tantum abest à contumelijs, ut eum etiam festiuè, quæ formicæ natura sit, interroget? Sic Basilij frater Gregorius in Apollinarem, Eunomium Manichæum, Irenæus, & Tertullianus aduersus Valentinianos, Gnosticos & cunctas hæreses suorum temporum, Augustinus in Donatistas, Pelagianos, Manichæos, in Nestorium Cyrillus, in Eutychen Leo Papa, aduersus alios alij; longum est enim omnes enumerare: sciebant enim facile pro maledictis maledicta referri posse; sed ratione aut exemplis pugnare longe esse difficillimum. Quum igitur diutius in hac sententia perstitissem Romam primum allatæ sunt quatuor historiæ Ecclesiasticæ, centuriæ, sic enim eas auctores appellant, postea duæ. Quas ut percurrerem præclarissimæ memoriæ Rodolphus Pius Cardinalis Carpenfis (uir sanctitate, & innocentia præclarus) ad me continuò misit. Quibus accuratè perlustratis, quum animaduertissem earum scriptores in cunctis Ecclesiæ Catholicæ institutis, & dogmatibus longo sæculorum ordine iam confirmatis conuellendis, & præcipue primatu Pontificis Romani tollendo omnes ingenij uires adhibere, de pristina mea sententia deiectus, finem silentio imponere decreui, ne à diui-

P R Æ F A T I O.

nio iudice actiones nostras acrius disquirente, ut seruius nequam, ignauusque infossi à me talenti mihi crediti à Deo aliquando arguerer, ac poenas darem. Igitur honorem domus Dei Eliæ zelo succensus, & à præclaris uiris inflammatus, quantum in me erit mutata uoluntate scripto tueri constitui, & de ea potissimum parte, Primatu scilicet Petri, uerba facere, quam illi tantopere oppugnant, quæ mihi quæstio non dubia, sed Illustris, non difficilis, sed perspicua semper uisa est. Atque eo quidem animo ad scribendum accessi, ut ne pro rationibus, iurgia, pro testibus & auctoritatibus maledicta, quemadmodum aliqui faciunt, rependerem. Quod ego uicissim facere, si uellem, fortasse possem; uerum id à moribus atque institutis meis tantum abhorret, ut etiam si possem, maxime nollem, aliorum enim opinionēs non rationibus, sed iurgiis, & maledictis oppugnare, non candidi est, non ingenui, non docti, sed ineruditi, petulantis, inuidi, & eius, qui bellum indixerit veritati. Porro autem rationibus miscere contumelias perinde est, ac si aquæ purissimæ lutulentam quis misceat, quo fit ut utraq; lutulenta euadat. Quum vero de re omnium grauissima, augustissima, ac maxime necessaria sim tractaturus, nihil mihi gratius, ac iucundius accidere potuit, quam in sacram literarum studiis, cum exercitatis hominibus assidua consuetudine confictari, sic enim facile, quod verum est, inquiri poterit, præsertim si, ut nunc fore confido, nihil aliud quam veritas, immo Deus ipse queratur, quem ipsum verum esse ex sacris literis didicimus. His porro in rebus tradendis, quia cum his agendum est aduersariis, qui non ita facile omnibus scriptoribus, quamquam laudatissimis assentiuntur, eorum tantum historicorum, & sanctorum doctorum testimonia citabo, quorum nec ab ipsis negari, aut repudiari antiquitas, doctrina, & certitudo iure poterunt, & qui in catholica Ecclesia, ut pietatis, & eximie eruditionis sydera multis iam sæculis celebrati sunt.

Nam non eadem ratio est differendi in disciplinis, quæ in rerum gestarum persequutione. In illis enim minimum valet auctoritas, ut, si enunciati alicuius veritatem, vel naturæ vim, vel quippiam aliud in diuinis, postremo quid expectandum, fugiendumue sit, quærimus, tunc necesse est ut ratio sibi ipsa argumenta inueniat, à primis, clarisque principiis proficiens, ut consequentium certa demonstratio fiat. Quum verò quærimus vel de historię alicuius veritate, vel de rebus gestis, institutisque maiorum, omnis diligentia versetur necesse est in illis perquirendis, examinandisque, quæ veteres auctores memoriæ prodidere, argumentis omnibus, & altercationibus semotis, & si inter ipsos contrarium aliquid esse videbitur, tunc discussioni relinquatur locus, si forte exquisitis rationibus, quæ appareat diuersitas, tolli potest. At si id ne sic quidem fieri poterit, illud superest, ut quod potissimum verum sit, adhibito acriore iudicio inuestigemus, cuius rei multiplex ratio est, de qua aliàs. Quoniam igitur veterum scriptorum sententijs mihi tantum agendum est, cunctis altercationibus, & argumentorum anfractibus reiectis, duo ante omnia diligenter curabo, primum ut eorum præcipue integra & non concisa testimonia asseram, de quorum scriptis nulla dubitatio, nulla vnquam fuerit controuersia. Deinde ex his eorum tantum testimonia proferam, qui ante Caroli Magni Imperatoris tempora, & octingentesimum annum vixere. Nam Carolo Magno posteriores, magnos quidem & egregios viros, & qui auctoritatis suæ viribus singuli totam hanc causam sustinere possent, omittam, non quia sanctissimi & doctissimi viri fuerint, sed quoniam hac tempestate eò ventum est, ut apud recentiores aduersarios suspecti esse possint, eo maxime nomine, quòd multa in Romani Pontificis gratiam scribere potuerint, quem primum super ceteras Ecclesias non nisi post ea tempora obtinuisse fabulantur. Mei igitur post sacra scripta auctores

erunt

P R Æ F A T I O.

erunt Dionysius, Ignatius, Irenæus, Clemens Alexandrinus, Tertullianus, Origenes, Cyprianus, Eusebius, Athanasius, Hilarius, Optatus, Cyrillus Hierosolymitanus, Basilius, Gregorius Nazianzenus, Ambrosius, Prudentius, Paulinus, Hieronymus, Epiphanius, Ioannes Chrysostomus, Augustinus, Maximus, Cyrillus Episcopus Alexandrinus, Prosper, Socrates, Sozomenus, Theodorus historię Ecclesiasticę veteres auctores, & alij similes; nouissimus omnium Bedas, & eorum tantum Romanorum Pontificum Epistolę decretales qui inter Damasum, & Hadrianum vixerunt. Qui iure maiorum gentium scriptores appellari possunt. Quorum tantummodo testimonijs, quę de Primatu Petri & Apostolicę Sedis potestate scripturum, confirmabo; quod si aliquod posteriorum, aliquando apta testimonia afferam id minime faciam, vt me cum aduersarijs rem agere existimem, sed illud totum piorum hominum solatio tribuam, quamquam & ijs aduersarij non deberent, impudenter reluctari. Quibus ordinatim allatis, quid de re controuersa statuendum fuerit, pij homines facile dijudicare poterunt. De grauissima igitur & nobilissima quęstione disputaturus, antequam interiora penetrem, vt, quę sum traditurus, facilius omnibus pateant, breuissimam distinctionem, quę totius argumenti summam comprehendit, afferre operępretium est. Quum enim de Petri Apostoli potestate agimus, illud ante omnia animaduersione dignum nobis videtur eandem potestatem bifariam comprehendere posse, tum habitu & substantia, tum actu & exercitatione. Id vt clarius intelligi queat exemplo quodam illustrabo. Quum Iesus Christus Petro Apostolo pascendi oues curam commisit, ei tunc summę huius potestatis habitum & substantiam, illis verbis, Pasce oues meas, ter repetitis tradidit. Quum vero Petrus post Christi ascensionem hac pascendi facultate diuinitus sibi collata in locum Iudę Matthiam cooptauit, populum pro omnibus

alloquutus est, claudū sanauit, in Ananiam & Sapphyram mortis sententiam protulit, Simonem Magum corripuit, gentiles ipse primus ad fidem re sibi diuinitus reuelata suscepit, circumcisionem & cęrimonias legis in Concilio Hierosolymis abrogauit, tunc eius potestatis vsum, & actum demonstraui. Quę cum ita sint, primo hoc libro ante omnia de habitu potestatis, siue de ipsa in se potestate Petro à Christo tradita, mox de eius vso, & exercitatione, demum de Petri ad Urbem aduentu, obitu, & potestate successoribus relicta verba faciam, quęque contra ab aduersarijs asseruntur accuratè omnia & manifeste dissoluam; duobus vero sequentibus libris, reliqua, quę hoc argumentum consequuntur, expediam. Secundo enim Romanorum Pontificum potestatis vsum aperiam. Tercio, quę contra ab aduersarijs proferuntur, argumenta conuellam.



[illegible]

ONVPHRII PANVINII
VERONENSIS

*Fratri Eremitæ Augustiniani, Sacra
Theologia professoris*

DE PRIMATV PETRI

Et Apostolicæ Romanæ Sedis potestate

CONTRA CENTVRIARVM AVCTORES

LIBRI PRIMII
PARS PRIMA.



Vnitatem, siue Primatum vnus in Ecclesia
Christi necessarium fuisse demonstratur.

Cap. I.



VNITATEM in Ecclesia Catho-
lica planè necessariam fuisse IE-
SVS CHRISTVS docuit, pro-
phetæ prædixerunt, sancti Pa-
tres sanxere. Ille quidem, quum
vnum ouile, idest vnâ Ecclesiam,
& vnum pastorem futura prædi-
xit: & in cœlum ascendens, sum-
mum Ecclesiæ suæ pastorem constituit beatum Apo-
stolum Petrum, à quo tanquam capite, reliqua Ecclesiæ
membra regerentur; ne inuicem ipsa secum dissentirent, &

Ioan. 10.
C.

B dice-

DE PRIMATV PETRI

2

Cor. 1. B. dicerent, alius ego sum Apollo, alius ego sum Cepha, alius Pauli, quinimmo ne inter ipsos quoque magnos Apostolos oriretur contentio, quis eorum principem locum obtineret, ex prophetis vero Ezechiel cap. 34. Et suscitabo super oves meas pastorem vnum, qui pascat eas. Et cap. 37. Pastor vnus erit omnium eorum. Et Osee cap. 1. Congregabuntur filij Iuda, & filij Israel pariter, & ponent sibi caput vnum. At ex sanctis Patribus precipuus D. Cyprianus in epistola ad Iubaianum ita scribit. Manifestum est autem vbi, & per quos remissa peccatorum dari possit, quæ in baptismo scilicet datur. Nam Petro primum Dominus, super quem edificauit Ecclesiam, & vnde vnitatis originem instituit, & ostendit, potestatem istam dedit. &c. Et paulo post. An ad Ecclesiam venturus est? quæ vna est, & super vnum, qui clauis eius accepit Domini voce fundata est? &c. Et in libro de vnitatis Ecclesiæ catholicæ scribit. Hoc eod fit fratres dilectissimi dum ad veritatis originem non redditur, nec caput quæritur, nec magistri cœlestis doctrina seruatur. Quæ si quis consideret, & examinet, tractatu longo, atque argumentis opus non est. Probatio est ad fidem facilis compendio veritatis. Loquitur Dominus ad Petrum: *Matt. 16. C.* Ego (inquit) tibi dico, quia tu es Petrus, & super istam petram edificabo Ecclesiam meam, & portæ inferorum non vincent eam. Tibi dabo clauis regni cœlorum, & quæ ligaueris super terram, erunt ligata & in cœlis; & quæcunque solueris super terram, erunt soluta & in cœlis. Et eidem post resurrectionem suam dicit; Pisce oves meas. SUPER ILLVM VNUM AEDIFICAT ECCLESIAM, ET ILLI PASCENDAS MANDAT OVES. Et quamuis Apostolis omnibus post resurrectionem suam parem potestatem tribuat, & dicat: *Ioan. 20. E.* Sicut misit me pater, & ego mitto vos, accipite Spiritum Sanctum: Si cui remiseritis peccata, remittentur illi: si cui tenueritis, tenebuntur; tamen vt vnitatem manifestaret, vnitatis eiusdem originem ab vno incipientem sua auctoritate

tate disposuit. Hoc erant utique & ceteri Apostoli, quod fuit Petrus, pari consortio præditi & honoris & potestatis, sed exordium ab unitate proficiscitur. Et PRIMATUS PETRO DATVR, VT VNA CHRISTI ECCLESIA, ET CATHEDRA VNA MONSTRETVR, ET PASTORES SVNT OMNES, ET GREX VNVS OSTENDITVR, QVI AB APOSTOLIS OMNIBVS VNANIMI CONSENSIONE PASCATVR. Quam vnā Ecclesiam etiam in Cantico Canticorum Spiritus Sanctus ex persona Domini designat & dicit: Vna est columba mea, perfecta mea, vna est matri suæ, electa genitrici suæ. Hanc Petri unitatem, qui non tenet, tenere se fidem credit? QVI CATHEDRAM PETRI SVPER QVAM EST ECCLESIA FVNDATA DESERIT in Ecclesia se esse confidit? Quando & beatus Paulus Apostolus hoc doceat, & sacramentum unitatis ostendit, dicens. Vnum corpus & vnus spiritus, vna spes vocationis vestræ, vnus Dominus, vna fides, vnum baptisma, vnus Deus. Quam unitatem firmiter tenere, & vindicare debemus, maxime nos Episcopi, qui in Ecclesia præsidemus, vt Episcopatum quoque ipsum vnum, atque indiuisum probemus. Nemo fraternitatem mendacio fallat, nemo fidei veritatem perfida præuaricatione corrumpat. Episcopatus vnus est, cuius à singulis in solidum pars tenetur. Ecclesia vna est, quæ in multitudinem latius incremento fecunditatis extenditur: quomodo solis multi radij sunt, sed lumen vnum; & rami arboris multi sunt, sed robur vnum tenaci radice fundatum. Et quomodo de fonte vno plurimi riui defluunt, numerositas licet diffusa videatur exundantis copię largitate, vnitas tamen seruator in origine. Auellere solis radium à corpore, diuisionem lucis vnitas non capit: Ab arbore frange ramum, fractus germinare non poterit: A fonte præcide riuum, præcisus arefcet: Sic & Ecclesia Domini luce perfusa per orbem totum radios suos porrigit, vnum tamen lumen est, quod vbique diffunditur, nec vnitas corporis separatur: ramos suos in

Cant. 6.

*Eph. 4.
A.*

vniversam terram copia vbertatis extendit: profluentes largiter rivos latius expandit, vnum tamen caput est, & origo vna, & vna mater fecunditatis successibus copiosa. Illius foetu nascimur, illius lacte nutrimur, spiritu eius animamur. Adulterari non potest sponsa Christi: incorrupta est & pudica: vnani domini nouit, vnus cubiculi sanctitatem casto pudore custodit. &c. Ita D. Cyprianus. Cuius verba ita citauimus, vt nuper Romæ excusi codices habent, additis nonnullis, quæ partim in scriptis aliquot Cypriani exemplaribus, partim apud Bedam, Anselmum Lucensem, Iuonem, & Gratianum reperta sunt.

Idem libro primo epist. 3. ad Cornelium Papam. Quales putas esse eos, qui sacerdotum hostes, & contra Ecclesiam catholicam rebelles, nec præmonentis Domini comminatione, nec futuri iudicij ultione terrentur? Neque enim aliunde hæreses obortæ sunt, aut nata sunt schismata, quam inde, quod sacerdoti Dei non obtemperatur. Nec vnus in Ecclesia ad tempus sacerdos, & ad tempus iudex vice Christi cogitatur: cui si secundum magisteria diuina obtemperaret fraternitas vniuersa, nemo aduersum sacerdotum collegium quicquam moueret: nemo post diuinum iudicium, post populi suffragium, post coepiscoporum consensum, iudicem se iam non Episcopi, sed Dei faceret. Nemo dissidio vnitatis Christi Ecclesiam scinderet: nemo sibi placens ac tumens, seorsum foris nouam hæresim conderet, nisi si ita est aliquis sacrilege temeritatis ac perditæ mentis, vt putet sine Dei iudicio fieri sacerdotem, cum Dominus in

Mat. 10. *D.* Euangelio suo dicat: Nonne duo passeret asse veneunt, & neuter eorum cadit in terram sine patris vestri voluntate? Et infra. Petrus tamen super quem edificata ab eodem Domino fuerat Ecclesia, vnus pro omnibus loquens, & Ecclesiæ voce respondens. &c. Et infra. Post ista adhuc insuper pseudopiscopo sibi ab hæreticis constituto, nauigare audent, & ad Petri cathedram, atque Ecclesiam principalem

lem, unde vnitas sacerdotalis exorta est, à schismaticis & profanis litteras ferre, nec cogitare eos esse Romanos, quorum fides (Apostolo prædicante) laudata est, ad quos perfidia habere non possit accessum.

Idem libro eodem epist. 6. ad Magnū . Ecclesia enim vna est, quæ vna & intus esse & foris non potest . Si enim apud Nouatianum est, apud Cornelium non fuit . Si vero apud Cornelium fuit, qui Fabiano Episcopo legitima ordinatione successit, & quem præter sacerdotij honorem martyrio quoque Dominus glorificauit, Nouatianus in Ecclesia non est, nec Episcopus computari potest, qui Euangelica & Apostolica traditione contempta, nemini succedens, à se ipso ordinatus est: habere namque aut tenere Ecclesiam nullo modo potest, qui ordinatus in Ecclesia non est . Foris enim non est Ecclesia, nec scindi aduersum se aut diuidi potest, sed inseparabilis atque indiuiduæ domus vnitatem tenet . &c. Et infra. Dominus insinuans nobis vnitatem, de diuina auctoritate venientem ponit & dicit: Ego & pater vnum sumus: ad quam vnitatem redigens Ecclesiam suam, denuo dicit: Et erit vnus grex, & vnus pastor . Si autem grex vnus est, quomodo potest gregi annumerari, qui in numero gregis non est? aut pastor haberi quomodo potest, qui (manente vero pastore, & in Ecclesia Dei ordinatione succedanea presidente) nemini succedens, & à se ipso incipiens, alienus sit & profanus, dominicæ pacis ac diuinæ vnitatis inimicus, non habitans in domo Dei, idest, in Ecclesia Dei, in qua non nisi concordēs atque vnanimes habitant, loquente in Psalmis Spiritu Sancto & dicente, Deus qui habitare facit vnanimes in domo? Denique vnanimitatem Christianam firma sibi atque inseparabili charitate connexam, etiam ipsa Dominica sacrificia declarant. Nam quando Dominus corpus suum panem vocat, de multorum granorum adunatione congestum, populum nostrum, quem portabat, indicat adunatum . Et quando sanguinem suum

Io. 10. F.

Psal. 67.

vinum

vinum appellat, de botris, atq; acinis plurimis expremsum; atque in vinum coactum, gregem item nostrum significat, commixtione adunata multitudinis copulatum. Et infra in eadem. Hinunc Ecclesiam scindentes, & contra pacem atque vnitatem Christi rebelles, cathedram sibi constitucere, & primatum assumere conantur. &c.

Idem libro eodem epist. 8. ad plebem. Deus vnus est, & Christus vnus, & vna Ecclesia, & cathedra vna super Petrum Domini voce fundata. Aliud altare constitui, aut sacerdotium nouum fieri, præter vnum altare, & vnum sacerdotium non potest. Quisquis alibi collegerit, spargit. Adulterum est, impium est, sacrilegum est, quodcunque humano furore instituitur, vt dispositio diuina violetur.

Idem libro eodem epistola 12. Quando & baptisma vnum sit, & Spiritus Sanctus vnus, & vna Ecclesia, à Christo Domino super Petrum origine vnitatis, & ratione fundata.

Idem lib. 2. epist. 10. ad Cornelium Papam. Hoc enim vel maxime frater & laboramus, & laborare debemus, vt vnitatem à Domino, & per Apostolos nobis successoribus traditam, quantum possumus, obtinere curemus: & quod in nobis est palabundas & errantes oues, quas quorundam peruicax factio, & hæretica tentatio à matre secernit in Ecclesiam colligamus, illis solis foris remanentibus, qui in obstinatione sua, vel furore perseuerarunt, & ad nos redire noluerunt, discretionis & separationis à se factæ, & Ecclesiæ derelictæ ipsi rationem Domino reddituri.

Idem lib. 3. epist. 13. ad Stephanum Papam. Cum Nouatianus sententiam retulerit se foris esse cõpisse, nec posse à quoquam nostrum sibi communicari, qui Episcopo Cornelio in catholica Ecclesia de Dei iudicio, & cleri, ac plebis suffragio ordinato, profanum altare erigere, & adulteram cathedram collocare, & sacrilega contra verum sacerdotem sacrificia offerre tentauerit. Et infra. Dirigan-

tur

tur in prouinciam & ad plebem Arelate consistentem à te litteræ, quibus abstento Marciano alius in locum eius substituat^{ur}.

Et lib. 4. epist. 2. ad Antonianum. Factus est autem Cornelius Episcopus de Dei, & Christi eius iudicio, de clerico-
rum penè omnium testimonio, de plebis, quæ tunc affuit sus-
fragio, & de sacerdotum antiquorum, & bonorum virorū
collegio, cum nemo ante se factus esset, cum Fabiani locus,
idest, cum locus Petri, & gradus cathedræ sacerdotalis va-
caret. &c. vt habetur 7. q. 1. c. factus apud Grarianum. Et
infra in eadem, de eodem Cornelio loquens, ita scribit. Se-
disse intrepidum Romæ in sacerdotali cathedra eo tempo-
re, quo Tyrannus infestus sacerdotibus Dei, fanda, atque
infanda comminaretur, cum multo patientius, & tolerabi-
lius audiret leuari aduersus se æmulum principem, quā con-
stitui Romæ Dei sacerdotem. hætenus Cyprianus. Quibus
verbis satis ostenditur, & primatus vni Petro, & item succes-
soribus datus. Cum vnius Ecclesiæ Christi vnum caput
semper fuisse ostendant, super alios Episcopos, ita vt ipse
abstinere, idest remouere, & substituere alios Episcopos pos-
set, & non reliqui omnes sine eo.

Idem in lib. de vnit^{ate} catholicæ Ecclesiæ. Dominus in
Euangelio, cum spei & fidei nostræ viam compendio bre-
uiante dirigeret: Dominus Deus tuus (inquit) Deus vnus
est. &, Diliges Dominum Deum tuum de toto corde tuo,
& de tota anima tua, & de tota virtute tua. Hoc est primū
mandatum; & secundum simile huic: Diliges proximum
tuum tanquam te. In his duobus præceptis tota lex pen-
det & prophetæ. Vnitatem simul & dilectionem magiste-
rio suo docuit, prophetas omnes, & legem præceptis duo-
bus inclusit. Quam vero vnitatem seruat, quam dilectio-
nem custodit, aut cogitat, qui discordiæ furore vesanus Ec-
clesiam scindit, fidem destruit, pacem turbat, charitatem
dissipat, sacramentum profanat? &c. Et infra. Deus vnus
est,

Mar. 12.
C.

est, & Christus vnus, Ecclesia eius vna, fides vna, & plebs in solidam corporis vnitatem concordie glutino copulata. Scindi vnitas non potest, nec corpus vnum dissidio compagine separari, nec diuullis laceratione visceribus in frustra discerpi. Quicquid à matrice discesserit, seorsum viuere & spirare non poterit, substantiam salutis amittit.

Idem in libro de exhortatione martyrum, ad Fortunatum cap. 11. Cum septem liberis planè copulatur & mater origo, & radix, quæ Ecclesias septem postmodum peperit, ipsa prima & vna super Petrum Domini voce fundata.

Idem ad Iubaianum de Hæreticis baptizandis. Quò venturus est qui sitit? vtrum ne ad hæreticos, vbi fons & fluuius aquæ vitalis, omnino non est? an ad Ecclesiam, quæ vna est, & super vnum qui clausus eius accepit Domini voce fundata est? Hæc est vna quæ tenet, & possidet omnem sponsi sui gratiam, in hac præsidemus, pro honore eius atque vnitare pugnamus, huius & gratiam pariter & gloriam fidei virtute defendimus.

Idem ad Pompeium contra epistolam Stephani. Traditum est nobis quod sit vnus Deus, & Christus vnus, & vna spes, & fides vna, & vna Ecclesia, & baptisma vnum, non nisi in vna Ecclesia constitutum, à qua vnitatem quis discesserit, cum hæreticis necesse est inueniatur, quos dum contra Ecclesiam vindicat, sacramentum diuinæ traditionis impugnatur. Cuius vnitatis sacramentum expressum videmus etiam in Cantico Canticorum, ex persona Christi dicentis: Hortus conclusus, soror mea, sponsa mea fons signatus, puteus aquæ viuæ, paradysus cum fructu pomorum. Si autem Ecclesia eius hortus conclusus est, & fons signatus, quomodo in eundem hortum introire, aut bibere de fonte eius potest, qui in Ecclesia non est? Item Petrus ipse quoque demonstrans & vindicans vnitatem mandauit, & monuit, nisi per vnum solum baptismum,

vnus

vnus Ecclesiæ saluari non posse. In arca (inquit) Noe pauci, idest, octo animæ saluæ factæ sunt per aquam, quod & nos similiter saluos faciet baptisma. Quam breui & spiritali compendio vnitatis sacramentum manifestauit: Nam vt in illo mundi baptismo, quo iniquitas antiqua purgata est, qui in arca Noe non fuit, non potuit per aquam saluus fieri, ita nec nunc potest per baptismum saluus videri, qui baptizatus in Ecclesia non est, quæ ad arcæ vnus sacramentum dominica vnitæ fundata est.

D. OPTATVS Afer Episcopus Mileuitanus libro 2 contra Parmenianum, & alios Donatistas Ergo, quia probamus eam esse Ecclesiam catholicam, quæ sit in toto terrarum orbe diffusa, eius iam commemoranda sunt ornamenta, & videndum vbi sint quinque dotes, quas tu sex esse dicis: inter quas cathedra est prima; vbi nisi sederit Episcopus, coniungi altera dos non poterit; qui est annulus. Videndum qui, & vbi, prior cathedra sederit, si ignoras discere, si nosti erubescere. Ignorantia tibi adscribi non potest. Restat ergo vt noueris, scientem errare peccatum est; nam ignorantibus nonnunquam solet ignosci. Igitur negare non potes, scire te in Vrbe Roma Petro primo Cathedram Episcopalem esse collatam, in qua sederit omnium Apostolorum caput Petrus, vnde & Cephas appellatus est: in qua vna Cathedra vnitæ ab omnibus seruetur, ne ceteri Apostoli singulas sibi quisque defenderent, vt iam chismaticus & præuicator esset, qui contra singularem Cathedram, alteram collocaret. Ergo Cathedra vnica quæ est prima de dotibus sedit prior Petrus, cui successit Linus, Lino successit Clemens, Clementi Anacletus, Anacleto Euaristus &c. Hanc igitur Ecclesiæ suæ vnitatem sapiens Dominus tanquam prudentissimus Dauid attendens; Eum elegit atque instituit, qui suadente sancta matre Bersabee sederet super solium suum, & regnaret pro se in Ecclesia sancta sua, quem non vngerent Sadoch sacerdos, & Na-

2. Pet. 2.

Ann. Chri
sti 380.

than propheta, sed ipse summus omnium Rex & sacerdos, Iesus, sanctissimis suis verbis consecraret. Quod vt accuratius perscrutemur B. Ioannis Chrysostomi verba huic argumento opportuna de duabus Christi Ecclesijs, terrena & cœlesti subijcere operæpretium duximus. Is homilia 14 in psalmum 14 ita scribit. Videamus autem etiam per anagogicam contemplationem, quid sit tabernaculum, & quid sit mons Dei, & quomodo oporteat primum habitare in Tabernaculo, & ita habitare in monte Dei; Tabernaculum Moysi & templum Salomonis ferebant imagines & figuras duarum Dei Ecclesiarum, eius quæ est in mundo, & eius quæ est in cœlis. Ecclesiæ quæ est in mundo, imago est Moysi Tabernaculum: Ecclesiæ autem quæ est in cœlis, templum, quod est in monte. Duæ Ecclesiæ numero, vna autem modo fidei. De ea quæ est in mundo dicebat Dominus, Super hanc petram ædificabo Ecclesiam meam. Et de cœlesti Apostolus, Accessistis ad montem Sion, & Ciuitatem Dei viuientis Hierusalem cœlestem, & ad multorum millium Angelorū frequentiam, qui conscripti sunt in cœlis, hætenus Chrysostomus. Igitur Iesu Christo ad patrem, & ad cœlestem Ecclesiam ex terrena reuersuro necesse omnino fuit aliquem Ecclesiæ ab se in terris constitutæ præsidem relinquere, qui eius Vicariam potestatem retineret, ad quem tanquam iudicem & pastorem omnes Christi ouiculæ in terrena Ecclesia commorantes confluerent. Quum enim (vt supra Ioannes Chrysostomus tradidit) duplex Ecclesia sit cœlestis & terrena, nulli dubium, terrenam, quæ alio nomine militans appellatur, & quæ adhuc in hoc sæculo peregrinatur, per fidem à Deo instar cœlestis effigiatam fuisse, de qua loquitur Ioannes in Apocalypsi capite 21. Vidi Ciuitatem sanctam Hierusalem nouam descendentem de cœlo, à Deo paratam sicut sponsam ornata viro suo. At nemo pius dubitat principatus ordinem esse in cœlo, vbi mansiones multæ sunt. Ibi enim est

Heb. 12.

est Deus ipse, tum nouem Angelorum chori, ad hæc Patriarchæ, Prophetæ, Apostoli, Martyres, Confessores, & alij beati suis ordinibus distincti. Eadem ratione in terrena Ecclesia sunt Clerici, Diaconi, Presbyteri, Episcopi, & supremus Pontifex. Hunc ordinem Ecclesiasticum explicat Paulus ad Ephesios cap. 4. Et ipse dedit quosdam quidem Apostolos, quosdam autem Prophetas, alios vero Euangelistas. De eodem Dionysius qui duobus libris terrenæ, cælestisque hierarchiæ similitudinem explicauit ita scribit, cap. 6. Ecclesiast. hierar. Nostra hierarchia à Deo traditis ordinibus sanctè disposita, sanctis & cælestibus hierarchijs conformis est. Nam ibi sunt Principatus, Virtutes, Dominationes, Throni, vt testatur etiam Apostolus. Quare longe conuenientissimum est, vt quemadmodum in cœlis est omnium caput pastorum, princeps & primum Ecclesiæ fundamentum Christus, ita in terris sit aliud ministeriale caput Ecclesiæ terrenæ pastor & consequens fundamentum. Qua prope modum ratione vsus est Diuus Gregorius Nazianzenus in apologetico sic. Malum est & inutile vel omnes fieri velle rectores, vt nullus qui regi debeat, iam super sit, vel rursum regendi officium neminem velle suscipere per quod scilicet claudicare continuo, & labefactari poterit omne corpus Ecclesiæ, vbi nam autem & à quibus celebrarentur sacrosancta mysteria, quæ sursum ferunt, quod quidem maximum eorum quæ apud nos sunt ac plurimi faciendum est, si non sit Rex, neque Princeps, neque sacerdotum, neque sacrificium nihil denique eorum quibus tanquam maximis pro ingentibus sceleribus suis, prior ille populus incredulus mulctatus est? Hinc D. Gregorius Magnus Epistola 52. lib. 4. ad vniuersos Episcopos Galliarum scribit. Ad hoc diuinæ dispositionis prouisio gradus diuersos & ordines constituit esse distinctos, vt dum reuerentiam minores potioribus exhiberent, & potiores mino-

tribus dilectionem impenderent, vera concordia fieret ex diuersitate contextio, & recte officiorum gereretur administratio singulorum. Neque enim vniuersitas alia poterat ratione subsistere, nisi huiusmodi magnus eam differentia ordo seruaret. Quia vero quæq; creatura in vna, eademq; qualitate gubernari vel viuere non potest, coelestium militiarum exemplar nos instruit. Quia dum sunt angeli, sunt archangeli, liquet quod non æquales sunt, sed in potestate, & ordine (sicut nostis) differunt vnus ab altero. Si ergo inter hos qui sine peccato sunt, istam constat esse distinctionem, quis hominum abnuat huic se dispositioni libenter submittere, cui nouit etiam angelos obedire? Hinc etenim pax, & charitas mutua se vice complectuntur, & manet firma concordia in alterna & Deo placita dilectione sinceritas. Vnumquodq; igitur tunc salubriter completur officium, cum fuerit vnus, ad quem possit recurri, præpositus; hæc Gregorius.

Et D. Bernardus de consideratione ad Eugenium Papam lib. 3. graphicè eadem describit sic. Nec vilem reputes formam hanc, quia in terra est, exemplar habet e cælo. Neq; enim filius potest facere quicquam nisi quæ viderit patrem facientem, præsertim cum ei sub Mosis nomine dictum sit. Vide omnia facias secundum exemplar, quod tibi in monte monstratum est, viderat hoc qui dicebat. Vidi Ciuitatem sanctam Hierusalem nouam, descendentem de cælo, à Deo paratam. Ego enim propter similitudinem dictum reor, quod sicut illic Seraphim & Cherubim, ac cæteri quique usq; ad Angelos, & Archangelos ordinantur sub vno capite Deo. Ita hic quoque sub vno summo Pontifice primates vel Patriarchæ, Archiepiscopi, Episcopi, Presbyteri vel Abbates, & reliqui in hunc modum. Non est paruipendendum quod & Deum habet auctorem, & de cælo ducit originem. Quod si dicat Episcopus, nolo esse sub Archiepiscopo, aut Abbas, nolo obedire Episcopo,

Joan. 5.

Exo. 55.

Apo. 21

po, hoc de cœlo non est, nisi tu forte Angelorum quempiam dicentem audisti, nolo sub Archangelis esse, aut ex alio quolibet inferiorum ordinum aliquem non ferentem subesse cuiquam nisi Deo &c. hætenus Bernardus. Neque vero vellem quempiam à me in hisce rebus demonstrandis argumenta, & demonstrationes mathematicas requirere; multa enim quę Dei voluntate contingēter constituta sunt, demonstrari humanis rationibus non possunt: probabiles tantum rationes aliquot afferemus, quę cuilibet pio homini facere satis debent, vt sensum suum obsequio Christi, & Ecclesię eius venerationi deuinciat. Ceterum superioribus exemplis confirmandis, & hoc animaduersione dignum est. Decet enim in Ecclesia catholica eundem ordinem Ecclesiasticum sub vno capite Romano Episcopo esse, qui fuit tempore veteris legis in Synagoga; cui omnia in figura contingebant. Et ideo tanto maior est vnitas in Ecclesia, quanto sacerdotium Euangelicū est excellentius legali, & quanto figuratum est excellentius figura; quamquam inter vtraque aliqua sit etiam similitudo. At regimen Synagogę fuit monarchicum, in quo vnus summus sacerdos, qui cunctis sacerdotibus præflet constitutus fuit: cuius tanta potestas erat, vt qui ei non obtemperasset, morte dignus censeretur; quemadmodum Deuteronomij cap. 17 scriptum est. Et facies quandocunque dixerint qui præsunt loco, quem elegerit Dominus, & docuerint te iuxta legem eius, sequerisq; sententiam eorum, nec declinabis ad dexteram, neque ad sinistram. Qui autem superbierit nolens obedire sacerdotis imperio, qui eo tempore ministrat Deo tuo ex decreto Iudicis, morietur homo ille, & auferetur malum de Israel. Ordinatus autem est Aaron summus sacerdos iussu Domini Leuitici capite 8. & à Mose consecratus. Hanc Ecclesię vnitatem Christus maxime desiderauit, rogans patrem vt vnum simus: & ideo Apostolus ad Corinthios ait. Idipsum dicatis omnes, & non sint in vobis schis-

nata. At vero cum variæ quæstiones in fide & ritibus Ecclesiasticis exoriantur, nisi esset is à quo cunctæ hæc dubitationes explicarentur, Ecclesia innumeris iamdiu distrata fuisset scissuris, erroribus, discordijs, & vnitas Ecclesię diuisa esset, ita vt in vnaquaque diocesi singularis exorta fuisset hæresis, quare recte dixit D. Thomas Aquinas lib. sentent. 4. d. 24. q. 3. ar. 2. ad 3. q. Oportet si ista vnitas debet conseruari, quod sit aliqua potestas regitiua respectu totius Ecclesię, supra potestatem Episcopalem, qua vnaquęque specialis Ecclesia regitur, & hæc est potestas Papæ, & ideo qui hanc potestatem negant, schismatici dicuntur, quasi diuisores Ecclesiasticę vnitatis. Atq; ita fides nostra quacunq; secta deterior esset, si emergentibus rebus dubijs vel discordijs non haberemus primum ad quem tuto possemus accedere, qui in rebus fidei certam & veritatem consentaneam sententiam proferret: quomodo etiam optimus legislator Christus suam Ecclesiam ita reliquisset truncam & capite mutilam; cui tamen sese nihil omisisse ipse per prophetam Esaiam docet, cum ait. Quid ultra debui facere vineę meę, & non feci? Quare ad schismata vitanda ad errores excindendos oportet vt sit in Ecclesia supremus quispiam rector, & doctor, apud quem etiam summa auctoritas sit in rebus dubijs fidei definiendis, & quamuis Iesus sit verus sponsus Ecclesię, & omnium fidelium caput, atq; in coelis existens Ecclesiam suam regere possit, tamen voluit eam viuentis, presentisq; hominis nutu & auctoritate gubernari, qui eius ministeriale caput esset, quod nobiscum versaretur, ad quod possemus accedere, & nostras ei morum fidei & religionis causas, lites & dubitationes exponere, & quid in eis agendum, tenendum, credendumq; sit certo & sine ambiguitate cognoscere. Hanc rem optime explicauit D. Gregorius in epistola supra citata, ad omnes Episcopos Galię. Quia vnum quodq; salubriter tunc complectur officium, quam fuerit vnus ad quem possit recurri

prepositus. Iccirco opportunum esse perspeximus in Ecclesijs quæ sub regno præcellentissimi filij nostri Childeberti Regis sunt secundum antiquam consuetudinem fratri nostro Virgilio Arelatenfis Ciuitatis Episcopo vices nostras tribuere, quatenus & catholicę fidei integritas, idest sanctarum quattuor synodorum Deo protegente sollicita deuotione seruetur, & si inter fratres, confacerdotesq; nostros aliqua euenerit forte contentio, auctoritatis suę vigore vicibus nempe sedis Apostolicę functus discreta moderatione compescat. S. igitur Gregorius pro meliori regimine, & vt salua maneret fidei integritas, voluit per Gallias vnum præesse exemplo D. N. Iesu Christi, qui tanquam prudentissimus legislator in perfectissima lege euangelica prepositum cunctis aliquem constituit, qui nihil necessarium in synagoga neglexit, sicut iam supra ex Esaia ostendimus. Hac ratione videtur vsus fuisse Leo IX. Papa aduersus illicitas actiones Michaelis Constantinopolitani Episcopi cap. 37. cum scripsit. Ipsa corporis compositio & membrorum nos doceat, qualiter & quanti habenda sit Ecclesię vnitas. Ipsa etenim corpus est Christi. Et Apostolus dicit 1. Corinthiorum cap. 12. Vos estis corpus Christi, & membra de membro, & sicut in vno corpore multa membra habentur, omnia autem non eundem actum habent, ita multi vnum corpus sumus in Christo singuli autem alter alterius membra, & infra. Si totum corpus oculus, vbi auditus, & reliqui sensus? nunc autem disposuit Deus sicut voluit membra singula officio suo apta. Membrum vero officio suo non contentum, sed cupiens præcipere alienum, conturbat corporis ordinem totum, velut si visus voces, auditus colores, gustus odores, olfactus asperas res, aut lenes, tactus tentaret discernere sapes, nonne frustra omnes paterentur? Sic singulorum ornamenta, seu indumenta non sunt omnibus membris accommoda, nec congrua, sed vnumquodque requirit sua, & abijcit aliena. Eandem rem exponit

ponit D. Bernardus lib. 3. de consideratione ad Eugenium ; Erras, si vt summam ita & solam institutam à Deo vestram apostolicam auctoritatem existimas ; si hæc sentis, dissentis ab eo qui ait . Non est potestas nisi à Deo, proinde quod sequitur , qui potestati resistit ordinationi Dei resistit . & si principaliter pro se facit, non tamen singulariter : denique idem ait . Omnis anima potestatibus sublimioribus subdita sit : non ait , sublimiori tanquam in vno, sed sublimioribus tanquam in multis . Non ergo tua sola potestas à Domino, sunt & mediocres, sunt & inferiores, & quomodo quos Deus coniunxit, non sunt separandi, sic nec quos subiunxit comparandi . Monstrum facis si manu submouens digitum facis pendere de capite, superiorem manui brachio collateralem . Tale est si in Christi corpore membra aliter locas, quam disposuit ipse, nisi tu putas alium esse, qui posuit in Ecclesia quosdam quidem Apostolos, quosdam autem Prophetas, alios vero Euangelistas, alios Doctores & Pastores ad consumationem sanctorum in opus ministerij in ædificationem corporis Christi . Atq; hoc corpus quod vbi ipse Paulus suo vero apostolico figurans eloquio & capiti conuenientissime aptans, totum ex eo compactum perhibet, & connexum per omnem iuncturam subministrationis, secundum operationem in mensuram vniuscuiusque membri augmentum corporis faciens, in ædificationem sui in charitate . At cuncta hæc B. Hieronymi contra Iovinianum verbis concludamus, quibus affirmat Petrum constitutum esse Principem Apostolorum . Cuius rei causam addit, vt capite constituto schismatis tolleretur occasio ; quare solidè nostra persistit sententia, Primatum à Christo in Ecclesia constitutum fuisse . Quem cum condecreuisset admirabili planè mysterio inchoauit, & vt infra demonstrabo, perfecit . Tarda enim, & in plures partes opere distributo, longa cunctatione, & in creando successore vsus, vi magnitudinem, & excellentiam demonstra-
uit,

uit, docuitq; egregius omnium magister in grauissimis rebus temerè non esse à nobis festinandum, & magnis cētibus eos homines praficiendos, qui amore in Deum, prudentia in rebus agendis, & vitæ innocentia excellerent.

Primatum in persona Beati Petri Apostoli in Ecclesia à Christo institutum fuisse aliquot Euangeliorum testimonijs explicatis ostenditur. Cap. I I.

DOMINVS NOSTER IESVS CHRISTVS vt B. Petrum, quem à mundi initio Vicarium suum destinauerat, primum in terris vidit ad se à fratre Andrea adductum illico ei vni dixit. Tu es Simon filius Iona, tu vocaberis Cephas, quod interpretatur Petrus. Res plane maxima animaduersione digna. Nam quod ei vni, cæteris Apostolis non solum absentibus, sed nec dum vocatis, promisit Petri scilicet appellationem, ei soli apud Cæsaream Philippi eandem contulit: cum enim Christus in medio Apostolorum, quorum è numero Vicarium suum electurus erat, existens, interrogatione quadam generali & omnibus communi quæsiuisset, ijs verbis eos appellans. Quem me dicunt homines esse filium hominis? Cumq; aliorum hominum de se sententias illis referentibus audiuiisset, subiunxit. Vos autem quem me esse dicitis? Ad quam interrogationem cum solus Petrus respondisset, dicens. Tu es Christus filius Dei viui, confestim Christus audita hac eius prima, & illustri de diuinitate sua confessione, quam non caro & sanguis, sed pater eius cœlestis ei reuelauerat tanquam eum inuenisset, cui primum in regenda Ecclesia sua locum daret, quasi manu apprehensa eum ducens, vt in cathedra collocaret. Et ego (subiecit) dico tibi, tibi inquam vni, quia quod te dixeram vocandum Cepham, tu nunc es, sci-

Ioan. 1. P.

*Matt. 16.
B.*

D licet

licet Petrus, & super hanc petram ædificabo Ecclesiam meam, & portæ inferi non præualebunt aduersus eam, & tibi dabo clauēs regni cœlorum, & quodcunque ligaueris super terram, erit ligatum & in cœlis, &c. quemadmodum vni Petro non solum Cephæ nomen indidit, sed & clauēs regni cœlorum se daturum pollicitus est, ita soli Petro quū à mortuis surrexisset clauēs regni cœlorum contradidit; Vbi cum omnes essent Apostoli, ad eum tamen solum conuersus, ait. *Ioan. 21.* Simon Ioannis diligis me plus his? pascē agnos meos. Ita vt Christi consilium & propositum, satis pateat, vt Petrum Vicarium suum in terris constitueret. Ad quod ostendendum alia quædam cognitu digna persequamur. Hoc enim in primis demonstrauit, quum nomini, quod is acceperat à patre, alterum à suo deductum adiunxit, Petrumq; à petra eum denominauit; petra autem (vt ait Apostolus) erat Christus. Vnde liquido constat Christum, dum Simoni filio Ionæ nomen suum impartiret, personam Simonis ita commutasse, vt ex priuata publicam, ac suam ipsius representantem redderet. Quod etiam verba quæ sequuntur multo clarius patefaciunt, cum ait; Et super hanc petram ædificabo Ecclesiam meam. His enim verbis Petro eum locum, eamq; conditionem tribuit Christus, quæ ipsius propria erat, vt ea vocaretur petra, quæ pondus edificiij Ecclesiæ suæ sustineret; sic enim ostendit eum populi sui principem fore, sed euidentius multo hoc idem facit in verbis subsequētib; cum enim dixisset; Et portæ inferi non præualebunt aduersus eam, statim adiunxit. Et tibi dabo clauēs regni cœlorum, & quodcunque ligaueris super terram, erit ligatum & in cœlis, & quodcunque solueris super terram, erit solutum & in cœlis. His enim videtur eam auctoritatem, potestatem, ac iurisdictionem quæ Christo soli, vt vero Ecclesiæ capiti conuenit, ab ipso fuisse ore proprio singulariter Petro concessam. Hunc Matthæi locum Lucas maxime explicat, cum enim in nouissima cœ-

na facta esset contentio inter Apostolos, quis eorum maior esse videretur, ille postquam eos super inani hac altercatione obiurgasset, monuissetq; humilitatem sectandam esse imminente passionis tempore, quo ipse è mundo transiturus erat ad patrem, ad Petrum statim conuersus ipsum cæteris maiorem & omnium caput affirmat futurum. Ad eum enim quem non Petri, sed Simonis nomine appellauit, sic dixit. *Simôn Simon; ecce Satanas expetiuit vos, vt cribraret tanquam triticum; ego autem rogavi pro te, vt non deficiat fides tua; & tu aliquando conuersus confirma fratres tuos.* In quibus verbis hoc primum considerandum, quod Christus de periculo impendente vniuerso gregi loquens, nō ad multitudinē, sed tantum ad vnum Petrum verba facit, illum vnum admonens de eo quod omnibus euenturum erat, quid ita? nisi quia hoc fieri semper solet (vbi multitudo aliqua ab vno regitur) vt quicquid ad rem multitudinis pertinet, si periculum imminet, ad illum qui præest, primum referatur, vt per vnum multorum saluti prouideri possit. Hoc sanè animo Christus de communi Ecclesiæ periculo Petrum vnum admonuisse declarant eius verba, quæ statim sequuntur. Cum iam de remedio loquens ad eundem Simōnem verba dirigit. Ego autem pro te rogavi, vt non deficiat fides tua; & tu aliquando conuersus confirma fratres tuos. An hæc verba interprete indigent, vt intelligantur? Cum ita sint aperta, vt etiam quæ supra ex Matthæo citauimus, exponantur? Quod enim ille scribit Simōn Bar Iona fidem suam de Christo filio Dei viuī proficienti ipsum Christum dixisse; Tu es Petrus, idem Christus eundem Simōnem alloquens alijs verbis exprimit, cum dicit. Ego autem rogavi pro te, ne deficiat fides tua; cum enim fides eius corroborata fuit oratione Christi ne deficeret, tum is ex Simone tanquam ex lapide fragili factus est firma petra. Quod autem ibi dictum est ei à Christo. Et super hanc petram edificabo Ecclesiam meam, idem sic

alijs verbis dicitur; Et tu aliquando conuersus confirma fratres tuos, quorum fides infirma vel vacillans firma Petri fide confirmatur, & super eum iam petram factum edificari dicuntur. Cum denique contra periculum, quod imminet à portis inferi, vt exprimit Matthæus, & Lucas, contra Satanam expetentem cribrare Ecclesiam, vt triticum, idest contra omnes diaboli insidias expetentis Ecclesiæ ruinam vnum à Christo remedium proponatur, quod consistit in vnius Petri fide, ipsius Christi oratione corroborata ne vllis tentationibus victa succumbat, & deficiat, vt in eadem posset fratres suos confirmare. Hoc aperte declarat eum positum esse tanquam petram in fundamento Ecclesiæ, & super eam Ecclesiam edificari. Quod autem is sit verus sensus illorum verborum, & hic ordo in Ecclesia Christi pro ea conseruanda institutus fuerit, vt cum ipse, qui est verus & summus Pontifex & Pastor omnium suis precibus Vicarium suum in fide confirmarit, per eum confirmetur reliqui Episcopi & Pastores, qui proprie appellantur fratres eius, vt per eos postea vniuersa fidelium multitudo edificetur, & in fide confirmetur plenius intelligitur si consuetudinem Ecclesiæ optimam verborum Christi interpretem consuluerimus; hoc autem semper reperietur Satana nunquam non expetente Ecclesiæ pacem turbare; quod statim ostendere cœpit postquam Christus corporalem suam præsentiam à grege subtraxerat, vt quæque pars eius laborare cœpit per Petri fidem fratres confirmantem à vexatione liberatum fuisse; huius rei exemplum in Concilio Hierosolymitano primum est demonstratum, in quo cum Petro præsentente magna conquisitio de fide fieret, Satana iam Ecclesiam cribrante, & in diuersas sectas trahente, tum tandem illa seditio est sedata, & pax Ecclesiæ restituta, cum Petrus in medio fratrum suam fidem professus, reliquos pastores in eadem confirmauit, per quos posteaquam vacillare cœperat, pars gregis in fide confirmata fuit, hoc deinceps factum

Quum est per Petri successores fidem eius sequentes. In reliquis omnibus, quæ secuta sunt concilijs; in quibus multo illustrius quam Petro viuente compertum fuit, & quales essent Satanae conatus expetentis cribrare Ecclesiam, & quanta ad eos reprimendos extiterit vis huius singularis remedij, quod Christus verbis illis significauit, quum ad Petrum sermonem dirigens, dixit. Et tu aliquando conuersus confirma fratres tuos, vt enim omnia remedia quaerantur, quæ vnquam Ecclesia est experta contra Satanae malitiam nunquam cessantis omni tentationis genere eam vexare, nullum cum hoc comparari poterit, quod in Concilijs generalibus adhiberi est solitum, cum singularum Ecclesiarum pastores tanquam Petri fratres per eius successores fidem ipsius sequentes confirmarentur, ad quod in omni grauiore periculo tanquam ad singulare & vnicum omnium malorum remediũ vniuersa Ecclesia semper confugere consuevit, neque vllum vnquam præsentius inuenit, aut inuentura est, quia in eo summa omnium remediorum continetur. Hæc autem verissima esse veteres hætenus historias Ecclesiasticas perscrutanti manifestũ erit, quibus liquido patet sensum Christi in constituendo suo Vicario verbis supra citatis significatum, & rerum euentu comprobatum fuisse. Ad Matthei, & Lucæ testimonia, Ioannes capite 24 rem planius demonstraturus accedit; quo in loco promissas ei ante mortem clauēs verbis illis ter repetitis; Pasce agnos meos, pasce oues meas, concessit, pastoremq; & Ecclesiæ suæ principem illum constituit. Quæ Apostoli Ioannis verba magnis mysterijs referta, & rei summam attingentia accuratius considerare, & interpretari libet. Quum ergo (inquit Ioannes) prandisset Iesus, dicit Simoni Petro; Simon Ioannis diligis me plus his? Cunctis, quæ ad æternam, diuinamq; Iesu generationem attinerent admirandis operibus, quæ in humana natura ab eo gesta sunt salutaribus doctrinæ eius præceptis, quibus nos instruere voluit

voluit à magno Euangelista accuratissime descriptis, quum ad extremum mortis mysteria, & manifesta resurrectionis argumenta perdiligenter explicuisset, nil reliquum erat ad Euangelicæ narrationis explicationem, quam vt Ecclesiæ suæ sanctæ institutionem, necessariamq; cuilibet reipublice gubernationem, quemadmodum ab ipso Christo corporalem suam præsentiam à grege subtracturo ordinata fuerat, differeret. Ipsum itaque Ecclesiæ initium, quod nimirum ex Iudæo & Gentili populo constitit, magno illo suo prandio, quod paulo ante retulit Euangelista, designauit. In eo namq; prius piscis ille prunis superpositus, Iudæus videlicet populus, qui & singulari numero exprimitur, ante discipulorum Christi aduentum describitur; deinde vero pisces illi quos Apostoli cœperunt, gentium scilicet populi Græcus, Romanus, Barbarus qui recte multitudinis numero designantur ex cunctis mundi regionibus capti, vnam Iesu Ecclesiam construunt. Quapropter & vnus ille prunis superpositus; & plures alij, quos cœperunt Apostoli, vnus tantummodo piscis ab Euangelista nuncupatur, ita enim ait. Et venit Iesus & accipit panem & dat eis, & piscem similiter. Hęc est itaque Ecclesia nostra, beatum illud conuiuium, in quo panis apponitur Dominus ipse noster Iesus Christus, atq; vnus ac multi pisces Iudaicus & Gentium populi in vnum non Iudaicum aut Gentilem, sed Christianum populum conlati, & vnus piscis atque vnum corpus effecti. Quoniam vero nulla domus, nulla Ciuitas; nulla omnino respublica sine legitimo principe ac gubernatore consistit; sicut nec vllum aliquod corpus sine capite, Dominus eum eligere constituit, qui post ipsius corporalem absentiam Ecclesiæ suæ præsideret. Hoc igitur est, quod Beatus Euangelista ait. Quum ergo prandissent cum iam videlicet ab ipso ex pane & piscibus constructa esset Ecclesia, & iam tempus adesset, quo exigi videbatur, vt Christus animum suum aperiret (statuerat enim antea munus illud

illud, quod ipse in terris gerebat alicui homini ascendens in cœlum committere) Petrum eo nomine appellauit, quod à patre carnali impositum habebat, eiq; dixit. Simon Ioannis diligis me plus his? Non interrogat Iesus Petrum, ut sciat an se amet, qui nescit secreta hominum, atque ipsas etiam cogitationes, sed ut exemplo suo doceret in constituendis Ecclesiarum pastoribus quid potissimum obseruandum esset, & quærendum. Simon (inquit) Ioannis diligis me plus his? Non quærit Iesus in Petro, neq; in rectoribus Ecclesiæ suæ nobilitatem generis, patriæ splendorem, fumosas maiorum imagines. Nihil horum curæ est Iesu, quæ ad rem Ecclesiæ non pertinent. Atquid? Simon Ioannis diligis me? Felix Ecclesia si in eligendis eius pastoribus sanctissima hæc obseruaretur forma, quam obseruauit Christus in Petro; ut ille ordinaretur in Ecclesia qui diligeret, non qui degluberet Ecclesiam. Nihil magis requirit Iesus in pastore quam amorem. Oues Christi docere potest & malus pastor, & qui eas odit, & rapit: pascere non potest nisi qui diligit; doctos multos & nobiles facile est reperire pastores, amatores Ecclesiæ paucos. Hos potissimum elegit ad Ecclesias suas Iesus, qui potissimum diligunt. Diligit Ioannem, elegit Petrum, diligit sibi cariorem, elegit Ecclesiæ uiliorem. Diligit innocentem, elegit lapsum, ut qui ipse poenituerit, facilius poenitenti indulgeat, ac benignius nouerit misereri, qui secum misericorditer actum meminerit. Dicit ei etiam; Domine tu scis, quia amo te. Amorem profitetur Petrus, & cum testem citat amoris sui, quæ sciebat auctorem, etiam Domine, ex conscientia sua dicit. Tu scis, quia amo te ex scientia Iesu; scientiæ Iesu magis credidit quam conscientię suæ, ac si diceret. Ego quidem existimo me vehementer te ipsum amare; nam in amorem tuum propensum esse me sentio, tu tamen plenius nosti num vere te amem, idcirco non aliud mihi promitto, non aliud tibi quicquam respondeo, quam quod ex tuo pendet

pendet iudicio. Tu scis Domine, quia amo te. Quòd ego te amem, amoris mei mihi conscius profiteri non dubito; quòd vero te plus ceteris amem, affirmare non audeo. Dicit ei; Pasce agnos meos. Nullum gratius, iucundius, acceptiusue Deo obsequium est, quàm animarum cura. Pasce, inquit, amanti Petro Iesus agnos meos. Nihil à te pro me requiro Petre. Pro Ecclesia tantum mea laboro, pro agnis & ouibus meis sollicitus sum. Gratis tibi trado agnos meos, gratis eos pasce. Pasce agnos meos, quod ego plus omnibus diligo, cui potius commendem, quam tibi qui me plus omnibus diligis? Commendaui matrem meam discipulo, quem plus quàm ceteros diligo. Commendo tibi Ecclesiam meam, à quo plus quam à ceteris diligor. Magnum est quod commendaui Ioanni, maius omnibus est quod commendo tibi. Maior enim Ecclesia vniuersa quam mater mea, cum ipsa quoque maior sit pars Ecclesiæ meæ. Vide igitur cui obnoxius eris pœng, si malè habueris Ecclesiam meam, cum in ea malè tractanda multo grauius peccaturus sis, quàm si malè habeas matrem ipsam meam. Vide quantum tibi trado. Trado tibi amanti & matrem meam, & fratres meos, qui trado agnos meos & oues meas. Trado tibi terrarum iura, coelorum sceptrà. Pasce agnos meos. Mei sunt agni, non tui, meæ sunt oues, non tuæ, mea est Ecclesia non tua. Hanc tibi committo custodiendam, eius hodie pastorem te constituo; caritatem à te exigo; Pasce agnos meos: Pasce verbo, pasce exemplo, pasce moribus, pasce doctrina, quos si non paueris, occidisti. Quippe alimenta negare, est necare. Nihil tibi sit antiquius quam incolumitas gregis mei, quem tibi do pascendum, non deuorandum. Hunc omni cura pasce; Pasce agnos, pasce oues, pasce infirmos, pasce fortes, pasce omnes. Dicit ei iterum, Simon Ioannis diligis me? Iterum interrogat quod sciebat, & quod potissimum ab illo volebat. Ait illi; Etiam Domine tu scis quia amo te. Idem

inter-

interroganti idē respondet, dicit ei; Pafce agnos meos. Dicit ei tertio; Simon Ioannis amas me? Ter interrogat, repetit, inculcat an se diligit, vt ei declararet quāta sollicitudine, desiderioq; expeteret, quod toties interrogaret, simulque omnes admoneret; ardentissimum sui amorem in pastore requiri; maxime enim queritur, quod maxime desideratur. Ter exigit amorem à Petro Iesus, nec quemlibet amorem, sed ardentiorē, quā aliorum Apostolorum sit, priusquam gregis sui curam illi committat; cui namq; plus committitur, plus & ab eo exigitur: Christum verò interrogasse Petrum de amore, quo ille erga se tanquam erga Dominum gregis affectus erat, & valde diligenter eum interrogasse ex iisdem verbis liquet. Tertiò enim eandem interrogationem repetit, quorsum autem hoc? nisi quia rei omnium carissime quam coelum petens in terris relicturus esset, idest gregis sui curam amanti relinquere voluit. Hoc enim verba Christi quæ sequuntur apertè declarant, cum ter Petro amorem suum erga illum profitenti, ter ipse pascendi munus ei commendauit; bis quidem agnos, tertio autem oues, cum pastorem vniuersi gregis suo loco relinquens. Quod vt melius percipiatur, animaduertenda sunt cum forma interrogationis, tum tempus, & locus; forma quidem hæc fuit, quod de amore interrogans, non de illo amore, quem Petrus cum reliquis discipulis communem habebat, & sine quo nemo ne minime quidem partis gregis idoneus pastor esse potest eum interrogauit, sed quū tunc adessent filij Zebedei, & Thomas, qui ipsi etiam partis gregis pastores futuri essent; de amore singulari, quo præ ceteris eum amaret, Petrum interrogauit: vt in quo singularem amorem supra reliquos pastores inuenisset, singularem ei locum inter eos daret, vt quidem illorum in partem, eius autem in vniuersum, erga gregem cura eminceret. Eo vero tempore hoc Christus ab eo quæsiuit, quo iam Petrus eius corporalem præsentiam se præ ceteris amare singulari

E quodam,

Io. 21. B.

quodam, & præcipuo signo ostendit: cum enim illi vnâ cum alijs discipulis in mari piscationi operam dâti Christus post resurrectionem suam se conspiciendum præbuisset, eosque etiam è littore appellasset, rogans nunquid pulmenti haberent, Petrus, vt primum à dilecto discipulo admonitus, Dominum esse cognouit, non expectans dum nauis, qua veſti erant, ad littus appelleret, statim se in mare misit, vt citius alijs ad eum ipse perueniret, qui amore eius corporalis præſentiæ omnes iam præuenerat; quemadmodum non hoc solo signo, sed multis alijs, antequam Christus moreretur, ostenderat. in quo ergo Christus maius desiderium, & maiorem amorem corporalis suæ præſentiæ cum grege inuenerat, eidem illud munus in terris commisit, ipse paulopost humanis oculis suam præſentiam subtracturus; in quo munere eius personam tanquam in terris semper præſentis in cura dilecti gregis representaret. Vt autem testimonio à me supra ex Luca citato, quum Christus de fide Petri loqueretur, quæ est fundamentum pastoralis officij, ostendit, se non solum eam fidem in eo requirere, quæ non deficeret, sed quæ tanta eſſet vt fratres in fide infirmos, vel vacillantes confirmare posset; sic nunc de amore verba faciens, qui est tanquam principium omnis rectæ administrationis pastoralis officij, cum ab eo singularem supra reliquos pastores amorem requirat, vtrunq; ostendit in animo constitutum apud se habuisse pascendi officium Petro, non commune cum alijs, sed singulare, & eximium supra alios committere; cuius rei, vel hoc etiam maximum argumentum est, quod cum sermo haberetur (vt dixi) præſentibus illis, qui in parte gregis pascendi suam operam nauaturi eſſent, nunquam ad illos, semper vero verba ad vnum Petrum direxit; quod sanè non fecisset si nihil præter pascendi munus cum alijs commune illi committere in animum induxisset; præsertim à Petro interrogatus, vt saltem de Ioanne quid statuisset, declararet, sed hæc infra disseram: sequitur Euangelista.

gelista . Contristatus est Petrus quod dixit ei tertio, amas me ? Non frustra, aut sine maxima omnino causa contristatus est Petrus, quia dixit ei tertia vice Iesus, amas me ? Timuit nimirum ne forte non amaret Iesum, quantum Iesus ab illo se vellet amari . Timuit ne simile quid audiret ab illo, quod audierat cum ei dixisset . Quare non possum te sequi modo ? Animam meam pro te ponam . Responditq; ei Iesus . Animam tuam pro me pones ? Amen amen dico tibi, non cantabit Gallus donec ter me neges . Iam didicerat nihil sibi confidere, & plus scientiæ Iesu quàm conscientia suæ credere . Certè non mentiebatur animo suo Petrus, cum ad Iesum diceret . Animam meam pro te ponam, qui se facturum esse sibi persuadebat, quod dicebat, & vere paratus erat in carcerem, & in mortem cum illo ire . Nec tamen fecit, quod se facturum dixerat, sed quod dixit ei Iesus, hoc fecit . Nunc quoq; conscius quidem sibi erat ardentissimi in Iesum amoris sui, quem iam semel, & iterum professus erat, audiens tamen Iesum tertia vice interrogantem, an se amaret, contristatus est : non idcirco quod Iesus amorem suum non crederet, quem sciebat falli non posse, sed quod non tantum amorem in se ipso Christus esse intelligeret, quantum habere se crederet . Quare sibi timens contristatus est, nec audaci (ut antea) animo, sed tam humili voce quàm mente respondit . Domine tu omnia nosti . Tu scis quia amo te . Qui bis interrogatus hoc tantum dixerat, quod verum se dicere putabat . Tu scis quia amo te . Nunc sapienter præmittit, Domine . Tu omnia nosti . Ego falli possum, qui amare me dico . Tu qui omnia nosti, scis, num verum sit, quod dico . Certè tu scis, te à me amari; ego vero nescio an tantum à me ameris, quantum amari à me velis . Dicit ei Iesus . Pasce oves meas . Interrogatio mea Petre, non amoris in me tui dubitatio, sed manifestatio est; ut nouerint omnes me tibi pascendas oves meas non fuisse daturum, nisi me à te mirifice amari certo scirem .

Io. 13. B.

Noui namque neminem eas bene pascere posse, qui me non vehementer amet. Rapere quidem potest eas mercenarius, fur, & latro; pascere vero non potest, nisi qui animam suam pro eis ponere paratus sit. Propterea qui dixi tibi pascere agnos meos; dico pariter pascere oues meas. Iidem enim sunt agni mei, quæ & oues meæ. Sicut ego quoque & agnus sum. & ovis. Agnus qui vere Pascha immolatus peccatum mundi tuli; ovis, quæ ad occisionem ducta, non aperuit os suum. Amen amen dico tibi, cum esses iunior cingebas te, & ambulabas quo volebas; cum autem senueris extends manus tuas, & alius te cinget, & ducet quo tu non vis. Quod facere non potuisti, quum de te ipso confidebas, ut animam tuam pro me poneress, hoc mea munus gratia aliquando facturus es, & animam tuam pro me pones; ne viribus, ac meritis, tuis tribuas, quod benevolentia meæ debetur, & gratia. Cum esses iunior, nec tibi cura pastoralis incumberet, cingebas te, & ambulabas quo volebas, non enim tibi imminebat euangelizandi necessitas, sed multa tibi agere licebat, quæ nunc agere pastorem non licet. Ne leuè esse putes pastoris officium, cum senueris, & pastoris munia exercebis, alius te cinget, & ducet quo tu non vis, non quo non velit spiritus promptus, sed quo non velit infirma caro. Cum senueris cinget te Nero, cinget te Romani Lictores, & ducent quo tu non vis; qui te extensis manibus tuis cruci affigent, quam utique nolit, & abhorreat hominis natura. Idèo te interrogavi, num me diligeres; ut ostenderes quanta oporteat eum, qui me diligit, & oues meas pascit, pro me pati, & animam suam dare pro ouibus suis. Quod cum à Iesu obscurius dictum fuisset, Euangelista manifestare voluit; qui verba Iesu declarans ait. Hoc autem dixit, significans qua morte clarificaturus esset Deum. Consuevit nimirum Ioannes, quæ nonnunquam quasi ænigmaticè à Iesu dicebantur, dilucidè interpretari; ne pretiosus nos lateret verborum Iesu thesaurus.

rus. Quis enim vnquam intelligeret de Spiritu Sancto dici, quod scriptum est. Qui credit in me flumina de ventre eius fluent aquę viuę, nisi ipse addidisset: Hoc autem dicebat de spiritu, quem accepturi erant credentes in eum. Quippe quis vnquam audiuit de ventre viuientis hominis aquarum flumina emanare? Necnon & quum dixit. Soluite templum hoc, & in tribus diebus excitabo illud. Quis intelligeret in ipso Iudeorum templo concionantem, de corpore suo loqui? Nunc quoque cingendum Petrum, & extensis manibus ducendum quo nolit audiens, quis existimet de morte illius & de crucis morte sermonem haberi? Hoc tamen sic interpretatur Euangelista. Hoc autem dixit (inquiēs) significans, qua morte clarificaturus esset Deū. Quibus verbis non solum mortem, sed & mortis genus, crucem scilicet, significatum ostendit, quam manuum extensione demonstrat; quod sequentia Iesu verba manifestant. Nam cum hoc dixisset dicit ei nimirum Petro: Sequere me. Quod certē non de incessu corporis, sed de imitatione, & similitudine mortis dixit, per supplicium crucis. Sequere (inquit) me. Hodie vnxi te Regem super Israel. Hodie constitui te principem populi mei. Hodie te maiorem cunctis regibus terrę, & magnis Cęsaribus feci. Hodie terrarum imperium, atque ipsorum sceptrā cęlorum tradidi tibi. Nunc laudatam, quam agas tibi vitam, pręscribo; nunc honestos te mores omnes edoceo; nunc cunctarū virtutum culmen, quod amplexari te volo, vnico verbo impero: Sequere me. Trium igitur Euangelistarum testimonijs, & quidem apertissimis, primatum Petri in Ecclesia institutum fuisse à Christo vidimus; in quo constituendo, maxime animaduertendus ipse Christi ordo videtur; qui primum Simonis nomen in Cephe mutandum pollicetur; deinde cum Simōe, eum Christi Dei viuientis filium esse, dixit, Petri quidem nomen ei indidit, super eum Ecclesiam suam se edificaturum exponit; pro eius se fide rogasse dicit,

& eum, vt fratres suos confirmaret, hortatus est: & longe maiora promittens, clauēs regni cœlorum, cum summa ligandi, & soluendi potestate se ei daturum pollicetur. Ea omnia à mortuis excitatus, trina illa repetitione, Pasce agnos, & oues meas, Petro tribuit, quum multa de eius ardenti amore, fide, & integritate documenta accepisset; atque ita amplissimum hoc munus, siue summam potestatem, perfectè, cumulatèque in Ecclesia sua constituit. Petro vero soli, non omnibus Apostolis dictum fuisse, Pasce oues meas, ex priori interrogatione manifeste patet, Diligis me plus his? quæ ad omnes referri non potest, sicut & illa verba, Tu es Petrus, quemadmodum supra exposui. Pascere vero idem est quod regere; reges enim pastores in sacris litteris appellantur. Pascere autem, vel regere tribus potissimum in rebus constare, sancti patres docent, quæ sunt hæc; Euangelij prædicatio, sacramentorum exhibitio, improborum hominum excommunicatio: Alij alia tria, pascendi genera constituunt; exemplo, verbo, & opere. Prælati enim, & vitæ integritate, & sana doctrina gregis sui animas, eleemosynis verò corpora pascere debet: Summi igitur in Ecclesia Dei Sacerdotis eiusmodi munus est. Is enim ante omnia curare debet, vt oues sibi creditæ, piè, integrè, & sine querela vitam traducant, vt Dei verbum sincerè prædicetur, vt peruersa hæreticorum dogmata dissipentur, vt controuersiæ de fide exortæ, congregato Christianorum sacerdotum concilio discutiantur, & sedentur; vt sacramenta rite ab inferiorum ordinum ministris tractentur, gregibusq; Episcopi & pastores ij præficiantur, qui exemplo, verbo, & misericordia populos suæ fidei creditos regere, & pascere sciant. Improbos postremo homines Ecclesiæ monita contemnentes, excommunicare, & (vt docet Apostolus) corpus eorum Satanæ tradere, vt spiritus saluus fiat: eosdem vero resipiscentes, salutari adhibita penitentia, Ecclesiæ vnitati restituere, & Ecclesiasticas penas,

in quas peccando inciderant , condonare . Hæc omnia præclare explicat ex sanctis patribus Beda inter homilias æstiuales de sanctis , homilia in vigilijs Apostolorum Petri , & Pauli ; vbi docet , multiplex esse pascendi genus . Quamuis (inquit) solertius intuendum , quòd eadem pastio gregis Dominici non vniformi , sed multimoda est sollicitudine gerenda . Nam & terrena subsidia necesse est , vt subditis rector ne desint diligenter præuideat , & exempla virtutis simul cum verbo prædicationis eisdem sollicitus impendat : & si quos aut spiritualibus , aut etiã cõmunibus eorum commodis aduersantes deprehenderit , horum violentiæ (quantum valet) obsistat : ipsos quoque , cum fortè errauerint , subiectos (iuxta Psalmistæ vocem) corripiat iustus in misericordia increpet , neque oleo noxiæ consensionis eorum corda demulceat . Et hoc enim ad pij pastoris officium pertinet . Et infra . Commissionem ouium Petro facta , si diligis me , pascue oues meas , meas (inquit) non tuas ; meas tibi oues commendatas scito , & has quasi meas regere , si me perfecte amas , recole . Et infra , postquam pascendas suas oues Petro , hoc est , plebes docendas , gubernandasq ; commisit , subsequenter addit . His igitur agendis summi Sacerdotis in Ecclesia munus est , in quibus recte tractandis tantam à Christo potestatem Petrus accepit , quantam is cognouit Ecclesiæ suæ opus esse , & ea quidem est , qua nulla maior excogitari potest ; dum tamen ea recte Pontifices vtantur ; scilicet ad ædificandam , non ad destruendam Ecclesiam . Petro autem iure , & merito eam potestatem præ ceteris tradidit , quia ipsum Petrus præ omnibus amauit . Apostolis ; cuius amoris radices altiores in Petro fuisse quàm in alijs , multa testantur ; constans eius animus , quum omnia pro eo relinquere , & paratum se esse pro Christo mori palam contestaretur , cum districto gladio Christum defendere solus est ausus , postquam in horto à ministris sacerdotum eum captum vidit ; officia quæ Iesu mortuo exhibuit ,
ad

Matt. 17.

A.

ad sepulturam cum Ioanne profectus. Eius vero primarie potestatis, præter trium supra citata Euangelistarum testimonia, magna argumenta extant. Quod eum Iesus inter tres, vnum esse voluit, admirabilis transfigurationis suæ testes, quum, cunctarum gentium magisterium Mose, & Elia cum eo loquentibus, à patre voce cœlitus delapsa, suscepit, & eum in horto potissimum cum iisdem duobus à cæteris secreuit, suarum passionum testem; ipsum vnum præ omnibus tributum pendere apud Capharnaum iubens, sibi æquauit; eum solum super aquas maris ambulare expetentem ad se acciuit: & cum alijs discipulis, vt laxarent retia imperauit, soli Petro dixit, duc in altum. Vnus semper ab Euangelistis primus recitatur, cum in alijs Apostolorum nominibus alioqui varient. Facta resurrectione Angeli mulieribus, ex Dei mandato, præcipiunt, vt Petro hoc Euangelium, vel in primis annuntiatur; Iesum, scilicet resurrexisse; quemadmodum antea prædixerat. Ipse vnus pro omnibus sæpe respondit, & soli à Christo dictum est: Simon dormis? ipsum postremo Dominus paulo ante passionem, iuxta prædictionem suam, se ter negantem, & benignè respexit, & cum amarè fleuisset, ignouit, vt Ecclesie caput, magister, & pastor futurus, fratrum quoque eratis, magistri sui exemplo disceret agnoscere. Multa deum ex sacris literis afferri possent de eadem re testimonia, quæ in hæc 17 loca sequenti capite connumerata contrahi: quibus tamen postea rite ex sanctorum patrum sententia explicatis, vniuersam hanc quæstionem tandem absoluemus.

Primatum

Primatum in persona B. Petri Apostoli institutum fuisse probatur 17 Euangelistarum testimonijs. Cap. III.

INVENIT Andreas primum fratrem suum Simonem, *Ioan. 1. F*
& dixit ei, Inuenimus Messiam; quod est interpretatum Christus. Et adduxit eum ad Iesum. Intuitus autem cum Iesus, dixit. Tu es Simon filius Ionæ: tu vocaberis Cephass, quod interpretatur Petrus.

2 Respondens Petrus dixit. Tu es Christus filius Dei viui. *Mat. 16. C.*
Respondens autem Iesus dixit ei. Beatus es Simon Bar-Iona, quia caro, & sanguis non reuelauit tibi, sed pater meus, qui in cœlis est. Et ego dico tibi, quia tu es Petrus; & super hanc petram ædificabo Ecclesiam meam, & portæ inferi non præualebunt aduersus eam. Et tibi dabo clauēs regni cœlorum; & quodcunq; ligaueris super terram, erit ligatum & in cœlis: & quodcunq; solueris super terram, erit solutum & in cœlis. *Matth. cap. 16.* Hic animaduersione dignum est, vt supra ostendimus, Simoni mutato nomen, eumq; Petrum appellatum. At vero nominis mutatio in sacris litteris, altioris cuiusdam mysterij signum fuit; quod Tertullianus annotauit; vt in Abraham, Sara, Isracle, Iosue; ita vt rectè existimandum sit, Christum non sine magno mysterio Simoni nomen nouum indidisse. Tribus siquidem Apostolis, qui præ ceteris apud Christum principem locum obtinebant Simoni, Iacobo, Ioanni, solis Christus nomen addidit; Simoni scilicet, vt Petrus, illis vero, vt Boanerges, idest filij tonitruui vocarentur. Quod cap. 3 tradit Marcus. His vero tribus Christus familiarius vsus est; quos sæpe solos secum comites assumpsit mirabilium suorum testes. hi soli eius transfigurationi in monte, Iairi filix suscitationi, & in horto, dum paulo ante mortem prolixius orauit, interfuerunt: & ideo peculiare ijs nomen imposuit.

posuit. Simon verò, quo eius singularis prerogatiua magis pateret; non ab alio, quàm à se ipso derivatum habuit; Christus enim, vt docet Paulus, Petra fuit, nomen suum Petro communicauit; vt hac nominis derivatione Christus nobis ostenderet, se Petro suas vices, & potestatem aliquando commissurum.

3 Ab Euangelistis Matthæo 10. Marco 3. & Luca 6. qui capitibus nomina Apostolorum enumerant; vt semper primo loco recensetur Petrus, etsi vocatione primus non fuerit (nam primus omnium Andreas vocatus est) & sæpe nominatim præ alijs commemoratur. Qua ratione existimandum non est Euangelistas suo arbitrio quemquam, qui vocatione posterior fuerat, enumerasse primum; nisi certo scissent, eundem à Christo fuisse ceteris prælatum.

Luc. 22. 4 Facta est autem contentio inter eos, quis eorum videretur esse maior, quos cum Iesus obiurgasset, & exemplo sui docuisset, quem in modum is se gesturus esset, qui maior inter eos esset futurus; contentionem illam penitus tollere volens, conuersus ad Petrum ait. Simon, ecce Satanas expetiuit vos, vt cribraret sicut triticum. Ego autem pro te rogaui, vt non deficiat fides tua; & tu aliquando conuersus confirma fratres tuos. An non his verbis clarissime Christus Petro maiore præ ceteris tribuit potestatem?

Mat. 17. 5 Et cum venisset Capharnaû, acceperunt qui didrachma accipiebant ad Petrum, & dixerunt ei; Magister vester non soluit didrachma? ait: etiam. Et quum intrasset in domum præuenit eum Iesus, dicens. Quid tibi videtur Simon? Reges terræ à quibus accipiunt tributum, vel censum? à filijs suis, an ab alienis? & ille dixit: Ab alienis. dixit illi Iesus; ergo liberi sunt filij. Vt autem non scandalizemus eos, vade ad mare, & mitte hamum, & cum piscem, qui primus ascenderit, tolle, & aperto ore eius inuenies staterem, illum sumens da eis pro me, & te.

Luc. 5. A 6 Ascendens autem Iesus in vnâ nauim, quæ erat Simonis,

nis, rogauit eum à terra reducere pusillum, & sedens docebat de nauicula turbas; vt cessauit autem loqui, dixit ad Simonem, duc in altum, & laxate retia vestra in capturam.

7 Tunc accedens Petrus ad eum dixit. Domine, quoties peccabit in me frater meus, & dimittam ei, vsque septies? Dixit illi Iesus. Non dico tibi vsq; septies, sed vsq; septuagies septies. *Matth. 8. C.*

8 Tunc respondens Petrus dixit ei. Ecce nos reliquimus omnia, & sequuti sumus te; quid ergo erit nobis? Iesus autem dixit illis. Amen dico vobis, quòd vos, qui secuti estis me, in regeneratione, quum sederit filius hominis in sede maiestatis suæ, sedebitis & vos super sedes duodecim, iudicantes duodecim tribus Israel. Vbi notandum solùm Petrum, vt caput & principem reliquorum Apostolorum pro omnibus sollicitum, ausum esse à Christo petere, quàm mercede ipsum sequuturi essent. *Mat. 19. D. Mar. 10. D.*

9 Ex hoc multi discipulorum eius abierunt retro, & iam non cum illo ambulabant, dixit ergo Iesus ad duodecim. Numquid & vos vultis abire? Respondit ergo ei Simon Petrus. Domine ad quem ibimus? verba vitæ æternæ habes, & nos credimus, & cognouimus, quia tu es Christus filius Dei. Et hic vides Petri auctoritatem, qui omnium nomine, tanquam caput, audacter respondet. *Ioã. 6. G.*

10 Venit ergo ad Simonem Petrum. Et dicit ei Petrus: Domine, tu mihi lauas pedes? Respondit Iesus, & dixit ei. Quòd ego facio, tu nescis modò, scies autem postea. Vbi primum considerandus ordo est, cum à Petro initium, tanquàm à capite, & maiore fecerit, deinde verba singulariter Petro dicta expendenda sunt, tanquam vni Pastori, qui Christi ipsius exemplo ceteris præfuturus, humilitatem eius imitaretur. *Io. 13. A*

11 Et venit, & inuenit eos dormientes, & ait Petro. Simon dormis? non potuisti vna hora vigilare mecum? vigilate, & *Mar. 14. Mat. 26.*

crate, vt non intretis in tentationem.

Luc. 21. E. 12 Videntes autem hi qui circa ipsum erāt, quòd futurum erat, dixerunt ei. Domine si percutimus in gladio? & percussit vnus ex illis (is autem fuit Petrus) seruum principis sacerdotum: & amputauit auriculam eius dexteram. *Mar. 14. E.* Respondens autem Iesus, ait. Sinite vsq; huc. Et cùm retigisset auriculam eius sanauit eum.

Io. 18. B. *Mar. 16. B.* 13 Et introeuntes mulieres in monumentum, viderunt iuuenem sedentem in dextris, coopertum stola candida: & obstupuerunt. Qui dixit illis, nolite expauescere: Iesum queritis Nazarenum crucifixum: surrexit, non est hic: ecce locus vbi posuerunt eum. Sed ite, dicite discipulis suis, & Petro, quia præcedet vos in Galileam: ibi eum videbitis, sicut dixit vobis. Magnum certè etiam hoc excellentiæ Petri indicium fuit, quòd eum vnum Angelus speciatim nominauit.

Ioan. 20. A. 14 Vna autem Sabbathi, Maria Magdalene venit manè; cùm adhuc tenebrę essent, ad monumentum: & vidit lapidem sublatum à monumento. Currit ergo, & venit ad Simonem Petrum, & ad alium discipulum, quem amabat Iesus: & dicit illis. Tulerunt Dominum meum de monumento, & nescimus vbi posuerunt eum. Exijt ergo Petrus, & ille alius discipulus, & venerunt ad monumentum. Curebant autem duo simul, & ille alius discipulus præcucurrit citius Petro, & venit primus ad monumentum. Et cùm se inclinasset, vidit posita linteamina: non tamen introiuit. Venit ergo Simon Petrus sequens eum, & introiuit in monumentum, & vidit linteamina posita, & sudarium. Tunc ergo introiuit & ille discipulus qui venerat primus ad monumentum, & vidit. Hoc vero haud exiguum est indicium præstantiæ Petri, scilicet, quod primus in monumentum Christi intrauerit, qui primus Christi vice, idest auctoritate, & potestate in Ecclesia esset functurus; potuerat enim Ioannes prior ingredi, quippe qui cursu præuen-

rat Petrum, sed id muneris omnium maiori Petro permittit.

15 Erant simul Simon Petrus, & Thomas, qui dicitur Didymus, & Nethanael, qui erat à Cana Galileæ, & filij Zebedæi, & alij ex discipulis eius duo. Dicit eis Simon Petrus, Vado piscari. Dicunt ei, Venimus & nos tecum. Et exierunt &c. Vbi manifeste apparet, Apostolos reliquos eum vnum caput omnium, & ducem agnouisse, & secutos illico esse. Io. 21. A

16 Simon Petrus cùm audisset quia Dominus est: tunica succinxit se (erat enim nudus) & misit se in mare. Alij autem discipuli nauigio venerunt (non enim longè erat à terra sed quasi cubitis ducentis) trahentes rete piscium. Io. 21. C.

17 Cùm ergo prandissent, dixit Simoni Petro Iesus, Simon Ioannis, diligis me plus his? dicit ei, etiam Domine: tu scis quia amo te. Dicit ei, pasce agnos meos. Dicit ei iterum, Simon Ioannis diligis me? Ait illi, etiam Domine, tu scis quia amo te. Dicit ei, pasce agnos meos. Dicit ei tertio, Simon Ioannis, amas me? Contristatus est Petrus, quia dixit ei tertio, amas me? & dixit ei, Domine, tu omnia nosti: tu scis quia amo te. Dicit ei, pasce oues meas. Amen dico tibi, quum esses iunior, cingebas te, & ambulabas vbi volebas: cùm autem senueris, extends manus tuas, & alius te cinget, & ducet quò tu non vis. Hoc autem dixit, significans qua morte clarificaturus esset Deum. & cum hoc dixisset, dicit ei; sequere me &c. Io. 21. E.

Christum certè sequuti sunt in morte omnes Apostoli; sed Petrus propiori mortis similitudine, nimirum vt simili quodam præ cæteris eum inuitaretur mortis genere, cuius in Ecclesia vices præ cæteris erat administraturus. Quisquis igitur 17. hæc Euangelij loca accuratè contemplabitur, haud dubiè rem ita esse intra se ipsum fateri cogetur: Christum scilicet voluisse, Petrum maiori præ cæteris potestate ornare; ideoque illi vni totius Ecclesiæ suæ curam, & regimen

men tradidisse.

His porrò auctoritatibus sanctorum patrum sententijs explanatis, manifestè ostendam, summam pascendi potestatem ipsum Petrum solum à Christo consecutū esse; alios vero Petri interuentu. Non quòd à Petro alij Apostoli constituti fuerint, si quidem eos Christus ipse constituerat: sed quia ipse præcipuè vt omnium pastor, alij verò vt dignitate proximi eam obtinuerint. Quanquam enim omnes à Christo simul sacerdotes, & episcopi facti fuerint, vt Diuus Augustinus in libris quæstionum ex nouo testamento, capite vltimo, auctor est, cū scripsit. Nam nemo ignorat Saluatorem Episcopos Ecclesijs instituisse; ipse enim, priusquam in coelos ascenderet, imponens manum Apostolis, ordinauit eos Episcopos. Petrus tamen iurisdictione omnium princeps, & pastor fuit; quod certissimis iam testimonijs ostendam.

De clauibus Ecclesiasticis Sancto Petro à Christo traditis. Cap. II II.

PETRI primatus duplici potissimum clauium vsu, & pascendi iure constat. De pascendi iure supra satis abundè disserui; hoc loco de clauibus breuissime dicam, quas à Christo Petro traditas fuisse Euangelistæ docent. Duas igitur claues esse sancti patres affirmant, scientiæ vnā, potestatis alterā; vel vt alij, ordinis, & iurisdictionis. Clauem scientiæ dominus proficitur, cū illius abusum scribis, & pharisæis exprobrat dicens. Vobis legis peritis, qui tulistis clauem scientiæ: ipsi non introitis, & eos qui introibant prohibuistis. De clauē vero potestatis. Super cathedram Moysi (inquit) sederunt scribæ, & pharisæi. Omnia ergo quæcunque dixerint vobis, seruate, & facite: opera verò eorum nolite facere. De clauē

LUC. II. G

Matt. 23.

A.

scien-

scientiæ, quæ peccata soluit Chrysostomus libro tertio de sacerdotio mentionem sic facit. Nam si quis consideret quantum id sit mysterium, ut is scilicet qui homo ipse sit carne ac sanguine etiamnum constans, ijsque inuolutus, beatæ atque immortalis naturæ illi fieri propior queat: tum probè intelliget quanto sacerdotes honore, quanta dignitate Spiritus Sancti gratia dignata fuerit exornare. Et infra. Etenim qui terram incolunt atque in ea versantur, ijs datum est, ut ea quæ in cœlis sunt, dispensent, ijs datum est, ut potestatem habeant, quam Deus optimus, neque Angelis, neque Archangelis datam esse, voluit: neque enim ad illos dictum est: quæcunque alligaueritis in terra, erunt alligata & in cœlo. Habent quidem & terrestres principes vinculi potestatem, verùm corporum solum; id autem quodd dico sacerdotum vinculum, ipsam etiam animam contingit, atque ad cœlos usque peruat: usque adeo ut quæcunque inferne sacerdotes confecerint, illa eadem Deus supernè rata habeat, ac seruorum sententiam Dominus confirmet. Etenim quidnam hoc aliud esse dicas, nisi omnem rerum cœlestium potestatem illis à Deo concessam? Quorumcunque enim (ait) peccata remiseritis, remittuntur eis, & quorumcunque retinueritis, retenta sunt. Cedò quænam potestas hac nostra maior esse queat? Pater omne iudicium dedit filio, & video à filio totum sacerdotibus esse commissum. Et paulo post: Rex aliquis si cui ex subditis suis honorem hunc detulerit, ut potestatem habeat quoscunque velit in carcerem coniiciendi, eosdemque rursus laxandi, beatus ille & admirandus omnium iudicio fuerit. At vero qui à Deo tanto maiorem accepit potestatem, quanto cœlum terra pretiosius est, quanto etiam animæ corporibus præstant; non is contemnendum ministerium accepisse putandus est. Certe infania manifesta est tantum despiciere principatum, sine quo neque salutis, neque promissorum bonorum compotes fieri possumus: nam præter baptismum,

*Matt. 16.
¶ 18.*

& sacrosanctam Eucharistiam, quæ manibus sacerdotis perficiuntur, condonandorum etiam peccatorum facultatem habent. Idem Chrysostomus in illud Matthæi 16. Tibi dabo claves regni cœlorum, ait. Quare ab ijs libenter quærerem, qui dignitatem filij minorem quàm patris dicunt; quænam sibi maiora dona videantur, quæ pater, aut quæ filius Petro largitus est? Pater quidem reuelationē ei filij sui dedit, filius autem partim, vt tam patris, quàm filij sui reuelationem vbiq; terrarum posset seminare, partim, vt quamuis homo esset mortalis, cœlesti tamen potestate polleret, & claves haberet regni cœlorum: ita Petrus Ecclesiam per vniuersum orbem amplificatam, cœlo etiam ipso validiorem monstrauit. Transibunt enim (inquit) cœlum & terram: verba autem mea non transibunt.

Cui potissimum claves Ecclesiæ traditæ fuerint,
& de differentia potestatis S. Petro, & ceteris Apostolis, vel Ecclesiæ datæ.

Cap. V.

ECCLESIAE claus, idest ordinis, & iurisdictionis, siue etiam scientiæ, & potestatis, Petro præcipuè, & per eum Ecclesiæ datas fuisse, sanctorum patrum testimonijs facile probari potest. Quanquam enim cunctis Apostolis in communi ligandi & soluendi facultas data sit; tamē vt in hac potestate ordo aliquis significaretur, ostendereturq; potestatem clauium per Petrum ad alios transferendam, vt Ecclesiæ vnitas conseruari posset: primum soli Petro concessa est, deinde ceteris per eum. In quam sententiā verba D. Augustini omnino intelligenda esse opinor: qui super Ioannem scribens tract. 50. Quæcunque (inquit) ligaueris in terra, erunt ligata & in cœlo: si hoc Petro tantum dictum est, non facit hoc Ecclesia: si autem in Ecclesia fit,

vt quæ in terra ligantur , in cœlo ligentur ; & quæ soluantur in terra , solvantur in cœlo : quia , cum excommunicatur Ecclesia , in cœlo ligatur excommunicatus , cum reconciliatur ab Ecclesia in cœlo soluitur reconciliatus . Si hoc ergo in Ecclesia fit , Petrus , quando clauēs accepit , Ecclesiam sanctam significauit . Item in Psalmum 108. Initio enarrationis . Sicut enim (inquit) quædam dicuntur , quæ ad Apostolum Petrum propriè videntur pertinere , nec tamen habent illustrem intellectum , nisi quum referuntur ad Ecclesiam : cuius ille agnoscitur in figura gestasse personam , propter primatum , quem in discipulis habuit : sicut est , tibi dabo clauēs regni cœlorum , & si qua huiusmodi &c. Illustrius enim intellectus est , Petrum accepisse clauēs : illustrior Ecclesiam per eum significatam , easdem obtinuisse ; quum datæ fuerint Petro propter Ecclesiam , potissimum tamen & primum Petro , & Ecclesiæ per Petrum , & in Petro , vt in principe . Idem est , quod Augustinus ipse de agone Christiano cap. 30. dixit . Non sine causa inter omnes Apostolos Catholicæ Ecclesiæ personam sustinet Petrus . Huic enim Ecclesiæ clauēs regni cœlorum datæ sunt , quum Petro datæ sunt . Idem in quæstionibus ex nouo testamento . q. 75. loquens de solutione didrachmæ , sic ait . Saluator cum pro se & Petro dari iubet , pro omnibus exoluisse videtur ; quia sicut in Salvatore erant omnes causæ magistrorum , ita & post Salvatorem in Petro omnes continentur : ipsum enim constituit esse caput eorum , vt pastor esset gregis dominici . Et paulo post , illum locum adferens , ego rogavi pro te &c. ait . Manifestum est in Petro omnes contineri : rogans enim pro Petro , pro omnibus rogasse dignoscitur : semper enim in præposito , populus , aut corripitur , aut laudatur &c. Hæc ille . Causa ergo à D. Augustino reddita , cur Petrus figuram gesserit Ecclesiæ , seu Ecclesiæ personam , & cur in ipso , & per ipsum Ecclesiæ sint datæ clauēs , hæc est ; quia primatum obtinebat inter discipulos ,

quia caput, quia princeps. Ex quibus testimonijs manifestissime reuincuntur Hæretici. Quæ cum ita sūt, illud recte intelligendū esse existimo, quod quanquam Petrus Ecclesię personam sustineat, & eam representans, illius figura esse videatur; illud tamen non solū non consequitur, vt nō pro se, aut in se, sed tantū pro Ecclesia susceperit clauēs: sed contra potius ex D. Augustini sententia; quod primum ipse in se, utpote primatu, & capite illas acceperit: & deinde per ipsum Ecclesia; vt res figurato, non figuræ tribuatur. Illa enim verba, tibi dabo clauēs, primum sunt ad ipsum Petrum referenda, quia ipsi soli facta est promissio clauium; cum etiam ipsi soli reuelatum sit, Christum esse filium Dei viui: atque ideo ipsi soli quoque dictum fuerit, Beatus es Simon, non autem alijs, beati estis. Ad hæc alius sensus admittendus est: promissas scilicet Ecclesię clauēs in persona Petri: quanquam enim omnes interrogati fuerint, quem vos me esse dicitis: Petrusq; pro omnibus responderit, non tamen omnibus ex æquo Christus respondit, vobis dabo clauēs, sed soli Petro, tibi dabo, postea alijs per Petrum. Nec his repugnant, quę dixit ipse Augustinus in sermone de Apostolis. Has clauēs non homo vnus, sed vnitas accepit: quoniam intelligendum non est hominem vnū clauēs ita accepisse, vt nemo alius præter ipsum acceperit: vt de sole dicitur, quod non solus luceat, quia lucem suam alijs communicat; tamen solus dicitur esse, & solis nomen obtinuit, quia solus propria virtute lucet, sic Petrus solus accepit clauēs, quia principali ratione, & sine alicuius interuentu; alij vero per ipsum, à quo in alios potestas clauium deriuata est. Quem sensum Gelasius, & Leo Pontifices confirmant: ille enim in cōmuni vnitate ad Faustum, &c. ait. Et qui tantum faciendi, solus habuit potestatem, beato Petro Apostolo principaliter mandauit. Hic vero videlicet sanctus Leo sic scribit Epist. 89. ad Episcopos Viennensis prouinciæ. Ita Dominus huius muneris sacramentum ad
omnium

Et habetur 24. q. 2. c. legatur.

Et habetur d. 19. cap. Ita Dominus

omnium Apostolorum officium pertinere voluit, vt in beatissimo Petro Apostolorum omnium summo principaliter collocaret; vt ab ipso quasi quodam capite dona sua, velut in corpus omne diffunderet: & exortem se mysterij intelligeret esse diuini, qui ausus fuisset, à Petro soliditate recedere, &c. Et sermone 3. in anniuersario die assumptionis suæ, & tamen de toto mundo vnus Petrus eligitur, qui & vniuersarum gentium vocationi, & omnibus Apostolis, cunctisq; Ecclesiæ Patribus præponatur: vt quamuis in populo Dei multi sacerdotes sint, multiq; pastores, omnes tamen proprie regat Petrus, quos principaliter regit & Christus. Magnum & mirabile dilectissimi huic viro consortiū potentiæ suæ tribuit diuina dignatio, & si quid cum eo commune ceteris voluit esse principibus, nunquam nisi per ipsum dedit, quicquid alijs non negauit, &c. Et paulo infra. Transiuit quidem in alios Apostolos ius potestatis istius, & ad omnes Ecclesiæ principes decreti huius constitutio commeaui: sed non frustra vni commendatur, quòd omnibus intimatur. Petro enim ideo hoc singulariter creditur, quia cunctis Ecclesiæ rectoribus Petri forma præponitur. Manet ergo Petri priuilegium, vbicunq; ex ipsius fertur æquitate iudicium. Beda in homilia de festo Apostolorum super illud Matthæi 16. Quodcunq; ligaueris, &c. Qui regem cælorum maiori præ ceteris deuotione confessus est, meritò præ ceteris ipse collatis clauibus regni cœlestis donatus est. Sed non frustra vni conceditur, quod omnibus intimatur, Petro enim singulariter creditur, quia cunctis Ecclesiæ rectoribus Petri forma præponitur, vt scripsit Leo. Illud adde, quod etsi omnibus Apostolis dictum sit, quodcunq; ligaueritis super terram, &c. Nulli tamen sine ipso, sed ipsi sine alijs tributa esse intelligitur ligandi & soluendi à Deo facultas, vt quod non alij sine ipso, ipse sine alijs posset ex priuilegio sibi à Domino collato. Quum autem eiusmodi clauis præcipue à Christo beato Petro concessæ, à sanctis pa-

tribus Ecclesiæ clauēs vocentur, hoc sensu illud intelligendum est, quod datæ sint à Christo Petro & successoribus Ecclesiæ commodo, quæadmodum sacramēta, dicunt Ecclesiæ sacramēta, q̄ ad eius vtilitatem sint instituta, & si eorum collatio, nec singulis, nec vniuersis, sed ministris Ecclesiæ tributa sit. Petro autem præcipuè clauēs datas fuisse, deinde per eum Ecclesiæ, præter loca supra citata, & quæ infra addam, facile quoq; intelligi poterit ex eius, & cæterorum Apostolorum potestatis, & prærogatiuæ collatione. Nam quanquam multi, vt Natanael, & qui cum eo in nauicula aliquando erant, & alij, ipsum esse filium Dei confessi sunt; ipse tamen solus esse filium Dei viuētis, idest natura non adoptione, testificatus est. Vnde ob egregiam illam confessionis gloriam audire meruit, Beatus es Simon Bar Iona, &c. quod alijs dictū non est. Petro etiam soli dixit Christus, Rogauī pro te Petre vt non deficiat fides tua, & tu aliquando conuersus confirma fratres tuos. Vbi reliquos Apostolos illius curæ commendasse manifestè liquet, & quamuis Dominus post resurrectionem omnibus Apostolis dixerit: Quorum remisistis peccata, &c. non propterea equam cum Petro ijsdem tributam potestatem censendum est: quoniam cum soli Petro, & non vlli alij Apostolorum dictum sit, pascue oues meas; soli Petro vt omnium pastori data est autoritas alios regendi, alijs vero Apostolis, vt ouibus de ouili expressa parendi necessitas: qui etsi sacerdotes omnes, & episcopi iam essent, possentq; ex Apostolatus officio vbique locorum verbum Dei prædicare, Episcopos alios instituere; Ecclesias fundare, & Dominicum gregem pascere; mandante eis Domino, vt docerent omnes gentes, nemo tamen eorum præter Petrum in alterum vlla fungebatur potestate, neque nominatim à Christo pastor est constitutus, vt paulo post exemplis ex historia repetitis confirmabo. Pares itaque erant omnes sacerdotio, ordine, Apostolatus officio; impares vero dignitate, iurisdictione,

& administratione, quarum rerum ratione Petrus ipsis omnibus à Christo prælatus est. Ex qua re facile Cypriani locus explicari potest. Hoc erant utique, & cæteri Apostoli, quod fuit Petrus, pari consortio præditi, & honoris, & potestatis, ut ex supra citatis eiusdem sancti testimonijs cap. 1. & ijs quæ infra subiiciam constat. Item quæ dixit Hieronymus super ea verba, Quodcunque ligaueris, &c. Beda in homilia in festo Apostolorum Petri & Pauli, habet similem sententiam, non ijsdem verbis, sed glos. ord. in Matth. cap. 16. habet omnia verba, quæ S. Thom. in catena aurea. & in 4. sent. d. 19. Rabano tribuit, extat huius sententiæ pars 24. q. 1. c. Quicumque. Habent quidem eandem potestatem iudiciariam alij Apostoli, quibus post resurrectione Dominus dixit. Accipite Spiritum Sanctum, quorum remiseritis peccata, &c. Habet Ecclesia in Episcopis presbyteris, & clericis, sed ideo Petrus specialiter accepit, ut omnes intelligant; quod quicumq; ab unitate fidei, & societate eius se separauerit; nec à peccatis solui, nec cælum ingredi potest. Hæc enim verba interpretanda sunt de potestate iudiciaria ligandi in foro pœnitentiæ, & conscientiæ, & de iudicio discernendi inter lepram, & lepram, quæ potestas potius est ordinis quam iurisdictionis in foro exteriori. Hoc illa verba exponunt, quæ post resurrectionem Dominus ad omnes Apostolos fecit, quum ait. Accipite Spiritum Sanctum, quorum remiseritis peccata, &c. Hoc docent omnes veteres, recentioresq; Theologi, ad peccatorum solutionem duplicem requiri potestatem ordinis, & iurisdictionis, quarum primam ex æquo habuerunt omnes Apostoli, & habent nunc omnes sacerdotes, non autem secundam, & præsertim in foro exteriori, quam Petrus præ cæteris habuit; sicut nunc Romanus Pontifex præ cæteris Episcopis, & Episcopi supra cæteros sacerdotes: & hac ratione intelligendæ sunt sententiæ omnes Euangelicæ, & sanctorum Doctorum, in quibus de potestate dimittendi peccata

cata Apostolis omnibus tradita, mentio est; quæ quidem ordinis potestas duas præcipuas facultates habet: primam consecrandi corpus, & sanguinem Domini: & hæc ijs in nouissima cœna à Christo concessa est: alteram dimittendi, & retinendi peccata, quæ ipsis post resurrectionem fuit tributa. Hac igitur potestate, omnes (vt dixi) Apostoli pares fuerunt: iurisdictione verò, & administratione impares, quia beatus Petrus cunctis Apostolis est prælatus.

Quanam ratione sacræ scripturæ auctoritates,
& testimonia dubia, vel in controuersiam
reuocata, sint intelligenda. Cap. VI.

QUANTVM expetenda non essent testimonia humana, vbi diuina eloquia tam manifesta præcedunt: recentiorum tamen falsas interpretationes, qui scripturarum sententias peruersè exponentes, eas ad suos sensus detorquent repellere, piorumq; animos pro virili confirmare cupientes, sanctorum patrum auctoritates de Petri potestate subijciemus; sacrarum enim scripturarum non is est vsus, vt quod nobis commodum est, sacris verbis vsurpatis confirmare velimus: sed eorum sensus, & interpretationes potissimum sequendæ sunt, quas probatissimi quique veterum scriptorum, quos catholica recepit Ecclesia, prosequuti sunt.

*Clem. epi
sto. 5. 10.
1. 155. b.
dist. 37.
Relatum.*

Quod etiam à sanctis Patribus confirmatur, quorum antiquissimus quispiam ait. Multa enim sunt in scripturis verba, quæ possunt ad eum sensum trahi, quem sibi vnus quisque præsumpserit: vnde diligenter obseruandum est, vt cum lex Dei legitur non secundum propriam ingenij intelligentiam legatur, vel doceatur: & ideo omnem intelligentiam discendarum scripturarum ab eo expetenda est, qui eam à maioribus secundum veritatem sibi traditam seruat.

Vnde

Vnde maxime temerarium est, immo stulta, & terribilis est temeritas contradicere sensui per sanctos Patres ad intelligentiam sacrae scripturae dato.

Et Diuus Hieronymus in Epistola ad Galatas cap. 5. in verbo hereses, Quicumq; aliter scripturam intelligit, quam sensus Spiritus Sancti efflagitat, quo scripta est licet de Ecclesia non recesserit, tamen Hereticus appellari potest. Idem quoq; super illud Salomonis, Ne innitaris prudentiae tuae, in eandem sententiam dixit. Prudentiae suae innitur, qui ea quae sibi agenda, vel dicenda videntur, patrum decretis preponit. Et Leo Papa in Epistola 89. ad Episcopos prouinciae Viennensis sic scribit. Verum, hanc petrae sacratissimam firmitatem Deo aedificante contractam, nimis impia vult praesumptione violare, quisquis eius potestatem tentat infringere; fauendo cupiditatibus suis, & id quod accipit à veteribus non sequendo: cui etiam rei ratio manifeste suffragatur, nam ingentia ex contrario nascerentur incommoda, nempe periculum ingens esset fidei, & errorum occasio; nam quot capita, tot sententiae. Hinc religionis confusio, aut potius impietatum & superstitionum omnium hostium aperiretur. Sic demum omnes haereses & sectae ortae sunt, & hic mos fuit perpetuo haereticorum, relicto videlicet Patrum, & sacrorum Ecclesiae Doctorum sensum, proprium sequi.

Prou. 3.
A.

Sanctorum Patrum ante Concilium Nicenum
sententiae, & interpretationes de supradictis
17 Euangelistarum locis, quibus primatus
Petri constituitur. Cap. VII.

VETERES autem sancti Patres Euangeliorum testimonia de Petri primatu, eadem qua ego ratione, ut modo ostendam, interpretati sunt. In quorum sententijs

tijſ recitandis , temporum , quibus ſinguli vixere , ordinem ſequar ; vt eius primo afferantur auctoritates , qui priore ſeculo vitam egit : qua ratione illud fiet , vt quum omnium Doctorem tempora cognouerimus , quantum ſingulis tribuendum ſit , intelligamus . In hac enim diſputatione vetuſtiores ſcriptores maioris auctoritatis cenſentur : quippe quum eorum quæ dicturi ſumus , bona pars ex antiquitate , & patrum traditionibus pendeat .

Anno
Chriſti
78.

Inter omnes autem , qui de hac re ſcripſerunt , vetuſtiſſimus eſt Dionyſius Arcopagita (qui in actis 6. Synodi Athe-
narum Episcopuſ , vt ſæpe alibi appellatur , in Lateranenſi ſub Martino I. & apud Euſebiuſ in Eccl. hiſt. c. 4.) ita ſcribit de diuinis nominibus ad Timoth. Namq; apud ipſos diuino ſpiritu plenos pontifices noſtros cum & nos (vt noſti) & plerique ex ſanctis fratribus noſtris ad contuendum corpus illud quod authorem vitæ Deumq; ſuſcepit conueniſſemus : Aderat autem & frater domini Iacobuſ , & Petruſ excelſuſ decuſ , & antiquiſſimuſ Theologorum culmen , vbi poſt contutum placuit vt infinite potentem diuinæ infirmitatis bonitatem pontifices laudarent omnes , quiſque pro captu ſuo , &c. Et alibi ſæpe vocat Petrum ſummum , & verticalem Apoſtolum .

Anno
Chriſti
200.

Q. Septimiuſ floreſ , Tertullianuſ Afer , apud Carthaginem proconſulari patre natus , inter latinos , qui nunc extant , Theologuſ primuſ omnium Eccleſiarum (vt inquit Euſebiuſ) dum adhuc viueret ſermone celebratuſ , qui vixit anno Chriſti 200.

Hic in libro , quem de præſcriptionibus aduerſuſ hæreticoſ ſcripſit , ait . Latuit aliquid Petrum ædificandæ Eccleſiæ petram dictum , clauſ regni cœlorum conſecutum , & ſol- uendi , & alligandi in cœliſ , & in terris poteſtatem .

Idem libro de Monogamia . Petrum ſolum inuenio mari- tum per ſocrum , Monogamum præſumo per Eccleſiam , quæ ſuper illum ædificata , omnem gradum ordinis ſui de

Mo-

Monogamis erat collocatura.

Idem in libro de pudicitia. Claves soli Petro commissas, & Ecclesiam super ipsum extructam esse ita tradit. De tua nunc sententia quero, vide hoc ius Ecclesiæ vsurpes: si quia dixerit Petro Dominus: Super hanc petram ædificabo Ecclesiam meam; tibi dedi claves regni cœlestis, vel quæcunq; alligaueritis, vel solueritis in terra, erunt alligata, vel soluta in cœlis, idcirco præsumis & ad te deriuasse soluendi, & alligandi potestatem, idest ad omnem Ecclesiam Petri propinquam? Qualis es, euertens, atque commutans manifestam Domini intencionem personaliter hoc Petro conferentem. Super te (inquit) ædificabo Ecclesiam meam; & dabo tibi claves, non Ecclesiæ; & quæcunque solueris, vel alligaueris, non quæ soluerint, vel alligauerint. Sic enim & exitus docet. In ipso Ecclesia extructa est, idest per ipsum, ipse clauem imbuuit, vides quam; viri Israelitæ auribus mandatæ quæ dico. Iesum Nazarenum virum à Deo vobis destinatum, & reliqua. Ipse denique primus in Christi baptismo reserauit aditum cœlestis regni, quo soluuntur alligata retro delicta, & alligantur, quæ non fuerint soluta, secundam veram salutem, & Ananiam iunxit vinculo mortis, & debilem pedibus absoluit vitio valetudinis: sed & in illa disceptatione custodiendæ legis, primus omnium Petrus spiritu instinctus & de nationum vocatione præfatus. Et nunc (inquit) cur tentastis Dominum? de imponendo iugo fratribus, quod neque nos, neque patres nostri sufferre valuerunt? Sed enim per gratiam Iesu credimus nos salutem consecuturos, sicut & illi. Hęc sententia, & soluit quæ ommissa sunt legis, & alligauit, quæ reseruata sunt. Adeo nihil ad delicta fidelium capitalia potestas soluendi, & alligandi Petro emancipata. Cui si præceperat Dominus etiam septuagies septies delinquenti in eam fratri indulgere; vtique nihil postea alligare, idest retinere mandasset, nisi forte ea quæ in Dominum, non in fratrem quis admiserit.

Idem lib. 4. aduersus Martionem. Mutat & Petro nomen de Simone, quia & Creator; Abrahæ & Saræ, & Aulseæ nomina reformauit; hunc vocando Iesum, illis syllabas adiiciendo. Sed & cur Petrum? Si ob vigorem fidei: multæ materiæ solidæq; nomen de suo. accommodarent. An quia & petra & lapis Christus? Siquidem, & legimus positum eum in lapidem offendiculi, & in petrâ scandali: Omitto cætera. Itaque affectauit charissimo discipulorum, de figuris suis peculiariter nomen communicare; puto propius quàm de non suis.

Idem libro Scorpiaco aduersus Gnosticos. Nam, & si adhuc clausum putas cælum; memento clauës eius hic. Dominum Petro, & per eum Ecclesiæ reliquisse, quas hic vnusquisque interrogatus, atque confessus feret secum.

Anno
Christi
250.

ADAMANTIUS Origenes Presbyter Alexâdrinus Leonidis martyris filius; Clementis Alexandrini quondam discipulus, qui vixit circa annum Christi 250. In Ioannem commentariorum to. 4. ita scribit. Et statim Andreas adducit fratrem Simonem ad Christum, quem vt munere Iesus singulari remuneraretur, in ipsum intuitus est; per illum intuitum declarans, se Simonis curam gerere, animæ illius parte præstantissima illustrata: potuitq; Simon, eo quod Iesus in ipsum intuitus est, eo usque stabiliri, vt ab opere stabili, firmoq; cognomen traheret, & vocaretur Petrus. Sic habet versio Ambrosij monachi Mediolanen: Simoni Iesus hoc dedit, vt eum intueretur, quod est aspectu ipso inspicere & partem illam eius quæ principatum obtinet, illustrare: vimq; eam accepit Simon Petrus quod à Christo visus esset, vt confirmaretur. Itaque facti confirmationis, & corroborationis quasi gentilis factus est, appellatusque est Petrus.

Idem in Euangelium Ioannis commentariorum tomo 32. Si verò etiam vsq; ab eis quæ minima ducuntur scriptura indaganda & inuestiganda est, quæret aliquis, cur
tandem

tandem cum Petrus primus sit delectus in duodecim numerum, fortassis ut ceteris præstantior, quandoquidem Iudas etiam qui verè postremus erat, propter vitiosam constitutionem in extremum locum proiectus est: Iesus quum discipulorum pedes ablueret, & linteo quo cinctus erat detergere cœpisset, non à Petro initium fecerit.

Idem tract. 1. in Mat. c. 16. vide (inquit) quantā potestatē habet petra, super quā ædificatur Ecclesia; ut etiam iudicia eius maneāt firma, quasi Deo iudicāte per illā: ut in hoc ipso quod iudicat nō præualeāt aduersus eam inferorum portę.

Idem tractatu eodē Matth. c. 16. ait. De veritate quidem dicebat; Tu es Christus filius Dei viui: in quo & beatificatus est; & per promissionem meruit fieri Ecclesię fundamentum.

Idem tractatu 6. in ipsum 16. caput. Tamen & illa, quę supra soli Petro sunt dicta, videntur & omnibus Apostolis dicta (videlicet: Quęcunq; ligaueritis super terram, erunt ligata & in cœlis, & quęcunque solueritis super terram, erunt soluta & in cœlis.) Sed quoniam oportebat aliquod maius habere Petrum præ alijs: ideo illi quidē sic dixit Dominus. Et tibi dabo claues regni cœlorum, & quęcunque solueris super terram, erunt soluta & in cœlis, & quęcunq; ligaueris super terram, erunt ligata & in cœlis. Non ergo modica differentia est, quòd Petro quidem datę sunt claues non vnius cœli, sed multorum cœlorum; ut quęcunq; ligauerit super terram, non tantum sint ligata in vno cœlo, sed etiam in cœlis omnibus; & quęcunque soluerit super terram sint soluta non tantum in vno cœlo, sed in omnibus cœlis. Ad eos autem qui multi sunt ligatores, & solutores in terra, sic dixit ut soluerent, & alligarent non in cœlis, sicut Petrus, sed in vno cœlo: quia non sunt in tanta perfectione sicut Petrus, ut alligent vel soluant in omnibus cœlis.

Idem in expositione primi Psalmi. Petrus verò super quem Christus fundauit Ecclesiam, contra quam portę in-

ferorum non præualebunt, duas tantummodo scripsit epistolâs, ut refert Eusebius lib. 6. cap. 18: histor. Eccles. & homilia 5. in Exodum. Magno illi Ecclesiæ fundamento petreque solidissime super quam Christus fundauit Ecclesiâ.

Idem in capite 6. epistolæ ad Romanos lib. 5. circa finem. A Petro cum summa de pascendis ouibus potestas ei traderetur; & super ipsum tanquam super petram fundaretur Ecclesia, nullius alterius virtutis confessio, nisi charitatis exigitur.

Idem tractatu 5 super Matthæum ubi ait. Iesus mittit Petrum cum hamo comprehendere piscem, in cuius ore dicebat inueniendum esse staterem, ut daretur pro se & Petro, ego arbitror quoniam maximum hunc honorem æstimantes in Petrum à Christo collatum, quasi per hoc iudicasset eum ceteris discipulis meliorem, cupiebant quod suspicabantur caute cognoscere, simul autem etiam sperabant, quod & causam ipsam interrogationis reuelantes indicarent. Hoc ergo volens ostendere Matthæus adjicit propter illud quod ait. Hunc accipiens da propter me & te.

Idem homilia 2. in diuersos: Dic queso cui talis ac tanta donata est gratia? fortassis quis dicet summo vertici Apostolorum (Petro dico) qui Domino interroganti, quem se existimaret esse, respondit; Tu es Christus filius Dei viui, &c. Et infra. Veruntamen primo intrat Petrus in monumentum, deinde Ioannes, ac sic ambo currunt ambo intrant, Petrus siquidem fidei est symbolum. Ioannes signat intellectum, ac per hoc quoniam scriptum est. Nisi credideritis non intelligetis, necessario præcedit fides in monumentum sanctæ scripturæ; deinde sequens intrat intellectus, cui per fidem præparatur aditus, Petrus quidem Christum Deum, & hominem iam factum in temporibus cognoscens & dicens, Tu es Christus filius Dei viui. Altissime volauit, sed Ioannes altius illo, qui eundem Christum Deum de Deo ante omnia tempora genitum intellexit, dicens: In princi-

pio erat verbum. Nemo nos existimet Petro Iohannem præferre, Quis hoc fecerit? Quis esset altior Apostolorum illo, qui est, & dicitur vertex eorum? Nos præferimus Petro Iohannem, sed conferimus actioni contemplationē purgandum adhuc animum perfectē purgato, ascendeni adhuc virtuti ad incommutabilem habitum perueniētem iam virtutem. Non enim nunc consideramus Apostolicarum personarum dignitatem; sed inuestigamus pulcherrimam diuinorum mysteriorum differentiam. Petrus itaque (hoc est actio virtutum) Dei filium mirabili, & ineffabili modo carne circumscriptum per virtutem fidei, & actionis conspiciatur. Ioannes vero hoc est altissima veritatis contemplatio Dei verbum per se ante carnem absolutum & infinitum in principio suo, hoc est in patre miratur, Petrus æterna simul ac temporalia in Christo vnum facta diuina reuelatione introductus inspicit, Ioannes sola eius æterna in notitiā fidelium animarum introducit.

Idem in Lucam homilia 17. Ergo scandalizati sunt vniuersi in tantum, vt Petrus quoque Apostolorum princeps eundem tertio denegarit.

DIUUS CAECILIUS Cyprianus Episcopus Carthagenensis inter nostræ religionis patres laudatissimus, Apostolici spiritus odore vbiq; flagrans, martyrij gloria conspicuus, antiquitate & apostolicæ sedis approbatione fide dignus, qui anno 250 vixit, non vno in loco hanc veritatem explicauit, ex quibus præcipuas tantum sententias citabo.

Libro enim primo epistolarum epistola tertia ad Cornelium Papam sic scribit, Petrus tamen, super quem ædificata ab eodem Domino fuerat Ecclesia, vnus pro omnibus loquens, & Ecclesiæ voce respondens, ait. Domine ad quem ibimus? verba vitæ æternæ habes.

Idem libro 4. epistola nona, loquitur illic (inquit) Petrus super quem ædificanda fuerat Ecclesia, Ecclesiæ nomine docens, & ostendens, quia & si contumax, ac superba

ob

Anno
250.

ob audire nolentium multitudo discedat, Ecclesia tamen à Christo nō recedit, & illi sunt Ecclesia, plebs sacerdoti adunata, & pastori suo grex adherens.

Idem in sermone 3. de bono patientiæ ait. Item Petrus super quem Ecclesia Domini dignatione fundata est, in epistola sua ponit, & dicit. Christus passus est, &c.

Idem in epistola ad Iubaianum. Nam Petro (inquit) primum Dominus super quem ædificauit Ecclesiam, & vnde vnitatis originem instituit, & ostendit, potestatem istam dedit, vt id solueretur in terris, quod ille soluisset.

Idem tractatu 2. de habitu virginum. Petrus etiam cui oues Dominus pascendas, tuendasque commendat, super quem posuit, & fundauit Ecclesiam, aurum quidem sibi & argentum esse negat, sed esse se dicit Christi gratia diuitem.

Idem ad Iubaianum. Quo venturus est qui sitit, vtrum ne ad hæreticos vbi fons & fluuius aquæ vitalis omnino nō est? An ad Ecclesiam, quæ vna est, & super vnum qui clauus eius accepit Domini voce fundata est?

Idem in libro de vnitatē Ecclesiæ, qui & de simplicitate prælatorum inscribitur. Loquitur Dominus ad Petrum. Ego tibi dico (inquit) quia tu es Petrus, & super istam petram ædificabo Ecclesiam meam, & portæ inferorum non vincent eam: Et tibi dabo clauus regni coelorum, & quæ ligaueris super terram, erunt ligata & in coelis, & quæcunq; solueris super terram, erunt soluta & in coelis. Et eidem post resurrectionem suam dicit, pascue oues meas: SUPER ILLVM VNUM AEDIFICAT ECCLESIAM, ET ILLI PASCENDAS MANDAT OUES. Et quamuis Apostolis omnibus post resurrectionem suam parem potestatem tribuat, & dicat; Sicut misit me pater, & ego mitto vos; accipite Spiritum Sanctum; si cui remiseritis peccata, remittuntur illi; si cui tenueritis, tenebuntur; tamen vt vnitatem manifestaret, vnitatis eiusdem originem ab vno incipientem sua auctorita-

te disposuit. Hoc erant utiq; & cæteri Apostoli, quod fuit Petrus, pari consortio præditi & honoris & potestatis, sed exordium ab unitate proficiscitur: ET PRIMATUS PETRO DATVR, VT ECCLESIA VNA CHRISTI ET CATHEDRA VNA MONSTRETVR, ET PASTORES SVNT OMNES, SED GREX VNVS OSTENDITVR QUI AB APOSTOLIS OMNIBVS VNANIMI CONSENSIONE PASCATVR. Quum vnâ Ecclesiam etiam in Cantico Canticorum Spiritus Sanctus ex persona Domini designat, & dicit; Vna est columba mea, perfecta mea, vna est matri suæ, electa genitrici suæ. Hanc Petri unitatem qui non tenet, tenere se fidem credit? QUI CATHEDRAM PETRI SVPER QVAM EST ECCLESIA FVNDATA DESERIT in Ecclesia se esse confidit? &c. Hunc librum deprauatum fuisse multa reiecta verba satis demonstrant. Ego eum restitui ex antiquo scripto codice Marcelli II. Papæ. Et quò facilius quæ restituta sunt, cognosci possint, quæ ego ex antiquo exemplari addidi, litteris maiusculis scripsi. Ne quis vero existimaret verba illa conficta fuisse, Gratiani canonum collectoris locum ex eo Cypriani libro citabo, qui in eius vulgatis codicibus ita legitur; quemadmodum ego ex antiquo exemplari restitui. Quod ut magis pateat primum Cypriani locum deprauatum addam, deinde ex vetusto codice restitutum, quem Gratiani testimonio confirmabo. Ita porro in vulgatis Cypriani libris legitur. Qui Ecclesiæ renititur & resistit, in Ecclesia se esse confidit? in antiquo vero libro ita est. QUI CATHEDRAM PETRI SVPER QVAM EST ECCLESIA FVNDATA DESERIT in Ecclesia se esse confidit? Gratianus porro distinctione 93. cap. tertio, hunc Cypriani locum recitans, ita ait. Qui cathedram Petri super quam fundata est Ecclesia deserit, in Ecclesia se esse non confidat. Vbi quod in Cypriano interrogatione scribitur, ille ad propositum suum accommodans addita negatione NON assertiue protulit. Ex quo sanè loco facile intelligere possumus non solum fa-

cras scripturas falsis interpretationibus adulterari, sed & ipsos sanctorum patrum libros dedita opera deprauari. Quod hæreticorum maxime familiare fuisse sepe sancti patres, & in his Dionysius Corinthiorum Episcopus & martyr apud Eusebium conqueruntur, hist. Eccl. lib. 4. c. 22.

Anno ARNOBIUS in commentarijs Psalmi 138. S. Petrum
300. Apostolum Episcopum Episcoporum vocat.

Sanctorum quattuor Doctorum Latinæ Ecclesiæ sententiæ, super eadem 17 loca, & de Petri Primatu. Cap. VIII.

PRÆCIPVORVM quattuor Ecclesiæ Doctorum, qui latine scripserunt sententias de Petri primatu, ab alijs seorsum digerendas ideo duxi, tum ne lectori tedium longa sententiarum continuatione afferrem, tum quod maximam horum testimonia in Ecclesia vniuersali habent auctoritatem. Quorum antiquior est.

Anno SANCTVS AMBROSIVS Mediolanensis Episcopus
370. vir sanctissimus qui anno Domini 370. floruit. Is sermone 47. de Petri Apostoli fide differens ait. Astruximus superiore Dominica Sanctum Petrum in Saluatoris passionis sine erroribus profecisse, & posteaquam negauit Dominum Deum, fuisse meliorem. Fidelior enim factus est, postquam fidem se perdidisse defleuit, atque ideo maiorem gratiam reperit, quam amisit. Tanquam bonus enim pastor tuendum gregem accepit, ut qui sibi ante infirmus fuerat, fieret omnibus firmamentum. Et qui ipse interrogationis tentatione nutauerat, ceteros fidei stabilitate fundaret. Denique pro soliditate deuotionis Ecclesiarum petra dicitur, sicut ait Dominus. Tu es Petrus, & super hanc petram ædificabo Ecclesiam meam. Petra enim dicitur, eò quod primus in nationibus fundamenta fidei posuerit,

& tanquam saxum immobile totius operis Christiani cont-
pagem molemq; contineat. Petra ergo pro deuotione Pe-
trus dicitur, & pro virtute Dominus nuncupatur, sicut ait
Apostolus. Bibebant autem de spiritali consequenti eos
petra, petra autem erat Christus. Recte consortium me-
retur nominis, qui consortium meretur & operis. In ea-
dem enim domo Petrus fundamentum posuit, Petrus plan-
tat, Dominus incrementum dat, Dominus irriguum sub-
ministrat. Petrus enim tentationibus suis proficit, fletibus
suis gaudet, periculis suis crescit,

Idem sermone 11. de mirabilibus. Propterea dicitur
Petro, Duc in altum, hoc est in profundum disputationum
generationis diuinæ. Quid enim tam profundum quam
quod ait Petrus ad Dominum: Tu es Christus filius Dei
uiui. Quid tam terrenum, quam quod de Domino dixe-
runt Iudei: Nonne hic est filius Ioseph fabri? Ille altiore
consilio natiuitatem Christi diuinitus approbavit, hi mente
viperea generationem cœlestem carnaliter existimant. Vn-
de ait Saluator Petro. Quia non caro & sanguis tibi hoc
reuelauit, sed pater meus qui in cœlis est. Phariseis autem
dicit: Quomodo potestis bona loqui, cum sitis nequam?
Hanc igitur solam Ecclesiæ nauem ascendit Dominus, in
qua Petrus magister est constitutus, dicente Domino: Su-
per hanc petram ædificabo Ecclesiam meam. Quæ nauis
in altum seculi istius ita natat, vt pereunte mundo, omnes
quos suscepit seruet illesos. Cuius figuram iam in veteri
videmus testamento. Sicut enim Noe arca naufragante
mundo cunctos quos suscepit, incolumes reseruauit, ita
& Petri Ecclesia conflagrante seculo, omnes quos amplecti-
tur representabit illesos. Et sicut tunc transacto diluui-
o, ad arcam Noe columba signum pacis detulit, ita & transacto
iudicio ad Ecclesiam Petri Christus gaudium pacis referet,
quia ipse columba vel pax est, sicut promisit dicens. Ite-
rum autem videbo vós, & gaudebit cor vestrum.

Idem lib. 5. super Lucam in c. 5. Denique & si alijs imperatur vt laxent retia sua, soli tamen Petro dicitur, Duc in altum, hoc est in profundum disputationum. Quid enim est tam altum, quam altitudinem diuitiarum videre, scire filium Dei, & professionem diuinæ generationis assumere? Quam licet mens non queat humana plene rationis inuestigatione comprehendere, fidei tamen plenitudo complectitur. Et prius dixerat. Non turbatur nauis quæ Petrum habet, turbatur illa quæ Iudam habet. Per nauem enim Petri quam Christus ascendit, Ecclesia significatur.

Idem super 24. cap. Lucæ. Petrus ergo vidit solus Dominum. Deuotio enim parata semper & prompta credebat, & ideo studebat frequentiora fidei signa colligere. Aliubi cum Ioanne, alibi solus, ubiq; tamen impiger currit, ubiq; aut solus, aut primus, non contentus vidisse quæ viderat, repetit intuenda, & quærendi Domini amore succensus, non satiatur videndo. Vidit eum solus, vidit cum vndecim, vidit cum septuaginta, vidit & quando Thomas credidit, vidit cum piscaretur, sed non vidisse contentus, impatiens desiderij, negligens captionis, immemor periculi, non tamen immemor reuerentiæ. Vbi Dominum vidit in littore, veste se texit; serum estimans, si cum ceteris nauigio perueniret, sic cum in mari Dominus ambularet, super vndas maris naturæ suæ oblitus occurrit. Sic cum à Iudæis Dominus teneretur, aduersum turbas gladium solus exeruit, sic & nunc quum Dominus stetisset in littore periculoso compendio, religiosum maturauit obsequium. Non est igitur dubium credidisse Petrum, & credidisse quia dilexit, dilexisse quia credidit. Vnde & contristatur, quia & tertio interrogatur; Amas me? Is enim interrogatur de quo dubitatur, sed Dominus non dubitat qui interrogabat non vt disceret, sed vt doceret, quem eleuandus in coelum amoris sui nobis velut Vicarium relinquebat. Sic enim habes, Simon Ioannis diligis me? Vtique tu scis Domine quia

quia amo te . Dicit ei Iesus ; Pasce agnos meos . Bene conficius sui , non ad tempus assumptum , sed iamdudum Deo cognitum Petrus testificatur affectum . Quis est alius , qui de se hoc facile profiteri possit ? Et ideo quia solus proficitur ex omnibus , omnibus antefertur . Maior enim omnibus charitas . Illud quoq ; diligentius intuendum cur , cum Dominus dixerit ; Diligis me ? Ille respondit . Tu scis Domine quia amo te . In quo videtur mihi dilectio habere animi charitatem , amor quendam æstum conceptum corporis ac mentis ardorem , & Petrum opinor , non solum animi , sed etiam corporis sui , circa Dei cultum , signare fragrantiam . Denique tertio Dominus non iam , Diligis me , sed amas me interrogavit , & iam non agnos , ut primo quodam lacte vescendos , nec ouiculas ut secundo , sed oves pascere iubetur perfectiores , ut perfectior gubernaret . Et ideo quasi perfecto in omnibus , quem caro iam reuocare non posset , à gloria passionis , corona decernitur , &c .

Idem sermone 46. de poenitentia Apostoli Petri . Deniq ; imitemur Petrum . Quum enim tertio interrogaretur à Domino . Simon amas me ? respondit tertio . Domine tu scis quia diligo te , ait Dominus , Pasce oves meas , & hoc tertio , quod quidem dictum ad compensationem prioris , profecit erroris , qui enim Dominum tertio negauerat , tertio confitetur , & quoties culpam delinquendo cōtraxerat , toties gratiam diligendo conquirat . Videte ergo quantum fletus profecerit , Petrus antequam fletet lapsus est , posteaquam fleuit , electus est , & qui ante lachrymas præuaricator extitit , post lachrymas pastor assumptus est , & alios regendos accepit ; qui prius se ipse non rexit .

Idem lib. comment. 10. in cap. 22. Lucæ . Tollit ergo Petrus aurem , quare Petrus ? quia ipse est qui accepit claves regni cœlorum . Ille enim condemnat , qui & absoluit , quoniam ligandi idem & soluendi adeptus est potestatem . Tollit autem male audientis , tollit autem gladio spirituali au-

rem interiorem male intelligentis. Caueamus ne cui tollatur auricula. Legitur passio Domini, si ad diuinitatem eius referimus infirmitatem corporeę passionis, exciditur auricula, & exciditur à Petro, qui non passus est Christum prophetam estimari, sed Dei filium docuit fideli cõfessione signari.

Idem sermone in Psalmum 40. Vbi Petrus ibi Ecclesia, vbi Ecclesia ibi nulla mors, sed vita æterna.

Idem cap. 1. ad Galatas. Dignum fuit vt cuperet videre Petrum, quia primus erat inter Apostolos, cui delegauerat Saluator curam Ecclesiarum. Et cap. 2. Petrum Paulus solum nominat, & sibi comparat, quia primatum ipse accepit ad fundandam Ecclesiam.

Et paulo post in eod. cap. 2. Soli Petro gratia primatus inter Apostolos concessa.

Et in cap. 12. epist. 2. ad Corinthios. Andreas prior sequutus est Saluatorem quam Petrus, & tamen primatum non accepit Andreas, sed Petrus.

Idem libro de incarnationis dominicę sacramento cap. 4. Taces ergo Simon, & respondentibus alijs adhuc taces? Cum ipse sis primus, qui etiam non interrogatus interrogas, nec times ne reprehendaris à domino, quia non respondes interroganti? Ideo (inquit) non respondeo, quia non interrogor meam, sed alienam sententiam. & infra paulo. Hic inquam vbi audiuit. Vos autem quid me dicitis? statim loci non immemor sui, primatum egit, &c.

Anno
390.

LUX DOCTORVM, Hæreticorum malleus, & lucerna in Dei Ecclesia perpetuo ardens AVGVSTINVS AFRICANVS Episcopus Hipponensis, Hieronymi, & Ambrosij contemporaneus, quum varie interpretatus esset locum illum. Tu es Petrus & super hanc petram, &c. Per petram enim quandoque Petrum, quandoque ipsum Christum, quem dixerat filium Dei viui, intellexerat, in retractationum tamen libro priore cap. 21. Postquam meminit libri ab se

scripti

scripti contra Donatum, hæc verba adiecit . In hoc libro dixi in quodam loco de Apostolo Petro, quod in eo tanquam in petra fundata sit Ecclesia, qui sensus etiam cantatur ore multorum, in versibus beatissimi Ambrosij, vbi de gallo gallinacio ait . Hoc ipsa petra Ecclesia canente, culpam diluit. Sed scio me postea sæpissime sic exposuisse, quod à Domino dictum est : Tu es Petrus, & super hanc petram ædificabo Ecclesiam meam . vt super hanc intelligeretur, quem confessus est Petrus dicens . Tu es Christus filius Dei viui, ac si Petrus ab hac petra appellatus, personam Ecclesię figuraret ; quę super hanc petram ædificatur, & accepit clauēs regni cœlorum. Non enim dictum est illi : Tu es petra, sed tu es Petrus, petra autem erat Christus, quem confessus Simon, sicut eum tota Ecclesia constitetur, dictus est Petrus . Harum autem sententiarum duarum, quæ sit probabilior eligat lector &c. Illud scitu dignū quod siue hic, siue alter sensus eligatur, tamen semper ex eodem loco primatus Petri colligitur . Nam super petram, idest super fidem non cuiusuis sed Petri. Non (inquam) supra fidē Ioannis, vel Andreæ, aut Iacobi, sed supra Petri fidem, supra illam (inquam) pro qua, ne deficeret, orauit .

Idem tractatu i i 8. in cap. 19. Ioannis . Inconsumilis autem tunica ne aliquando dissuatur, & ad vnū peruenit, quia in vnum omnes colligit, sicut in Apostolis, cum esset etiam ipse numerus duodenarius, idest, quadripartitus in ternos, & omnes essent interrogati, solus Petrus respondit . Tu es Christus filius Dei viui, & ei dicitur : Tibi dabo clauēs regni cœlorum, tanquam ligandi & soluendi solus acceperit potestatem, cum & illud vnus pro omnibus dixerit, & hoc cum omnibus tanquam personam gerens ipsius vnitatis acceperit. Ideo vnus pro omnibus, quia vnitas est in omnibus : vnde hic cum dixisset, de super contexta, addidit per totū, quod si referamus ad id quod significat, nemo eius est expers, qui pertinere ad totum inueniatur, à quo toto sicut

Græca indicat lingua catholica vocatur Ecclesia. In sorte autem quid nisi Dei gratia commendata est? Sic quippe in vno ad omnes peruenit, cum fors quoque omnibus placuit, quia & Dei gratia in vnitatem ad omnes peruenit, & cū fors mittitur non personæ, vel cuiuscunque meritis, sed occulto iudicio Dei ceditur. Ita ille. Ecce igitur vnus respondit pro omnibus, & vnus accepit pro omnibus, & alij in ipso, & per ipsum. Nam qui personam sustinet omnium, & totius cōmunitatis primatum habet vt princeps, Rex, paterfamilias sui regni vel familiæ, & Dux exercitus. Et hoc ipso quia omnium aliorum sustinet personam, sed nec Ioannes dilectus, nec Iacobus frater Domini acceperunt pro omnibus, sed vnus Petrus tantum. Quod idem intelligendum est in similibus alijs testimonijs diui Augustini, in quibus vbique Petrum primum Apostolorum præpositum Ecclesiæ principatum Apostolatus habere confitetur, vocatque cum subinde principem, caput, verticem, & similibus nominibus.

Idem tractatu 124. super caput Ioannis 21. Hoc agit Ecclesia, spe beata, in hac vita ærumnosa, cuius Ecclesiæ Petrus Apostolus propter apostolatus sui primatum gerebat, figurata generalitate personam, quod enim ad ipsum proprie pertinet, natura vnus homo erat, gratia vnus Christianus, abundantiore gratia, vnus idemque primus Apostolus, sed quando ei dictum est. Tibi dabo clauēs regni cœlorū, & quodcunque ligaueris super terram erit ligatum & in cœlis, & quodcunque solueris super terram erit solutum & in cœlis, vniuersam significat Ecclesiam, quæ in hoc seculo diuersis tentationibus velut imbribus, fluminibus, tempestatibusque quatitur & non cadit, quoniam fundata est super petram: vnde & Petrus nomen accepit, non enim à Petro petra, sed Petrus à petra, sicut non Christus à Christiano, sed Christianus à Christo vocatur. Ideo quippe ait Dominus, Super hanc petram ædificabo Ecclesiam meam, quia
dixerat

dixerat Petrus: Tu es Christus filius Dei viui, super hanc ergo petram(inquit)quam cōfessus es, & edificabo Ecclesiam meam. Petra enim erat Christus, super quod fundamentum etiam ipse & edificatus est Petrus, fundamentum quippe aliud nemo potest ponere præter id quod positum est, quod est Christus Iesus. Ecclesia ergo quæ fundatur in Christo clauēs ab eo regni cœlorum accepit in Petro, idest potestatem ligandi soluendiq; peccata, quod enim est per proprietatem in Christo Ecclesia, hoc est, per significationem Petrus in petra, qua significatione intelligitur Christus petra, Petrus Ecclesia, hæc igitur Ecclesia quam significabat Petrus, quamdiu degit in malis amando & sequendo Christum, liberatur à malis, ita ille. Simili ratione vt dictum est quia petri persona representabat Ecclesiam, necessario colligitur Petrum primum in ea obrinuisse locum, & primatum inter reliquos, vt Rex regnum representat, & regni totius sustinet personam & Gubernator, aut Princeps Ciuitatis, paterfamilias domus suæ, quem esse germanum eius sensum ipse D. Augustinus alibi sæpe exponit in testimonijs quæ passim hoc loco citaui. Fundamentum quoq; primum vnum Christum esse, & angularem lapidem, idem D. Augustinus docet; at post ipsum primum subsequētia fundamenta alia esse ostendunt D. Paulus, & Ioānes in Apocalypsi. Ita igitur nihil obstat solum Christum primum fundamentum esse, post Christum Petrus, quod ei impositum à petra nomen indicat, ac reliqui deinde Apostoli. Quibus certe hoc nomen negari non potest.

Idem sermone 13 de verbis Domini, in Euangelium secundum Matthæum, de Christo ambulante super aquas maris, & Petro titubante. Euangelium quod recentissime recitatum est de Domino Christo, qui super aquam maris ambulauit, & de Apostolo Petro qui ambulās timendo titubauit, & diffidendo mersus, confitendo rursus emer-
sit, admonet nos, intelligere mare præsens seculum esse. Pe-

trum

Mat. 14.

trum vero Apostolum Ecclesiæ vnica typum. Ipse enim Petrus in Apostolorum ordine primus, in Christi amore promptissimus, sæpe vnus respondit pro omnibus. Ipse denique Domino Iesu Christo requirenti, quem nam homines dicerent eum esse, & opiniones varias hominum discipulis respondentibus, rursusq; Domino interrogante, & dicente. Vos autem quem me esse dicit is? Respondit Petrus. Tu es Christus filius Dei viui. Vnus pro omnibus dedit responsum, vnitas in multis: Tunc ei Dominus ait. Beatus es Simon Bar Iona quia non reuelauit tibi caro & sanguis, sed pater meus qui est in coelis. Deinde addidit. Et ego dico tibi, Tanquam diceret, Quia tu dixisti mihi, Tu es Christus filius Dei viui, & ego tibi, Tu es Petrus (Simon quippe ante vocabatur) hoc autem nomen ei vt Petrus appelleretur à Domino impositum est, & hoc, vt ea figura significaret Ecclesiam. Quia enim Christus petra, Petrus populus Christianus; petra enim principale nomen est. Ideo Petrus à petra, non petra à Petro, quomodo non à Christiano Christus, sed à Christo Christianus vocatur. Tu es ergo (inquit) Petrus, & super hanc petram, quam confessus es, super hanc petram quam cognouisti dicens: Tu es Christus filius Dei viui, ædificabo Ecclesiam meam: idest super me ipsum filium Dei viui, ædificabo Ecclesiam meam, super me ædificabo te, non me super te. Nam volentes homines ædificari super homines dicebant. Ego quidem sum Pauli, ego autem Apollo, ego vero Cephæ, ipse est Petrus. Et alij qui nolebant ædificari super Petrum, sed super petram, ego autem sum Christi. Apostolus autem Paulus vbi cognouit se eligi, & Christum contemni, diuisus est (inquit) Christus? Numquid Paulus pro vobis crucifixus est, aut in nomine Pauli baptizati estis? Quomodo non in Pauli, sic nec in Petri, sed in nomine Christi vt Petrus ædificaretur supra petram, & non petra super Petrum. Idem ergo petrus à petra cognominatus Beatus, Ecclesiæ figuram portans, Apostolatus

solatus principatum tenens, continuo post paululum iam audito quod beatus esset, iam audito quod Petrus esset, iam audito quod supra petram ædificatus esset, posteaquam audiuit futuram Domini passionem, quia prædixerat cito futuram discipulis suis, displicuit ei; Timuit ne perderet morientem, quem confessus fuerat vitæ fontem. Turbatus est, absit à te (inquit) Domine, ne fiat istud. Propitius esto tibi Domine, nolo te mori. Petrus dicebat Christo, nolo te mori, sed melius dicebat Christus, volo pro te mori.

Idem sermone 28. de Sanctis, qui quartus est in Apostolorum Petri & Pauli natali, in fine. Ex piscatore fecit Dominus Apostolorum principem; ex persecutore fecit Apostolicum confessorem. Præstitit passio socios, quos fecerat fidei prædicatio copulatos. Veneremur ergo principes gregis nostri, si volumus caulas intrare pastoris.

Idem sermone 29. qui est quintus de festo Apostolorum Petri & Pauli. Hic est quoque beatus Petrus in illa cœlestium discipulorum schola præcipuus, ac primus idoneus qui verba vitæ ex Christi ore suscipiens, per Euangelij potestatem Iudæorum gentem perditam quæreret, & abdicatos ad hæreditatem vocaret, interpretes legis, assertor gratiæ, destructor Synagogæ, Ecclesiæ reparator, & ideo solus inter Apostolos meruit audire; Amen dico tibi quia tu es Petrus & super hanc petram ædificabo Ecclesiam meam. Dignus certe, qui ædificandis in domo Dei populis, lapis esset ad fundamentum, columna ad sustentaculum, clavis ad regnum. De hoc ait sermo diuinus: Et ponebant (inquit) infirmos suos, ut umbra saltem transeuntis Petri obumbraret eos. Si tunc opem ferre poterat umbra corporis, quanto magis nunc plenitudo virtutis? Si tunc supplicantibus proderat aura quædam pertranseuntis; quanto magis gratia nunc permanentis?

Idem sermone 26. de sanctis Apostolis Petro & Paulo. Primum signum mirabile quod beatus Apostolus Petrus

fecit, claudo pedum restituendo vt diximus vestigia. Audistis frequenter ipsam Petrum à domino petram nuncupatum, sicut ait. Tu es Petrus, & super hanc petram ædificabo Ecclesiam meam. Si ergo Petrus petra est, supra quam ædificatur Ecclesia, recte prius pedes sanat, vt sicut in Ecclesia fidei fundamentum continet, ita & in homine membrorum fundamenta confirmet. Recte (inquam) primum pedes Christiano curat, vt iam non trepidus quis nec imbecillis possit supra petram Ecclesiæ stare, sed robustus & fortis incedere.

Idem sermone de tempore 124. Credendæ erant Petro Apostolo clauēs Ecclesiæ, immo creditæ sunt ei clauēs regni cœlorum, credendæ quoque ei erat populorum innumera multitudo, quæ esset pro suæ naturæ vitijs, passionibus, culpis inuoluta, atque peccatis. Denique sic ad eum Saluator dicit. Tibi (inquit) dedi clauēs regni cœlorum. Deinde sequitur dicens, Quęcunq; ligaueris super terram, erunt ligata & in cœlo, videlicet vt in clauibus fidelis ianitor, in sententijs esset clementissimus dispensator. Erat enim reuera hic Petrus paulo durior, & seuer⁹, sicut eius austeritatē truncata ob Christi iniuriam serui principis sacerdotum declarat auricula. Hic igitur tam durus, tamq; seuerus si donum non peccandi à Domino fuisset indeptus, quæ venia commissis populis donaretur? Sed idcirco diuinæ prouidentię secretum ita temperauit atque permisit, vt primus ipse laberetur, ac rueret in peccatum, quò erga peccantes duriores sententiam proprij casus intuitu temperaret. Quantum igitur diuini muneris erga salutem hominum, quantum curæ, quantumq; sollicitudinis impendatur, aduertite. Totius corporis morbum in ipso capite curat Ecclesiæ, & in ipso vertice componit membrorum omnium sanitatem in ipsa confessionis Christi crepidine, in ipso immobilis fidei fundamento, in Petro scilicet illo qui dixerat; Etiam si me oporteat mori tecum, non renegabo.

Hic

Hic est Petrus qui diuina reuelatione prior omnium veritatem meruit confiteri, dicens: Tu es Christus filius Dei, hic tantus & talis venit ad illam noctem, in qua dominus tradebatur, & cum se calefacere vellet ad prunas, accessit ad eum puella, & dixit ei. Et tu hesterno die cum homine hoc eras, at ille mox respondit, Nescio hominem istum. Quid agis ò Petre futuræ rector Ecclesiæ, quid loqueris? Intuere quid sis interrogatus, vel quid interroganti respondes; vox tua repente mutata est, hoc est omne illud, quod cito, sed non cauto sermone promiseras; hoc est totum, quod etiam omnibus negantibus, te usque ad mortem perseuerare iuraueras?

Idem in sermone 15. de Sanctis, qui est de cathedra Petri 1. Institutio solemnitatis hodiernæ à senioribus nostris cathedræ nomen accepit, ideo quod primus Apostolorum Petrus hodie Episcopatus cathedram suscepisse referatur. Recte ergo Ecclesiæ natalem illius sedis colunt, quam Apostolus pro Ecclesiarum salute suscepit, dicente Domino. Tu es Petrus & super hanc petram ædificabo Ecclesiam meam: Petrum itaque fundamentum Ecclesiæ dominus nominauit: Et ideo digne fundamentum hoc Ecclesia colit supra quod Ecclesiastici ædificij altitudo consurgit. Vnde conuenienter, Psalmus qui lectus est dicit. Exaltent eum in Ecclesia plebis, & in cathedra seniorum laudent eum, Benedictus Deus qui exaltari in Ecclesia hoc præcepit, quia dignum est, vt fundamentum hoc in Ecclesia honoretur, per quod ad cælum ascenditur.

Psal. 116

Idem in psalmo contra partem Donati. Numerate sacerdotes vel ab ipsa Petri sede, & in ordine illorum patrū, quis cui successit: videre, ipsa est petra, quam non vincunt superbæ inferorum portæ.

Idem in quæstionibus noui testamenti, quæstione 75. Accedentes exactores ad Petrum qui primus inter Apostolos erat, cum solui debere ab eorum magistro dicerent

- Mat. 17.* didrachmam, & infra. Dicunt ergo exactores didrachmæ ad Petrum Apostolum: Magister vester non soluit didrachma &c. Quo dicto, magistrum vt pro omnibus discipulis solueret, conuenerunt. Saluator autem cum pro se; & Petro dari iubet, pro omnibus exoluisse videtur. Quia sicut in Salvatore erant omnes causa magisterij, ita & post Saluatorem in Petro omnes continentur. Ipsum enim constituit caput eorum, vt pastor esset Dominici gregis. Nam inter
- Mat. 16.* cætera dicit discipulis, Vigilate & orate ne intretis in tentationem. Et Petro dicit. Ecce Satanas exposulauit, vt
- Luc. 22.* vos ventilet sicut triticum: Ego autem rogavi pro te, vt non deficiat fides tua, & tu tandem conuersus confirma fratres tuos. Quid ambigitur? Pro Petro rogabat, & pro Iacobo & Ioanne non rogabat, vt cæteros taceam. Manifestum est in Petro omnes contineri; rogans enim pro Petro, pro omnibus rogasse dignoscitur. Semper enim in preposito populus aut corripitur, aut laudatur; quia & alio loco dicit.
- Joan. 17.* Ego pro his rogo quos mihi dedisti pater, & volo vt vbi ego sum, & ipsi sint mecum.

Luc. 9. Idem lib. 2. quæstionum Euangelicarum cap. 2. Quod Dominus de nauicula docet turbas, significauit hoc tempus, quando Dominus de auctoritate Ecclesiæ docet gentes, quin & illud verbum Petri. Exi à me quia homo peccator sum, quod tamen quia Christus non fecit. Docet (inquit) munus Ecclesiasticum, non deferendum peccatorum turbatione: vnde & alij laxant retia, sed prius id Petrum facere conspiciunt. In verbo tuo (ait) laxabo rete.

Idem tract. 27. super cap. 6. Ioannis. Respondit Petrus pro omnibus, vnus pro multis, vnitas pro vniuersis. Respondit ergo ei Simon Petrus, Domine ad quem ibimus? Repellis nos à te, da nobis alterum te. Si à te recedimus, ad quem ibimus? Verba vitæ æternæ habes. Videte quemadmodum Petrus dante Deo, recreante Spiritu Sancto, intellexit. Vnde nisi quia credidit? Verba vitæ æternæ habes:

bes. Vitam enim æternam habes, in ministracione corporis & sanguinis tui.

Idem sermone de tempore 117. Percussit ergo Petrus aurem pueri principis. Quare Petrus? quia ipse accepit regni cœlorum clauēs, & soluendi, ligandiq; ipse adeptus est potestatem.

Idem tractatu 47. super Ioannem. Ideo Petro quem facere volebat pastorem bonum, ait. Petre amas me? pasce oues meas.

Idem sermone de verbis Domini 49. in Euangelium secundum Ioannem. Quum ergo nunc loqueretur dixit se esse pastorem, dixit se esse & ianuam. Vtrunq; ibi habes, & ego sum ianua, & ego sum pastor. Ianua est in capite, pastor est in corpore. Dicit enim Petro, in quo vno format Ecclesiam, Petre amas me? Respondit. Domine amo te. Pasce oues meas. & tertio. Petre amas me? contristatus est Petrus, quod enim tertio interrogauit, quasi ille qui vidie conscientiam negatoris, non videbat fidem confitentis.

Idem in libro de pastoribus cap. 13. in ipso Petro vnitatem commendauit. Multi erant Apostoli, & vni dicitur, pasce oues meas.

Idem in sermone 2. de cathedra beati Petri, qui est 16. de Sanctis. Tanquam bonus enim pastor tuendum gregem accepit, vt qui sibi antea infirmus fuerat, fieret omnibus fir namentum, & quia ipse interrogationis tentatione negauerat, cæteros fidei stabilitate fundaret.

Idem de agone Christiano cap. 30. ait. Non enim sine causa inter omnes Apostolos huius Ecclesiæ catholicæ personam sustinet Petrus; huic enim Ecclesiæ clauēs regni cœlorum datæ sunt; & cum ei dicitur, ad omnes dicitur, amas me? pasce oues meas. Debet ergo Ecclesia catholica correctis & pietate firmatis filiis libenter ignorare, quum ipsi Petro personam eius gestanti, & cum in mari titubasset, & cum Dominum carnaliter à passione

sione reuocasset, & quum aurem serui gladio præcidisset, & quum ipsum Dominum ter negasset, & quum in simulationem postea superstitiosam lapsus esset, videamus veniã esse concessam, eumq; correctum atque firmatum vsq; ad Dominicæ passionis gloriam peruenisse. ita ille. In Petro porro Ecclesia clauis accepit, tanquam in capite, & ex hoc colligitur caput esse, quia ei datæ sunt Ecclesiæ personam sustinenti, & in ipso ad omnes pastores dictum, pascue oues, vtpote quia ipse primus pastor, & quia aliorum forma. ex hoc etiam sequitur eum primum esse pastorem, atq; supremum, quia in ipso vno, ad omnes illa dicuntur, & in ipso omnium forma præscribitur, quia videlicet primus erat & summus, ideo eius ad omnes forma se extendit.

Idem in Ioannem tractatu 56. Quis enim nesciat primum Apostolorum esse beatissimum Petrum?

Idem tract. vlti. super illis verbis Ioan. cap. 21. Sic eum volo manere donec veniam quid ad te? Duas itaque vitas sibi diuinitus prædicatas & commendatas nouit Ecclesia, quarum vna est in fide, altera in specie. & infra, Vna significata est per Apostolum Petrum, propter sui primatum, altera &c.

Idem lib. 2. cap. 1. de Baptismo contra Donatistas. Commemorat, inquit Cyprianus, quod etiam nos in scripturis sanctis didicimus, Apostolum Petrum, in quo primatus Apostolorum tam excellenti gratia præeminet, aliter quã veritas postulabat de circuncisione agere solitum, à posteriore Apostolo Paulo fuisse correptum. & paulo infra. Puto quod sine vlla sui contumelia Cyprianus Episcopus Petro Apostolo comparatur, quantum attinet ad martyrij coronam: Ceterum magis vereri debeo, ne in Petrum contumeliosus existam. Quis enim nescit illum Apostolatus principatum cuilibet Episcopatu præferendum? Sed & si distat cathedrarum gratia, vna est tamen martyrum gloria.

Idem lib. 7. cap. 1. de baptismo contra Donatistas. Sicut ergo

ergo Nazarei circuncisi, Petro in primatu Apostolorum, martyrij gloria coronato, in sui pertuersitate præcisi ab Ecclesia remanserunt, sic & isti Cypriano, per abundantiam charitatis in sorte sanctorum passionis claritate suscepto, se ipsos exules vnitatis agnoscunt, & contra vnitatis patriam pro suis calumnijs ciuem vnitatis opponunt.

Idem sermone 3. in festo Apostolorum Petri & Pauli, qui est 27. de sanctis. Quum omnes beati Apostoli parè gratiam apud Dominum sanctitatis obtineant, nescio quò tamen pacto Petrus & Paulus videntur præ ceteris peculiari quadam in Salvatore fidei virtute præcellere; Quod quidem ex ipsius Domini iudicio possumus approbare. Nam Petro sicut bono dispensatori clauem regni cœlestis dedit, Paulo tanquam idoneo Doctori gentium magisterium Ecclesiasticæ institutionis iniunxit; scilicet vt quos iste erudierit ad fidem, ille suscipiat ad salutem; vt quorum corda Paulus patefecerit doctrina verborum, eorum animabus Petrus aperiat regna cœlorum. Clauem enim quodammodo à Christo scientiæ & Paulus accepit: Clauis enim dicenda est, qua ad fidem pectorum dura referantur, mentium secreta pāduntur; & quicquid intrinsecus tenetur clausum, in palam rationabili manifestatione producit. Clauis (inquam) est quæ & conscientiam ad confessionem peccati aperit, & gratiam ad æternitatem mysterij salutaris includit. Ambó igitur clauis à Domino perceperunt, scientiæ iste, ille potentiæ. Diuitias immortalitatis ille dispensat, scientiæ thesauros iste largitur. Sunt enim thesauri scientiæ sicut scriptum est. In quo sunt omnes thesauri sapientiæ, & scientiæ absconditi. Ergo beati Petrus & Paulus eminent super vniuersos Apostolos, & peculiari quadam prærogatiua præcellunt.

SANCTVS HIERONYMVS Stridonensis Dalmata presbyter qui anno Domini 395. florebat.

Is libro primo contra Iouinianum: At dicis, Super Petrum

Anno
395.

trum fundatur Ecclesia, licet ad ipsum in alio loco super omnes Apostolos fiat, & cuncti clauces regni cœlorum accipiant, & ex quo super eos Ecclesiæ fortitudo solidetur: tamen propterea inter duodecim vnus eligitur, vt capite constituto, schismatis tollatur occasio. Sed cur non Ioannes electus est virgo? & tati delatum est, quia Petrus senior erat: ne adhuc adolescens & penè puer, progressæ ætatis hominibus præferretur: & magister bonus, qui occasionem iurgij debuerat auferre discipulis, & qui dixerat eis, pacem meā do vobis, pacem meam relinquo vobis, & qui voluerit inter vos maior esse, minimus omnium sit: in adolescentem quem dilexerat, causam præbere videretur inuidiæ.

Idem libro primo contra Pelagianos. Quid Platoni & Petro? vt ille enim princeps philosophorum, ita & hic Apostolorū fuit, super quem Ecclesia Domini stabili mole fundata est, quæ nec impetu fluminis, nec vlla tempestate concutitur.

Idem super Matthæum cap. 16. Ego (inquit) dico tibi. Quid est quod ait, Et ego dico tibi? Quia tu mihi dixisti: Tu es Christus filius Dei viui: Et ego dico tibi, non sermone casso, & nullum habente opus, sed tibi dico, quia meum dixisse & fecisse est: Quia tu es Petrus, & super hanc petram ædificabo Ecclesiam meam. Sicut ipse lumen Apostolis donauit, vt lumen mundi appellarentur, ceteraq; ex Domino sortiti sunt vocabula; ita & Simoni qui credebat in petram Christum, Petri largitus est nomen; ac secundum metaphoram petræ, recte dicitur ei, ædificabo Ecclesiam meam super te.

Idem ad Damasum in epistola 57. Ego nullum primum nisi Christum sequens, beatitudini tuæ, id est, cathedræ Petri communionem confocior, super illam petram fundatam Ecclesiam scio.

Idem ad Marcellum aduersus Montanū. Si igitur Apostolus Petrus super quem Dominus fundauit Ecclesiam & prophe-

prophetiâ, & pmissione Dñi illo tpe completâ memorauit.

Idem in Matthæum cap. 18. post inuentum staterem, post tributa reddita: quid sibi vult Apostolorum repentina interrogatio? In illa hora accesserunt discipuli ad Iesum dicentes: Quis putas maior est in regno cœlorum? Quia viderant pro Petro & Domino idem tributum redditum: ex æqualitate pretij, arbitrati sunt Petrum omnibus Apostolis esse prælatum: qui in redditione tributi Domino fuerat comparatus: ideo interrogant: quis maior sit in regno cœlorum. Vidensq; Iesus cogitationes eorum, & causas erroris intelligens: vult desiderium glorię, humilitatis cōtentione sanare.

Idem in eundem cap. 10. Ordinem (inquit) Apostolorum & meritum vniuscuiusque, illius fuit distribuere, qui cordis arcana rimatur &c. Quum à Matthæo primus Apostolorum appellatur Petrus, id dignitate intelligendum est. Nam vocatione & ordine Andreas, eo prior fuit.

Idē in epos. Psal. 13. Petrus Apostolorum princeps & caput Ecclesię fuit.

Idem epistola 89. ad Augustinum. Hanc autem explanationem quam primus Origenes in 10. Stromatum libro, vbi epistolam Pauli ad Galatas interpretatur, & cæteri deinceps interpretes sunt sequuti: illa vel maxime causa subintroducunt, vt Porphyrio respondeant blasphemanti, qui Pauli arguit procacitatem, quod principem Apostolorum Petrum (quem ipse Porphyrius appellat principem sectę suę) ausus sit reprehendere, & arguere in faciem, & ratione constringere quod male fecerit: idest, in eo errore fuerit, in quo fuit ipse, qui alium arguit delinquentem.

Idem in com. epist. ad Galat. cap. 1. Nam & quod visus sit ire Hierosolymam, ad hoc isse vt videret Apostolum, non discendi studio, quia & ipse eundem prædicationis habebat auctorem, sed honoris priori Apostolo deferendi.

Idem in sermone de vinctis Sancti Petri, ad Eustochiũ, quem quanquam quidam Hieronymi fuisse negent, satis ta-

men antiquus est, & tempore haud longe Hieronymo inferior, sic scribit in persona Constantini Imperatoris: Notum esse volumus omnibus Christum pie colentibus, beatū Petrum Apostolum à Deo nobis datum pastorem & principem summo studio venerari velle assidue, & maxime in hoc die Kal. Augustarum, in quo vt Deus à vobis soliti eramus adorari: ita ipse pius pastor precibus Deo fufis, nos & imperium nostrum adiuuare dignetur. Et infra. Ecce Apostolo poenitenti succurritur, qui est Episcoporum Episcopus, & maior gradus redditur ploranti quam sublatus est neganti. Quod vt doceam, illud ostendo quod nullus Apostolorum pastoris nomen accepit: soli enim huius nominis potestatem post resurrectionem suam Petro poenitenti Dominus concessit, & negatus, quam solus habuit, Petro tribuit potestatem: vt non solum recuperasse quod amiserat probaretur, verum & multo amplius poenitendo quam negando perdiderat, acquisisse, &c. scilicet & gratiam & potestatem qui est aduersariorum error, sed gratiam tantum, quam poenitendo recuperauit, & post resurrectionem vniuersalem potestatem accepit.

Anno
590.

B. GREGORIUS MAGNVS PAPA REGISTRI epistola 33. libro 3. ad Theodelindam Longobardorum Reginam. Cum itaque integritatem nostram ex aperta mea traditione seu professione cognoscitis, dignum est vt de Ecclesia beati Petri Apostolorum principis nullum vltius scrupulum dubietatis habeatis, sed in vera fide persistite, & vitam vestram in petra Ecclesiae, hoc est in confessione beati Petri Apostolorum principis solidate.

Idem alio loco. Sanctae Romanae Ecclesiae auctoritatis sanctionem omnes teneant sacerdotes, qui noluerint ab Apostolicae Petre super quam Christus vniuersalem Ecclesiam fundauit, soliditate conuelli.

Idem Registri lib. 3. epistola 41. ad Bonifacium. Hortor vos vt dum vite spatium superest, ab eiusdem beati Petri Ecclesia,

Ecclesia, cui clauēs cœlestis regni commissę sunt, & ligandi & soluendi potestas attributa, vestra anima non inueniatur diuisa: ne si hic beneficium eius despicitur, illic vitę adiutum claudat. Hic autem qui dubitationis vestrę participes sunt, si ad me venire voluerint, nullam ex me quasi ex potestate prodeuntem violentiam pertimescant. Nam nos (licet in omnibus causis) in ijs tamen præcipue quę Dei sunt, ratione magis stringere homines, quam potestate festinamus.

Idem lib. 4. epistola 32. ad Mauritium Augustum. Cunctis enim Euangelium scientibus liquet, quod voce Dominica sancto & omnium Apostolorum principi Petro Apostolo totius Ecclesię cura commissa est. Ipsi quippe dicitur: Petre amas me? pascue oues meas. Ipsi dicitur: Ecce Sathanas expetijt cribrare vos sicut triticum, & ego pro te rogaui Petre, vt non deficiat fides tua: & tu aliquando conuersus confirma fratres tuos. Ipsi dicitur; Tu es Petrus, & super hanc petram edificabo Ecclesiam meam, & portę inferi non præualebunt aduersus eam. Et tibi dabo clauēs regni cœlorum: & quodcunque ligaueris super terram, erit ligatum & in cœlis: & quodcunque solueris super terram, erit solutum & in cœlis. Ecce clauēs regni cœlestis accipit, potestas ei ligandi & soluendi tribuitur. Cura ei totius Ecclesię, & principatus committitur.

Idem libro 6. epist. 5. ad Cyriacum Patriarcham Constantinopolitanum. Et pastori sanctę Ecclesię dicitur: Simon Ioannis amas me? Pascue oues meas. Ex quibus verbis colligitur: quia si is qui valet, omnipotentis Dei oues renuit pascere, ostendit se pastorem summum minime amare.

Idem libro sexto epistola 37. seu cap. 201. ad Eulogium Episcopum Alexandrinum. Quis enim nesciat sanctam Ecclesiam in Apostolorum principis soliditate firmatam, quia firmitatem mentis traxit in nomine, vt Petrus à petra vocaretur? Cui veritatis voce dicitur: Tibi dabo clauēs regni

cœlorum.

Idem homilia 21. super cap. 16. Marci de Dominica resurrectione. Querendum nobis est cur nominatis discipulis, Petrus designatur ex nomine. Sed si hunc Angelus nominatim non exprimeret, qui magistrum negauerat: venire inter discipulos non auderet. Vocatur ergo ex nomine, ne desperaret ex negatione. Qua in re considerandum nobis est, cur omnipotens Deus eum quem cunctæ Ecclesiæ præferre disposuerat, ancillæ vocē pertimescere, & seipsum negare permisit. Quod nimirum magnæ esse actum pietatis dispensatione cognoscimus, ut is qui futurus erat pastor Ecclesiæ; in sua culpa disceret, qualiter alijs misereri debuisset. Prius itaque eum ostendit sibi: & tunc præposuit cæteris, ut ex sua infirmitate cognosceret, quàm misericorditer aliena infirma toleraret.

Idem Homilia 24. super cap. vltimum Ioannis. Captis autem tam magnis piscibus, ascendit Simon Petrus, & traxit rete in terram. Iam credo quòd vestra charitas aduertat: quid est quod beatus Petrus rete ad terram trahit, ipsi quippe sancta Ecclesia est commissa: ipsi specialiter dicitur. Simon Ioannis amas me? pasce oues meas. Quod ergo postmodum aperitur in voce, hoc nunc signatur in opere. Quia ergo prædicator Ecclesiæ nos à mundi huius fluctibus separât, nimirum necesse est ut rete plenum piscibus Petrus ad terram ducat. Ipse enim pisces ad soliditatem litoris pertrahit: quia sanctæ prædicationis voce stabilitatem æternæ patriæ fidelibus ostendit.

Idem libro moralium 17. cap. 16. in cap. Job 26. Scimus enim quod ille Apostolorum, idest, cœlorum primus, ante acceptam Spiritus Sancti gratiam, quoties dum mori timuit, vitam negauit.

Idem Dialogorum lib. 1. cap. 12. Numquid nam nescis Petre, quoniam Paulus Apostolus Petro Apostolorum primo in principatu Apostolico frater est? ita ille. In Aposto-
lico

lico principatu ait; non vero in pastoralis officio & potestate; & ideo Petrum Apostolorum primum vocauit.

Idem libro 26. *Moralium* cap. 22. in caput 36. *Iob.* Petrus namque auctore Deo, Ecclesiæ principatum tenens: à bene agente Cornelio, & sese ei humiliter prosternente, immoderatus venerari recusauit, seque illi similem recognouit, dicens: Surge ne feceris, & ego ipse homo sum. Sed cum Ananiæ & Saphiræ culpam reperit, mox quanta super ceteros potentia exerceuisset, ostendit. Verbo enim eorum vitam perculit, quam spiritu perscrutante deprehendit: & summum se intra Ecclesiam contra peccata recoluit, quod honore sibi vehementer impenso, coram bene agentibus fratribus non agnouit. Illic communionem equalitatis meruit sanctitas actionis, hic zelus ultionis ius aperuit potestatis.

Aliorum Sanctorum Patrum Græcorum, & Latinorum, qui post Concilium Nicænum, & pacem Ecclesiæ datam, vixerunt, De Petri primatu sententiæ. Cap. IX.

SANCTVS HILARIVS. Pictauorum in Gallijs Episcopus, multis persecutionibus sub Imperatore Constantio pro fide catholica ab Arianis constanter toleratis illustis, in commentarijs in Matthæum canone 14. In Petro considerandum est, fide eum ceteros anteisse. Nam ignorantibus ceteris primus respondit: Tu es filius Dei viui. Primus passionem, dum malum putat, detestatus est. Primus & moriturum se, & non negaturum spondit. Primus lauare sibi pedes prohibuit. Gladium quoque aduersus eos; qui Dominum comprehendebant, eduxit. Ascensu autem eius in nauim ventum & mare esse sedatum, post claritatis suæ reditum, æterna Ecclesiæ pax & tranquillitas indicatur. Et quia tum manifestus adueniet, recte admirantes uniuersi

Annus
350.

uerſi loquuti ſunt : Vere filius Dei eſt . Confeſſio enim vniuerſorum tum & abſoluta & publica erit , Dei filium non iam in humilitate corporea , ſed in gloria cœleſti pacem Eccleſiæ reddidiſſe .

Idem in commentarijs in Marthęum canone 16. Aeditis itaque, quę diuerſę de eo erant, hominum opinionibus, quid ipſi de ſe ſentiant quęrit . Petrus reſpondit : Tu es Chriſtus filius Dei viui . Et infra . Et dignum planè confeſſio Petri præmium conſequuta eſt, quia Dei filium in homine vididiſſet . Beatus hic eſt, & vltra humanū modū oculos intendiſſe & vididiſſe laudatus eſt, non id quod ex carne & ſanguine erat , contuens, ſed Dei filium cœleſtis patris reuelatione conſpiciens, dignus iudicatus, qui quod in Chriſto Dei eſſet, primus agnoſceret . O in nuncupatione noui nominis felix Eccleſiæ fundamentum : dignaq; ædificationē illius petra , quæ infernas leges, & tartari portas, & omnia mortis clauſtra diſſolueret . O beatus cœli ianitor, cuius arbitrio clauēs æterni aditus traduntur, cuius terreſtre iudicium præiudicata authoritas ſit in cœlo, vt quæ in terris aut ligata ſunt, aut ſoluta, ſtatuti eiufdem conditionem obtineant & in cœlo .

Idem in Pſalmum 52. Neganti quidem Petro, clauēs tamen regni cœlorum non ademit .

Idem in Pſalmum 131. Quum Ieſus quędam de paſſione ſua loquutus ad diſcipulos fuiſſet, & Petrus tanquam indignum hoc Dei filio deteſtatus eſſet : Petro cui ſuperius clauēs regni cœlorum dederat, ſuper quem Eccleſiam ædificaturus erat, aduerſus quam portæ inferi nihil valerent, qui quę in terris vel ſoluiſſet, vel ligaeſſet, ea in cœlis vel ſoluta perſiſterent, vel ligata . Hunc itaque tali conuictio deteſtantiem hoc ſacramentum paſſionis excepit . Vade poſt me Satana, ſcandalum mihi es . Tanta enim ei religio fuit pro humani generis ſalute patiendi, vt Petrum primum filij Dei confeſſorem Eccleſiæ fundamentum, cœleſtis regni ianito-

ianitorem, & in terreno iudicio iudicem coeli, Satanæ conuitio nuncuparet.

Idem lib.2. de Trinitate, qui locus citatus iam pridem fuerat à Leone Papa primo ad Leonem Imperatorem epistola 97. cap.3. Vnum igitur hoc est immobile fundamentum, vna hæc est felix fidei petra Petri ore confessa: Tu es filius Dei viui, tanta in se sustinens argumenta veritatis, quantæ peruersitatum quæstiones & infidelitatis calumniæ mouebuntur.

Idem libro 6. de Trinitate sic scribit. Et post sacramenti confessionem beatus Simon ædificationi Ecclesiæ subiaccens, & claues regni coelestis accipiens, &c. Et multo infra. Hæc fides, Ecclesiæ fundamentum est, per hanc fidem infirmæ aduersus eam sunt portæ inferorum. Hæc fides regni coelestis habet claues. Hæc fides quæ in terris soluerit aut ligauerit, & ligata sunt in coelis & soluta. Et paulo infra. O miseræ stultitiæ furor impius, non intelligens beatæ senectutis fidei; martyrem, & martyrem Petrum, pro quo pater rogatus est, ne fides eius in tentatione deficeret, qui iterata à se dilectionis in Deum postulata professione tentari se adhuc tanquam ambiguum & incertum tertia interrogatione congemuit. Per id quoque à Domino post tertiam tentationis infirmitatem, pascere oues meas, ter meruit audire, qui in cunctorum Apostolorum silentio Dei filium reuelatione patris intelligens, ultra humanæ infirmitatis modum, supereminentem beatæ fidei suæ confessione gloriam promeruit.

S. BASILIUS Cæsariensis Episcopus vetustissimus post Gentilium persecutiones, inter Græcos Theologus, qui circa annum Domini 370. floruit, lib.2. contra Eunomium sic scribit. Statim enim ex hac voce petra intelligimus Petrum Ionæ filium, qui fuit ex Bethsaida, Andree fratrem, qui ex piscatore ad Apostolatus ministerium vocatus est, qui per fidei excellentiam Ecclesiæ ædificationem in se ipsum suscep-

Anno
370.

suscepit.

Idem in proœmio præceptionum latius disputatarum. Ad hæc scitum fuerit, si illud principis Apostolorum recordermur, meminerimusq; , quum post tot præclare ac feliciter gesta, toties fuisset beatus appellatus, ei dictum fuisse illud, **Jo. 13. E.** Nisi lauerò te, non habebis partem mecum.

Idem homilia 57. de poenitentia. Petrus ter abnegat, & in fundamento iacet, &c. Et infra. At Petrus cum dixisset & benedictionem accepisset, dixisset Tu es filius Dei altissimi, & audisset, Tu petra es: encomijs celebratus est. Nam etiam si petra est, non vt Christus petra est, sed vt Petrus petra: Christus enim reuera petra est inconcussa: Petrus vero propter petram.

Idem ex oratione 3. de peccato. Administer (inquit) talis ac tantæ sententiæ est beatus Petrus, qui alijs omnibus discipulis antepositus fuit, & qui testimonium maius, ac beatitudinem longe ampliorem adeptus erat, cui deniq; clauus regni cœlorum erat concredita, ille inquam cum audiat à Domino, nisi te lauerò. &c.

Idem ex sermone de iudicio Dei. Quid vero talis ac tanti iudicij apparitor, atque adeo vehemens sententiæ Dei aduersus peccati auctorem minister Petrus? ille inquam beatus, qui & cæteris antelatus discipulis fuit, cuique magnificentius quam reliquis omnibus datum testimonium est, magisq; quam reliquis omnibus beatus appellatus, cui clauus regni cœlestis commissæ, is, cum ei dicitur à Domino, nisi lauerò te, non habebis partem mecum. &c.

Anno
370.

CYRILLVS EPISCOPVS HIEROSOLYMORVM apud D. Thomam ex persona Christi loquens, dicit Petro. Tu cum sine, & ego sine fine cum omnibus quos loco tui ponam, plene & perfecte sacramento & auctoritate ero sicut sum & tecum.

Idem ex Catechesi secunda. Nemo desperet de sua salute, Petrus princeps Apostolorum excellentissimus, coram
ancilla

ancilla ter negavit Dominum: sed ad se rediens, fleuit amare. Fletus enim vere seu ex corde poenitentiam designat. Atque ideo non solum negationis illius accepit condonationem, verum etiam dignitatem Apostolicam non ablatam retinuit.

Idem in Catechesi 11. Omnibus (inquit) Apostolis reticentibus (supra vires enim humanas hæc erat doctrina) Petrus princeps Apostolorum, & supremus Ecclesiæ præco, non comminiscens sibi, neque ratione humana persuasus, sed à patre Deo, in mente illuminatus, dicit ad ipsum: Tu es Christus. &c.

Idem in Catechesi 14. Testatur (inquit) resurrectionem Christi Petrus, qui antea quidem negauerat, postea vero ter confessus est, & pascere oves spirituales iussus.

Idem in Catechesi 17. In eadem (inquit) Spiritus Sancti virtute, & princeps Apostolorum, & regni cælorum clauiger Petrus. Lyddæ, quæ nunc Diapolis vocatur, in Christi nomine paraliticum Aeneam curauit.

S. GREGORIUS NAZIANZENSIS Episcopus, in sermone de moderandis disputationibus. Ordo etiam in Ecclesijs ita statuit, ut alij sint oves, alij verò pastores: ita ut hi quidem imperent, illi verò obediant. & post multa. Vides ne Christi discipulos, qui omnes sublimes sunt & electione digni? Petrus enim petra vocatur, eiq; Ecclesiæ fundamenta concreduntur; ille verò Ioannes plus diligitur, ac supra pectus Iesu recumbit, & reliqui præminentiam hanc æquo animo ferunt. &c.

Anno
375.

Idem ex Apologetico ad patrem suum Gregorium, præfente Basilio Magno. Occurrunt (inquit) hinc antiquus ille Iudex Manue, hinc deinde Petrus Ecclesiæ columen, quorum alter cum præstantiorem quàm natura ipsius viresq; ferrent, visionem sensisset. Actum est (inquit) de nobis vxor, alter Saluatoris præsentiam. &c.

Idem ex sermone ad Iulianum tributorem exæquatoré.

M Nunç

Nunc (inquit) Christus tibi nascitur, & Deus est, & homo efficitur, & cum hominibus conuersatur. Quid autem sibi vult hæc oratio? nimirum, nisi me sententia fallit, eos quibus huiusmodi munera commissa sunt, admonet, Deū semper maximis rerum administrationibus interessē. Et quidem vt descriptorum animos fleat, tum demum carnem sumit, & cum hominibus versatur. vt autem seruituti nostræ solatium afferret, animique facilitatem & æquitatem veluti lege sanciret (nam ne id quidem contemptim prætereundum est) non modo suo, sed etiam Petri discipulorum omnium charissimī nomine, didrachmum pendit.

Anno
380.

S. GREGORIUS NYSSENSIS Episcopus, Magni Basilij frater, in Opusculis, titulo, vt petra vitæ Christus, in diuinis scripturis prædicatus est. Petra vero fidei, tanquam fundamentum: vt ipse Dominus ait ad principem Apostolorum: Tu es Petrus, & super hanc petram ædificabo Ecclesiam meam: super confessionem scilicet Christi: quia dixerat, Tu es Christus filius Dei viui. &c. ita ille. Ecce principem Apostolorum appellat, & super eius confessionem qua Christum confessus est fundatam dicit Ecclesiam: non certe super alterius Apostoli confessionem, sed B. Petri.

MAXIMVS Coustantinopolitanus Episcopus, in epistola ad Orientales. Omnes fines terræ, quæ Dominum sincere receperunt, & vbique terrarum catholici veram fidem confitentes iu potestatem Romanorum Pontificum tanquam in solem respiciunt, & ex ipsa lumen catholicæ & Apostolicæ fidei recipiunt, nec immerito, quia Petrus legitur primo perfectam fidem esse confessus, Domino reuelante, quum dixit, Tu es Christus filius Dei viui. Et infra. Decebat tantæ dignitatis & sapientiæ virum, non ab alio cœlestis mysterij arcana requirere, nisi ab eo potissimum, quem non potuit caro & sanguis instruere, sed cui Dominus ipse sua secreta dignatus est aperire. Beatus es (inquit) Simon

Simon Bar Iona, quia caro & sanguis non reuelauit tibi, sed pater meus qui in coelis est. Hunc enim ex cæteris mortalibus de toto orbe conditor orbis elegit, cui cathedram magisterij principaliter possidendam tenere perpetuo priuilegij iure concessit, vt quisquis diuinum aliquod, aut profundum nosse desiderat, ad huius præceptionis oraculum doctrinamq; recurrat, nec illi humiliter offerre, quod soluendum est erubescat, etiam si ipse quod quæritur non ignoret, numquid Angelus de cælo veniens erat nescius docere Cornelium, quem videlicet id quod sibi agendum esset edisceret, destinauit ad Petrum. poterat planè sanctus Angelus docere hominem gentilem, quid sibi opus esset ad salutem, sed eius nolebat vsurpare officium, cui docendi magisterium fuerat commissum.

S. OPTATVS AFER Episcopus Mileuitanus, qui superiorum tempore vixit, in secundo aduersus Donatistas libro, ita scribit. Igitur negare non potes, scire te in Vrbe Roma primo cathedram Episcopalem esse collocatam, in qua federit omnium Apostolorum caput Petrus, vnde & Cephas appellatus est, in qua vna cathedra vnitas ab omnibus seruaretur. &c. Et infra. Qui inferi portas suas habere noscuntur, contra quas portas clauces salutare accepisse legimus Petrum principem scilicet nostrum, cui à Christo dictum est. Tibi dabo clauces regni cælorum, & portæ inferorum non vincent eas. Vnde est ergo quod clauces regni vobis vsurpare contenditis, qui contra cathedram Petri (de Romana loquitur sede) vestris præsumptionibus & audacijs sacrilegio militatis?

SIRICIUS PAPA epist. 4. quæ inferitur Concilio Teleni, appellaturque epistola tractatoria, ad Episcopos Afros. Quum in vnum plurimi fratres conuenissemus, ad sancti Petri Apostoli reliquias per quem & Apostolatus, & Episcopatus in Christo cepit exordium, placuit nobis. &c.

PRVDENTIVS qui cum Ambrosio, Hieronymo, &

Anno
380.

Anno
383.

Anno
395.

Augustino floruit in libro *πρί ερώτων* hymno in honorem diui Laurentij ita scribit.

Et iam tenemus obsides
Fidissimos huius spei,
Hic nempe iam regnant duo
Apostolorum principes,
Alter vocator gentium,
Alter cathedram possidens
Primam, recludit creditas
Aeternitatis ianuas.

Anno
400.

IOANNES COONOMENTO CHRYSOSTOMVS
Constantinopolitanus Episcopus, qui superiorum sæculo vixit, sanctitate admittendus, doctrina celebris, facundia illustrissimus, sententiarum grauitate clarus, profunda sensuum interpretatione diuinus, sæpe in suis commentarijs, hanc veritatem professus est.

Primum homilia 9. de pœnitentia. Petrus ille Apostolorum princeps, in Ecclesia prior amicus Christi, qui reuelationem ab hominibus non accepit, sed à patre, sicut sibi testimonium Dominus reddit: Beatus es Simon Bar Iona, quia caro & sanguis non reuelauit tibi, sed pater meus qui in cœlis est. Hic idem Petrus, Petrum quum dico, petram nomino indebilem, non se: crepidinem immobilem, Apostolum magnum, primum discipulorum, primum vocatum, & primum obedientem.

Idem homilia 26. idest vltima ex varijs locis in Matth. de diuite & paupere. Princeps Apostolorum Petrus, super quem Christus fundauit Ecclesiam, vere immobilis petra, & firma confessio. Et infra. Et Petrus pro hamo piscatorio, accepit clauces regni cœlestis.

Idem homil. 2. in Psal. 50. Audi denique quid Petro dixerit Christus columnæ & fundamento fidei, qui ob robur confessionis appellatus est Petrus, dicente Domino. Tu es Petrus, & super hanc petram ædificabo Ecclesiam meam.

Et

Et iterum: Simon (inquit) quoties voluit Satanas cribare vos sicut triticum, & ego rogavi pro te, ne deficeret fides tua.

Idem super Matthæum homil. 55. Quid igitur Petrus omnium Apostolorum os, vertex consortij totius? quum omnes interrogati essent ipse solus respondet. Et quandoquidem de sententia vulgi petebat, omnes responderunt; cum vero de sua eos rogaret: Petrus confestim præfiliuit, ac præueniens ait. Tu es Christus filius Dei viui. & infra. Et ego dico tibi, quia tu es Petrus, & super hanc petram ædificabo Ecclesiam meam. Hic aperte prædixit magnam eorum qui credituri & erant & sunt multitudinem fore, & sublimiora sapere ipsum facit, & Ecclesiæ futuræ pastorem constituit. Et infra. Et ego tibi dabo claves regni cælorum. Animaduertis quo pacto ipse etiam ad altiorem de se opinionem Petrum adducit, & seipsum duabus his pollicitationibus reuelando filium Dei ostendit. Nam quæ Deus solus concedere potest, peccatorum scilicet remissionem, & vt futura Ecclesia tot tantisque fluctibus impetu irrumpentibus immobilis permaneat, cuius caput & pastor piscator homo, atque ignobilis terrarum orbe reluctante, adamantis naturam firmitate superet; Hæc (inquam) omnia quæ solius Dei sunt, se pollicetur daturum. Ita & pater ad Hieremiã dicebat: Sicut columnam ferream, & sicut murum æneum posui te. Sed ipsum quidem genti vni pater, hunc autem vniuerso terrarum orbi Christus præposuit. Et paulo infra ait: Tu vero mecum es, eis omnibus quanta sit Petri potestas intellige. Ego tibi dico (inquit) Tu es Petrus, & ego super te ædificabo Ecclesiam meam, & tibi dabo claves regni cælorum. &c. Quanquam enim multa sunt alia in eadem homilia, quæ excellentiam primatus Petri vehementer extollunt, ad reliqua tamen testimonia mihi properanti satis hæc visa sunt, quæ in medium afferrentur.

Idem homil. 33. in eundem. Et Marcus quidem, ex dignita-

gnitate ipsos numero collocavit. Si ergo alij non curauerunt seriem dignitatis contexere Apostolorum, saltem quū Marcus illam obseruauit, indicat nobis Petrum esse omnibus prælatum.

Idem homil. in Psal. 129. Quid vero summum illum Petrum, non post innumerabilia signa & miracula, tantamque admonitionem & exhortationem arguit in grauissimum illum lapsum cecidisse? Illud tamen prætermisit, & Apostolorum cum primum constituit: & ideo dixit: Simon, Simon ecce expetiuit Satanas cribrare te tanquam triticum: ego autem oraui pro te, ne deficiat fides tua. Et in Psal. 108. appellat Petrum Apostolorum principem.

Idem super Matth. homil. 59. in cap. 17. Vidisti honoris excellentiam, vide nunc quanta philosophia vtitur Petrus. Hunc enim locum Marcus, qui Petri discipulus fuit, ideo non scripsisse videtur, quoniam ingens hinc honor magistro deferebatur. Et infra. Pro me vero (inquit) & te, quoniā & Petrus primogenitus erat. Miraris omnipotentiam Christi, mirare etiam discipuli fidem, qui ad rem ita natura incredibilem illico paruit, cuius quidem fidei retributionem confestim habuit, Christo in solutione tributi coniunctus. In illa hora adierunt discipuli ad Iesum dicentes. Quis putas maior est in regno cœlorum? Humanum quid passi discipuli sunt, quod Euangelista quoque significauit dicens: In illa hora, quando scilicet ceteris omnibus Petrum prætulit. Nam quum & Iacobus & Ioannes primogeniti essent, nihil tamē tale pro ipsis fecisse videtur; veriti autemurbationem profiteri suam, non apertè Petrum præponi sibi, sed confusè. Quis ergo maior est? interrogauerunt. Quando certos præferri conspexerunt, nihil tale passi sunt: cum verò ad vnum delatus est honor, tunc mirum doluerunt: quamuis non ex hac re solum, sed ex alijs quoque multis inflammati fuerunt. Tum quia dixit illi: Dabo tibi clauēs regni cœlorum; tum quia Beatus es Simon Bar Iona. Tum
etiam

etiam hic, Da eis pro me & te: Tum denique quia liberius eum multo Christo colloqui conspiciebant. &c.

Idem homil. 5. in Matthæum, super illa verba: Ecce nos reliquimus omnia. &c. Interrogat Petrus, vt tu inops discas quoniã in nullo huic diminutus est. Et infra: Qui enim clauces regni coelorum acceperat, pro his, quæ ibi sunt confidit, & pro orbem terrarum interrogat.

Idem alibi. Instante quoque tempore passionis soli Petro dixit, Simon dormis? non potuisti vna hora vigilare mecum, quasi Dominus voluisset ostendere, ipsum præ cæteris ex commissione sui officij vigilare desinisse.

Idem homil. 4. de verbis Esaïæ. Vidi Dominum. Quid autem Petrus basis Ecclesiæ, ille vehemens amator Christi, ille sermone indoctus & rhætorum victor, ille imperitus qui tamen philosophis obturauit os. ille qui Græcamq; sapientiam non aliter quam araneorum telam dissoluit, qui terrarum orbem peragrauit, qui sagenam misit in mare, & piscatus est orbem terrarum.

Idem super Ioan. homil. 87. Quid tandem alijs omisiss his dumtaxat Petrum affatur? Os erat Apostolorum, & princeps: propterea & Paulus eū præter alios visurus ascendit, simul vt ei ostenderet iam sibi fiduciam habendam; tanquam enim negationis obliuisceretur, fratrum ei curam committit, neque negationis meminit, neque exprobrat, tantum dicit: Si amas me, fratrum curam suscipias; & quã in omnibus dilectionem ostendisti, & qua delector, nunc ostende, & animam quam pro me positurum dixisti, hanc pro ouibus meis trade. & infra. Ter autem interrogat, & semper idem præcipit, vt demonstret quanti ouium suarum curam faciat, & quod hoc maximum sit amoris argumentum. & infra. Et quum hoc dixisset (inquit) ei, sequere me. Quibus verbis iterum curam & familiarem in eum affectum ostendit. Quod si quis perconsetaretur, quomodo igitur Iacobus sedem Hierosolymis acceperit? responderẽ hunc

hunc totius orbis magistrum præposuisse. Et infra. Nam quum magna Christus Petro communicasset, orbis terrarum curam demandasset, martyrium prædixisset, & maiorem erga eum dilectionem testatus est. ita ille.

Idem super acta Apostolorum Petrus à filio, super omnes qui filij sunt, potestatem accepit.

Idem homilia de Iona propheta. Quantum meritum lachrymarum Petri fuerit, nullus poterit verbo explicare; sed rerum demonstrat euentus. Post lapsum enim illius denegationis, cui nullum malum poterit comparari, priori eum Christus reddidit Ecclesiæ, & totius orbis Ecclesiæ sollicitudinem, curamq; ei commisit. Et quod plus est, vltra omnes Apostolos, erga Dominum eum ostendit habere charitatem, Petro namque ait, Amas me? Quid hoc verbo gloriosius?

Idem in sermone de præmijs sanctorum. Iesus Petrum reliquis prætulit dicens: Petre amas me plus his? &c.

Idem homil. 1. de poenitent. Et qualis (inquit) quantaq; fuerit lachrymarum vis, sermo non potuit explicare; ipse autem rerum exitus manifestè ostendit. Etenim crudelem post illum casum (nam nullum negationi par malum) sed tamen post malum, iterum eum ad priorem honorem reuehit, & Ecclesiæ primatum gubernationemq; sibi per vniuersum mundum tradidit; quodq; omnium est sublimius, ostendit eum nobis ad Dominum maiorem Apostolorum omnium charitatem habuisse. Petre (inquit) diligis me plus his? Huic autè ad virtutis rationem nihil sanè par fuerit. &c.

Idem homil. 2. in Psal. 50. Petrus amarè negato Christo fudit lachrymas, abstersit peccatum suum, & accepit pristinam dignitatem.

Idem homil. 80. ad populum Antiochenum. Petrus post illum grauem casum (negationi namque nullum est malum æquale) rursum eum ad priorem dignitatem reduxit poenitentia, & ei per totum orbem terrarum Ecclesiæ præsentiam

dentiam tradidit ; & quòd omnibus maius est , illum nobis maiorem omnibus Apostolis in Dominum habere charitatem ostendit .

Idem oratione 5. in Iudæos . Petrus itaque post illam nefariam abiurationem , quoniam celeriter suum ipsius peccatum recordatus est , nulloq; accusante dixit peccatum , neuitq; amarè , adeo abluit illam abnegationem , vt etiam primus Apostolorum fuerit factus , ac terrarum orbem totum subiecerit .

Idem ex homilia vltima de varijs locis in Matth. quatuor mirabiles mutationes fecit Deus , de piscatore primum Ecclesiæ pastorem ; de persecutore doctorem gentium & magistrum ; de publicano primum Euangelistam ; & de latrone primum coelicolam .

Idem in cap. Matth. 26. homil. 83. Ideo se Christus ipsum Apostolorum verticem negare permisit . Et infra . Vt disceret in omnibus Christo parere .

Idem homil. 4. in cap. 2. actuum Apostolorum . Communionem vocem vndecim edebant , ad Petrus omnium erat os , sed astabant illi vndecim testimonio suo comprobantes , quæ ab illo dicebantur .

Idem de locis varijs in Matth. Petrus hoc interrogabat in quo vniuersalis Ecclesia fundata est . & infra . Ideo de septenario numero interrogabat primus Apostolus Petrus . &c. Mat. 18.
C.

Idem homil. 3. ad populum Antiochenum . Petrus primus inter Apostolos Christum prædicauit .

Idem alibi sæpissime Petrum principis Apostolorum epitheto ornat : sed præcipue homil. 38. in cap. 15. epist. primæ ad Corinth.

D. EPIPHANIVS Salaminæ Cypriorum Episcopus , superiorum sanctorum patrum coætaneus , in lib. 2. contra hæreses , de hæresi 59. Catharorum , scribens ait . Sanctus ille Petrus , ac summus Apostolorum , qui verè factus est

Nobis

Anno
400.

nobis firma petra fundans fidem Domini, super quam ædificata est Ecclesia per omnes modos, primum quidem, quia confessus est Christum filium Dei viuentis, & audiuit, super hanc petram firmæ fidei ædificabo Ecclesiam. Quandoquidem manifestè confessus est ipsum filium Dei verum. Nam quòd dixit filium Dei viuentis, ostendit filium genuinum esse, cum appositione viuentis, velut in omni fermè hæresi de hoc à me dictum est. Sed & de Sancto Spiritu idem nos munit, dicens ad Ananiam & vxorem eius; cur tentauit vos Satanas, vt mentiremini Spiritui Sancto? Non homini mentiti estis sed Deo. Quia ex Deo est spiritus, & non alienus à Deo. Sed & hic firma petra ædificationis, & fundamentum domus Dei factus est, in eo quòd abnegauit ipsum, & rursus conuersus est, & à Domino inuentus ac dignus factus vt audiret, pascite oues meas: & pascite agnos meos: & pascite oues meas.

Idem in libro cui Ancorati nomen est. Petrus (inquit) princeps Apostolorum dignus factus est, vt beatus prædicaretur à Domino, quòd pater ipsi reuelasset. Et paulo post. Ipse autem Dominus constituit eum primum Apostolorum, petram firmam super quam Ecclesia Dei ædificata est, & portæ inferorum non valebunt aduersus illam. Portæ autem inferorum sunt hæreses & hæresiarchæ. Iuxta omnem enim modum in ipso firmata est fides, qui accepit clauem cœlorum, & soluit in terra, & ligat in cœlo. In hoc enim omnes quæstiones & subtilitates fidei inueniuntur. Hic est qui ter negauit, & ter se detestatus est antequam gallus caneret. Hic excellentiam suæ erga Dominum suum dilectionis significans, affirmans dixit: Etiam si omnes negabunt te, ego non negabo: quantum in homine est, dico. Hic est qui plorauit ad vocem galli, vt vere confiteretur filij Dei conceptionem, non in apparentia esse, sed veram: vt diceret ipsum verum hominem, inplorando ob eum qui propter conceptionem suam traditus esset. Hic est socius
cuius

eius qui super pectus Domini recubuit. Ille enim à Domino discens, & à filio accipiens cognitionis facultatem, reuelavit. Hic verò à patre accepit, certitudinem fidei fundans. Hic in naui, in mari Tiberiadis nudus rursus ubi vocatus fuit, piscatus est. At discipulus quem diligebat Iesus, ob verbum quòd dixit Saluator, pueri nunquid obsonij habetis? Et ait; Mittite in dexteram nauigij partem, & inuenietis. Ob hoc, inquam verbum, consternati illi sunt. Et dicit Ioannes quem diligebat Iesus, Dominus est: homo quidem secundum carnem à Maria genitus in veritate, non apparentia: Deus autem spiritus existens, qui à coelestibus ex patre venit, hic est qui audiuit ex ipso, Petre pascite agnos meos. cui concreditum est ouile: qui bene deduxit per virtutem Domini sui: qui confitetur de carne, qui verè quæ patris sunt denunciat de filio: qui spiritum indicat & dignitatem ipsius in deitate: qui dexteram porrexit Paulo & Barnabæ societatis, cum Iacobo & Ioanne, vt per tres testes steterit omne verbum. Nihil enim sine duobus, aut tribus testibus esse potest.

INNOCENTIVS PAPA epist. 2. ad Victricium Rothomagensis Episcopum. Incipiamus ergo adiuuante Deo, & sancto Apostolo Petro, per quem & Apostolatus & Episcopatus in Christo cepit exordium. &c.

Anno
402.

PAVLINVS quoque eorum temporum, Episcopus Nolanus, hunc Petri primatum, in Felicis natali 4. sic expressit.

Anno
420.

. sic ipsa piorum

Gratia concordat, veterem remeare recenti
Historiæ video speciem, qua iussus adiri
Bisseno princeps super agmine discipulorum
Petrus, sponte sua vinclis labentibus, è que
Carcere processit clauso, qua præuius illum
Angelus Herodi prædam furatus agebat.

CYRILLVS Episcopus Alexâdrinus lib. 2. super Ioan.

Anno
420.

exaudita non fuerit .

Idem lib. 12. cap. 63. Trahit autem Petrus rete, per quē labor Apostolorum non esse inanis intelligitur . Nimirum quia sine capite nullius vigoris membra esse possunt .

Idem lib. 12. cap. 64. in eundem Ioannem . Vos autem quem me esse dicitis? Petrus ut princeps caputq; ceterorum primus exclamavit : Tu es Christus filius Dei viui . &c. Ex quibus apparet (ut Cyrillus testatur) Petrum fuisse principem & caput omnium Apostolorū . Vbi deinde addit : Tertia confessione Petri, trinæ negationis delictum euacuatum est . Dixit autem, pāſce agnos meos : Apostolatus sibi renouans dignitatem, ne propter negationem, quæ humana infirmitate accidit, labefactata videretur .

Idem lib. 14. Thesaur. cap. 2. ubi agit de Spiritu Sancto, qui est Deus . Petrum Apostolorum apicem vocat , & lib. 4. de Trinitate, & alibi, sæpe beatum Petrum ceteris prælatum scribit .

Ex CONCILIO Ephesino tom. 2. cap. 16. Philippus presbyter Apostolicæq; sedis Legatus, in Concilio Ephesino dixit : Nulli dubium, immo seculis omnibus notum est, sanctum beatissimūq; Petrum Apostolorum principem & caput, fideiq; columnam, Ecclesiæ catholicæ fundamentum, à Domino Iesu Christo Salvatore nostro, humanique generis redemptore cœlestis regni clauces accepisse, soluendiq; atque ligandi potestate quam acceperat, vsum fuisse, necnon per successores suos hucusque semper viuere, causasq; decernere, semperq; victurum esse .

In eiusdem Concilij tom. 6. cap. 13. super illa verba. Vos autem quem me esse dicitis? Vos (inquit) qui me tres iam annos sequuti estis, quiq; meam virtutem & prodigia vidistis, & super mare ambulanti spectastis, & in eadē mensa mecum communicastis, quem me esse dicitis? Mox Petrus Apostolorum coriphæus, corundemq; os respondit, Tu es Christus filius Dei viui .

In :

Anno
430.

In eiusdem Concilij tom. 2. cap. 15. Philippus presbyter & Apostolicæ sedis Legatus, dixit. Gratias agimus sanctæ venerandæq; huic Synodo, quod litteris Cælestini sanctissimi, beatissimiq; Papæ vocis recitatis, sancta Ecclesiæ membra, sanctis vestris vocibus, pijsq; præconijs, sancto vestro capiti vos exhibueritis, non enim ignara est vestra beatitudo, totius fidei, cæterorumq; omnium Apostolorum caput beatum Apostolum Petrum extitisse.

Anno
440.

S. LEO PAPA sermo. 2. anniuersarij electionis suæ. Manet ergo dispositio veritatis, & B. Petrus in accepta fortitudine petræ perseuerans, suscepta Ecclesiæ gubernacula non reliquit. Sic enim præ cæteris est ordinatus, vt dum petra dicitur: dum fundamentum pronuntiatur: dum regni cælorum ianitor constituitur: dum ligandorum soluendorumq; arbiter, mansura etiam in cælis iudiciorum suorum definitione, præficitur, qualis ipsi cum Christo esset societas, per ipsa appellationum eius mysteria nosceremus.

Psal. 18.

Idem epist. 89. ad vniuersos Viennensis prouinciæ Episcopos. Ita Dominus noster Iesus Christus humani generis Saluator instituit, vt veritas, quæ antea legis & prophetarum præconio continebatur, per Apostolicam tubam in salutem vniuersitatis exiret, sicut scriptum est: In omnem terram exiuit sonus eorum, & in fines orbis terræ verba eorum. Sed huius muneris sacramentum ita Dominus ad omnium Apostolorum officium pertinere voluit, vt in beatissimo Petro, Apostolorum omnium summo, principaliter collocaret; vt ab ipso quasi quodam capite, dona sua velut in corpus omne diffunderet, vt exortem se mysterij intelligeret esse diuini, qui ausus fuisset à Petri soliditate recedere. Hunc enim in consortium indiuiduæ vnitatis assumptū, id quod ipse erat, Dominus voluit nominari, dicendo: Tu es Petrus, & super hanc petram ædificabo Ecclesiam meam; vt æterni ædificatio templi, mirabili munere gratiæ Dei in Petri soliditate consisteret; hac Ecclesiam suam firmitate corro-

corroborans , vt illam , nec humana temeritas posset appetere , nec portę contra illam inferi pręualerent . Verũ hanc petrę istius sacratissimam firmitatem , Deo (vt diximus) ædificante constructam , nimis impia vult pręsumptione violare , quisquis eius potestatem tentat infringere , fauendo cupiditatibus suis , & id , quod accepit à veteribus , non sequendo .

Idem sermone primo de ascensione Domini . Petro (inquit) Apostolo supra cęteros post regni clauis , ouilis Domini cura mandatur .

Idem sermone habito in Synodo . Admonente diuinę vocis imperio , quo beatissimus Apostolus Petrus trina admonitione , mysticis sanctionibus , imbuitur , vt Christi oues , qui Christum diligit pascat , & ipsius sedis , cui per abundantiam diuinę gratiæ pręsumus , pro reuerentia coarctamur , ne professio summi Apostoli non inueniatur in nobis , quia quoties quis negligenter pascit Dominicum gregem commendatum , toties conuincitur suũ non amare pastore .

Idem sęrm. 3. de anniuersario die assumptionis suę ad Pontificatum . Vnus de toto mundo Petrus eligitur , qui & vniuersarum gentium vocationi , & omnibus Apostolis , cunctisq; Ecclesię patribus pręponatur ; vt quamuis in populo Dei multi sacerdotes sint , multiq; pastores , omnes tamen proprie regat Petrus , quos principaliter regit & Christus . Magnum & mirabile huic viro dilectissimi consortium potentię suę tribuit diuina dignatio ; & si quid cum eo commune cęteris voluit esse principibus , nunquam nisi per ipsum dedit , quicquid alijs non negauit . Omnes deniq; Apostolos Dominus , quid de se opinentur homines , interrogat : & tamdiu sermo respondentium communis est , quamdiu humanę intelligentię ambiguitas explicatur . At vbi , quid habeat sensus discipulorum , exigitur , primus est in Domini confessione , qui est primus in Apostolica dignitate & potestate . Qui cum dixisset : Tu es Christus filius Dei viui : respon-

respondit ei Iesus: Beatus es Simon Bar Iona, quia caro & sanguis non reuelauit tibi, sed pater meus, qui in cœlis est. Id est, ideo beatus es, quia pater meus te docuit, nec terrena opinio te fecellit, sed inspiratio te cœlestis instruxit; & non caro & sanguis, sed ille me tibi, cuius sum vnigenitus filius, indicauit. Et ego (inquit) dico tibi; hoc est, sicut meus pater tibi manifestauit diuinitatem meam: ita & ego tibi notam facio excellentiam tuam, quia tu es Petrus. Id est, cùm ego sim inuiolabilis petra, ego lapis angularis, qui facio vtrâque vnum, ego fundamentum, præter quod nemo potest aliud ponere: tamen tu quoque petra es, quia mea virtute solidaris, vt quæ mihi potestate sunt propria, sint tibi mecum participatione communia. Et super hanc petram ædificabo Ecclesiam meam, & portæ inferi non præualebunt aduersus eam. Super hanc (inquit) fortitudinem æternum extruam templum: & Ecclesiæ meæ cœlo inferenda sublimitas, in huius fidei firmitate consurgit. Hanc confessionem portæ inferi non tenebunt, mortis vincula non ligabunt; Vox enim ista, vox vitæ est. Et sicut confessores suos in cœlestia prouehit: ita negatores ad inferna demergit. Propter quod dicit beatissimo Petro: Tibi dabo clauēs regni cœlorum; & quęcunque ligaueris super terram, erunt ligata & in cœlis, & quęcunque solueris super terram, erunt soluta & in cœlis. Transiit quidem in alios Apostolos vis potestatis istius, & ad omnes Ecclesię principes decreti huius constitutio cōmeauit: sed non frustra vni commendatur, quod omnibus intimatur. Petro enim ideo hoc singulariter creditur, quia cunctis Ecclesię rectoribus Petri formā præponitur. Manet ergo Petri priuilegium, vbicunq; ex ipsius fertur æquitate iudicium. Nec minima est vel seueritas vel remissio, vbi nihil erit ligatum, nihil solutum, nisi quod beatus Petrus aut soluerit, aut ligauerit. Instante autem passione sua Dominus, quę discipulorum erat turbatura constantiam, Simoni inquit: Simon, ecce Satanas expo-

expostulauit vos, vt cribraret sicut triticum : ego autem rogauit pro te, vt non deficiat fides tua : & tu aliquando conuersus, confirma fratres tuos, vt non intretis in tentationē. Commune erat omnibus Apostolis periculum de tentationē formidinis, & diuinæ protectionis auxilio pariter indigebant . Quoniam Diabolus omnes exagitare, omnes cupiebat elidere, & tamen specialis à Domino Petri cura suscipitur, & pro fide Petri proprie supplicatur, tanquam aliorum status certior sit futurus, si mens principis victa non fuerit . In Petro ergo omnium fortitudo munitur, & diuinæ gratiæ ita ordinatur auxilium, vt firmitas, quæ per Christum Petro tribuitur, per Petrum Apostolis conferatur . Cum itaq; dilectissimi tantum nobis videamus præsidium diuinitus institutum, rationabiliter & iuste in Ducis nostri meritis & dignitate letamur, gratias agentes sempiterno regi redemptori nostro Domino Iesu Christo, qui tantam potentiam dedit ei, quem totius Ecclesiæ principem fecit : vt si quid etiam nostris temporibus rectè per nos agitur, rectèq; disponitur, illius operibus, illius sit gubernaculis deputandum, cui dictum est : Et tu conuersus, confirma fratres tuos . Et cui post resurrectionem suam Dominus ad trinam æterni amoris professionem mystica insinuatione ter dixit : Pasce oues meas. Quod nunc quoque proculdubio facit, & mandatum Domini pius pastor exequitur, confirmans nos cohortationibus suis, & pro nobis orare non cessans, vt nulla tentatione superemur . Si autem hanc pietatis suæ curam omni populo Dei, sicut credendum est, vbique præstendit; quanto magis nobis alumni suis opem suam dignatur impendere, apud quos in sacro beatæ dormitionis thoro, eadem qua præsedit carne, requiescit ? Illi ergo hunc seruitutis nostræ natalitium diem, illi ascribamus hoc festum, cuius patrocinio, sedis ipsius meruimus esse consortes, auxiliante nobis per omnia gratia Domini nostri Iesu Christi, qui viuit & regnat cum Deo patre & Spiritu Sancto in secula seculorum

lorum amen. Et penè eadem scripsit serm. 2. in natiuit. Apostolorum Petri & Pauli.

Idem in homil. de transfiguratione Domini. Interrogauerat Dominus discipulos suos, inter diuersas aliorum opinionones, quid ipsi de eo crederent, quidue sentirent. vbi Petrus Apostolus per reuelationem summi patris corporea su perans, & humana transcendens, vidit mentis oculis filium Dei viui, & confessus est gloriam deitatis: quia non ad solâ respexit carnis substantiam & sanguinis, tantumque in hac fidei sublimitate complacuit, vt beatitudinis fœlicitate donatus, sacram inuiolabilis petrę acciperet firmitatem, super quam fundata Ecclesia, portis inferi & mortis legibus præualeret: nec in soluendis & ligandis quorumcunque causis, aliud ratû esset in cœlis, quàm quod Petri sedisset arbitrio.

Idem epist. 84. ad Anastasium Episcopum Thessalonicen sem. Hæc connexio totius quidem corporis vnanimitatē requirit, sed precipue exigit concordiam sacerdotum. Quibus & si dignitas non sit communis, est tamen ordo generalis, quoniam & inter beatissimos Apostolos in similitudine honoris fuit quædam discretio potestatis, & quum omniû par esset electio, vni tamen datum est, vt ceteris præmineret. De qua forma, Episcoporum quoque est orta distinctio, & magna dispositione prouisum est, ne omnes sibi omnia vindicarent, sed essent in singulis prouincijs singuli, quorum inter fratres haberetur prima sententia. Et rursus quidam, in maioribus Urbibus constituti, solitudinem susciperent ampliorem, per quos ad vnâ Petri sedem vniuersalis Ecclesiæ cura conflueret, & nihil vnquam à suo capite dissideret. Qui ergo quibusdam scit se esse præpositum, non molestè ferat, aliquem sibi esse prælatum: sed obedientiam quam exigit, etiam ipse dependat. Et sicut non vult grauis oneris sarcinam ferre, ita non audeat alijs importabile pondus imponere.

de natali Apostolorum Petri & Pauli. Hic est Petrus (inquit) cui Christus Dominus communionem sui nominis libenter indulsit; vt enim (sicut Apostolus Paulus edocuit) petra erat Christus, ita per Christum Petrus factus est petra, dicente Domino: Tu es Petrus, & super hanc petram ædificabo Ecclesiam meam. Nam sicut in deserto iussu Dominico, sitienti populo aqua fluxit è petra, ita vniuerso mundo perfidiæ ariditate lassato, de ore Petri fons salutiferæ confessionis emerfit. Hic est Petrus cui Christus ascensurus ad patrem, pascendas ouiculas suas agnosque commendat, vt quos ille pietate, miserationeque redemerat, hic fidei suæ virtute seruaret. Et recte sanè ei arbiter occultorum Dei filius pascendas oues suas, tuendasque commisit, cui nouerat in nutriendo grege Dominico, nec studium deesse, nec fidem.

Idem in homil. 3. de Apostolis. Quanti ergo meriti apud Dominum suum Petrus erat, vt ei post nauiculæ paruæ remigium totius Ecclesiæ gubernacula traderentur?

PROSPER AQUITANICVS Episcopus Region. lib. 2. cap. 9. de vocatione gentium, qui liber inter opera quoque D. Ambrosij excusus iam pridem fuerat, ita scripsit. Quis ergo ambigat, quis ignoret, hanc fortissimam petram (de Petro autem loquitur) quæ ab illa principali petra communionem, & virtutis sumpsit & nominis, hoc desiderium semper habuisse, vt ei moriendi pro Christo constantia donaretur?

Idem libro de ingratiss in principio.

. . . pestem subeuntem prima recidit

Sedes Roma Petri, quæ pastoralis honoris

Facta caput mundo, quicquid non possidet armis

Relligione tenet.

Ita Prosper qui Augustini discipulus fuit.

EX CONCILII Chalcedonensis Actione prima. Post lectionem epist. Leonis Papæ. Reuerendi Episcopi clamauerunt: Hæc patrum fides, Hæc Apostolorum fides, omnes

Anno
450.

Anno
451.

nes ita credimus, orthodoxi ita credimus, Anathema qui ita non credit. Petrus per Leonem ita locutus est.

Ex eiusdem Concilij Actione 3. Sanctissimus & beatissimus Archiepiscopus magnæ & senioris Romæ Leo, Per nos, & per præsentem Synodum, vnâ cum ter beatissimo, & omni laude digno beato Petro Apostolo, qui est petra, & crepido catholicæ Ecclesiæ, & ille qui est rectæ fidei fundamentum, nudauit Dioscorum tam Episcopatus dignitate, quam etiam & ab omni sacerdotali alienauit ministerio.

Ex eiusdem Concilij actione 16. in responsione, seu allocutione sancti & vniuersalis Chalcedonensis Concilij, habita apud Marcianum piissimū & amatorē Christi Imperatorē. Quod non innouans (inquit) aliquid aduersus Nicenam fidem nunc sanctissimus Archiepiscopus Leo scripsit Epistolam ad sanctę memorię Flavianum Constantinopolitanę regiæ Urbis Episcopum: sed sanctos patres secutus sit, qui & post magnam Synodū Nicenam, hereses, quæ per vnumquodque tempus exortæ sunt, similiter refutauerunt: & hoc vestrum decebat Imperium, vt circa subiectos sibi prouidentia ex his, quæ ad Deum pertinent, initium sumeret, & prima contra Diabolum proprietate militia conueniret. Vnde nobis impenetrabilem in omni errore, propugnatorē Deus prouidit, & Romanę Ecclesię Papam ad victoriam præparauit, doctrinis eum per omnia veritatis adstringens, vt (quemadmodum Petrus) & hic affectu feruentiore decertans, omnē ad Deū sensum, intelligentiamq; perducatur.

In fine Concilij eiusdem in exemplari epist. Paschasini, & aliorum de damnatione Dioscori Alexandrini quondam Episcopi, hæc scripta leguntur. Sanctissimus ac beatissimus Papa, caput vniuersalis Ecclesię Leo, per nos, vt Legatos suos, Sancta Synodo consentiente, Petri Apostoli præditus dignitate, qui Ecclesiæ fundamentum, & petra fidei, & cœlestis regni ianitor nuncupatur, Episcopali eū dignitate nudauit, & ab omni sacerdotali opere fecit extorré.

GELASIVS PAPA epist. 4. ad Episcopos Dardanię, in tom. Concil. 2. quanquam non iisdem verbis. Cuncta per mundum novit Ecclesia, quod sacrosancta Romana Ecclesia fas de omnibus habeat iudicandi, neque cuiquam de eius liceat iudicare iudicio. Et infra, & hoc nimirum pro suo principatu quem beatus Apostolus Petrus Domini voce & tenuit semper, & tenebit.

Anno
494.

Idem in Concilio 70. Episcoporum in principio. Quamvis uniuersę per orbem catholicę Ecclesię vnus thalamus Christi sit. Sancta tamen Romana catholica & Apostolica Ecclesia, nullis Synodicis constitutis cęteris Ecclesijs prelata est, sed Euangelica voce Saluatoris nostri primatum obtrinit. Tu es (inquiens) Petrus, & super hanc petram edificabo Ecclesiam meam.

SYMMACVS PAPA ex libro Ennodij tom. 2. Tu es Petrus, & super hanc petram edificabo Ecclesiam meam, & quęcunque solueris super terram, erunt soluta & in cęlis. Et rursus sanctorum voce patet Pontificum dignitatem sedis eius factam toto orbe venerabilem, dum illi quicquid fidelium est, vbique submittitur: dum totius corporis caput esse designatur: de qua mihi videtur dictum per prophetam: Si hæc humiliatur, ad cuius confugietis auxilium, & vbi relinquetis gloriam vestram?

Anno
984.

Isa. 10. A

Ex 5. Synodo Constantinopolitana, actione prima, ex epistola Felicis Papę ad Petrum Antiochię Episcopum, deponentis ipsum ab Antiochena Ecclesia. Quoniam non statuisti credere veritati, & litteris nostris ad te scriptis, nunc incepti sententiare contra te: imò ille, qui vertex est omnium pastoralium sedium, in sanctis laudibus florens, Apostolorum verè optimus Petrus, cuius tu nomine æqualis es, sed non sententia neque fide, quoniam ab istius recta intentione & immaculata fide valde delincasti.

Anno
553.

Ex eadem epistola prope finem. Quis (inquit) non desereret sic dicentes de intemerato trifagio, quod mihi valdè con-

con-

conuenit refutare, & fletum meritò dare in hos animarum simplicium cauillatores, ac impium facinus fingentes, quos & alienos censemus ab orthodoxa fide & catholica Ecclesia, & à communione ducis nostri gloriofi prædecefforis Petri, qui clauēs regni à Saluatore nostro recepit?

Ex eadem actione ex epist. Felicis Romani Pontificis missa ad Zenonem Imperatorem. Quoniam (inquit) fideliter credidisti, nec ambigis, & temporalis solij potestatem, & æternæ vitæ retributionem superno ex momento pendere; per nostram etiam paruitatem dignare suscipere, venerabilem ac diuinam beatissimi Petri confessionem, Apostolorum scilicet principis. cui & regni clauēs à Saluatore traditæ sunt, qui etiam præparabit Christianissimo Imperio vestro locum in cœlo, cum sanctis Angelis: quiq; immutabilem & immaculatam fidem in Dominum nostrum Iesum Christum Dei filium vnigenitum primus exponens, à Saluatore ipso beatus est dictus. Nam cum ipse dixisset ad Dominum, Tu es Christus filius Dei viui, ab ipso audire meruit, Beatus es Simon Bar Iona. &c.

Anno

555.

PELAGIVS epistola ad Vigiliū Episcopum, in fine to. 2. Concil. Memor enim sum, me sub illius nomine Ecclesiæ præsidere, cuius à Domino nostro Iesu Christo est glorificata confessio, & cuius fides omnes quidem hæreses destruit, sed maxime impietatem præsentis erroris expugnat.

Ex 6. Synodi actione 4. ex epistola Agathonis Romani Pontificis ad Constantinum maiorem Imperatorem, Heraclium, & Tiberium Aug. epistolæ ipsius initium est. Consideranti mihi. &c. Cum corde cōtrito & profluentibus lachrymis exoro, vt porrigere dignemini clementissimam dexteram Apostolicæ doctrinæ, quam cooperator piorum laborum vestrorum beatus Petrus Apostolus tradidit, non vt sub modio condatur, sed tuba clarius in toto orbe prædicetur. quia eius vera confessio, à patre de cœlis est reuelata, pro qua à Domino omnium beatus esse pronuntiatus est

Petrus:

Petrus: qui & spirituales oues Ecclesię ab ipso redemptore omnium, terra commendatione pascendas suscepit: cuius adnidente presidio, hæc Apostolica eius Ecclesia nunquam à via veritatis in qualibet erroris parte deflexa est, cuius auctoritatem, utpotè Apostolorum omnium principis, semper omnis catholica Christi Ecclesia, & vniuersales Synodi fideliter amplectentes, in cunctis secutę sunt, omnesq; venerabiles patres Apostolicam eius doctrinam amplexi, per quam & probatissima Ecclesię Christi luminaria claruerunt, & sancti quidem Doctores venerati atque secuti sunt, hæretici autem falsis criminationibus ac derogationum odijs consecuti. Hæc est Apostolorum Christi viua traditio, quam vbique eius tenet Ecclesia. Et paulo post in eadem epist. Agathonis Papę. Hæc est (inquit) verę fidei regula, quam & in prosperis, & in aduersis, viuaciter tenuit ac defendit hæc spiritualis mater vestri tranquillissimi Imperij, Apostolica Christi Ecclesia: quę per Dei omnipotentis gratiam à tramite Apostolicę traditionis nunquam errasse probabitur, nec hæreticis nouitatibus deprauata succubuit: sed ut ab exordio fidei Christianę percepit ab auctoribus suis Apostolorum Christi principibus, illibata finetenus permanet, secundum ipsius Domini Saluatoris diuinam pollicitationem, quam suorum discipulorum principi in sacris Euangelijs fatus est: Petre Petre (inquiens) ecce Satan expetiuit ut cribraret vos, sicut qui cribrat triticum; ego autem pro te rogaui, ut non deficiat fides tua. Et tu aliquando conuersus, confirma fratres tuos. Consideret itaque vestra tranquilla clementia, quoniam Dominus & Saluator omnium, cuius fides est, qui fidem Petri non defecturam promisit, confirmare eum fratres suos admonuit. Quod Apostolicos Pontifices meę exiguitatis prædecessores, confidenter fecisse semper, cunctis est cognitum: quorum & pusillitas mea, licet impar & minima, pro suscepto tamen diuina dignatione ministerio, pedissequa cupit existere.

Anno Ex Synodo 7. quæ est Nicæna secunda, in Actione prima ex epist. Constantini, & Iræne matris Rom. Imperat. 789. Quandoquidem (inquit) ex vniuerso terrarum orbe Deus vos coniunxit, propriam voluntatem confirmare volens, depositis in medio sanctis Euangelij, veraciter & prudenter clamantibus: iuste iudicate, state firmi pietatis propugnatores, & omnem vaniloquentiam, nuperamq; inductionem excindere, animo prompto contendite. Quemadmodum & Petrus Apostolicæ sedis primus Dux, seruilem & temerariam insaniam verberans, Iudaicæ auditus instrumentum gladio amputauit.

Ex eiusdem Synodi Actione 2. ex epist. Adriani sanctissimi Papæ, ad Tarasium Patriarcham Constantinopolitanum. In primis vestra sanctitas pijsimis & triumphatoribus nostris Imperatoribus alacriter suggerat, vt falsam congregationem illam sine consensu ac præsentia Apostolicæ sedis, contra omnem patrum venerabilium traditionem, contra venerandas imagines sine ordine & debita conuocatione factam excretur, & anathematizatam præsentibus Apocrisarijs nostris cognoscat: quo omne zizanium ab Ecclesia eradicetur, & Iesu Christi Domini nostri verbum impleatur, cum ait: & portæ inferi non præualebunt aduersus eam. Et alibi: Tu es Petrus, & super hanc petram ædificabo Ecclesiam meam, & tibi dabo clauēs regni cœlorum; & quæcunque ligaueris super terram, erunt ligata & in cœlis; & quæcunque solueris super terram, erunt soluta & in cœlis. Cuius etiam sedes in omnem terrarum orbem primatum tenens refulget, & caput omnium Ecclesiarum Dei consistit. Vnde & ipse beatus Petrus Apostolus, Domini Ecclesiam pascens, nihil dissolutum dimisit, sed tenuit semper & retinet principatum, cui si adherere cupit vestra sanctitas, & nostræ Apostolicæ sedis (quæ est omnium Ecclesiarum Dei caput) sacram & orthodoxam formam incorrupte atq; incontaminate ex profundo corde & sinceritate mentis cu-

stodi-

studire studet : vt reuera orthodoxa Dei cultrix consistens , hoc primum omnipotenti Domino sacrificium offerat , & vt ex persona nostra prædictorum pijsſimorum Imperatorum à Deo coronatorum sublimia vestigia obsecret , & vt in conspectu Dei per terribile illos adiuret iudicium , vt sacras imagines in ipsa à Deo conseruata & regia Vrbe , & in omni loco in antiquum restituere , & stabilire iubeant , conseruantes traditionem huius sacræ ac sanctissimæ nostræ Romanæ Ecclesiæ , & persequentes , atque abhominantes malignorum & hæreticorum errorem per certamen vestrū & fidelem sollicitudinem . Si autem sacras & venerabiles imagines illis in partibus non restituerint , consecrationem vestram modis omnibus recipere non audemus , & maxime si sectatus fueris eos , qui non credunt veritati . Huius rei causa summo labore , fidei , & conatu in his omnibus indubitanter conuenit vestræ sanctitati sacrosanctas imagines Domini & Saluatoris nostri Iesu Christi , & sanctæ ipsius genitricis , semperq; Virginis Mariæ , & sanctorum Apostolorum , & omnium sanctorum prophetarum , atque martyrum simul & confessorum illis in partibus in antiquo erigere statu , quatenus vno consensu digne propheticum canamus canticum , dicentes : Domine saluos fac pijsſimos Reges , & exaudi nos in die , qua inuocauerimus te , quia dilexerunt decorem domus tuæ , & locum tabernaculi gloriæ tuę . &c.

Sanctorum Patrum intra milleſimum annum
auctoritates de eadem re sententiæ .

Cap. X.

CONSILIUM nostrum non erat eorum patrum , qui post D. Gregorium Papam fuere , sententias contexere , quia eo nomine apud nostri temporis sectarios suspe-

P

cti

cti haberi possunt, quod multa (vt aiunt) in Ecclesiæ Romanæ gratiam scripserint, quam post Gregorij tempora omnium Ecclesiarum primatum sibi vendicasse sectarij ipsi falso asserunt. Cæterum propter hanc vnâ ineptam, falsamq; eorum calumniam ab his recitandis me reuocare nō potui, præsertim cum sanctissimi & doctissimi fuerint, vt eorum scripta testantur, & miraculis clari, & vita insignes, & tanto deinde (quod plus est) eiusdem semper continuatæ doctrinæ, per tot ætates consensu. & quamuis ab aduersarijs negentur, tamen adhibemus illis velut tormētum quoddam, cum ostendimus, omnes illos, tot, tamq; illustres sanctos, contrarium sensisse. Demum quia sunt longe digniores, quibus fidem habeamus, quam ipsi sectarij: & postremo quia plurimum splendoris huic meo labori suis testimonijs afferre possint. In gratiam igitur piorum hominum (non quod contra aduersarios horum auctoritate multum me proficere posse sperem) eorum sententias suggeram, qui & magni nominis in Ecclesia Dei fuerunt, & de ipsorum scriptis à nullo vnquam dubitatum est. Sunt autem inter alios hi Martinus Papa I. Agatho Papa, Venerabilis Beda, Alcuinus, Nicolaus Papa, octaua Synodus, Theophylactus Bulgariæ Archiepiscopus, Ignatius Patriarcha Constantinopolitanus, Leo IX. & Alexander II. Romani Pontifices, S. Bernardus, Innocentius Papa III. & postremo glosa ordinaria, quæ aut Strabi, aut Rabani, aut alterius cuiuspiam vetusti patris opus est.

Anno
647. MARTINVS PAPA I. post Gregorium annis quadraginta, in Lateranensi Synodo Actio. 2. in fine. Donec iudicium de eo nostræ Apostolicæ auctoritatis, hoc est principis Apostolorum Petri cognoscat, vtpotè quoniam solus atque præ omnibus creditus est, atque accipere meruit à Rege Regum Christo Deo clauēs regni cœlorum, ad aperiendum recte credentibus in eundem Domīnum nostrum, & claudendum infidelibus hereticis.

In

In eodem Concilio extant testimonia idem probantia Stephani Dorienſis Epiſcopi, & Sergij Cyprienſis ead. act. 2. to. 2. 772. 778. & testimonium Africani Concil. libi. 780.

AGATHO PAPA Imperatori Constantino ſcribens, ait; Hæc Apoſtolica Chriſti Eccleſia per Dei omnipotentis gratiam à tramite Apoſtolicæ traditionis nunquam erraſſe probatur.

Anno
679.

BEDA Presbyter, homil. in die feſto Apoſtolorum Petri & Pauli, cap. 16. Matth. Qui, inquit, Regem cœlorum maiori præ cœteris deuotione conſeſſus eſt, merito præ cœteris ipſe collatis clauibus regni cœleſtis donatus eſt: ſed non fruſtra vni commendatur, quod omnibus intimetur. Petro enim ſingulariter creditur, quia cunctis Eccleſiæ rectoribus Petri forma præponitur.

Anno
720.

Idem in cap. 22. Lucæ. Recte primus Apoſtolorum de amore requiritur, qui enim regem cœlorum maiori dilectione præ cœteris conſeſſus eſt, merito præ cœteris ipſe collatis clauibus regni cœleſtis donatus eſt.

Idem in homil. in vigilia Apoſtolorum Petri & Pauli. Quod enim dicit hic, paſce oues meas, hoc eſt vtique quod ei ante paſſionem dixerat apertius: Ego pro te rogaui, vt non deficiat fides tua.

Idem in cap. 22. Lucæ. Sicut ego tuam fidem ne Sathana tentante deficiat protegi, ita & tu infirmiores quoſque fratres exemplo tuæ pœnitentiæ ne de venia forte deſperant, erigere & confortare memento. &c.

Idem homil. 1. hiemali de Sanctis, & refertur in catena aurea S. Thomæ, ſuper cap. 1. Ioannis. Intuitus autem Simonem Ieſus non exterioribus ſolum oculis, ſed & interno diuinitatis intuitu. Vidit cordis eius ſimplicitatem, vidit animi ſublinitatem, cuius merito cunctæ eſſet præferendus Eccleſiæ.

ALCVINVS Caroli Magni Imperatoris præceptor, ac Gymnaſij Pariſienſis fundator, qui ſuper quatuor Euange-

Anno
790.

lia scripsit super Ioannem, sic ait. Trinæ negationi redditur trina confessio, ne minus amori lingua seruiat, quam timori: & sicut fuit indicium timoris negare pastorem, sic officium amoris pascere Domini gregem. Et infra. Pasce oues est, credentes ne deficiant confortare: terrena subsidia si necesse est subditis prouidere; exempla virtutum præbere; aduersarijs obistere; peccantes corrigere.

Anno
858.

NICOLAUS PAPA in epist. ad Mediolanen. Ecclesiam (inquit) Romanam solus ipse fundauit, & super petrâ fidei mox nascentis erexit; qui beato Petro æternæ vitæ clauigero, terreni simul & cœlestis imperij iura commisit. Non ergo quolibet terrena sententia, sed illud verbum quo constructum est cœlum & terra, per quod denique omnia condita sunt elementa, Romanam fundauit Ecclesiam. Illius certe priuilegio fungitur, cuius auctoritate fulcitur. Vnde non dubium est, quia quisquis cuilibet Ecclesiæ ius suum detrahit, iniustitiam facit. Qui autem Romanæ Ecclesiæ priuilegium ab ipso summo omnium Ecclesiarum capite traditum auferre conatur, hic proculdubio in hæresim labitur, & quum ille vocetur iniustus, hic est dicendus hæreticus.

Anno
380.

THEOPHYLACTVS Bulgarię Archiepiscopus, in commentarijs cap. 22. in Lucam. Ideo (inquit) Christus ante Petri casum, poenitentiam & restitutionem, & priorem statum, ei dicit. Et tu aliquando conuersus confirma fratres tuos. At si dicat: Postquam me negato ploraueris, ac te poenituerit, corrobora ceteros, quum te principem Apostolorum deputauerim, hoc enim decet te, qui post me, Ecclesiæ petra es fundamentum. Et infra. Quum esset Apostolus denegauit, ac iterum per poenitentiam obtinuit primatum, vt esset antistes mundi.

Idem super Ioan. cap. ultimo. Quum ergo prandissent, finito prandio, commissionem ouium commendat Petro, & non alij. Et super illud sequere me, ait. In hoc, quod dixit

dixit Dominus Petro, sequere me, cunctorum fidelium prę-
laturam ei constituit. Et infra; Cum Dominus dixit Pe-
tro, sequere me: non modo intellexit de genere martyrij,
sed & ordinem magisterij. Vnde quidam alius ait, seque-
re me, gerendo vices meas, & in officio pastoralis, & in mar-
tyrio. &c. Et infra. Super illud donec veniam ait, idest,
dum hunc scilicet Ioannem volens dirigam ad prædican-
dum, te nunc dirigam ad orbis terrarum Pontificatum, &
in hoc sequere me. &c. Item super illud Lucę: Domine
ad nos dicis hanc parabolam, an ad omnes? Petrus (inquit)
cuiam commissa Ecclesia fuerat, quasi omnium curam ge-
rens inquit, vtrum ad omnes Dominus parabolam pro-
tulisset.

*Luc. 12.
E.*

I N octaua Synodo Constantinopolitana quarta, sub
Ioanne VIII. & Adriano II. Nicolai successoribus cele-
brata, actio. I. in libello ab omnibus Concilij patribus sub-
scripto, qui Nicolai Papę fuerat, ita continetur. Prima
salus est rectę fidei regulam custodire, & à constitutis pa-
trum nullatenus deuiare. Quia non potest Domini Dei
Saluatoris nostri sententia prætermitti dicentis. Tu es Pe-
trus, & super hanc petram ædificabo Ecclesiam meam. Hęc
quę dicta sunt, rerum probantur effectibus, quia in sede
Apostolica immaculata semper est obseruata religio. Iste
liber per Hadrianum Papam missus est ad 8. Synodũ Con-
stantinopolitanam quartam, & omnes Concilij patres se
sub hac forma subscripserunt. Sequimur autem sanctam
Synodum, & amplectimur, quam beatę recordationis Pa-
pa Nicolaus (cui & ipse Domine coangelice summe Ponti-
fex Hadriane subscripsisti) ante sacratissimum Petri Apo-
stolorum eximij corpus celebrauit, simul & quam tu ipse
ibi nuper egisti, & omnia quę in eis statuta sunt, secundum
decreti vestri moderationem venerabiliter conseruabimus,
recipientes quos recipiunt, & damnantes omnes qui in il-
lis damnati sunt.

*Anno
868.*

Anno 868. **IGNATIVS** Patriarcha Constantinopolitanus, qui eidem Concilio interfuit, in epistola ad Adrianum Papam II. sic scribit. Omnium magister Deus dicit Petro magno & summo Apostolorum: Tu es Petrus, & super hanc petram ædificabo Ecclesiam meam. Tales enim beatas voces, non secundum quandam vtique sortem, Apostolorum principi Petro solum circumscripsit & definiuit, sed ad successores quoq; deriuari voluit.

Anno 1049. **LEO IX.** Papa, in libro quem contra Michaellem Constantinopolitanum, & Leonē Acridanum Episcopos scripsit, ait cap. 7. Taliter sancta Ecclesia super petram, idest Christum, & supra Petrum, vel Cephā filium Ioannis, qui prius Simon dicebatur ædificata est, quod inferi portis disputationibus scilicet Hæreticorum, qui vanos ad interitum introducunt, nullatenus foret superanda. Sic pollicetur ipsa veritas, per quam sunt vera quæcunque vera sunt, portæ inferi non præualebunt aduersus eam, cuius promissionis effectum se precibus impetrasse à patre, ipse filius profitetur, dicendo ad Petrum; Simon ecce Satanas expetiuit vos vt cribraret sicut triticum: Ego autem rogavi pro te, vt non deficiat fides tua, & tu aliquando conuersus confirma fratres tuos. Erit ergo quisquam tantæ dementiæ qui orationem illius, cuius velle est posse, audeat in aliquo vacuam putare?

Idem epistola ad Petrum Episcopum Antiochenum. Postquam multa de dignitate Petri, & Romanæ sedis prærogatiua locutus est: Nimirum solus est (inquit) pro quo ne deficeret fides eius Dominus & Saluator asseruit se rogasse dicens: Simon Simon ecce Satanas expetiuit vos vt cribraret sicut triticum. Ego autem rogavi pro te, vt non deficiat fides tua, & tu aliquando conuersus confirma fratres tuos. Quæ venerabilis & efficax oratio obtinuit, quod hætenus fides Petri non defecit, nec defectura creditur in throno illius in seculum seculi, sed confirmabit corda fratrum

trum varijs concutienda fidei periclitationibus, sicut vsque nunc confirmare non cessauit .

ALEXANDER II. Papa, qui paulo post Leonem IX. vixit, in quodam canone Concilij Romæ à se celebrati. Quum omnibus discipulis (inquit) parem ligandi atque soluendi potestatem Dominus daret, Petro præ omnibus clauus regni coelestis se daturum promisit. Quicumque ergo ab vnitate Ecclesiæ, quæ per Petrum intelligitur fuerit alienus, execrare potest, consecrare non potest.

Anno
1061.

S. BERNARDVS Abbas Clareuallensis in sermone tertio de septem misericordiarum fragmentis. Testis est (inquit) Paulus gentium doctor, qui plus omnibus cum diuina gratia laborauit. Testis & Matthæus de teloneo electus in Apostolum, cui etiam noui testamenti primum scriptorem esse donatum est. Testis & Petrus, cui post trinam negationem totius Ecclesiæ pastoralis cura commissa est.

Anno
1120.

Idem lib. 2. de consideratione sui ad Eugenium III. Papam. Cui enim non dico Episcoporum, sed etiam Apostolorum sic absolute & indiscrete totæ cõmissæ sunt oues? Si me amas Petre pascere oues meas. Quas? illius, aut illius populos ciuitatis; aut regionis; aut certe regni? Oues meas (inquit) Cui non planum non designasse aliquas, sed assignasse omnes? Nihil excipitur vbi distinguitur nihil. Et forte præsentibus cæteri condiscipuli erant, quum committens vni, vnitatem omnibus commendaret, in vno grege & vno pastore, secundum illud: Vna est columba mea, formosa mea, perfecta mea. Vbi vnitas, ibi perfectio. Reliqui numeri perfectionem non habent, sed diuisionem, recedentes ab vnitatem. Inde est quod alij singuli singulas sortiti sunt plebes, scientes sacramentum. Denique Iacobus qui videbatur columna Ecclesiæ, vna contentus est Hierosolyma: Petro vniuersitatem cedens. Pulcre vero ibi positus est suscitare semen defuncti fratris, vbi occisus est ille: Nam dictus est frater Domini. Porro cedente Domini fra-

tre,

tre, quis se alter ingerat Petri prærogatiue? Ergo iuxta canones tuos, alij in partem sollicitudinis, tu in plenitudinem potestatis vocatus es. Aliorum potestas certis arctatur limitibus, tua extenditur & in ipsos qui potestatem super alios acceperunt. Nonne si causa extiterit, tu Episcopo cælum claudere, tu ipsum ab Episcopatu deponere, etiam & tradere Satanæ potes? Stat ergo inconcussum priuilegium tuum tibi, tam in datis clauibus, quam in ouibus commendatis. Accipe aliud quod nihilominus prærogatiuam confirmat tibi. Discipuli nauigabant, & Dominus apparebat in littore: quodque iucundius erat, in corpore rediuuio.

Jo. 12. C. Sciens Petrus quia Dominus est, in mare se misit, & sic venit ad ipsum, alijs nauigio, peruenientibus. Quid istud? Nempe signum singularis Pontificij Petri, per quod non nauem vnā, ut cæteri quique suam, sed seculum ipsum suscepit gubernandum. Mare enim seculum est: naues Ecclesiæ. Inde est quod altera vice instar Domini gradiens super aquas, vnicum se Christi Vicarium designauit, qui non vni populo, sed cunctis præesse deberet. Siquidem aquæ multæ, populi multi. Ita quum quisque cæterorum habeat suam, tibi vna commissa est grandissima nauis, facta ex omnibus, ipsa vniuersalis Ecclesia toro orbe diffusa. &c.

Idem in epist. 190. ad Innocentium II. Papam, contra Petrum Abailardum. Oportet ad vestrum referri Apostolatū pericula quæque, & scandala emergentia in regno Dei, ea præsertim quæ de fide contingunt. Dignum namque arbitror ibi potissimum refarciri damna fidei, vbi non possit fides sentire defectum. Hæc quippe huius prærogatiua sedis. Cui enim alteri aliquando dictum est: Ego pro te rogaui Petre, ut non deficiat fides tua? Ergo quod sequitur, à Petri successore exigitur: Et tu aliquando conuersus confirma fratres tuos. Id quidem modo necessarium. Tempus est, ut vestrum agnoscatis pater amantissime principatum, probetis zelum, ministerium honoretis.

Idem

Idem epist. 237. prima ad Eugenium Papam . Locus (inquam) in quo stas , terra sancta est : locus Petri est , locus principis Apostolorum , vbi steterunt pedes eius . Locus illius est , quem constituit Dominus dominum domus suæ , & principem omnis possessionis suæ . Et paulo infra . Merito tali pastori , tali nutricao commissâ est Ecclesia : quum adhuc tenera , adhuc incunabulis esset .

Et epist. 242. ad Romanos , quando discesserunt ab Eugenio III. Papa, ait . Cur Regem terræ , cur Dominum cæli , furore tam intolerabili , quam irrationabili in vos pariter prouocatis , dum sacram & Apostolicam sedem diuinis , regalibusq; priuilegijs singulariter sublimatam , ausu sacrilego inceslere , suoq; minuere honore contenditis ? &c.

Idem epist. 131. ad Mediolanenses , de plenitudine potestatis Apostolicæ , ait . Romana Ecclesia valde clemens est : sed nihilominus potens . Fidele consilium , & omni acceptione dignum : Noli abuti clementia : ne potentia opprimaris . Sed dicit aliquis . Debitam ei reuerentiam exhibebo ; & nihil amplius . Esto . Fac quod dicis ; quia si exhibeas debitam & omnimodam . Plenitudo siquidem potestatis super vniuersas orbis Ecclesias , singulari prærogatiua Apostolicæ sedi donata est . Qui igitur huic potestati resistit , Dei ordinationi resistit . Potest si utile iudicauerit , nouos ordinare Episcopatus vbi hætenus non fuerunt . Potest eos qui sunt , alios deprimere , alios sublimare , prout ratio sibi dictauerit , ita vt de Episcopis creare Archiepiscopos liceat ; & è conuerso si necesse visum fuerit ; potest à finibus terræ sublimes quascunque personas Ecclesiasticas euocare , & cogere ad suam præsentiam , non semel , aut bis , sed quoties expedire videbit . Porro in promptu est ei omnem vlcisci inobedientiam ; si quis forte reluctari conatus fuerit . &c.

. INNOCENTIVS III. Papa in lib. 1. mysteriorum missæ cap. 8. de primatu Romani Pontificis . Omnibus autem

Anno
1198.

Q

Apo-

Apostolis Christus vnum præposuit, videlicet Petrum, cui totius Ecclesiæ principatum, & ante passionem, & circa passionem, & post passionem commisit. Ante passionem cum dixit. Tu es Petrus, & super hanc petram ædificabo Ecclesiam meam. &c. Licet enim vniuersis Apostolis communiter dixerit, quorum remiseritis peccata, remittuntur eis, & quorum retinueritis, retenta sunt; principaliter tamen Petro commisit cum dixit, quodcunque ligaueris super terram. &c. Et infra. Circa passionem autem, cum pluraliter dixisset de omnibus, Simon, ecce Satanas expectiuit vos, vt cribraret sicut triticum; singulariter tamen pro Petro subiunxit: Ego autem pro te rogavi, vt non deficiat fides tua. Statimq; subiunxit: Et tu aliquando conuersus confirma fratres tuos. Ad Petrum igitur tanquam ad magistrum pertinet cæteros confirmare, cuius fides in nulla tentatione defecit. Fides enim Apostolicæ sedis supra firmam petram stabili soliditate fundata, nullis vnquam errorum sordibus potuit inquinari: sed absque ruga manens & macula, pro necessitate temporum, à cæteris maculas detulit errorum. Post passionem autem, quum tertio quæsisset à Petro; Simon Ioannis diligis me plus his? & ille tertio respondisset; Domine tu scis, quia amo te. Tertioq; præcepit: pascue oues meas: statimq; subiunxit; Sequere me. Petrus enim sequutus est Christum, non solum in genere martyrij, sed & in ordine magisterij. Hæc ille.

Luc. 22. C

Io. 21. E.

Idem registri lib. 2. epist. 201. ad Ioannem Patriarcham Constantinopol. Apostolicæ sedis primatus, quem non homo, sed Deus, immo verius Deus homo constituit, multis quidem, & Euangelicis & Apostolicis testimonijs comprobatur: à quibus postmodum constitutiones canonice processerunt, concorditer asserentes, sacrosanctam Romanam Ecclesiam in beato Petro Apostolorum principe consecratam, quasi magistram & matrem cæteris præeminere. Hic enim cum interroganti Domino, quem homines esse dice-

dicerent filium hominis, alijs referentibus opiniones aliorum, ipse velut inter ceteros primus, eum esse Christum Dei viui filium respondisset, audire promeruit: Tu es Petrus, & super hanc petram ædificabo Ecclesiam meam. Et post pauca: Tibi dabo claues regni cœlorum. Nam licet primum, & præcipuum Ecclesiæ fundamentum sit vnigenitus Dei filius Iesus Christus, iuxta quod dicit Apostolus: quia fundamentum positum est, præter quod aliud poni nõ potest, quod est Christus Iesus. Secundum tamen, & secundarium Ecclesiæ fundamentum est Petrus; & si non tempore primus, auctoritate tamen præcipuus inter ceteros; de quibus Paulus Apostolus inquit: Iam non estis hospites & aduenæ, sed estis ciues sanctorum, & domestici Dei, superædificati supra fundamentum Apostolorum & Prophetarum. Quos & fundamenta esse in montibus sanctis Dauid propheta testatur. Huius etiam primatum veritas per seipsam expressit, cum inquit ad eum. Tu vocaberis Cephass, quod & si Petrus interpretatur, caput tamen exponitur, vt sicut caput inter cetera membra corporis, velut in quo viget plenitudo sensuum, obtinet principatum, sic & Petrus inter Apostolos, & successores ipsius, inter vniuersos Ecclesiarum prælatos prærogatiua præcelleret dignitatis, vocatis sic ceteris in partem sollicitudinis, vt nihil ei de potestatis plenitudine deperiret. Huic Dominus oues suas pascendas vocabulo tertio repetito, commisit, vt alienus à grege dominico censeatur: qui eum etiam in successoribus suis noluerit habere pastorem. Non enim inter has, & illas oues distinxit, sed simpliciter inquit: Pafce oues meas, vt omnes omnino intelligantur ei esse commissæ. Iacobus enim frater Domini qui videbatur esse columna, Hierosolymitana sola cõtentus, vt ibi semen fratris præmortui suscitaret, vbi fuerat crucifixus, Petro non solum vniuersam Ecclesiam, sed totum reliquit seculum gubernandum: quod ex eo etiam euidenter apparet, quia cum Do-

Eph. 2. D.

- Io. 21. C.* minus apparuisset in littore discipulis nauigantibus, sciens Petrus quod Dominus est, se misit in mare, ac alijs nauigio venientibus, ipse sine beneficio nauis ad Dominum festinauit. Cum enim mare mundum designet, iuxta verbum
- Psal. 103. C.* Psalmistæ dicentis: Hoc mare magnum & spatiosum, illic reptilia, quorum non est numerus: per hoc quod Petrus se misit in mare, priuilegium expressit Pontificij singularis, per quod vniuersum orbem suscepit gubernandum: cæteris Apostolis vt vehiculo nauis contentis, cum nulli eorum vniuersus fuerit orbis commissus, sed singulis singulæ prouinciæ, vel Ecclesiæ potius deputatæ. Iterum etiam vt se vnicum Christi Vicarium designaret, ad Dominum super aquas maris mirabiliter ambulantem, & ipse super aquas maris mirabiliter ambulauit. Nam quum aquæ multæ sint populi multi, congregationesq; aquarum sint maria, per hoc quod Petrus super aquas maris incessit, super vniuersos populos se potestatem accepisse monstrauit. Pro eo Dominus se orasse fatetur inquiring, in articulo passionis. Ego pro te rogaui Petre, vt non deficiat fides tua, & tu aliquando conuersus confirma fratres tuos. Ex hoc innuens manifeste, quod successores ipsius à fide catholica nullo vnquam tempore deuiarent, sed reuocarent magis alios, & confirmarent etiam hesitantes, per hoc sic ei confirmandi alios potestatem indulgens, vt alijs necessitatem imponeret obsequendi: quod & tunc Petrus agere coepit, quando quibusdam ex discipulis abeuntibus retro, & durus est hic sermo dicentibus, cum dixisset Iesus ad duodecim: Nunquid & vos vultis abire? Solus ipse respondit pro cæteris: Domine verba vitæ æternæ habes, & ad quem ibimus? Huic præterea dictum in Euangelio & audisti sæpius & legisti: Quodcunque ligaueris super terram, erit ligatum & in cælis, & quodcunque solueris super terram, erit solutum & in cælis. Quod si omnibus etiam Apostolis simul dictum esse reperias, non tamen alijs sine ipso; sed ipsi sine alijs attribui-

tributam esse cognosces ligandi, & soluendi à Domino facultatem; ut quod non alij sine ipso, ipse sine alijs posset ex privilegio, sibi collatò à Domino, & concessa plenitudine potestatis. Ad quod nimirum videtur illud non incongrue pertinere, quòd ipse solus legitur interrogasse Iesum: Si peccauerit in me frater meus, dimittam ei usque septies? Et ei soli Iesus legitur respondisse. Non dico tibi usque septies, sed usque septuagies septies. Quia profectò septenarius vniuersitatis est numerus, eò quòd omne tempus septenario dierum numero noscitur comprehendi. Septenarius ergo numerus in se ipsum multiplicatus, in hoc loco significat vniuersorum vniuersa peccata; quia solus Petrus potest non solum omnia, sed omnium crimina relaxare. Demum post passionem suam Dominus Petro dixisse legitur. Tu me sequere: quod utique non tam de sequela perferendæ passionis, quàm creditæ dispensationis debet intelligi, quum & Andreas, & quidam alij præter Petrum, sicut Dominus fuerint crucifixi; sed solum Petrum substituit sibi Dominus, & in officio Vicarium, & in magisterio successorem. Vnde post ascensionem Domini Petrus velut successor ipsius regere cœpit Ecclesiam, ad complendum duodenarium discipulorum numerum loco Iudæ præuicatoris ex verbis prophete, alium instituens, & faciens subrogari, & recepto paraclito discipulos non musto repletos, sed Spiritus Sancti gratia illustratos, ex verbis Ioelis apertius comprobauit. Hic poenitentiam agere iussit, & baptizari credentes. Hic inter discipulos curando claudum primus fuit miraculum operatus; & in Ananiam, & Sapphyram uxorem ipsius tanquam primus, & præcipuus inter eos, qui mentiti fuerant Spiritui Sancto, mortis sententiam pronulgauit. Hic Simoniacæ pestis radicem contra primitiuam Ecclesiam pullulantem Apostolica falce succidit; solus in Simonem magum sententiam damnationis promulgans, licet non ei soli, sed omnibus communiter pecuniam obtulisset.

Mat. 18.
C.

Mat. 3.
A.
Mat. 5.
A.

Mat. 8.D.

Mat. 10. *B.* set. Ipse præterea cum in eum mentis cecidisset excessus, vidit cælum apertum; & descendens vas quoddam, velut lintheum magnum, quattuor inijs in terram de cælo submitti, quod omnia quadrupedia, & serpentina terræ, ac cæli volatilia continebat. Et quum facta esset vox, dicens ad eum; Surge Petre, macta, & manduca: Respondit, absit Domine, quia nunquam immunda, & communia manducaui; Et vox ad eum est facta secundo: Quod Deus purificauit, tu commune ne dixeris: per quod innuitur manifestè, quod Petrus prælatus fuerit populis vniuersis: cum vas illud orbem, & vniuersitas contentorum in eo, vniuersas significet tam Iudæorum, quàm gentium nationes. Qui licet postmodum ex reuelatione diuina ab Antiochia fuerit translatus ad Urbem, non tamen concessum sibi primatum deseruit; sed secum potius cathedræ transtulit principatum; cum Dominus eum nullatenus minorare voluerit, quem Romæ præiudicrat martyrio coronandum. Sanè cum ipse postmodum, immo Dominus potius, qui se in eo pati asseruit. Venio (inquit ad eum) Romam iterum crucifigi. Romanam Ecclesiam suo sanguine consecrasset, primatum cathedræ successori reliquit, totam in eo transferens plenitudinem potestatis. Pro patre siquidem nati sunt ei filij, quos Dominus principes super omnem terram constituit. Sanè cum per nauem Petri Ecclesia figuretur, tunc Petrus, iuxta præceptum Dominicum, nauim duxit in altum, laxās prædicationis retia in capturam; cum ibi posuit Ecclesiæ principatum, vbi vigeat secularis potentiæ altitudo, & imperialis monarchia residebat; cui ferè singulæ nationes, sicut flumina mari tributa soluebant certis temporibus constituta. Ipse quidem primus Iudæos; ipse quoque primus Gentiles post ascensionem Christi conuertit ad fidem, vt su per utrosque fideles se primatū accepisse monstraret. Cum ipso die Pentecostes ad verbum exhortationis ipsius circiter tria millia Iudæorum baptismi receperint sacramentum:

ac deinde Cornelium Centurionem, & suos quasi primitias gentium, ad reuelationem angelicam baptizarit. Cum autem inter Apostolos ad consultationem credentium magna fieret conquisitio, vtrum oporteret circumcidi fideles, & legem Mosaicam obseruari, Petrus, principali fretus auctoritate, respondit. Quid tentatis Deum imponere iugum super cervicem discipulorum, quod neque patres nostri, neque nos portare potuimus? Cuius sententiam subsequutus Apostolicum super ipsa questione decretum Iacobus promulgauit. Paulus etiam postquam abiit in Arabiam, & iterum rediit in Damascum, deinde post tres annos venit Hierosolymam, vt Petrum videret, cum eo Euangelium, quod in gentibus prædicauerat, collaturus; ne forte in vacuum curreret, aut etiam cucurrisset. Cuius etiam singularis Apostolatus priuilegium recognoscens, Antonomasi- cè scribit de illo; Qui operatus est Petro in Apostolatu, operatus est mihi inter gentes. Vt autem, quem Dominus cæteris præfecit priuilegio dignitatis, præ cæteris quoque virtutis priuilegio decoraret, tantam ei cõtulit potestatem, quod ad vmbra eius sanabantur infirmi, vt in eo intelligatur esse completum, quod Dominus dixerat. Qui credit in me, opera, quæ ego facio, & ipse faciet; & maiora horum faciet. Hæc autem non idcirco præmisimus, vt nos, qui ei (licet indigni) successimus in Apostolatus officio, extraneos ambulare velimus in magnis, aut super nos in mirabilibus exaltare; cum à Domino dictum esse nouerimus. Omnis qui se humiliat, exaltabitur, & qui se exaltat, humiliabitur. Vnde cum inter discipulos eius quaestio de maioritate fuisset exorta, respondit: Qui maior est inter vos, erit omnium seruus: & qui præcessor, tanquam ministrator, seipsum in exemplo proponens, quia filius hominis non venit ministrari sed ministrare; propter quod & ipse Petrus aiebat: Non quasi dominantes in clero, sed forma facti gregis ex animo; nam & alia dicit scriptura; Quanto maior es, hu-
uilia

*Act. 10.
A.*

*Act. 15.
B.*

Gal. 1. D.

Gal. 2. B.

Io. 14. B.

Eccel. 32. milia te in omnibus; & iterum, principem te constituere
A. noli extolli: esto in illis, quasi vnus ex illis. Deus enim superbis resistit, humilibus autem dat gratiam. &c.

Glosa ordinaria Matth. cap. 16. ex Rabano, citata à D. Thoma in catena aurea. Habent quidem (inquit) eandem iudiciariam potestatem alij Apostoli, quibus post resurrectionem ait. Accipite Spiritum Sanctum. &c. Habet etiam omnis Ecclesia in Episcopis, & presbyteris; sed ideo specialiter Petrus accepit, vt omnes intelligant, quod quicumque ab vnitae fidei, & societate eius se separauerit, nec à peccatis solui, nec cœlum potest ingredi.

Et alia *Glosa* ordinaria, Apud D. Thomam in catena eodem statim loco. Specialiter illam potestatem Deus Petro concessit, vt ad vnitatem nos inuitaret. Ideo enim eum principem Apostolorum constituit; vt Ecclesia vnum principalem haberet Christi Vicarium, ad quem diuersa membra recurrerent, si forte inter se dissentirent.

Alia *Glosa* Moralis in cap. 21. Ioan. Ter dictum est (inquit) Pasce; ad significandum, quod habens curam animarum, debet subditos pascere, pastu verbi dei, & boni exempli, & prout potest, etiam subsidio temporali.

Alia *Glosa* Venerabilis Bedæ in cap. 5. epist. 1. Petri. Pasce, qui est in vobis, gregem Dei; sicut Dominus beato Petro totius gregis eius, hoc est Ecclesiæ, curam habere iussit, ita ipse Petrus sequentibus Ecclesiæ pastoribus iure mandat, vt eum quisque, qui secum est, gregem Dei sollicita gubernatione tutetur.

Alia *Glosa* Moralis in cap. ult. Ioan. Amen dico tibi, cum esses iunior. &c. Per hoc quod hic dicitur, passio Petri futura significabatur, cò quod tunc Ecclesiæ præficiabatur. Nam in primitiua Ecclesia ille, qui populis præficiabatur, primus ad tormenta ducebatur.

Et alia *Glosa* ordin. Ideo voluit Dominus Apostolorum principem prius alio nomine vocari, vt ex commutatione

nominis sacramenti viuacitas commendaretur.

Alia Gloſa quæ eſt Rabani. Simon, ideſt obediens, qui propter primatum Apoſtolici ordinis vocatur Petrus, ideſt firmus.

Eorum quæ contra Petri Primatum à Centuriarum auctõribus ex ſacris litteris afferuntur, diſſolutio. Cap. XI.

NON ſatis eſt nobis, quæ inſtituimus, accuratiſſimè tot ſanctorum patrum testimonijs probaſſe, niſi etiam ea, quæ contra noſtram ſententiam ex ſacris litteris argumenta à Centuriarum auctõribus afferuntur, diſſoluerimus, quæ in hæc quattuor contraximus, ita vero ſcribunt.

PRIMUM. Chriſtus aliquoties contendentiſus Apoſtoliſus de primatu, negauit eoſ debere imperare, & regnare; inquit enim: Reges gentium dominantur eiſus, vos autem non ſic. Nec tantum eoſ non vult dominari, ſed etiam vult eoſ ſeruire, & ſubiectos eſſe, cum inquit. Qui vult eſſe maximus, ſit minimus. Et quidem præponit ſe eiſus pro exemplo; qui venit in terram, non vt alij ei ſeruiant, ſed vt ipſe alijs miniſtraret: idq; ſumma & duriffima ſeruitute; ac negat planè, ſe eſſe conſtitutum Iudicem; prohibetq; ſeuèriter, ſe quemquam magiſtrum, patrem, aut Dominum appellare; conſonat huic ſententiæ & Pauli doctrina. 1. Corinth. 3. & 4. qui dicit. Petrum & Paulum omnes Apoſtoloſus eſſe Eccleſiæ, & non eſſe Eccleſiam ipſorum, eoſ eſſe tantum miniſtros quodaſus Euangelij Chriſti, per quorum prædicationem homineſus ad Deum conuertuntur, ſic & Petrus docet in prima epiſt. cap. 5. Non dominanteſus, ſed forma facti gregiſus. Non conſtituit igitur Chriſtus Petrum Dominum ſuper Eccleſiam, & omneſus Chriſtianoſus: multo minus alioſus, qui ſiue Antiochiæ, ſiue Romæ, ſiue in Ponto,

R

aut

„ aut Galatia, aut Cappadocia à Petro ordinati sunt, quibus
 „ omnes Christiani sub pœna æterni exitij obedire cogantur.
 „ SECUNDVM. Illud obseruandum est, quod postquam
 „ Christus dixerat ad Petrum. Tu es Petrus, &c. sapius or-
 „ ta est inter Apostolos dubitatio, & contentio de primatu;
 „ quisnam primus inter eos esse in posterum debeat, & semel
 „ Lucæ cap. 22. iam in vltima cœna. Quæ profecto dubita-
 „ tio & contentio orta non fuisset, si Christus semel, vnum re-
 „ liquis omnibus præfecisset: Ad hæc, & Christus eis respon-
 „ disse, se iam vnum Petrum semel ceteris præposuisset, &
 „ reliquos omnes ei obtemperare debere, nec de re à se pe-
 „ nitus conclusa adhuc litigare, verum illud, &c. Ibidem Lu-
 „ cæ cap. 22. contrarium respondet, neminem illorum debe-
 „ re alteri præferri, verum omnes sibi mutuo, ac omnibus
 „ alijs Christianis promptè ministrare: sed adscribam & ver-
 „ ba Euangelistæ. orta est autem & contentio inter eos, quis
 „ eorum videretur esse maior, dixit autem eis. Reges gen-
 „ tium dominantur eis, & qui potestatem habent in eos be-
 „ nefici vocantur: Vos autem non sic, sed qui maior est in-
 „ ter eos, fiat æqualis iuniori, & qui princeps est, æqualis mi-
 „ nistranti. Nam vter maior est, qui accumbit, an qui mini-
 „ strat? nonne qui accumbit? At ego in medio vestrum sum,
 „ vt qui ministrat. Hinc igitur manifestè apparet, tum Pe-
 „ tro ante passionem non fuisse datum primatum, tum etiam
 „ Christum planè noluisse constitui superioritatem inter
 „ Apostolos.

Responsio.

QVONIAM hæc duo argumenta ex eodem capite, lo-
 co, & iisdem rationibus manant, vnica responsione vtriq;
 satisfaciam. Centuriarum auctores Petri primatum de-
 struere, demoliri, & omnino extirpare conati, tanta vi fu-
 roris efferuntur, vt neque quid dicant, considerent, neque ab

alijs scripta, vel oscitanter examinent; sed impetu quodam impulsu, quicquid in buccam venit, modo ad rem suam facere ex leuibus quibusdam argumentis videatur, euomunt, exaggerant, repetunt, inculcant, nulla distinguendi ratione cognita, verba, res, tempora, ordinem, confundunt. Ante omnia, verba illa suauissima, quibus passim Iesus Christus & Apostoli de Petri primatu vtuntur pascere, regere, gubernare, ad instar pastoris, patris, Episcopi, confundunt; cum verbis ab Euangelio penitus alienis, neque ab vilo vnquam vsurpatis, dominari, regnare, imperare, ritu Tyrannorum, Regum & Imperatorum. Constat sanè Christum ambitionem, fastum, tumorem, mentis elationem, iniustū principatum, tyrannidem, appetitum superbe dominandi sicut principes gentium, non legitimam & Ecclesiasticam potestatem damnassee, quæ à Deo, ad vnitatem Ecclesiæ seruandam instituta est, & cui qui resistit, Dei ordinationi resistit. Voluit quidem ipse præfidentium humilitatem docere, non auferre equam potestatem, quemadmodum in Ecclesiastico cap. 3. scriptum est: Rectorem te posuerunt, noli extolli, sed esto quasi vnus ex ipsis, curam illorum habere, & sic considera, & omni cura explicita recumbe, vt læteris propter illos. Et cap. 3. Quanto maior es, humilia te in omnibus, & coram Deo inuenies gratiam. Et D. Petrus, non dominantes in clero, sed forma facti gregis ex animo. Neminem profecto tam delirum esse opinor, qui ita argumentari ausit. Quoniam & Christus ministrauit, & alios maiores ministrare minoribus suo exemplo docuit, & præcepit. Nullam itaque Christus præ ceteris potestatem habuit; aut legitimum principatum abrogauit? qui dixit: Data est mihi omnis potestas in cœlo & in terra: & per os Pauli Christianos suos docuit eos præpositis suis obedire, & subiacere debere, qui peruiligant rationem pro animabus eorum reddituri. Et quidem, quum Christus dixit, Qui maior est vestrum, fiat sicut minor; & qui princeps est, si-

1. Pet. 5.
A.

cut ministrator; satis expresse constat, ipsum inter eos aliquem potestate ceteris præstantiorem esse voluisse; quamquam ea verba adiunxerit, sit sicut iunior, ob ministerij exhibitionem. Hinc optime D. Hieronymus in com. cap. xx. in Matth. scribit. Christus voluit suos ad summitatem virtutum non potentia, sed humilitate peruenire. Nam existentes in potestate, debent se intus humiliare, ac si non essent in potestate constituti; ut paruuli fiant humilitate quidem, non sensu, vel ætate; qui maior est (inquit) Christus scilicet prælatione, fiat sicut iunior per humilitatem, & exhibitionem ministerij; & ita non delet, sed confirmat prælationem, & ei modum imponit. Nam quod Reges gentium faciunt, violenter homines seruitio præmentes, hoc pastores Ecclesiæ facere non debent, sed (ut tradit tract. 12. in Matth. Origenes) subditis suis potius ministrare. Rectè igitur Christus contendentibus aliquoties de principatu sine humilitate, non de primatu cum charitate Apostolis, & aliquando quis maior est in regno cælorum inepte querentibus, vel ad dexteram, & ad sinistram illius sedere imperite petentibus, illos admonuit prælationem non esse temerè vsurpandam, & ambiendam: insuper obiurgauit illos, negauitq; eos debere imperare, & regnare, ritu Regum, quum ait: Reges gentium dominantur eis, & qui potestatem habent in eos benefici vocantur, vos autem non sic; sed qui maior est inter vos, scilicet potestate, fiat sicut iunior, humilitate, & qui princeps est, tanquam ministrator, mei exemplo. Nam quis maior est, qui accumbit, an qui ministrat? nonne qui accumbit? At ego in medio vestrum sum, ut qui ministrat. Ergo quia ministro nullam habeo potestatem? Absit. Hactenus Christus discipulos, inaniter de principatu, quem more gentium cominiscabantur, grauissimè redarguit; & iure; non enim eorum potestas regia, & tyrannica futura erat, sed tanquam patris in filios; pastoris in oues; gubernatoris (ux fidei creditos: humi-

militatem quoque, quam pastor Ecclesiæ gerere debet, ostendit; & profecto Christi verba aperte explicant, de quo principatu ipse loqueretur, quum ait: Reges gentium, quoniam illorum est ambire imperium, quod scite exponit D. Ioannes Chrisostomus: prima quæque appetere, tyrannica passio est. Hunc vero esse legitimum verborum Christi sensum, ex sui, quod exhibet, exemplo liquet. Quis enim ignorat, ipsum esse totius Ecclesiæ caput, omnibus prælatum? & tamen summa docuit humilitate, alijs ministrando; etsi per hoc alijs superior esse non desierit, docens alios præfectum dignitate non superbire, sed humiliter alijs ministrare, quod super eo loco docet & D. Basilii in reg. lat. disput. interrog. 30. Non extollat præidentem dignitas, ne ab humilitatis beatitudine corruat. Quare vanum esset exemplum, si auctorum centuriarum intelligentiâ caperemus, verba scilicet Domini prohibentia esse prælationis; quum ipse fuerit verissimus prælatus. Dicamus igitur, Christum non prohibuisse prælationem; sed docuisse in prælatione humilitatem. Sequuntur centuriarum auctores. [Hinc igitur manifeste apparet, tum Petro ante passionem non fuisse datum primatum] recte, quia post passionem; cum ei dictum est, pasce oves meas, quamvis tamen ante passionem promissus eidem fuerit. Matth. 16. Tibi dabo. &c. [tum etiam Christum planè noluisse constitui superioritatem inter Apostolos] hoc falsissimum: quia statim finita obiurgatione, per quam illos capaces, & humiliores fecerat, eos suæ voluntatis admonuit; & statim exponens, quis sit ille maior futurus, post mortem suam, qui tamen debeat esse sicut iunior, ad Petrum conuersus, subiicit hæc verba, quæ ipsi reticuerunt. Simon ecce Satanas expetiuit vos, ut cribraret sicut triticum, ego autem rogaui pro te, ut non deficiat fides tua, & tu aliquando conuersus confirma fratres tuos. Et apud Ioan. cap. vlt. post resurrectionem, Simon diligis me plus his? pasce oves meas. Christi igitur
verbis

verbis non inducta est inter Apostolos æqualitas, excludens prælationem, sed magister humilitatis, ipsos ad humilitatem exhortans, omnem superioritatem exclusit superbe, & iniuste potestatis. Interdicitur enim dominatio, & inducitur administratio. Ad id vero, quod auctores centuriarum pro sua sententia contra Petri primatum ex Lucæ cap. 22. attulerunt, scitissime Diui Augustinus, & Gregorius respondent. Ille quidem homil. 4. cuius verba commodius infra in responsione similis argumenti adijciam; hic vero registri lib. 1. epist. 24. ad quatuor Patriarchas, ita. Rursus cum me ad considerandum conféro, qualis in humilitate, qualisque esse rector debeat in districtione perpendo, quoniam necesse est, ut & bene agentibus sit per humilitatem socius, & contra delinquentium vitia per zelum iustitiæ erectus, quatenus & bonis in nullo se præferat, & quum prauorum culpa exigit, prioratus sui potestatem agnoscat, ut & honore suspensio æqualem se subditis bene viuentibus deputet, & contra peruerforum culpas ex zelo iustitiæ excrescat. Hinc est namque quod Petrus auctore Deo sanctę Ecclesię principatum tenens à bene agente Cornelio, & sese ei humiliter prosternente immoderatus venerari recusauit, seq; illi similem recognouit, dicens. Surge, ne feceris, & ego homo sum. Sed quum Ananiæ & Sapphyrę culpam reperit, mox quanta potentia super cæteros excreuisset, ostendit. Verbo namque eorum vitam perculit, quam spiritu perscrutante deprehendit; & summum se intra Ecclesiam contra peccata recoluit, quod honore sibi vehementer impenso corā beneagentibus fratribus non agnouit. Hic communionem æqualitatis meruit sanctitas actionis, illic zelus ultionis vim aperuit potestatis, hinc est, quod Paulus bene agentibus fratribus prælatum se esse nesciebat, cum diceret. Non quia dominamur fidei vestrę, sed adiutores sumus gaudiј vestri. Ad quę ideo adiunxit; fide enim statis, ac si id, quod præsul erat, aperiret, dicens, ideo non dominamur fidei vestrę, quia

2. Cor. 1.
D.

quia fide statis, & quales enim vobis summus, in quo vos stare cognoscimus, quasi prælatus se esse fratribus nesciebat, quum diceret: Facti sumus paruuli in medio vestrum; & rursus: Nos autem seruos vestros per Christum; sed cum culpam, quæ corrigi debuisset, inuenit, illico se magistrum esse recoluit, dicens: Quid vultis, in virga veniam ad vos? Summus itaque locus bene regitur, cum is qui præest, vitijs potius, quàm fratribus dominatur. Bene acceptam potestatem regit, qui & tenere illam nouit, & impugnare: Bene hanc regit, qui scit per illam super culpas erigi, scit cum illa ceteris in æqualitate componi. Sic autem seruanda est virtus humilitatis, vt non soluantur iura regiminis; nedum prælatus quisque plus se, quàm decet, deijcit, subditorum vitam restringere, sub disciplinæ vinculo non possit, & sic seruanda est disciplinæ seueritas, nedum plusquàm necesse est zelus accenditur, mansuetudo funditus amittatur. Sæpe namque vitia, virtutes se esse mentiuntur, vt tenacia parsimonia, effusio largitas, crudelitas zelus iustitiæ, remissio pietas velit videri. Disciplina ergo vel misericordia multum destituitur, si vna sine altera teneatur. Sed magna discretionis arte seruanda est, & iuste consulens misericordia, & pie feriens disciplina. Hinc namque est, quod docente veritate per Samaritani studium semiuuius in stabulum ducitur, & vinum atque oleum vulneribus eius adhibetur, scilicet, vt per vinum mordeantur vulnera, & per oleum foueantur. Necesse quippe est, vt is, qui sanandis vulneribus præest, in vino morsum doloris adhibeat; in oleo molliciem pietatis; quatenus per vinum mordeantur putrida, per oleum sananda foueantur. Sit ergo amor, sed non emolliens, sit rigor, sed non exasperans. Quod bene illa tabernaculi arca significat: in qua cum tabulis, virga simul, & manna est; quia cum scripturæ sacræ scientia, in boni rectoris pectore, si est virga distractionis, sit & manna dulcedinis. Suscepto itaque pastoralis curæ onere, cum cun-

1. Thes. 2

B.

2. Cor. 4.

B.

1. Cor. 4.

D.

eta hæc, atq; alia huiusmodi multa confidero, videor, quod
 esse non possum; maxime quia hoc in loco quisquis pastor
 dicitur, curis exterioribus grauiter occupatur, ita vt sæpe
 incertum fiat, vtrum pastoris officium, an terreni proceris
 agat. Et quidem quisquis regendis fratribus præest, vacare
 funditus à curis exterioribus non potest; sed tamen cu-
 randum magnopere est, ne ab ijs immoderate depriman-
 tur. &c. Ita ille. Quibus verbis nihil aptius argumentis su-
 pradiçtis responderi potest; sequuntur auctores [Et certe
 Christus noluit Apostolos dominari more regum, sed vo-
 luit eos seruire ouiculis suis] hætenus recte [& subiectos
 esse] hoc nimium est, cui nam quæso? aut quo subiectionis
 genere? si omnes subiecti sunt, quis rector? Cum inquit
 [qui vult esse maximus sit minimus] falsa illatio: quia dicit,
 sit sicut minimus, idest ita se gerat per humilitatem, ac si mi-
 nimus esset. [Vult quidem Christus Apostolos suos mini-
 strare, proponens se eis pro exemplo, qui venerit non vt
 alij ei seruiant, sed vt ipse alijs ministret] non tamen ita
 subiectos esse, vt eius iussu tollant regimen Ecclesiasticum,
 quod inter rectores & subiectos est. [idque summa & du-
 rissima seruitute] Hic frustra exaggerant verba [ac negat
 planè se esse constitutum iudicem] tamen dixit, data est
 mihi omnis potestas in cœlo, & in terra [prohibetq; seue-
 riter, se quemquam magistrum, patrem, aut Dominum
 appellare] suapte natura scilicet, qua solus Deus est, &
 pater, & magister, & Dominus, non participatione, qua
 multi magistri, & patres esse possunt, Paul. 1. Thimot. in
 Euangelio positus sum ego prædicator & Apostolus, & ma-
 gister gentium, adde eandem appellationem Christum non
 prohibere quando alicui cura patris, aut magistri tradita
 est. Addunt [illud vero in primis obseruandum est, quòd
 postquam Christus dixerat ad Petrum. Tu es Petrus, sæ-
 pius orta est inter Apostolos dubitatio, & contentio de pri-
 matu] falsum; quia de principatu, more gentium [quisnam
 primus

primus inter eos esse in posterum debeat] falsum quia maior, ritu regum, [vt semel Lucæ 22. in vltima cœna, quæ profectò dubitatio & contentio orta non fuisset, si Christus semel vnum reliquis omnibus præfecisset] O peruersum scripturarum sensum: ideo contentio orta, quia eis sæpe Petrum insinuauerat pastorem, non tamen præfecerat: quod optime his verbis exponit Origenes homil. 5. super Matthæum, vbi ait. Iesus mittit Petrum cum hamo comprehendere piscem, in cuius ore dicebat inueniendum esse staterem, vt daretur pro se, & Petro; Ego arbitror, quoniã maximum hunc honorem existimantes, in Petrum à Christo collatum, quasi per hoc iudicasset, eum cæteris discipulis meliorem, cupiebant, quod suspicabantur, cautè cognoscere, simul autem sperabant, quod & causam ipsam reuelationis interrogantes indicarent. Hoc ergo volens ostendere Matthæus adiicit propter illud, quod ait. Hunc accipiens da propter me, & te. In illa die vel hora accesserunt discipuli ad Iesum, dicentes: Quis putas maior est in regno cœlorum? &c. Præterea multæ potuerunt esse causæ, cur dubitarent sic, & contenderent Apostoli, etiam si nouissent, ijs prælatum fuisse D. Petrum Apostolum. Id enim primo fieri potest, eos contendisse de meritorum dignitate; vel dubitasse de altiori gradu in regno cœlorum postea obtinendo, non de potestate pastoralis. Vnde inter alia Saluator tunc eos reprehendens, de hoc quoque respondit Lucæ 22. Ego disposui vobis, vt edatis, & bibatis super mensam meam in regno meo; & sedeat is super thronos, iudicantes duodecim tribus Israel: aut etiam absolute, aut in genere dubitasse: Quis maior? non habita ratione huius vel alterius rei. Non quis potestate maior, vel dignitate, vel sapientia, & virtute, aut honore, vel præmio, sed absolute; quis maior? atque hoc quidem dubitare potuerunt, & de eo contendere, etiã si scirent Petro promissam potestatem. & ideo ibidem Saluator eis respondit, & de potestate, ritu & more gentium,

& de merito, ac præmio futuro, præterquam quod non ita ante Spiritus Sancti susceptionem erant perspicaces, & spirituales, vt singula Christi verba, vel memorarentur, vel considerarent diligentius, vel clare intelligerent: & præsertim, quia ex parte similia eis verba dicta videbant, Matth. octauo, licet non eadem: Quæcunq; ligaueritis erunt ligata &c. & factos omnes esse Apostolos, & missos ad prædicandum: & ideo causam habere dubitationis potuerunt & contentionis, ac maxime quia proprium est ambitionis homines excēcare, vt istos centurarios odium in Apostolicā sedem & ambitio, ac malitia excēcasse videntur, vt videntes non videant, & intelligentes non intelligant. [Ad hæc & Christus eis respondisset, se iam vnum Petrum semel ceteris præposuisse, & reliquos omnes ei obtemperare debere, nec de re ab se penitus conclusa amplius litigare] An non id fecit Christus, & tunc cum illico dixerit, Simon ecce Satanas expetiuit vos vt cribraret, sicut triticum; ego autem rogaui pro te, vt non deficiat fides tua; & tu aliquando conuersus confirma fratres tuos. & paulo ante, Tu es Petrus, &c. tibi dabo claues, tibi vni non alijs. Item paucis diebus post resurrectionem longe apertissime: Simon diligis me plus his, pasce oues meas, quod illi soli, non alijs dixit Apostolis, qui tunc præsentēs aderant. Quid igitur hi postulant, centies dici à Saluatore oportere? Sed nec tunc locus erat inter reprehendendum hæc dicendi, ne eadem fortasse re, vnius scilicet prælatione, commemorata, magis eos irritasset. Immo è contra aduersarij si aliquid sensus spiritualis haberent, oporteret eos contrarium colligisse: scilicet ideo cœpisse de hoc dubitare Apostolos, quia audierant illa verba, à Christo D. Petro dicta Matth. 16. Et inde occasionem sumpsisse ipsam ambitionem, vel curiositatem sicut senserunt aliqui doctores ex supra citatis, & Origenes homil. 5. super Matthæum, vt paulo supra citauimus. Vnde Matth. 17. postquam Saluator iussit solui pro se

& Petro, statim subiunxit Euangelista Apostolorum contentionem: Quis putas maior est in regno cœlorum? sicut etiam indigne tulerunt filiorum Zebedei postulatū, ut vnus federet à dextris, & alius à sinistris in regno Christi, Matth. 20. & Marci 10. Addunt. [Verum ille contrarium respondet Lucæ cap. 22. Neminem illorum debere alteri præferri] hoc falsum; neque eius rei vestigium vllum in Euangelio extat [verum omnes sibi mutuo, a omnibus alijs Christianis prompte ministrare] Hoc recte, nec nos negamus. Male igitur faciunt, qui legitimi primatus iustam, & humilem potestatem, quam Christus sanxit, Petrus exercuit, cum iniquo & ambizioso dominatu à Petri morib⁹ alieno à Christo damnato, confundunt. [Consonat huic sententiæ Pauli doctrina prima epist. Corinth. cap. 3. & 4. qui dicit, Petrū & Paulum & omnes Apostolos esse Ecclesiæ, non esse Ecclesiam ipsorum] Estō, ergo inter hos primus nullus esse debet Ecclesiæ Apostolus? non video, quam ratione ex ijs verbis id consequi possit [eos esse tātum ministros quosdam Euangelij Christi, per quorum prædicationes homines ad Deum conuertantur] Quid ex his verbis sequatur, quod Petri primatui repugnet, non agnosco [sic & Petrus docet prima epist. cap. 5. non dominantes, sed forma facti gregis] Non dominantes, quia Christus dominatum more regum prohibuit, ergo non pascentes? Absit, quia, pascite, qui in vobis est, gregem Dei, prouidentes non coacte, sed spontanee secundum Deum. [Non constituit igitur Christus Petrum dominum super omnem Ecclesiam; & super omnes Christianos] si in Domini verbo tyrannū intelligas, certe non constituit; si principem, & pastorem, ipsissimum fecit, quia ei ter dixit, pascē oues meas; & Ecclesia omnis eum principem Apostolorum vocat.

TERTIVM. Christus dixit ad discipulos Ioan. 20. Sicut me misit viuens pater, ita & ego mitto vos; Certo certius est, Christum non missum à patre, ut constitueret regna, ac

- „ politias, nec habuisse gladium politicum; Negat enim suum
 „ regnum esse de hoc mundo, aut se hic constitutum iudicē.
 „ Igitur nec ullus Apostolorum, aut Christi Vicarius debet
 „ sibi quicquam tale usurpare, quod ipsi Christo, à patre de-
 „ mandatum, non fuit. Ad hæc eodem iure dixit, se singu-
 „ los mittere, nulli igitur dat aliquam prærogatiuam.

Responsio.

Quid contra Petri primatum locus hic Ioannis faciat, non liquet: Christus cui data est potestas in coelo, & in terra, missus est à patre in mundum, vt doceret veritatem; genus humanum de potestate Satanæ redimeret; Ecclesiam constitueret; & nos ad coelum per fidem & charitatem reuocaret; qua ratione vt eadem per prædicationem operentur, ipse Apostolos & discipulos misit: Quibus Petrum vice sua præfecit, quum ei dixit, pascue oues meas. Vt vero eorum verba excutiamus; cum dicunt: Christum non missum esse à patre, vt constituat regna, & politias; nec eum habuisse gladium politicum, & ita nec reliquisse Apostolis; hic distinctione opus esse videtur: Aut enim ipsi intelligunt in his, quæ ad animam spectant, fidem, & religionem, & æternam deniq; salutem consequendam, & hoc falsissimum est; cum ad hoc venerit ipsemet Christus, & ad hoc ipsos Apostolos miserit, & reliquerit, & Petrum pastorem constituerit, vt constat ex mille Euangelij locis: Aut intelligūt secularem gubernationem, & secularem potestatem, & temporalium rerum, & corporum dominium; & ad hoc non dicimus, esse reges alienorum regnorum directe constitutos, vel Apostolos, vel D. Petrum. At indirecte: Quantum ad illum supremum finem salutis animarum, ipsis commissam, etiam ad hoc se extenderet, quatenus vel impediret, noceret, vel prodesset, vel esset necessariū ad illum finē: siquidē ex fine, omnia quæ sunt ad finē pendēt; & hæc omnia ad illū finē, tum ex Deo ipso, tū ex natura ipsa rerū ad felici-

tatem

tatem ordinantur. Ea porro temporis conditio, & Christi aduentus causa, tunc non permittebant, vt nec Christus, nec Apostolorum aliquis constituerent regna & politias; aut vt gladio politico vterentur; sed Ecclesiam ædificarent, qua constituta Petri & Apostolorum successores Episcopi, si è Reipublicæ Christianæ commodo, & vtilitate Ecclesiæ esset, eos regna & politias condere, vel reformare, quo animarum saluti consuleretur, obnoxij erant; & hæcenus id munus eorum est, cum pastoribus non minor cura incumbat publicæ tranquillitatis, & pacis tuendæ, conseruandæq; , quàm animarum, & prædicationis Euangelij; quæ proculdubio sine publica pace parum exerceri potest. Ad hæc eodem iure dixit, se singulos mittere. Non verentur, quò sua mendatia astruant, Euangelia falsare; hoc namque falsum est, nec in Euangelio reperitur. Sed faciamus ita esse; Eodem iure & potestate Apostolatus & ordinis singulos mittit, quibus dixit: accipite Spiritum Sanctum, quorum remiseritis peccata, remittentur eis; & quorum retinueritis, retenta sunt. non vero iurisdictionis & pastoralis potestatis; quia soli Petro dictum est in vniuersum, pasce oues meas. [Nulli igitur dat aliquam prærogatiuam] falsum. An non sunt istæ vnius Petri prærogatiuæ? Beatus es Simon Bar Iona; quia caro & sanguis non reuelauit tibi; sed pater meus, qui in cœlis est. Tu es Petrus, & super hanc petram ædificabo Ecclesiam meam; tibi dabo claues regni cœlorum; quodcunque ligaueris super terram, erit ligatum & in cœlis; & quodcunque solueris super terram, erit solutum & in cœlis. rogaui pro te, Petre, vt non deficiat fides tua; & tu aliquando conuersus confirma fratres tuos. Simon quia diligis me plus his, pasce agnos meos; iterum pasce agnos meos: tertio, pasce oues meas: iterum, sequere me. Quæso si aliqua Petrum præ ceteris Apostolis prærogatiua Christus insigniret, quasnam verborum formulas ijs illustriores, præstantioresq; concipere potuisset? Ad hæc si veritatem quis

*Matt. 16.
C.*

*Luc. 22.C
Io. 21.E.*

- quis fateri velit, necesse est, vt concedat, Christum Saluatorem nostrum re ipsa, et regem fuisse, immo regem regum, & dominum dominantium etiam secundum humanitatem, idq; ex vi vnionis ad verbum, vnde dicit Ioannis 5. de se ipso, Pater omne iudicium dedit filio, & qui dicit omne, nihil excludit; & id dixit ante resurrectionem. & Matthæi 17. de petentibus didrachma dixit, Ergo filij sunt liberi, sed ne scandalizemus eos. &c. Itē turba acclamans, quam Christus approbavit; Benedictus qui venit in nomine Domini Rex Israel. Item Magi, vbi est, qui natus est rex Iudeorum? Vidimus enim, &c. & Magorum adoratio trino oblato munere; ex communi omnium patrum sententia inter alia testati sunt, auro Regem, thure Deum, myrrha hominem; vel et sacerdotem, regem, & prophetā significari.
- 10. 12. B.* Sed & in Apocalypsi etiam vocatur rex regum, & dominus dominantium. Et D. Paulus ait: Deum patrem subiecisse omnia filio sub pedibus eius, & ipsemet filius ait; Omnia mihi tradita sunt à patre meo. Ergo omnium Dominus.
- Matth. 2. A.* Item post resurrectionem, antequam misisset Apostolos, ait: Omnis potestas mihi tradita est in cœlo & in terra à patre meo; sed quemadmodum etiam erat summus sacerdos, ita decebat, vt esset summus Rex. Item merito sapientiæ, & virtutis, ac dignitatis quam habebat etiam ante mortem, dignus erat, vt pater omnium Regem & Imperatorem constitueret: Nam & hoc nouit Aristoteles lib. 1. Politicorum. Quosdam esse natura seruos; & alios liberos & Dominos, & quibus natura debeatur vt cæteris præsent, &c. Et 3. Politic. ait: Quod si quis sic virtute, & sapientia longe cæteros excelleret, ei iure regnum, & imperium deberetur.
- 10. 18. G.* Et interrogatus à Pilato, dixit; Quoniam rex sum ego: &, Tu dixisti. Nec obstat, quod dixerit, regnum suum non esse de hoc mundo; & alibi, Filium non venisse, vt iudicet quemquam; nam id, non de regni potestate, aut iudiciaria potestate dixit, siquid est, & erat constitutus iudex viuorū
&

& mortuorum; sed de eius usu dumtaxat dixerat, & intellexerat, quod scilicet ea uti nollet, dum nostræ redemptionis mysterium exerceret, non vero quod non haberet, quæ admodum recte dixit D. Tho. insignis doctrinæ vir 3. part. q. 59. art. 2. & 4. & 3. par. q. 22. ar. 1. ad 3. & secunda secundæ q. 67. ar. 1. ad 2. Nam non dixit filius non habet potestatem iudicandi, sed non venit iudicare.

Q V A R T U M . Quod attinet ad locum Matthæi 16. Tu es Petrus, & super hanc petram ædificabo Ecclesiam meam, &c. haud dubio verissima est interpretatio Pauli, Augustini in multis locis, Hieronymi, Lirani super hunc locum. Item Esayæ, ac ipsius Petri, qui dicunt petra erat Christus, supra Christum enim, qui est firma petra, non supra Petrum, ædificata est Ecclesia, quia etiam post ascensionem Christi perniciosè nutavit, & eodem 16. Matthæi cap. paulo post Satanas appellatus est; non potest aliud fundamentum ædificij Ecclesiæ poni, teste Spiritu Sancto, præter Christum. Quod porro sequitur eodem loco; tibi dabo claves, recte patres explicant, quod ad Petrum sermo dirigatur, tanquam omnium Apostolorum personam gerentem: quod etiam ex eo apparet, quod ius clauium hic promissum, Ioannis cap. 20. omnibus Apostolis ex quo datur.

Responsio.

C V M quid de suprascripto Matthæi testimonio, Tu es Petrus, tot veterum sanctorum patrum nobilissimus coetus scripserit accuratè attulerimus: quicquid Centuriarum auctores modo dicant, nihil moramur. Illud animaduersione dignum, eos Lyrani recentissimi auctoris in suis mendacijs asserendis sententiam falsò interpretatam modo citare, qui Irenei, Origenis, Tertulliani, Cipriani, Augustini, Hieronymi, Basilij, Ioannis Chrysostomi, vetustissimorum, probatissimorumq; aut aliorum omnium patrum testimonia,

cum

cum sententię suę repugnant, omnino reiiciunt, eos porro falso Lyrani & aliorum patrum auctoritates citasse dixi, quoniam, quanquam hi aliquando scribant super petram Christum edificatam principaliter Ecclesiam, non tamen negant, eam etiam supra Petrum, Christum confitentem, esse constructam: quemadmodum illi more suo ex se addiderunt. Nam & Petrum post ascensionem perniciosę nutasse omnino falsum est, vt infra ostendam, quemadmodum etiam, quod Satanę appellatio fidem eius abstulerit. Plura autem Ecclesię fundamenta esse, principale scilicet, præter quod non potest aliud principale fundamentum poni, & succedentia, sacrae litera docent, sancti patres affirmant. Illa quidem fundamenta in montibus sanctis esse commemorant, & Ioannes in Apocalypsi cap. 21. duodecim fundamenta Ecclesię profitetur, duodecim Apostolos significantia, quæ Paulus ad Ephesios repetit, cum ait; Fundati supra fundamentum Apostolorum & prophetarum. Hilarius vero in commentarijs in Matth. canone 16. de Petro loquens, ait. O in nuncupatione noui nominis foelix Ecclesiæ fundamentum, dignaq; ædificatione illius petra, quæ inferni leges, & tartari portas, & omnia mortis claustra dissolueret. Ad locum porrò Matthæi, Tibi dabo clauces regni cœlorum: vt omittam Origenis testimoniũ, qui Petro clauces regni cœlorum, cæteris vero Apostolis vnus tantum cœli traditas mysteriose nimis annotauit, & propterea magnum inter Petrum & alios Apostolos potestatis discrimen esse affirmat: Illud scitu dignum, non parum præstantiæ Petri conferre, quòd cunctis Apostolis non sine Petro clauium potestas data est, Petro tamen sine alijs eadem concessa legitur. Postremo notatu longè dignissimum est: Christum, quoties ad Petrum solum cæteris exclusis sermonem facit, solusq; Petrus pro se tantum Christo respondet, singularis numeri verbis vt, quemadmodum sic. Tu es Christus filius Dei viui, &c. Beatus es Si-

mon

non Bar Iona, &c. Et ego dico tibi, quia tu es Petrus, &c. tibi dabo claves regni cœlorum, &c. Item Ioannes cap. 21. Petre amas me plus his? Domine tu omnia nosti, tu scis, quia amo te; pasce agnos meos: & similia. Vbi vero Christus Petrum, vel vicissim Petrus Christum nomine omnium discipulorum alloquitur, multitudinis vocibus utuntur, Matthæi cap. 19. & Marci cap. 10. tunc respondens Petrus dixit ei; Ecce nos reliquimus omnia, & secuti sumus te; quid ergo erit nobis? Iesus vero dixit non Petro soli, qui eum nomine omnium interrogauerat: sed illis videlicet Apostolis: In regeneratione sedebitis super duodecim sedes iudicantes duodecim tribus Israel. Et Ioannis cap. 6. ex hoc multi discipulorum eius abierunt retro, & iam nō cum illo ambulabant; dixit ergo Iesus ad duodecim: Nunquid & vos vultis abire? Respondit ei Simon Petrus, nomine scilicet omnium: Domine ad quem ibimus? verba vitæ æternæ habes, & nos credimus, & cognouimus, quia tu es Christus filius Dei. Item Matthæi cap. 15. Respondens autem Petrus dixit Christo, edissere nobis parabolam istam: At ille dixit, adhuc & vos sine intellectu estis? Postremo Lucæ cap. 5. Iesus dixit ad Simonem, duc in altum, & laxate retia vestra in capturam; & respondens Petrus, dixit illi: Præceptor per totam noctem laborantes nihil cœpimus, in verbo autem tuo laxabo retia. Clare ex hisce, & compluribus huiusmodi locis, quæ supra diximus, perspicua sunt: quia vbi Christus ad Petrum aliorum nomine respondit, vel ipse D. Petrus Christum alloquitur, pluralis numeri verbis utantur: cum vero ipsum Petrum cæteris exclusis, singularis tantum numeri nomine. Hinc illud etiam aperte intelligitur; Hoc ipso, quod aliorum respōdet nomine, & quod aliorum personam sustinet, eum omnium principem esse.

DE VSV PRIMATVS
ET POTESTATIS
BEATI PETRI
PARS SECVNDA.



Quod Petrus primatus potestatem sibi à Christo traditam, actu in Ecclesia exercuerit, ex aliquot Actuum Apostolorum locis probatur. Cap. I.



DE A, quæ supra ex historia Evangelica de Petro pastore vniuersi gregis Christiani à Christo constituto deprompsimus confirmanda, rerum euentum, vsum & consuetudinem Ecclesiæ addere opere pretium duximus, quæ optima Christi verborum interpretes, primatum primum in Petri persona, deinde in successoribus eius aperte ostendit: ita vt iure dubitari non possit de Christi voluntate, in vno pastore constituendo, qui suam personam in terris representans, Ecclesiam

clesiam suam regeret; nec de ea persona cui primum hoc munus commendatum fuerit; nec de illis, in quos postea per successionem idem munus deriuatum est. Petrum vero, & ante & postquam illud, quod insigne est pastoris ouium Christi per effusionem Spiritus Sancti commune cum reliquis Apostolis & pastoribus acceperat, statim illud suum singulare officium supra vniuersum gregem exequi coepisse, ex Actis Apostolorum satis constat; cum gentium simul & Iudeorum tanquam agnorum, & ouium pascendi munus, Christo in coelis abeunte, exercere coepit; quod duodecim ex Actis Apostolicis, Epistolis Pauli, & Petri Actis, repetitis locis facile, & aperte demonstrari potest. Caterum quum aliqua, prima facie, his, quæ de primatu Petri dicturi sumus nonnihil aduersari videantur, ea tamen si accuratius examinentur, non solum non officiunt, sed plurimum conducunt. Illud scitu dignum, non omnino semper Petro visum fuisse plenaria sua potestate ubiq; vti: Immo ei ad multa condescendere necesse fuit, tum humilitatis exercendæ, tum vnitatis Ecclesiasticæ conseruandæ causa; quippe cui maxime curæ fuerit, fratrum infirmitati, & nouorum in fide imbecillitati subuenire. Nam qui fidelium tenuitate ita vrgebantur, vt immutarint ea, quæ Christus ipse in coelum iam iam ascensurus nouissimis suis verbis constituerat (scilicet de baptizandis gentibus in nomine patris, & filij, & spiritus sancti) cum eas in nomine Christi baptizarët. Quid mirum si de suo iure quisquã non nihil imminui pateretur? quibus ostenditur, Petrum vbi opus fuit vbique sic traditam sibi à Christo potestatem exercuisse, vt lyppis & tonsoribus manifestissimum esse potuerit illum principem & caput Ecclesiæ fuisse.

Principio quidẽ illico post Christi ascensionẽ Petrus veluti ipsius successor, regere cepit Ecclesiã. & cum ipse opportunum esse iudicasset, vt in locum Iudæ alius subrogaretur, quo sacer ille duodenarius numerus à Christo institutus

Act. I. C.

expleretur, habuit de eare grauissimam concionem ad reliquum exorientis tunc Ecclesie coetum: erant enim tunc astantes circiter 120. quibus Petri persuasio placuit, atque ita duobus propositis, forte Mathiam in Iudæ locum suffecerunt. Dicit quis, non igitur eum Petrus delegit. Ita quidem; sed videndum qua nam ratione id alij permiserit, quibusdam enim Ioseph Barsabas iustus, quibusdam verò Mathias ea functione digni videbantur; nam in eos duos consenserat omnis Ecclesia. At Petrus, ne suo sensui nimis inniti videretur, vel vnitatem læderet, atque successores suos erudiret, hoc primo Primatus ab se exerciti exemplo, neminem scilicet in Ecclesiasticis muneribus tradendis proprios affectus debere sequi, aut nimis imperiosè agere, rem forte transigi curauit, quatenus in hoc longe sincerissimo Concilio nullus humano affectui locus pateret, sed id diuinitus fieri crederet. Quod optime Dionysius Ecclesiasticæ Hyerarchie cap. 5. exponit his verbis: Oportet Pontificem sanctum non motu proprio sacerdotales actiones conficere; sed sub Deo agens has pontificaliter, cœlestiq; celebrare munditia. Ita ille. Ob has igitur rationes, suæ potestatis amplitudine tunc Petrus sic uti noluit, qui præcipuus totius rei gestæ auctor fuit; quemadmodum ex Actorum cap. 1. manifeste constat. Nam & ipse primus & solus sufficiens esse aliquem in locum Iudæ definiuit, quod fuit, omnium maximum; & præterea præscripsit, ex quibus is eligi deberet: nempe non ex omnibus, sed ex ijs ait, qui nobiscum sunt congregati; nec hoc solum, sed ait in omni tempore, quo intrauit, & exiuit inter nos Dominus Iesus incipiens à baptismo Ioannis, usque in diem, qua assumptus est. Ecce, præscripsit eis, ex quibus personis eligi ille deberet. Deinde ipsemet astantibus præscripsit, ut quærerent, & viderent, quem scilicet ex illis dictis, dignum eligendum putarent. Postremo, cum statuissent duos, noluit alterutram partem contristare, aut imperiosè præiudicare; sed suauitate

tate quadam gubernationis, & præsertim in initio (quod sic expediebat) sorte definiendum esse expedire iudicatum est; atque id etiam merito, vt Deus signo suo testificaretur, quem eligeret. Immo etiã vt eodem signo planè ostenderetur, quæ à diuo Petro facta, & ordinata fuerant in ea electione, Spiritum quoque Sanctum approbare.

SECYNDQ. Huic exemplo proximum est & illud, quod cū cōpletis diebus Pentecostes, omniū nationum ad diem festum confluentium, linguis totus ipse Apostolorum coetus dono Spiritus Sancti, in eisdem cœlo, missi, loqueretur, confluentibus ad prodigij nouitatem populis, ac stupentibus cunctis, qui tunc aderant ex omnibus nationibus, Iudeis, & multis id miraculi temulentiaē adscribentibus, solus Petrus, vt princeps & caput cæterorum concionem habuit, qua stultam illorum opinionem ex scripturis confutauit apertissime, persuasitq; pluribus, Iesum, quem ipsi crucifixerant, conscensis cœlis Sanctum inde Spiritum iuxta prædictionem suam, & aliorum prophetarum vaticinia super credentes tum effudisse: qua concione, sic commota fuit ipsa multitudo, vt conuersi sint ex auditoribus ipsa hora circiter tria millia, Actorum cap. 2. Hic notatu dignum, quem in modum scriptura seorsum à cæteris Petrum nominatim exprimit. Stupebāt (inquit) omnes, & mirabantur ad inuicem dicentes, quid nam vult esse hoc? Alij autem irridentes, dicebant, multo pleni sunt isti. Stans autem Petrus cū vndecim, &c. quod & cap. 5. similiter facit. Vbi ita scriptum est: Et interrogauit eos princeps sacerdotum, &c. Respondens autem Petrus, & Apostoli dixerunt, &c. Profecto cum non ita seiungeret à cæteris Lucas nisi maior in eo, quàm in alijs fuisset auctoritatis vis, præsertim in iudicio cum respondere deberent, & in re omnibus communi.

TERCIO, non prætereundum, quòd proxime sequitur Actorum 3. quum occasione claudi, quem Petrus in nomine

mine Iesu Christi sanauit, secundam ad plebem, tertiam ad Pontifices publice habuit conciones, quarum priore ex eis quinque millia conuertit. At dicet quispiam, Ioannem etiam adfuisse. Adfuit vtrique & Ioannes, sed solus Petrus hominem sanauit. Argentum (inquit Petrus) & aurum non est mihi, quod autem habeo, tibi do: In nomine Iesu Christi Nazareni surge, & ambula. Ecce, Petrus in sua ipsius persona solus claud loquitur; nec potuit ea res latere populum; quum is, quem sanauerat, claudus fuisset ab vtero matris suę, vt & opera suorum quotidie baiularetur; & ad quandam Templi portam, speciosam nomine, eleemosynę petendę causa collocaretur. Hoc porro insigne miraculum primum quod ab aliquo Apostolo post Christi resurrectionem factum legitur, ipsi Petro velut Apostolorum Principi adscriptum est; simulque & conciones quot quot hactenus habitę sunt, non aliunde manauerunt, quàm ab eodem Petro.

QVARTO loco, succedit quòd de Anania, & Sapphyra traditum est, Actorum cap. 5. in quorum fraudulentiam Petrus, tanquam primus & præcipuus inter Apostolos, seuerè animaduertit. Nam illi rebus suis & possessionibus diuenditis, non vniuersum pretium attulerunt ad pedes Apostolorum, quemadmodum ceteri faciebant; sed aliquam partem sibi reposuerunt. Quo factum est, vt primum vir, deinde paulo post & vxor, quę facinoris etiam conscia fuerat, Petro fraudem vtrique palàm exprobrante, diuino iudicio percussi protinus expirarent, Petro in eos sententiam mortis, quod mentiti essent Spiritui Sancto, proferente. Quis hic iam non apertissime cernit eximiam præ ceteris in Petro fuisse potestatem? cum ad eius verbum vterque, alter post alterum, trium tantum horarum interuallo, sententiam mortis exceperint: vt Petri iurisdictio indicetur. Quis iam non videt, summani in D. Petro fuisse potestatem, qui vitę etiā, & mortis potestatem acceperit?

QVINTO, cū Apostoli cæteri multa signa, prodigiaq; palām in populo ederent, de nullo tamen id scriptura nominatim expressit, præterquam de solo Petro: sicut enim de illis scriptum est Actorum 5. per manus Apostolorum fiebant signa & prodigia multa in plebe: de Petro vero subiungitur, quod tam viri quā mulieres in plateas infirmos exportabant, illicque in lectulis, & grabatis eos reponabant, ut illac transeuntis Petri, vel umbra saltem, obumbraret illorum quemquam; nam cuncti ægrotantes, & qui vexabantur à spiritibus immundis, quos multitudo vicinarum Ciuitatum eius rei gratia Hierosolyma afferebat, omnes sanabantur. Vide quantum discriminis inter Petrum, cæterosq; scriptura facit. Isti per manuum impositionem sanabant: Petrus verò per suam ipsius umbram, illi confusim, & indistincte narrantur; Petrus verò solus, & nominatim. illi denique, cum plures essent, plurimos; at Petrus seorsum omnes quotquot ex vicinis vrbibus ad eum sanandi causa confluebant.

SEXTO, addenda septem diaconorum ordinatio, quem sanè locum si, qui Petri prærogatiuæ detrahunt, nobis obijcere solent; atque si res accuratius examinetur, perspicuum erit eam nihil propositum à nobis argumentum labefactare, immo iuuare plurimum. Primum non erat ea res magni momenti, ut solius esset summi pastoris, quā à quocunq; Episcopo fieri quotidie cernimus. Deinde Apostoli septem hos Diaconos non ipsi per se elegerunt; sed id negocij vniuerso discipulorum cætui permiserunt. Tertiò obseruandum quod res ipsa ita exigebat. Fuit enim murmur Græcorum aduersus Hebræos, eo quod non satis accuratè suarum viduarum indemnitati prospiceretur; quamobrem horum ministrorum electio tunc cunctæ multitudini permissa est, ne si forte quisquam parum diligens huic officio præpositus esset, maioris in ipsos Apostolos murmuris occasio inde surrexisset. Quartò, & illud animaduertendum, quod

quod non alia ratione id referri videtur à Luca, nisi vt nobis pateret, Stephanum & Philippum, quorum res gestas esset descripturus, ex numero septem Diaconorum fuisse. Quid enim de constitutis vbique locorum Episcopis non meminit potius, quam de septem illis ministris? Siquidem D. Petrus Episcopos & presbyteros eligere poterat; sicut etiam elegit D. Paulus, vt constat ex Actis Apostolorum, & ex eius epistolis ad Titum & Timotheum; haud dubie igitur à fortiori sequitur Petrum potuisse quoque Diaconos, qui longe sunt inferiores creare. Neque enim quisquam Apostolorum, aut discipulorum sibi suo arbitrio suscepisse, credendum est, Episcopatum: quod Eusebius & Hieronymus tradunt. De qua tamen re nihil certi refert Lucas. Atqui notum est Paulum Episcopos instituisse Titum & Timotheum, quibus & potestatem fecit presbiteros locis opportunis ordinandi. Quid igitur dicemus? licuisse istud paulo, Petro non licuisse? Quid dici potest absurdius? Sed & Chrysostomus affirmat, se credere Iacobum à Petro totius orbis terrarum magistro fuisse Hierosolimis Episcopum constitutum. Quis ergo dubitare potest quin & de cæteris quibusdam idem à Petro sit factum? nec tamen ista memorat Lucas. Nihil ergo nobis obest electio ministrorum; sed magis prodest; id quod iam clauit, maiores fuisse Petro reuerentias functiones. Animaduersione præterea dignum est, quod populus hic non assumit sibi eligendi potestatem; sed id agunt, quod eis præscribunt Apostoli. Item neque eis dant Apostoli eos ordinandi potestatem, sed tantum vt considerarent viros boni testimonij septem: quia videlicet habere debeant bonum testimonium, tum à nostris, tum ab ijs, qui foris sunt: vt ait D. Paulus ad Timotheum. Quos constituamus (dicunt Apostoli) super hoc opus. Itaque illi quæsiuerunt, sed Apostoli constituerunt. & ita glossa interlinearis in verbo, constituamus, ait: vos eligite, nos constituamus. At vos, ò Lutherani, & vestri ministri constituuntur

tuuntur, & ordinantur à plebe, populo, & secularibus magistratibus, non ab Apostolis, vel eorum successoribus; immo vos pro eodem reputatis eligere populum, & post populi electionem constituere, seu ordinare: & idem (errantes) esse existimatis vocari à populo, seu nominari & præfici, contra hanc Apostolorum ordinationem: quia Apostoli constituerunt, non populus, & eos ordinarunt per manus impositionem, vt ibidem dicitur, Apostoli, non populus. Item hoc quod populo inquisitionem, & nominationem eorum permiserunt Apostoli, id fecerunt ob euitandū scandalum & seditionem, vt constat ibidem ex Actis Apostolorum; non verò quod aliter facta irrita fuisset electio. Item Apostoli manifeste ibi præcipiunt, & imperant, & præscribunt alijs, quid debeant facere; nam conuocant multitudinem, & constituunt, ac definiunt, vt eligantur aliqui diaconi, & eis præscribunt eligendi modum, & numerum scilicet septem, & qualitatem personarum, scilicet boni testimonij, ac plenos Spiritu Sancto, & sapientia, non alios. At vos Lutherani contra; & electionem, & numerum, & modum electionis in vestris ministris, à magistratibus, & secularibus potestatibus, ac plebe accipitis; contra Apostolorum ordinationem: sed non sic fecit populus ille; nihil enim aliud est credendum fecisse populum, quàm quod eis Apostoli præscripserunt; nempe vt considerarent personarum qualitatem, vt supra. Item, quale id fuit genus electionis, declarat ipsemet sanctus Lucas, subiungens, & hos statuerunt coram Apostolis. Ad quid? vt scilicet ipsi Apostoli eos constituerent super id opus, ad quod fuerant electi, & eos ordinarerent per manuum impositionem quos multitudo elegisset: id est separasset, ac nominasset, tanquam viros boni testimonij. Non ergo populus ipse, vt vos Lutherani, sed Ecclesiasticæ potestates vere elegerunt, & ordinarunt, vt nos nostros ministros Ecclesiæ ordinamus. Adhuc dicet quispiam, non solum Petrum eis manus imposuisse, sed vnà cum Petro

cæteros etiam Apostolos, esto: At quid hoc auctoritati Petri deroget, non video: hoc enim, ideo factum est, ut quo plures essent cumprecatores, qui manus imponerent tanto copiosior in electos descensura gratia speraretur.

SEPTIMUM argumentum, quod ad rem nostram maxime pertinet, affertur ex Actorum cap. 8. de rebus gestis Petri in Samaria, id quod etiam Centuriarum auctores, ut Petri primatum labefacerent, nobis imperite opponunt. Nimirum qui sic argumentatur. Petrus ab Apostolis in Samariam missus est; ergo nullam præ cæteris Apostolis potestatem habuit, immo minorem: nam qui mittitur, minor est eo, à quo mittitur. Attamen si accuratius rem totam contemplerur, facile perspiciemus, id maximum esse pro Petri auctoritate testimonium. Primum eorum argumento respondentes dicimus, falsum esse, maiorem esse qui mittitur, quam qui mittitur; quia sic falso argumentabantur Ariani: Pater misit filium, ergo maior est filio; vterque misit Spiritum Sanctum, ergo maior Spiritu Sancto; quæ re nihil perniciosius. At ad rem ipsam redeamus, quæ erat vehementer ardua, cum propter magum quendam nomine Simonem, qui miris illam gentem præstigijs illuserat, usque adeo, ut crederent in illum omnes à minimo usque ad maximum, appellantes illum Dei virtutem, quæ vocatur magna. Tum propter Christi verbum, qui prædixerat, Apostolos etiam in Samaria testes sibi futuros. Et quanquam Philippus ipsos Samaritanos sua prædicatione simul & miraculis conuertisset, non potuit eis signo sensibili, conferre Spiritum Sanctum, & metus erat, ne mox in pristinos errores relaberentur. Ob has igitur aliasque rationes, necessaria fuit præsentia Petri, cui comes erat maximus aliorum Apostolorum Ioannes adiunctus. Nam cum his duobus hætenus præcipuè cooperatum fuisse Spiritum Sanctum, Apostoli compertissimum habebant: fuerant enim hi duo pariter in sanatione claudi præsentibus ad portam speciosam Templi:

fue-

fuerant simul quando ad Petri prædicationem cōuerſi ſunt ex Iudæis quinque millia: fuerant & pariter in carcerem coniecti: ſed & vnà coram ſacerdotibus, & Pontificibus examinati die poſtera, facti ſui rationem reddiderunt. Quid ſi alicuius negotij difficultas præſentiam Romani Pontificis expoſceret, à Cardinalibus, vel pro pace publica ab aliquo Rege, ad iter rogaretur: num eà proſectio derogaret aucto-ritati ſuæ? minime omnium: immo eam auget; perinde ac magni momenti moles, ſine tantæ maiestatis præſentia tranſigi non poſſet. Sic proſectò prærogatiua Petri magis ex hoc itinere innotuit. Nam à Philippo prius baptizati, protinus vt in eos Petrus manus impoſuit, Spiritum Sanctum acceperūt: id quod Philippus, vir alioqui ſanctiſſimus, & Spiritu Sancto plenus præſtare non valuit. Sed & inſignē illum magum Simonem pecunia cupientem emere donum Sancti Spiritus, ita repreſſit: vt etiam adegerit ad veniam implorandam, ac ſimoniacæ peſtis radicem contra Eccleſiam pullulantem Apoſtolico gladio ſuccidit; ſolum in Simonem magum ſententiam damnationis pronuncians: licet non ei ſoli, ſed alijs communiter pecuniam obtuliſſet.

OCTAVO, maxime enitet auctoritas Petri ex viſione cœlitus oſtenſa, Actorum 9. 10. qui poſitus in mentis exceſſu vidit cœlum apertum, atque inde vas quoddam veluti lintheum ſummitti è cœlo in terram, in quo erant omnia quadrupedia, & ſerpentia terræ, beſtiæq; reptilia, & volatilia cœli. Et cum facta eſſet vox ad eum; ſurge Petre macta, & manduca: Reſpondit; Abſit Domine, quia nunquā immunda, & communia manducaui. Et vox ad eum facta eſt ſecundo, quod Deus purificauit, tu commune ne dixeris. Qua certè viſione manifeſte innuitur, quod Petrus Prælatuſ fuerit cunctis gentibus. Ipſeq; admonebatur, omnes gentes, ſuæ fidei commiſſas, Chriſti Eccleſiæ vnire, & inferere: cum vas illud orbem terrarum, & vniuerſa in eo contenta animalia, vniuerſas ſignificaret, tam Iudeorum,

quàm gentium nationes; gentium enim immunditiæ per quadrupedia terræ, perq; bestias, reptilia & volatilia cœli significabantur, & illas iam Deus intra lintheum Ecclesiæ recipiendas decreuerat. Propter quòd, & Petro iussum erat, vt mactaret eas primum, hoc est per verbum Dei, quod gladio quouis bicipite penetrantius est, tetrum peccati sanguinem effunderet, eisq; subinde vefceretur, hoc est, more cibi, traduceret eas in Ecclesiæ corpus, & incorporaret eas Christo. Quamobrem ipse vt primus Iudæos, ita quoq; & gentiles conuertit ad fidem, vt supra vtrosque fideles, se pastorem curam accepisse monstraret. An hæc non indicant, Petrum totius Ecclesiæ caput fuisse? cui vni primum iussum est, gentes in Ecclesiam recipere, & eas corpori Christi adunare? simul & cui admirabile hoc misterium, quod adhuc cæteros Apostolos latuerat, tam aperte fuerit monstratum. & ne scrupulus aliquis dubitationis eum teneret, ter fuit admonitus. Insuper è vestigio post visionem venerunt à Cornelio, viro Gentili, quidam, qui Petrum accerferent, quatenus illum in fide Christi erudiret. Nam ita præmonitus ab Angelo Cornelius fuerat, vt quosdam eius rei causa mitteret ad Petrum. Petroq; vicissim à Spiritu Sancto iussum erat, ne quicquam hesitaret, vnà cum illis ire. Cum igitur accessisset ad Cornelium Petrus, habita concione, nondum finitis verbis, cecidit illicò super omnes gentes, quæ tum aderant Spiritus Sanctus, atq; hæc tum primum Petri ministerio, ad Christum traductæ sunt, & baptizatæ.

NONO, cum inter Paulum & pseudoapostolos ob exortam quæstionem super obseruatione Circumcisionis, & legalium mosaïcorum habita fuisset Hierosolymis augustissima Apostolorum synodus, in hac Petrus vt princeps, & caput cæterorum, suam sententiam de fide pronuncians, prius dixisse refertur, & suo eam exemplo comprobauit, scilicet quòd gentibus ad Christi fidem per os suum Dei iussu

conuersis, non esset hoc iugum imponendum, & maximè cum per ipsius verba, Deo licet cum præ cæteris ad hoc munus eligente, gentes aliquæ credidissent, sanctumq; (quem admodum Iudæi) spiritum recepissent. Ait enim Act. 15. Nunc autem quid tentatis Deum, imponere iugum super ceruices discipulorum, quod neque patres nostri, neq; nos portare potuimus? sed per gratiam Domini nostri Iesu Christi credimus saluari, quemadmodū & illi. Quam sententiā subinde Paulus, & Barnabas confirmarunt. Et postremo Iacobus (quippe quem ita decuit, q̄ in sua sede esset) totius Sinodi decretum promulgauit. Fuit enim is, vt supra diximus (auctore Chrysostomo) per Petrum illic institutus Episcopus, quanquam ab alijs referatur, id à Petro Iacobo, & Ioanne fuisse factum, & sanè credibile est, Petrum id fecisse ex consensu cæterorum.

D E T E M O, multum confert id, quod ad Galatas cap. 1. Paulus scribit; post annos tres se venisse Hierosolima Petri visendi causa; & apud eundem mansisse dies quindecim. Animaduersione dignum quanam epistola Paulus id testetur. Nimirum in ea, qua cæteris Apostolis suam auctoritatem equare, vel enixissimè conatur, & qua se ipsum contraponit Petro: nempe quod erat ipse in gentium Apostolatus missus, quemadmodum Petrus in circumcisionem: quum certe non potuit ignorare Paulus Petro, spirituali quadam reuelatione fuisse commissum, vt per eum in gentes Sancti Spiritus gratia infunderetur, & maxime quum interfuit Concilio Hierosolimitano, vbi Petrum audierat hanc sibi reuelationem factam, exposuisse toti Concilio, quum dixit: Vos scitis, quoniam ab antiquis diebus Deus in nobis elegit per os meum audire gentes verbum Euangelij, & credere. Cæterum ne suam D. Paulus apud Galatas auctoritatem minueret, non quod Petro Christus, sed quod sibi copiose donauerat, retulit. Et certe quidem id facere potuit, quando pseudoapostoli specie nominis Petri,

magnum induxerint inter Galatas errores. In hac tamen epistola tantum honorem se Petro detulisse, vel ingenue confitetur, quod eius visendi gratia (vtpote primo inter Apostolos) se Hyerosolima venisse testatur. Nam vt Hieronymus ait, quanquam non discendi studio Petrum conuenisset, qui & ipse eandem prædicationis habebat auctoritatem; honoris tamen deferendi causa id fecit. Quam rem & Ambrosius pariter attestatur: Dignum (inquit) fuit vt cuperet videre Petrum, quia primus erat inter Apostolos, cui delegauerat Saluator curam Ecclesiarum, non vtique vt aliquid ab eo disceret, qui iam ab auctore didicerat, à quo & ipse Petrus fuerat institutus; sed propter affectum Apostolatus, & vt sciret Petrus hanc illi datam licentiam, quam & ipse acceperat. Hæc Ambrosius.

VNDECIMO: Clemens lib. 6. Hipotyposeon, & Papias Apostolorum discipulus auctores sunt. Petrum Marci Euangelium approbasse, idq; sua auctoritate legendum Ecclesie tradidisse.

DYODECIMO: huc referri possunt D. Ambrosij verba in oratione de Basilicis tradendis lib. 5. epist. post epist. 32. Petrus instante passionis sue tempore, rogatus à fratribus nocte muro egredi cœpit, & videns sibi in porta Christum occurrere, urbemq; ingredi, ait: Domine quo venis? Respondit Christus; Venio iterum crucifigi. Intellexit Petrus ad suam crucem diuinum pertinere responsum. Christus enim non poterat iterum crucifigi, qui carnem passionis susceptæ mortis exuerat. quod enim mortuus est, mortuus est semel: quod autem viuit, viuit Deo. Intellexit ergo Petrus, quod iterum Christus crucifigendus esset in seruulo. Itaque sponte remeauit. Interrogantibus Christianis responsum reddidit, statimq; correptus per crucem suam honorificauit Dominum Iesum, &c. Qua in re Christus Petri excellentiam ostendere voluit, dum se in eo iterum crucifigi imperauit.

QVIS iam non certò certius ex tot his locis, partim ex Actis Apostolorum ita enucleate expressis, partim ex adeo diligenti & præcipua cura, circa tunc exorientem Ecclesiã, ab eo vno præsertim semper adhibita, non intelligat, Petrũ fuisse principem & caput totius Ecclesiæ? quæ hæc omnia ita perspicue præseferunt, vt nullum sanę mentis hominem id inficiari posse existimemus. Nisi enim caput Ecclesię fuisset, Christi promissiones irritæ extitissent; & Spiritus Sanctus hanc rem in diuinis scripturis toties nõ repetisset, totq; modis non insinuasset, nisi hanc rē à cunëtis Christianis certissimè credi voluisset. Sed ne quis forte existimet huius grã uissimæ q̃stionis sanctissimos quoq; viros assertores nõ esse, repetamus quid veteres patres de ea re memorię p̃diderũt.

Sanctorum Patrum sententiæ de vsu summæ potestatis Apostoli Petri. Cap. II.

DE Petri porrò primatu post Christi mortem multi veteres scriptores mentionem faciunt, qui apertissime Petrum, eum actu vsurpasse demonstrant, inter quos primus occurrit nobis.

DIONYSIVS cap. 3. de diuinis nominibus ad Thimoteum supra citatus, vbi refert Apostolos in morte B. Virginis conuenisse: Petri omniũ supremi meminit, inter eos ibidẽ adfuisse, quia videlicet decebat in tantę rei munere pontificali, in qua funus matris Dei efferendũ erat, summus ipse interesset Põtifex cũ cęteris. Sic ergo ait: Namq; & apud ipsos diuino Spiritu plenos Põtices nostros, cũ vt nos (vt nosti) & pleriq; ex sanctis fratribus nr̃is ad contuendũ corpus illud, quod auctore vite Deumq; cęperat cõuenissemus, aderat autẽ, & frater Domini Iacobº, & Petrus supremũ decus, & antiquissimũ Theologorũ columen. Vbi post contuitum placuit, vt infinite potentẽ diuinę infirmitatis bonitatẽ Põtices laudarent oēs, quisq; pro captu suo. Hęc ille. Itaq; nõ solũ ex hoc loco summã Petri potestatem, sed eius quoq; vsum merito colligimus.

Anno
78.

Anno

250.

D. CYPRIANVS in epist. ad Quintum, vbi ait. Nam nec Petrus, quem primum Dominus elegit, & super quem ædificauit Ecclesiam suam, cum secum Paulus de circuncisione disceptaret, postmodum vindicauit sibi aliquid insolenter, aut arroganter assumpsit, vt diceret, se primatum tenere, & obtemperari à nouellis, & posteris sibi potius oportere. Nec despexit Paulum, quòd Ecclesię prius persecutor fuisset, sed consilium veritatis administrationi legitime quam Paulus vindicabat, facildè consensit: documentum, scilicet nobis & concordix & patientię tribuens, vt non pertinaciter nostra amemus, sed quę aliquando à fratribus, & collegis nostris vtiliter, & salubriter suggeruntur, si sint vera, & legitima, ipsa potius nostra ducamus; cui rei Paulus quoque prospiciens, & concordix, & paci fideliter consulens, in epistola sua posuit, dicens, prophetę autem duo, aut tres loquantur, & ceteri dijudicent, si autem alij reuelatum fuerit sedenti, ille prior taceat.

Anno

370.

D. AMBROSIVS in oratione in Auxentium de basicis tradendis post epist. 32. ait. Idem Petrus postea, victo Simone, cum præcepta Dei populo seminare, doceret castimoniam, excitauit animos gentilium; quibus cum quærentibus, Christianę animę deprecate sunt, vt paulisper cederet. Et quamuis esset cupidus passionis, tamen contemplatione populi precantis inflexus est. Rogabatur enim, vt ad instituendum & confirmandum populum se referuaret.

Anno

390.

D. HIERONYMV S epist. 89. ad Augustinum Episcopum, ait. Rursus cum multo post tempore Paulus, & Barnabas venissent Antiochiam, & congregata Ecclesia, retulissent, quanta fecisset Deus cum illis, & quia aperuisset Deus gentibus ostium fidei, quidam descendentes de Iudęa, docebant fratres, atque dicebant: Nisi circumcidamini secundum morem Moisi, non potestis salui fieri. Com-mota igitur seditione non minima aduersus Paulum & Barnabam, statuerunt ascendere, & ipsi, qui accusabantur, &

ij, qui accusabant ad Apostolos & presbiteros Hierosolymam super hac quæstione: Cumque Hierosolymam perrexissent, exortuerunt quidam de hæresi Phariseorum, qui crediderant in Christum, dicentes; Oportet circumcidi eos, & præcipere illis, vt seruent legem Moisi. Et quû magna super hoc verbo oriretur quæstio, Petrus solita libertate, Viri (inquit) fratres, vos scitis, quoniam ab antiquis diebus in nobis elegit Deus per os meum audire gentes verbum Euangelij, & credere, & qui nouit corda Deus testimonium perhibuit, dans illi Spiritum Sanctum, sicut & nobis, & nihil discreuit inter nos, & illos, fide purificans corda illorum, nunc autem quid tentatis Deum imponere iugum super ceruicem discipulorum, quod neque patres nostri, neque nos portare potuimus? sed per gratiam Domini nostri Iesu Christi credimus saluari, quemadmodum & illi. Tacuit autem omnis multitudo, & in sententiam eius Iacobus Apostolus & omnes simul presbiteri transierunt. Hæc non debent esse molesta lectori, sed & mihi, & illi utilia, vt probemus ante, Apostolum Paulum non ignorasse Petrum principem huius decreti, legem post Euangelium non esse seruandam. Denique tantæ auctoritatis Petrus fuit, vt Paulus in epistola sua scripserit: Deinde post annos tres veni Hierosolymam videre Petrum, & mansi apud eum diebus quindecim. Rursumq; in consequentibus. Post annos quatuordecim ascendi iterum Hierosolymam cum Barnaba assumpto & Tito: Ascendi autem secundum reuelationem, & contuli cum eis Euangelium, quod prædico in gentibus. Ostendens se non habuisse securitatem prædicandi Euangelij, nisi Petri, & ceterorum Apostolorum, qui cum eo erant, fuisset sententia roboratum: Ita Diuus Hieronymus. Vbi inter alia, hæc duo sunt maxime ponderanda: alterum, quod diuus Petrus princeps fuerit illius decreti Hierosolymitani, cuius omnes sententiam sequuti fuerint: alterum, quod diuus Pau-

lus ostendit se non habuisse securitatem prædicandi Euangeliū, nisi Petri, & qui cum eo erant sententia fuisset roboratum. Cum tamen & Apostolus esset, & ex Deo per reuelationē Euangeliū accepisset. In quo sanè summa Petri pastoralis potestas ostenditur, eiusq; vsus, iuxta præceptum Saluatoris confirmantis fratres, eorūq; fidē & prædicationē.

Anno
395.

D. AUGUSTINVS Ecclesię sanctę lumen, serm. 3. de natali sanctorum Petri, & Pauli, ita scribit. Cum omnes beati Apostoli parem gratiam apud Dominum sanctitatis obtineant, nescio, quo tamen pacto Petrus & Paulus videntur præ ceteris peculiari quadam in Saluatorem fidei virtute præcellere: quod quidem ex ipsius Domini iudicio possumus approbare. Nam Petro sicut bono dispensatori, clauēs regni cœlestis dedit; Paulo tanquam idoneo Doctori gentium, magisteriū Ecclesiasticę institutionis iniunxit; scilicet, vt quos iste erudiret ad fidem, ille suscipiat ad salutē; vt quorum corda Paulus patefecerit doctrina verborum, eorum animabus Petrus aperiat regna cœlorum. & infra. Ergo beati Petrus & Paulus eminent super vniuersos Apostolos, & peculiari quadam prærogatiua excellunt.

Idem in enarratione psal. 108. in principio: quædam à Christo dicuntur, quæ ad Apostolum Petrum proprie pertinere videntur, nec tamen habent illustrem intellectum, nisi quum referuntur ad Ecclesiam; cuius ille agnoscitur in figura gestasse personam, propter primatum, quem in discipulis habuit, sicuti est; tibi dabo clauēs regni cœlorū. &c.

Idem cap. 1. ad Galatas in commentarijs, ait. Nam & quod visus sit ire Hierosolymam ad hoc isse, vt videret Apostolum, nō discendi studio, qui & ipse eandem prædicationis haberet auctoritatē, sed honoris priori Apostolo deferendi.

Anno
440.

S. LEO Papa in sermone 2. de anniuersario die assumptionis suæ. Manet ergo dispositio veritatis, & beatus Petrus in accepta fortitudine perseverans, suscepta Ecclesię gubernacula non reliquit.

Idem

Idem sermone 3. de eadem re. Et cui post resurrectionem suam, Christus ad trinam æterni amoris professionem, mystica insinuatione ter dixit, pascé oues meas, quod nunc quoque proculdubio facit, & mandatum Domini pius pastor exequitur, confirmans nos cohortationibus suis, & pro nobis orare non cessans, vt nulla tentatione superemur. Si autem hanc pietatis suæ curam omni populo Dei, sicut credendum est, vbique præstendit; quâto magis nobis alumniis suis, opein suam dignatur impendere, apud quos in sacro beatæ dormitionis thoro, eadem qua præfedit carne, requiescit. Illi ergo hunc seruitutis nostræ natalitium diem, illi adscribamus hoc festum, cuius patrociniò, sedis ipsius meruimus esse consortes.

D. GREGORIUS Papa epist. 24. lib. 1. ad quatuor Patriarchas. Petrus namque (auctore Deo) sanctæ Ecclesiæ principatum tenens, à bene agente Cornelio, & sese ei humiliter prosternente, immoderatus venerari recusauit, seq; illi similem recognouit, dicens: Surge ne feceris, & ego homo sum. Sed cum Ananiæ & Sapphiræ culpam reperit, mox quanta potentia super ceteros excreuisset, ostendit: Verbo namque eorum vitam perculit, quam spiritu perscrutante deprehendit, & summum se intra Ecclesiam contra peccata recoluit, quod honore sibi vehementer impenso, corâ bene agentibus fratribus non agnouit. Hic communionem æqualitatis meruit sanctitatis actionis, illic zelus vltionis vim aperuit potestatis. Eadem repetit cap. 19. expositionis in Iob. Item moralium lib. 26. cap. 22. in 30. caput Iob. Item parte 2. cap. 6. libri pastoralis curæ.

Idem lib. 4. epist. 38. Ioanni Patriarchæ Constantinopolitano. Certe Petrus Apostolus primum membrum sanctæ & vniuersalis Ecclesiæ est, Paulus, Andreas, Ioannes, quid aliud quam singularium sunt plebium capita? Et tamen sub vno capite, omnes membra sunt Ecclesiæ.

Idem registri libro 9. epist. 39. ad Theotisten patriciam.

Certe enim Petrus potestatem regni cœlestis acceperat, ut quęque in terra ligaret vel solueret, essent in cœlo ligata, vel soluta, supra mare ambulauit, ægrotantes umbra curabat, peccantes verbo occidebat, mortuos oratione suscitabat. Et quia ex admonitione spiritus ad Cornelium gentilem fuerat ingressus, contra eum quęstio à fidelibus facta est: Cur ad Gentiles intrasset, & comedisset cum eis; cur eos in baptismo suscepisset. Et tamen idem Apostolorum primus tanta donorum gratia repletus, tanta miraculorum potestate suffultus, querelę fidelium non ex potestate, sed ex ratione respondit, causam per ordinem exposuit, quomodo vas quoddam velut lintheum in quo quadrupedia terrę, & bestię, reptilia, atque volatilia inerant, de cœlo submitti viderit, vocemq; audierit: Surge Petre, occide & manduca. qualiter tres viri venerint eum ad Cornelium vocantes. qualiter Spiritus Sanctus hunc cum eis ire præceperit. Qualiter idem Spiritus Sanctus qui venire in baptizatos in Iudęa post baptismum consueuerat, in gentibus ante baptismum venit. Si enim cum à fidelibus culparetur, auctoritatem quam in sancta Ecclesia acceperat, attendisset, respondere poterat, ut pastorem suum, oues quę ei commissę fuerant, reprehendere non auderent: Sed si in querela fidelium aliquid de sua potestate diceret, profecto doctor mansuetudinis non fuisset. Humili ergo eos ratione placauit, atq; in causa reprehensionis suę, etiam testes exhibuit, dicens: Venerunt autem mecum sex fratres isti. Si ergo pastor Ecclesię, Apostolorum princeps, signa & miracula singulariter faciens, non dedignatus est, in causa reprehensionis suę rationem humiliter reddere, quanto magis nos peccatores, quum de re aliqua reprehendimur, reprehensores nostros ratione humili placare debemus?

Idem lib. 28. cap. 16. expositionis moralis in Iob cap. 38. Pensamus quale Ecclesię ostium extitit Petrus, qui inuestigantem fidem Cornelium recepit, pretio quærentem miracula,

racula, Simonem repulit, illi dicens : In veritate comperi, quoniam non est personarum acceptor Deus, secreta regni benigne aperuit, huic (inquit) Pecunia tua tecum sit in perditionem, per districtæ damnationis sententiam cœlestis aulæ aditum claudit.

Occumenius Act. cap. 2. Surgit Petrus, non Iacobus, & tanquam feruentior, & velut is cui discipulorum præsentia commissæ erat. Et infra statim : Vide autem quomodo vniuersa communi decreto faciat, & non ex primatu, neq; sua auctoritate.

Idem cap. 1. ad Galatas. Deinde redij Hierosolymam vt viderem Petrum, considera animi modestiam, post tot, tantaq; certamina, abiit vt videret Petrum tanquam maiorem; vt autem etiam maneret, causâ honoris, quem Petro defererebat, actum est. Denique pleraque alia testimonia antea allata pro ipso Petri primatu, eius quoq; vsum ostendunt, quæ hic iterum repetere non est opus, ne fastidium lectori generatur.

Ad ea quæ contra vsum primatus Petri à Centuriarum auctoribus ex sacris litteris afferuntur, responsio. Cap. III.

QUANTVAM Centuriarum auctores omnia argumenta, quæ contra Petri primatum, & eius vsum, ex sacris litteris afferunt in vnum congesserint, nos tamen ea seorsum ordine recto distinximus, vt facilius pio lectori illorum artes pateant, & accuratius tota hæc disputatio explicetur. Has porrò eorum secundi generis ratiocinationes in sex partes distribuimus.

Argu;

Argumenta contra vsum Primatus Petri.

” PAVLVS aliquoties in epistola ad Galatas clare testa-
 ” tur, se quidem esse Apostolum gentium, Petrum vero Iu-
 ” dæorum, eiufq; Apostolatam inter Iudæos, suam inter in-
 ” circumcisos esse: verba eius cap. 2. hæc sunt. Cogno-
 ” scentes quod mihi sit concreditum Euangelium præputij,
 ” sicut Petro circumcisionis (nam qui in Petro efficax fuit ad
 ” Apostolatam circumcisionis, efficax fuit & in me erga gen-
 ” tes) cumq; cognouissent gratiam mihi datam Iacobus, Ce-
 ” phas, & Ioannes, qui videbantur esse columnæ, dexteram
 ” dederunt mihi, ac Barnabæ societatis: vt nos in gentes, ipsi
 ” vero in circumcisionem Apostolatu fungeremur.

” PRIMVM diuinam ordinationem, deinde sanctissimam
 ” dexteram pactionem statuisse, ait: Vt alter sit Iudæorum,
 ” alter gentium Apostolus: hæc profecto clarissime, ac sine
 ” omni ambiguitate ostendunt, Petrum non esse summum
 ” Episcopum in tota Ecclesia; nam si Christus vniuersalem
 ” cum Apostolum supra omnes gentes constituisset, obsecro
 ” quomodo vel ipsemet, vel Paulus ausus fuisset eius functio-
 ” nem decimo octauo demum post passionem Christi anno
 ” tantopere coarctare, idq; tam sancto pacto? sed supra clare
 ” testatus est Paulus, Petro diuinitus eas metas circumscrip-
 ” tas, vt sit circumcisorum Apostolus.

” Ita ex his locis Pauli, animaduertimus Petrum diuino
 ” & humano iure particularem, & non vniuersalem Episco-
 ” pum constitutum. Item quam latè se extendat illud Ioan-
 ” nis 21. Pasce oues meas. Nec hoc ius, hancq; functionem
 ” distinctionem irritam facit, quod aliquando per occasio-
 ” nem, & Paulus Iudæis, & Petrus gentilibus est concionatus;
 ” de iure enim hic, non de facto disputamus.

Responsio.

CENTVRIARVM auctores primatus Petri, & vnitatis Ecclesiasticæ vehementissimi hostes, sex argumenta contra eius prærogatiuas tam parum apte, quàm scripturæ locis male explicatis, promunt; vt vero primo satisfiat ipsius Pauli verba integra cap. 2. ad Galatas prius subiiciamus. Ait vero: Ab iis aut qui videbant esse aliquid (quales aliquando fuerint nihil mea interest; Deus enim personam hominis non accipit) mihi enim qui videbantur esse aliquid nihil contulerunt. Sed contra, cum vidissent quod creditum est mihi Euangelium præputij, sicut & Petro circumcisionis (qui enim operatus est Petro in Apostolatam circumcisionis, operatus est & mihi inter gentes) & cum cognouissent gratiam quæ data est mihi, Iacobus & Cephas & Ioannes, qui videbantur columnæ esse, dexteræ dederunt mihi & Barnabæ, societatis, vt nos in gentes, ipsi autem in circumcisionem; tantum vt pauperum memores essemus, quod etiam sollicitus fui hoc ipsum facere. Omitto hic, quod Paulus, Petrum non solum esse aliquid in Ecclesia Dei, sed etiam columnam cum alijs duobus Apostolis Iacobo Episcopo Hierosolymitano, & Ioanne Euangelista discipulo dilecto appellat: nonne etiam aperte ipsum caput in Ecclesia esse confitetur, quum dicit, illum eundem magisterium habere inter Apostolos & in circumcisione, quem ipse habebat inter gentes. Certò certius est Paulum gentium non tantum Apostolum, sed etiam magistrum summum fuisse. Sic ergo fuit Petrus inter Apostolos omnes, quibus primo circumcisio concredita est. At cum penes Ecclesiam circūcisionis, tunc summa rerum, & maxima dignitas esset, ab ea namque gentiū Ecclesia exorta, coalita, & nutrita fuerat. Idcirco sequi videtur, totius gregis Dominici magistrum & caput fuisse Petrum, à quo

&

& Ecclesia gentium dependebat, vt legitur in Actis Apostolorum, in Concilio Hierosolymitano, & diserte explicat ipse Paulus cap. 2. ad Galatas, cum ait: Deinde post annos quatuordecim, iterum ascendi Hierosolyma cum Barnaba, assumpto & Tito, ascendi autem secundum reuelationem, & contuli cum illis Euangelium, quod prædico in gentibus, seorsum autem ijs qui videbantur aliquid esse, ne forte in vanum currem, aut cucurrissem, &c. Vt scilicet decerneretur à patribus Ecclesiæ circumcisionis, in Hierusalem quid agendum, quid suscipiendum, quidue reiiciendum esset; quod explicatur in 15. cap. Actuum, vbi recitatur, cur Paulus ascenderit Hierosolyma, sicut scripsit ad Galatas: Quidam enim descendentes de Iudæa, docebant fratres, quia nisi circumcidamini secundum morem Moisis, non potestis saluari. Facta ergo seditione non minima Paulo & Barnabæ aduersus illos, statuerunt vt ascenderent Paulus & Barnabas, & quidam alij ex illis ad Apostolos & presbiteros in Hierusalem, super hac quæstione: quo cum venissent, facta synodo super hac re, quicquid decreuit sanctus ille circumcisionis senatus, Apostolus Paulus, non tantum cum Ecclesia sua gentium ratum habuit, sed id vbique obseruari mandauit: vt ex Actorum cap. eodẽ liquet. Præterea illud maxime notatu dignum est, quod & si Paulus scribat se gentium Apostolum esse, tamen longe ante, hoc officio Petrum functum, & id a Deo sibi commẽdatum fuisse, Paulum autem à Deo quidem, sed ex Petri consensu, idem munus usurpasse, vtriusq; verba ostendunt. sic enim apud Lucam Apostolum in Actis Apostolorum, Petrus de sua cura in gentes dicit; sicut elegit Deus gentes per os meum audire verbum eius: quod factum est, quum per lintei de cœlo descendentes visionem, ipse primus omnium, gentibus prædicare Euangelium iussus est, quum Cornelium Centurionem primus docuit: at Paulus cum de eodem munere loquitur, iubente quidem Deo, sed consensu Petri, & illo-

rum

rum Apostolorum qui cum eodem aderant, se illud exequutum fuisse, testatur, cum dicit: Cephā cum alijs, sibi dexteram dedisse societatis, vt Petrus in circumcisione, ipse autem in gentibus euangelizaret. Petrus vero, nullo aliorum consensu requisito, id exequutus est, cui summus pastor vniuersi gregis curam tradiderat, & Iudæorum præcipue, quorum Ecclesia tunc gentium Ecclesiæ princeps & magistra erat. Cum igitur in duabus Ecclesijs, circumcisionis videlicet, & gentium, duo capita sint, & magistri, certum est eum esse præcipuum & primum, qui principalioris Ecclesiæ & dignioris est Episcopus. Hic autem est Apostolus Petrus, quem ex comparatione Pauli, caput in ea fuisse constat; ipsamq; Ecclesiam tunc principalem esse demonstrari, quippe quæ mater, nutrix, & magistra esset Ecclesiæ gentium. Animaduersione autem dignum est, quod quanquam Petro Apostolatū circumcisionis, Paulo vero gentium magisterium concessum fuisse dixerimus, id tamen non ita intelligi debet, vt Paulus gentium, Petrus vero Iudæorum tantum doctores fuerint: Petrus enim sæpe Gentilibus prædicauit, Paulus vero Iudæos sæpius docuit, Actorum capitibus 9. 13. 14. Damasci, Salamina, Antiochiæ, Iconij, & alibi. Et D. Hieronymus auctor est: Nec Petro adeo circumcisionis Ecclesia præscripta fuit, quin & Gentilibus quoque quotiescunque opus esset, prædicare non posset; nec Paulo ita gentium Apostolatus datus est, vt Iudæos etiam, quando oportuisset, docere nequiret: sed id præcipue quadam ratione factum fuisse est intelligendum: principaliter enim Petro circumcisionis, deinde gentium cura commissā; Paulo vero secus, quia præcipue gentibus, deinde Iudæis Euangelizabat. quæ principalitas ad officium Apostolatus referri debet, quo omnes Apostoli æquales fuerunt, non quo ad iurisdictionem: quia, vt supra dixi, Paulum multoties Iudæis, & Petrum gentibus prædicasse reperitur. Et non solum Petrus gen-

tibus prædicauit, sed etiam primus fuit, qui ijsdem ad Christi gratiam reuocatis, & admissis, sacrum baptismatis sacramentum porrigeret, Cornelio scilicet Centurioni Cæsariensi, omniq; eius familiar, qui Gentiles erant: quod D. Augustinus tradit, de sanctis, sermone 16. is est 2. de cathedra sancti Petri. Est 47. Ambrosij: & 35. Maximi. Petrus petra dicitur, eo quod primus in nationibus fidei fundamenta posuerit, & tanquam saxū immobile, totius operis Christiani compagem molemq; contineat. Porro autem initio exorientis Ecclesię, cū pauci admodum essent Christiani, hiq; infirmi, imbecilles, & adhuc in fide, & Christi religione rudes, & noui, tum propter hominum credentium paucitatem, tum schismatis tollendi causa, munia prædicationis inter duos summos Apostolos diuisa sunt: ne si duo essent primarij, in vtraq; gēte Apostoli alius (vt iam cęperāt) Cephæ, alius vero Pauli, se esse diceret, quod seuerē & asperē reprehendit Paulus; atque ita Ecclesiam Christi scinderent. Voluit igitur Paulus plus conuersioni gentium vacare, Petrus vero Iudæorum; quamuis vter vtri prædicaret, quando opportunitas daretur nullum esset discrimen. Cum autem plures ad Christi fidē conuersi fuissent, hiq; in Christiana religione cruditiones & perfectiores euasissent, ita vt schismatis periculum nequaquam amplius immineret, tunc gentium, & Iudæorum, confundi Ecclesia cępit; atque ea distinctione sublata, & Paulus Iudæorum, & Petrus gentium, Apostoli fuerunt: Petrus enim & Paulus in Vrbe Roma ambo Euangelizantes, occisi; Ioannes in Asia gentibus simul & Iudęis prædicans, Ephesi iam senex obiit. Philippus in Asia; Andreas in Achaia; ambo Iacobi Hierosolymis; & ceteri Apostoli per diuersas orbis partes, Iudęis & Gentilibus prædicando peragrantes, in Domino dormire. Cæterum quæ supra diximus, etiam Christi auctoritate confirmari possunt, dicentis; Super hanc petram ædificabo Ecclesiam meam: non quidem tantum ex Iudæis,

sed

sed ex gentibus quoque collectam, idest vniuersalem; si enim tantum Iudæi sub Petri primatu constituti fuissent, & non gentes, frustra dixisset Dominus, super hanc petram ædificabo Ecclesiam meam, quod non tantum ex Iudæis, sed etiam pro maiori parte ex gentibus erat congreganda. Ad hæc alioqui res absurdissima, & quæ nulla ratione fieri potest sequeretur; Petrum scilicet à gentium prædicatione reiectum esse, quod ne discipulorum quidem vlli Christi factum legitur. postremo Ioannes & Iacobus cunctis alijs Apostolis minores essent, quibus & ad gentes, & ad Iudæos prædicare interdictum fuisse, non legitur; quos tamen cæteris præstantiores fuisse, ex eo liquet, quod Paulus illos columnas Ecclesiæ, & qui videbantur esse aliquid, vocat: à quibus dexteram societatis accepit, cum quibus contulit Euangelium suum, ne in vanum curreret, aut cucurrisset. Hinc B. Hieronymus in comment. cap. 2. epist. ad Galatas. Occulta hic oritur quæstio, quid igitur? Petrus si inuenisset ex gentibus, non eos adducebat ad fidem? aut Paulus si ex circumcisione aliquos reperisset, non eos ad baptismum Christi prouocabat? Quæ ita soluitur, vt dicamus, principale singulis in Iudæos, & gentes fuisse mandatum, vt qui defendebant legem, haberent quem sequerentur, qui legi gratiam præferebant, non deesset eis doctor & præuius. In commune vero hoc eos habuisse propositi, vt Christo ex cunctis gentibus, Ecclesiam congregarent. Legimus enim & à D. Petro Gentilem baptizatum fuisse Cornelium; & à Paulo in sinagoga Iudæorum Christum sæpissime prædicatum. Hæc Hieronymus. Stat ergo inuicta patrum sententia: Petro non solum pasturam ouium Iudaici commissam, etiam si Apostolatus ei & sors obuenerit in circumcisionem; si ergo, vt credendum est, Christus super Petrum, seu Petri fidem, vniuersalem Ecclesiam ædificauit; dicere etiam nos conuenit, ipsum omnium fidelium, tam ex Iudæis, quàm ex gentibus, congregatorum caput fuisse: Pau-

liq̃ue sententiam intelligendam, quemadmodum nos ex sanctorum patrum scriptis explicauimus. Vbi illud etiam annotare placuit, in eo loco D. Paulum non loqui de potestate ipsa per se Apostolatus, aut eius latitudine, quanta in Petro fuerit, aut quanta in se ipso; nam non solum D. Petrus, sed ceteri etiam Apostoli potestatem à Christo acceperunt Apostolatus prædicandi Euangelium omni creaturæ, & docendi omnes gentes. Quod quidem manifeste constat ex Euangelio Matth. vltimo, cum ait: Euntes ergo docete omnes gentes, baptizantes eos in nomine patris, & filij, & spiritus sancti; docentes eos seruire omnia quæ mandauimus vobis. Et Marci 16. Euntes in mundum vniuersum, prædicate Euangelium omni creaturæ. Non ergo loquitur D. Paulus de potestate Apostolatus sua & aliorum, de eiusue latitudine, quæ omnium erat vniuersalis in omnes gentes, à Christo Domino nostro concessa; sed loquebatur D. Paulus de eius potestatis opere, & exercitio, erga hos, vel illos populos: quia crescente numero gentium, & cum latè paterent, indiguerunt particularibus quibusdam personis, qui eorum prædicationi incumberent; & merito, cum vnus omnia præstare non posset, nec omnes omnia; etiam si ad id potestatem haberent; sed necesse erat distribui munera, & potestatis exercitia. Secundo, nec de ipso tantum opere & exercitio potestatis Apostolicæ loqui D. Paulum simpliciter, sed de primo tantum, in quo se exercuerunt, & ad quod primo destinati erant, vt illic laborarent. Nam primo ad saluandas reliquias Israel missi sunt Apostoli, deinde ad salutem Gentilium. Nam & Saluator ait; Salus ex Iudæis est. & male ex hoc infertur non habuisse potestatem erga alios. Nam & ipsemet Christus ait, de se: Non sum missus nisi ad oues quæ perierunt ex Israel, scilicet primo: & tamen alibi etiam ait: Alias oues habeo, & illas oportet me adducere: & alibi, se effundere sanguinem pro illis, & pro multis. Et in cruce orat pro omnibus, qui credi-

turi

ruri sunt in nomine eius. Atque ideo initio, prædicatio Euangelica ad eos potissimum qui erant ex circumcissione fiebat, vt habetur in Actis Apostolorum, nemini loquentes verbum, nisi ijs qui erant ex circumcissione; atque ita similiter primi Apostoli, & D. Petrus Christi Vicarius, ipsummet Christum imitantes, & eius voluntatem sequentes, prius procurarunt salutem Israel, & deinde Gentilium; aperto iam latè Gentilium hostio, delecti sunt aliqui priuatim ad eos particulatim conuertendos, scilicet D. Paulus, & D. Barnabas extra numerum duodecim, qui huic operi primo, & per se incumberent. Alijs nihilominus post Iudæos, in idem quoque opus incumbentibus. Immo & ipsemet D. Paulus, & eius comes Barnabas, in Actis Apostolorum cap. 13. cum ibi Iudæis prædicarent, & eorum prædicationem non reciperent, Iudæis dicunt: Vobis oportebat primum loqui regnum Dei, sed quoniam repellitis illud, & indignos vos iudicatis æternæ vitæ, ecce conuertimur ad gentes. Ergo sensus D. Pauli est, sibi creditum esse Euangelium præputij, & Petro circumcissionis; idest, sicut Petrus primo se exercuit circa Iudæos, & ad id primum fuit munus destinatum sui Apostolatus ex Dei voluntate; ita diuus Paulus electus primo vt se exerceret erga Gentiles conuertendos, quia tunc iam erat latè apertum Gentilium hostiū; At nihilominus, & D. Petrus in Gentilium, & D. Paulus in Iudæorum conuersione, potestatem exercebant, & habebant: vt ex Actis Apostolorum satis constat, & ex Euangelio, vt ostendimus. Ad ea vero verba, quæ Centuriarum auctores Pauli loco, ex se, more suo adiungunt, faciamus satis: scribunt enim [Pauli verba ad Galatas, profecto clarissime, ac sine omni ambiguitate ostendunt, Petrum non esse summum Episcopum in tota Ecclesia] Quantum id ostendant, supra satis ex eisdem Pauli verbis, sanctorum patrum sententia, rectissime & scitissime interpretatis exposuimus [nam si Christus Petrum vniuersalem Apostolum
supra

supra omnes gentes cōstituiſſet, &c.] Eſto, vniuerſalis Apoſtolus non diceretur, at erat vniuerſalis omnium paſtor, à Chriſto electus. Deinde etiam diſtinguendum eſt quo ad Apoſtolatum; Negamus eum vniuerſalem Apoſtolum eſſe, aut vnquam vocatum, ea ſcilicet ratione, vt ille ſolus, & non alij ſint Apoſtoli: at recte vniuerſalis Apoſtolus, & vniuerſale omnium caput à ſanctis patribus dicitur; quod ſcilicet erga omnes, tum officium & poteſtatem Apoſtolatus exercere; tum paſtorali cura vti poterat; ex poteſtate ſibi diuinitus tradita; qua fuit princeps Apoſtolorum, & ſummus Eccleſiæ paſtor. [obſecro quomodo vel ipſemet, vel Paulus auſus fuiſſet eius functionem tantopere coarctare, idq; tam ſancto pacto, ſed ſupra clare teſtatus eſt, Paulus Petro diuinitus eas metas circumſcriptas, vt ſit circumciſorum, Apoſtolus. &c.] Miror eos non addidiſſe vocem, tantum, quo eum omnino à magiſterio gentium arcerent. Petro ne diuinitus præſcripta eſt Iudæorum cura? cui dictum eſt, ſuper hanc petram ædificabo Eccleſiam meam, paſce agnos meos, & oues meas, ideſt Iudæos, & Gentiles, qui gentes non ſolum docuit, ſed iſdem primus (Dei iuſſu) Euangelium prædicauit, vt ex his quæ ſupra dicta ſunt, ſatis patet. [Ita ex his locis Pauli animaduertimus, Petrum, diuino & humano iure, particularem & non vniuerſalem Episcopum conſtitutum] Quod planè, & iure, ex his quæ dicta ſunt ſupra, negamus. quātum hæ verborum ambages præſtant, pij lectores viderint. [Item quam latè ſe extendat illud Ioannis, paſce oues meas] cuperem vehementer id à vobis explicatum fuiſſe; longe melius argumentatum eſſet, ex clariffimis Ioannis verbis ter repetitis, paſce oues meas: Intelligi poteſt Pauli locus ſupra citatus, quo in ſenſu accipiendus ſit, & recta eius intelligentia; an fortasſe pro ouibus, Chriſtus Iudæos tantum intelligi voluit; qui primo per Petrum Gentiles ad ſe conuertit? quod planè animaduertent, cum à veritate coacti, ſequentia verba ſubiungere. [Nec

hoc

hoc ius, hancq; functionum, distinctionem irritam facit, quod aliquando per occasionem, & Paulus Iudæis, & Petrus Gentilibus concionati sunt. De iure enim hic, non de facto, disputamus.] Ergo vterque Apostolus male, & contra ius fecit, in messem alienam manus mittendo. Et qui potestatem in omnes gentes diuino iure, ex Christi ore acceperunt Euangelium prædicandi Apostoli, contra ius faciūt. & longe minore auctoritate fuit Petrus, quam alij Apostoli, quibus metæ prædicationis non fuerunt circumscriptæ. Quibus rebus nihil absurdius, nec dici, nec excogitari quidem potest.

Argumentum secundum.

PETRVS haud dubie functione sibi à Christo mandata, „
vere & integre functus est, fuit enim fidelis, ac bonus Chri- „
sti minister, ac sincere oues Christi paut. Iam constat „
eum neque voluisse dominari Apostolis & clero, sed se cæ- „
teris presbyteris exæquasse, appellat enim se compresbyte- „
rum 1. Petri cap. 5. Multo minus gladium, & politicam fun- „
ctionem sibi usurpasse, & Reges, & Cæsares sibi subiectos „
contendisse: quin potius mandasse Christianis omnibus, vt „
sint suis magistratibus subiecti. 1. Pet. cap. 11. Si igitur Pe- „
trus integre sua functione functus est, neq; tamen superio- „
ritatem super Apostolos usurpauit, immo etiam patienter „
Pauli obiurgationem tanquam inferior tulit, neque politi- „
cam gubernationem sibi rapuit, sequitur necessario, quod „
illa non pertinuerint ad Petri officium.

Responsio.

PETRVS haud dubie functione sibi à Christo mandata, „
vere & integre functus est. Fuit enim fidelis, ac bonus „
Chri-

Christi minister, ac sincere oues Christi paut. Iam constat cum, nec voluisse dominari Apostolis, nec clero] Optime hætenus, dominatu scilicet importuno, iniquo, & tyrannico, sed pastoralis curæ sollicitudine præ omnibus laborauit, cæteris præfuit: quod totus liber Actuum Apostolorum testatur [sed se cæteris presbyteris exæquasse, appellat enim se compresbyterum] Male intellecta exæquatio, quia appellatio illa non est dignitatis, aut magistratus, sed humilitatis ordinis, vel ætatis. Nam & compresbyter fuit, & princeps aliorum Apostolorum: compresbyter ætate, vel ordine; princeps pascendi iure: in bonos humilis minister, in malos seuerus prælatus, & iudex. Quod his verbis homil. 4. libro 50. homiliarum scitissime docet D. Augustinus, cum ait: Vt autem bonitatis huius, disciplinæque magisterium in nostris fuisse maioribus plenius perfectiusq; discamus, pauca de pluribus venerabilium patrum recensamus exempla. Impleuit sine dubio bonitatis, ac disciplinæ istius formam beatus Petrus, cum sicut vere bonus, oblatos sibi dicitur curasse infirmos, & vt disciplinæ celestis amator, iusta ultione punisse mendaces, perhibetur. Nimirum bonitatis eius gratiam testatur Aeneas ille debilis, qui claudus ab infantia sedens in porta templi Domini atq; mendicans, in nomine Christi Iesu Apostoli curantis imperio, antiquam recepit sanitatem. Probauerunt & disciplinæ eius seueritatem Ananias & Sapphira, qui distrahentes agrum quem vendere nemo cogebat, dum de pretij quantitate mentiuntur Apostolo, mortem sibi falsitate mercati sunt. Quo facto, edocuit gloriosissimus Petrus, inesse sibi bonitatem ac disciplinam, dum remedium præstat infirmo; & competentem sumit de mendacibus ultionem; quod cū recte, sancteq; fecisse celestis iudicii consensus ostendit. De perfectione vero scientiæ eius quis ambigat, qui Christum Dominum viui Dei filium esse de cælo (sibi patre reuelante) cognouit? Et quia bonitas, ac disciplina scientiaq;

non

non deerat, pascendas illi Dominus commendauit ouiculas, &c. D. Gregorius registri lib. 1. epist. 24. eandem sententiam iisdem propemodum verbis refert. Sequuntur auctores Centuriarum [multo minus gladium, & politicam functionem sibi Petrum vsurpasse constat, & Reges, & Cæsares sibi subiectos contendisse] optime scilicet, quia illorum temporum conditio id non ferebat [at potius mandasse omnibus Christianis, vt sint suis magistratibus subiecti] & id recte [si igitur Petrus integre suo munere functus est, neque tamen superioritatem super Apostolos vsurpauit] Hoc falsum, quia præter Actuum Apostolorum loca; Ioannes Chrysostomus auctor est, Iacobum ab eo fuisse creatum Episcopum Hierosolymitanum. Et Clemens Alexandrinus lib. 6. & 7. Hipotyposeon tradit Petrum, Iacobum, & Ioannem præcipuos Apostolos, columnas Ecclesiæ, scientiam sibi à Domino traditam alijs Apostolis communicasse. Quibus patribus, magis quam auctoribus Centuriarum credendum opinor. [Immo etiam patienter Pauli obiurgationem tanquam inferior tulit] falsissimum. cum enim id factum propter quod Petrus reprehensus à Paulo est, pertineret ad ædificationem fidei, quæ erat munus Apostolatus, non mirum si Paulus reprehendit Petrum, & iure in re (Apostolatu scilicet) qua erant pares; quamquam regimine & potestate Petrus emineret, neque enim inconueniens est, vbi id necessitas requirit, maiores etiam à minoribus reprehendi, & moneri. Et sic intelligenda sunt verba diui Ambrosij, relata in gloss. ord. in cap. 2. epistolæ ad Galatas, in verbo restiti. 2. q. 7. Paulus Petrum reprehendit, quod non auderet, nisi se non imparem sciret. non imparem intelligo in Apostolatu. qua ratione fit, vt si vnus è duodecim Apostolis nunc in terris esset, ille in his quæ sunt fidei, nec Romano Pontifici, nec generali Concilio subiaceret: in his vero quæ ad regimen, & Ecclesiasticam potestatem pertinent maxime. Ea ratione Petrus fuit &

æqualis, & superior Paulo, qui Petrum, quanquam cum in rebus fidei reprehendisset, tamen velut Ecclesiæ caput venerabatur: & vt cum vnum videret Hierosolyma ascendens, apud eum diebus quindecim mansit. Et vt docte examinat Hieronymus in epistola ad Augustinum, quæ 89. est apud Hierony. apud August. vero 11. anno 14. post iterum Hierosolyma ad Petrum reuersus est, quasi securitatem non habuerit prædicandi Euangelium, nisi esset Petri sententia confirmatus. Itaque facile concedi potest, vbi imminet periculum fidei, superiorem ab inferiori melius sentiente, emendari posse. Certo autem certius est, Paulum æqualem fuisse Petro in Apostolatu, & fidei defensione. Quare Irenæus Lugdunensis reprehendit Victorem Papam vehementius in Asianas Ecclesias insurgentem. Euseb. hist. Eccles. lib. 5. cap. 24. Et Michael Cæsenas ordinis Minorum generalis minister, acerrime restitit Ioanni 22. Papæ, aliquando affirmanti animas sanctorum perfecta beatitudine non frui, quousque iterum corpus assumerent. Hanc rem optime explicat beatus Gregorius lib. 2. super Ezechielem homil. 18. vbi ita ait. Cum Petrus Apostolus seruari adhuc in circumcisione legis consuetudinem vellet, ei in faciem restitit, eumque hac in re fuisse reprehensibilem dicit. Et in hoc eius studium discipulis loquens non solum culpam, sed quod est magis hypocrisis, id est simulationem nominat, dicens. Cum venisset Petrus Antiochiam in faciem ei restiti, quia reprehensibilis erat. Et paulo post, & simulationi eius consenserunt ceteri Iudæi. Idem vero Apostolorum primus cum multa discipulos admoneret, atque à quibusdam detrahi Pauli scriptis agnosceret dicit; Sicut carissimus frater noster Paulus secundum datam sibi sapientiam scripsit vobis, loquens in eis, de his, in quibus sunt quædam difficilia intellectu, quæ indotati, & instabiles deprauant, sicut cæteras scripturas, ad suâ ipsorum perditionem. Ecce Paulus in epistolis suis scripsit

Petrum

Petrum reprehensibilem: Et ecce Petrus in epistolis suis asserit Paulum in his quæ scripserat admirandum. Certe enim nisi legisset Petrus Pauli epistolas, non laudasset; si autem legit, quia illic reprehensibilis dicitur, inuenit. Amicus ergo veritatis laudauit etiam quod reprehensus est, atque ei hoc ipsum placuit, quia in his non placuerat, quæ aliter quam debuerat sensit, scique etiam minori fratri ad consensum dedit, atque in eadem re factus est sequens minoris sui, etiam ut in hoc præiret, quatenus qui primus erat in Apostolorum culmine, esset primus & in humilitate. Pensate, fratres carissimi, in quo mentis vertice stetit, qui illas epistolas laudauit, in quibus scriptis se vituperabilem inuenit, quæ illa mansuetudo tanta esse potuit? quæ quies animi, quæ soliditas atque imperturbatio cogitationis? Ecce à minore suo reprehenditur, & reprehendi non dedignatur, non ad memoriam reuocat, quod primus in Apostolatam vocatus est, non quod clauis regni cœlestis acceperit, non quod peccata quæcunque in terra soluerit, essent soluta & in cœlo, non quod in mari pedibus ambulauit, non quod paraliticos in Iesu nomine iubendo crexerat, non quod ægros corporis sui vmbra sanauerat, non quod mentientes verbo occiderat, non quod mortuos oratione suscitabat. Ex hoc ergo loco (quia reprehensus est Petrus) non possunt Centuriarum auctores probare, cum non fuisse vniuersalis Ecclesiæ pastorem.

Argumentum tertium.

ISTA quæstio iam dudum à Paulo definita est. Nam pseudoapostoli quidam, inimicique gratuite iustitiæ Christi, tempore Apostolorum omnes Ecclesias pie à Paulo institutas, hoc potissimum telo instructi perturbant. Petrus & Iacobus sunt supremi Apostoli, illi cum Domino Iesu

multum versati, & ab eo tanquam princeps Apostolorum
 „ facti sunt, illis potius credendum est, quam Paulo, qui eis
 „ nullo modo par est. Nos porro sumus illorum discipuli,
 „ iam recta ab eis venimus; sic illi seruant, & docent, credi-
 „ te nobis & cætera. Contra hos seductores, iustitiæq; Chri-
 „ sti subuersores, acerrime pugnat Paulus in Galatas, & Co-
 „ rinthios, contendens se nullam prorsus superioritatem, vel
 „ Petri, vel aliorum dignoscere, se docere sine Petri ordina-
 „ tione, aut permissione; se nihil ab eo didicisse, aut acce-
 „ pisse, se adeo non agnoscere eum superiorem, vt etiam
 „ in faciem coram plurimis ausus sit eum obiurgare: Neque
 „ se, neque Petrum esse dominum Ecclesiæ, nec pro ea cru-
 „ cifixum, sed omnes Apostolos ex æquo esse Ecclesiæ mini-
 „ stros, Ecclesiam vero esse Christi, Christum autem Dei.

Responsio.

[CONTRA hos seductores iustitiæq; Christi subuersores acerrime pugnat Paulus & in Galatas & Corinthios cōtendens, & cætera] Dico Pauli non fuisse intentionem increpare eos, qui essent secuti Petrum per obedientiam, vt à Christo principem & Vicarium constitutum: sed quia singularitatem aspiciabant personarum, quasi ad baptismum pluris momenti esset persona vnus quam alterius, quasi nō esset idem sacramentum baptismatis ab vno Christo originem, & vim habens, à diuersis ministris impartitum, & hanc esse Pauli sententiā clare indicant verba diuisionis & schismatis: nam paulo ante cap. 1. dixerat; Obsecro vos fratres per nomen Domini nostri Iesu Christi, vt id ipsum dicatis omnes, & non sint in vobis schismata. Vt vero Theophilactus ex D. Ioan. Chrysostomo eo loco meminit, prius enumerat se Paulus quam Petrum, non vt se præferat Petro, sed vt cum sibi potius anteponat, quemadmodum Christi deinceps

deinceps nomen honoris gratia subdit. Docuit igitur Paulus eo, loci schismata vitanda. quæ res adeo primatum non labefactat, ut eum potissimum astruat, quoniam schismata melius tolli non possunt, quam si ab omnibus, vno capiti obediatur. Ideo D. Hieronymus scribit, vnus eligitur, ut capite constituto, schismatis tollatur occasio. Tota ergo Pauli intentio est, dissidentes fratres ad vnitatem reuocare, sacramenta non ex ministris, sed ex Christo manasse ostendere; quæ res primatui Petri nihil omnino officit. Addunt. [Paulus se nullam prorsus superioritatem vel Petri, vel aliorum cognoscere] Hoc falsum; quia ascendit ad eum videndum honoris ergo, Hierosolyma [se docere sine Petri ordinatione aut permissione, se nihil ab eo didicisse, aut accepisse.] Et hoc ex parte falsum, quia iterum profectus est Hierosolyma, & contulit cum eo Euangelium, quod prædicabat in gentibus, ne forte in vanum curreret aut cucurrisset [se adeo non agnoscere Petrum superiorem, ut etiam in faciem coram plurimis eum ausus sit obiurgare] hoc primatui Petri nihil officisse supra ostendimus. [Neque se, neque Petrum esse dominum Ecclesiæ, nec pro ea crucifixum, sed omnes Apostolos ex æquo esse Ecclesiæ ministros] scilicet quo ad prædicationem, doctrinam, Apostolatam, & sacramentorum exhibitionem, non quo ad iurisdictionem, quia Petrus reliquis prælatus est [Ecclesiam vero Christi, Christum autem Dei] optime dictum est.

Argumentum quartum.

ACTORVM cap. 8. scriptum est, quod Apostoli miserint Ioannem & Petrum in Samariam. Non mittit autem inferior superiorem, sed contra. quare sequitur Petrum non fuisse super omnes Apostolos dominum, sed singulis Apostolis æqualem, toto autem Concilio inferiorem.

Re-

Responsio.

O P O R T E T mendacem esse memorem; superiori argumento Petrum Paulo inferiorem faciunt, hoc loco æqualem, & nos certe cunctis Apostolis ex eodemmet argumento faciemus Dei auxilio superiorem; aiunt enim [Petrus ab Apostolis in Samariam missus est, non mittit autem inferior superiorem] hoc falsum [sed è contra. quare sequitur Petrum non fuisse super omnes Apostolos dominum] Nec nos dominum dicimus, sed pastorem [sed singulis Apostolis æqualem, toto autem Concilio inferiorem] falsum, & falsa est argumentandi formula, non enim admodum diuerso argumentationis genere ratiocinabantur Arriani, quia pater misit filium, Ioannis cap. 6. & 20. & ad Galatas 4. igitur pater maior est filio; quia mittens maior est eo, qui mittitur. Hæc quo ad argumentandi formulam. Ad rem, dicimus hanc missionem Petri & Ioannis ab Apostolis maxime quadrare cum Petri potestate. Nonne dixit Christus ministrum illum esse debere, qui futurus esset inter Apostolos maior? Sic ergo decuit Petrum magistri monita implere, vt ministrum se cæteris exhiberet. Falsum porrò est semper missos minores esse ijs qui mittunt; frequens enim vsus est, præstantiores è Collegio & Senatu ad res arduas tractandas mitti, consilio vel amore, non auctoritate inferiorum; quare in Iosue 22. cap. legitur, quod cū audissent Israelitæ Rubenitas, Gadditas, & Manassitas aram erexisse super Iordanis tumulos contra se, conuenerunt omnes in Silo, vt bellum ijs indicerent. Interea miserunt ad illos in Galaaditidem Legatos Phinees filium Elcazari pontificis, & decem principes cum eo, singulos ex singulis tribubus, vt eos de hoc sacrilegio reprehenderent. Ecce filij Israel inferiores populi miserunt Phinees eorum coram Domino ducem (vt scriptum est primo Paralipomenum cap. 9.) & decem

decem principes suos, ex qua re manifeste patet, illud in diuinis litteris non consequi. Est missus, ergo mittentibus est minor. Illud porrò negocium pro quo Petrus missus est, tanti fuit, vt vel maxime Petri personam requireret, in quo profecto Petri præstantia varijs modis illustrior euasit, partim ex Simonis magi reprehensione, partim ex Sancti Spiritus quum Philippus Diaconus præstare non potuit collatione; partim ex Ioannis comitatu, qui cum esset inter cæteros post Petrum illustrior, vnà cum eo missum fuisse constat, vt ex tam egregiorum Legatorum Collegio, negocium summi momenti esse, apertius intelligeretur: sed quia plura de his paulo ante, alia prosequamur.

Argumentum quintum.

QVOD Paulus cum toties faciat mentionem capitis Ecclesiæ, nusquam Petri meminerit 1. Cor. 12. ad Ephe. 1. Col. 1. & 2. & quidem Petrus ipse 1. epist. cap. 2. Christum angularem lapidem Ecclesiæ facit. ” ” ”

Responsio.

FALSVM, quia bis Petrum honorifice commemorat, & Ecclesiæ pastorem agnoscit ad Galatas cap. 1. & 2. vt accurate supra demonstraui. Ad hoc argumentum à negatione non concludit. Non enim sequitur id non legitur, aut eius mentio non est, ergo non fuit. Eadem est responsio de Christo angulari lapide Ecclesiæ, quæ & de Christi fundamento supra data est, primario scilicet & consequente.

Argumentum sextum.

REFERT Eusebius ex 6. & 7. Hipotyposum Clementis, quod Dominus post resurrectionem scientiam tribuerit Iacobo ” ”

- ” Iacobo iusto & Ioanni, & Petro: ij vero reliquis Apostolis
 ” tradiderunt, & Apostoli septuaginta discipulis. Quod si
 ” verum est, satis inde apparet Iacobum iustum, Ioannem,
 ” & Petrum æquales à Christo esse constitutos, & nulli pri-
 matum sigillatim competere. Eusebius lib. 2. cap. 1.

Responsio.


Si hoc verum est, in traditione scientiæ fuerunt æqua-
 les Petrus Ioannes, & Iacobus, & alijs nouem Apostolis su-
 periores, & in pastoralis cura Petrus & cæteris, & illis duo-
 bus præfuit; quia illi soli dictum est, pascue oues meas. Cæ-
 terum optima admodum est consecutio: Tradidit illis tri-
 bus Dominus post resurrectionem scientiam: ergo illi tres
 sunt æquales in potestate. Tenet illatio, vt dicitur, ab an-
 gulo ad parietem; scilicet à scientiæ infusione, vel traditio-
 ne ad potestatem: qua ratione omnes prophete superiores
 essent & potestate, & sacerdotio. Item ridicula est alia il-
 latio. Tradidit illis scientiam ergo & æqualiter, & æqualem
 scientiam singulis, cum certum sit & D. Petrum ex Dei pa-
 tris reuelatione didicisse, & D. Ioannem vt aquila in Euan-
 gelij sui conscriptione euolasse. Tam inepte igitur fucatis
 argumentis sunt ne decipiendi Christiani?



177

DE ADVENTV PETRI
AD VRBEM ROMAM
EIVSQ IBI SEDE ET MORTE.

P A R S T E R T I A.



Quod Petrus Romam venerit, & Romanam Ecclesiam fundauerit, eamque cum Paulo Apostolo sanguine suo consecrauerit, probatur, ex multis vetustis Sanctorum Patrum, Græcorum & Latinorum monumentis.

Cap. I.



O R R Ò autem Petrum Christi Vicarium, & (vt supra ostendimus) summum Ecclesiæ suæ caput, Romam nõ tantum venisse, sed etiam Romanam ipsam Ecclesiam fundasse; morte deinde, ac sanguine suo eam cum Paulo Apostolo consecrasse, ita clarum est, & totius terrarum orbis, cunctarumq; Ecclesiarum omnibus seculis, maximo semper consensu confirmatum; vt id, aliquo testimonio indigere, minime opus esse crediderim: nisi nostrorum, & superiorum temporum aliquot hæretici, huic quoque certissimæ & clarissimæ rei

AA

quem-

tius fidem catholicam prædicarunt. Alia etiam apparet causa, constituendi primatus in Ecclesia Romana, quod Dominus Romæ permisurus esset sanguinem martyrum copiosissime effundi, ob id, vt gloriaretur vniuersalis Ecclesia: quoniam gloria loci, congruit excellentiæ præsentis. Priorem causam innuere videtur beatus Papa Leo in ferm. 1. de natali Apostolorum Petri & Pauli, vbi ita ait: Beatissimus Petrus princeps Apostolici ordinis, ad arcem Romani destinatur Imperij, vt lux veritatis quæ in omnium gentium reuelabatur, salutem efficacius se ab ipso capite, per totum mundi corpus effunderet. At Romanæ Ecclesiæ hostes, non contenti, contra tot sacræ scripturæ testimonia, tot sanctorum patrum sententias, primatum Petro adimere voluisse, maiora mendacia fabricare ausi, cum Romæ aliquando vixisse, aut in ea Vrbe quam videre nunquam potuerit, obijisse, omnino inficiantur: etsi omnes veteres patres, nemine dissentiente, contrarium clament; ita vt, ne vnum quidem eorum sententiæ suffragatorem habeant. Quo fit, vt contra tantam impudentiam, Tertulliani verba aduersus Hermogenem hæreticum scripta, à D. Hieronymo contra Iouinianum repetita, asserre cogar. Homo in seculo hæreticus, etiam turbulentus est, qui loquacitatem facundiam existimet, impudentiam constantiam deputet, maledicere singulis officium bonæ conscientiæ iudicet. Primus omnium hoc mendacium, diabolico astu, celebris ille impietate Marcellus Patauinus (quod sciam) inuenit. Qui contra Ioannem XXII. Papam, à quo ob hæresim excommunicatus fuerat, opus edidit, & contra Romani Pontificis potestatem. Rem ab eo potius inchoatam, quam perfectam, crassius extulit. Apud annos quinquaginta, Vlricus quidam Velenus Minhonienlis, qui libello scripto, Petrum non modo Romæ non mortuum, sed nec aliquando Romam vidisse affirmare conatur: libro in capita diuiso, quas persuasiones appellat. Et si suspitio-

nem mihi iniecerit, cum nō tam ex animo id fecisse, quodq; ipsi ita persuasum foret, quam vt tali facinore nomen tuam apud posteros produceret: consilium siquidem animumq; suum visus est ipsemet declarasse, cum fronti operis vulgata illa carmina inscripserit Iuuenalis, satyra prima.

Aude aliquid breuib; Gyaris, & carcere dignum

Si vis esse aliquis, probitas laudatur & alget.

Aduersus hunc persuaforem, & eius inania commēta, duo præstantissimi patres accuratissime scripserunt, ante annos circiter 40. Gregorius Cortesius Mutinensis, tunc monachus Calinas; & Ioannes Fischerius Anglus Episcopus Rossensis, ambo postea S. R. Eccl. Cardinales à Paulo III. Pontifice Maximo, omnem industriam liberaliter exornare solito, virtutis ergo creati: quorum pro maiori parte argumenta, & solidas responsiones, huic operi includam. In hac igitur quæstione, illud mihi commune est, cum ijs qui Petrum Romæ fuisse negant, aliquid quo manifeste & aperte in alterutram partem iudicare possimus, in diuinis libris reperiri. Quare id solum quærimus, potuerit ne Petrus Romam aliquando venisse, ita vt ex eiusmodi professione nihil contrarium, nihil repugnans his quæ in sacris litteris habentur omnino resultet. Quod cum (vt spero) enucleate ostensum fuerit, reliquum erit, vt tantum illorum sententijs innitatur, qui proxime ad Apostolos, & tempore, & sanctitate accedunt, qui omnes vno ore, eiusmodi professionem ad Urbem Romam, tam vere, quam constanter asseruerunt. A Iesu Christi morte, vsque ad Petri obitum, qui fuit (auctoribus penè cunctis consentientibus) 3. Kalendas Iulij, nouissimo Neronis anno, non quidem Iuliano, sed Imperij, idest tertio decimo, Christi vero 68. vt ex nostris Fastis Consularibus constanti temporum ratione liquet, trigintaquattuor anni, & menses tres interfunt. Siquidem Christus decimonono Tiberij anno, ætatis vero sue 33. mense tertio, 7 Kalendas Aprilis, cruci af-

fixus

fixus fuit: vt accuratissime in Faſtorum Conſularium Com-
mentarijs probauit. Superſunt autem integri quattuor Ti-
berij (tres enim & viginti imperauit annos) totidem pro-
pemodum Caij, quattuordecim Claudij non integri, tres-
decim Neronis, qui annos reddunt plus minus 35. aliquot
ſcilicet menſibus detractis, in quibus non ſemel tantum,
ſed iterum, ac tertio potuiſſe Petrum Romam proficiſci,
maniſteſſimis argumentis conuinci poteſt. Sed quoniam
primam eius profectionem in ſecundum Claudij annum
reiſciunt Euſebius, & Hieronymus, qua ratione id fieri po-
tuerit, diligentius inquirendum eſt. Cumq; omnes conſen-
tiât Paulū anno primo à Chriſti morte (is fuit 35. ab initio)
ad fidem Chriſti vocatum fuiſſe, & idem, anno quarto
eum Hieroſolyma veniſſe, & vidiſſe Petrum, concedant
neceſſe eſt. Siquidem triennio poſt illam euocationem, vt
ipſe ait cap. 1. ad Galatas, aſcendit Hieroſolyma videre
Petrum, & manſit apud eum dies quindecim; anno ſcili-
cet Chriſti 38. forte azimorum tempore, quo ad 6. Kal.
Aprilis Tib. Cæſari mortuo, C. Caligula Imperator ſuc-
ceſſerat. Ad quam vſque diem, Euſebij in chronico au-
thoritate, & varijs inſuper coniecturis, aſſequi poſſumus,
Petrum ex Iudæa, & finitimis locis non diſceſſiſſe. Qui
Paulo Cæſaream primum, deinde Tarſum dimiſſo, Hie-
roſolymis diſcedens, terram Paleſtinam euangelizando
circuiuit; Lyddæ Acneam paraliticum ſaluti reſtituit: ac-
ceſſitus deinceps à diſcipulis Ioppen, Tabitham mortuam
reuocauit ad vitam. Quumq; multos dies (vt ait Lucas)
apud Simonem Coriarium hoſpitatus eſſet, accitus Cæſa-
ream Angeli iuſſu, à Cornelio Centurione, tunc primum
ex gentibus (gentium enim nomine appellant ſacræ litteræ
eos qui ex Iudæorum populo non eſſent) trophæum erexit.
Quibus in functionibus eum ſerè biennium (Chriſti ſcilicet
39. & 40.) conſumpſiſſe, Acta Apoſtolorum accuratius
contemplanti liquebit: Anno demum ſexto à paſſione Chri-
ſti

sti finito, is fuit quadragesimus currens natalis eiusdem, Hierosolyma redijt. Superfunt porrò duo anni, vsque ad carcerem Petri, quam anno 43. Christi fuisse ostendam, quibus Petrus, vel Hierosolymis (vt ego opinor) semper mansit, vel etiam Antiochiam accedere potuit; vbi mira incrementa religio nostra cœperat. iam inde ab obitu Stephani, eò enim ex Iudæa peruenerant discipuli quidam profugi natione Iudæi. Quò deinde iussu Apostolorum profectus Barnabas, adiuncto sibi Paulo, qui à fuga ex Hierosolymis ad eam vsque diem in Cilicia ferè ociosus federat, eiusmodi adiumentum, iam inualescentibus rebus, & vtriusq; magisterio numerosa Ecclesia ex Iudæis & gentibus collecta, præstitit, vt discipuli Antiochię primum Christiani appellati fuerint. Petrus vero si modo (vt prædixi) Antiochiam venit; Hierosolyma redijt sub initium Imperij Claudij, quod fuit anno Christi 42. Qua in re illud animaduersione dignum est, septennij spatium, quo Petrum Antiochiæ fuisse Damasus & Gregorius auctores sunt; alio ab hoc tempore quærendum esse, quod infra ego enucleate aperiam. Porrò autem nono à Christi passione anno exacto, is fuit 43. natalis eius, Imperij verò Claudij secūdus paulo ante inchoatus, quum ætate superiori Iacobus Ioannis frater ab Agrippa Rege occisus fuisset, ipse Petrus azimorum tempore carceri inclusus est, & diuinitus ab Angelo liberatus. Hæc vero hoc ipso anno accidisse, certissima ratione probare possum. Duo fuerunt eodem tempore Herodes, alter cognomine Antipas tetrarcha Galilææ, eius Herodis filius, qui pueros Bethheemiticos, Christo nato, nefarie trucidauit. Hic Christo passionis tempore veste alba illusit; hic violato sanguinis, & hospitij iure, vxorẽ Herodiadem à fratre Philippo abduxit; hic denique humana & diuina cuncta permiscens, in Macherunte castello iugulauit Ioannem Baptistam. Alter natus Aristobulo filio Herodis maioris Regis, cognomine Ascalonitæ, & Ma-

riam-

riammès, Agrippa in gratiam M. Agrippæ generi Augusti Cæsaris vocatus. Qui à C. Caligula Imperatore, duarum tetrarchiarum Ituræ, & Traconitidis regionis, quæ Philippi, & Abillænæ, quæ Lysaniæ fuerant, Rex appellatus; magnæ apud Caium auctoritatis erat. Inter hos Herodes diu occultæ inimicitia, intestinaq; odia intercesserunt, nutriende potissimum Herodiade alterius sorore, vxore alterius, foemina vehementis ingenij, & supra muliebres spiritus. Postremo Agrippæ accusatione Antipa, à Caio tetrarchiæ Galilææ multato, & cum Herodiade Lugdunum Galliæ perpetuo exilio relegato, ea quoque Palestinæ pars cessit Agrippæ: Qui sub exitu Imperij Cai, Romam pro gente Iudæorum, pro patrijs ritibus tuendis, & ne templû Cæsaris imagine profanaretur deprecaturus accedens, paulo post cum suorum conspiratione, mense Ianuario extinctum vidit. Maximo autem in adipiscendo Imperio Claudio vsui fuit, à quo beneficij accepti memore, tribus ei à Caio donatis tetrarchijs confirmatis, regno Iudææ, & Samariæ, Hierosolymis aditis auctus est; primusq; post Herodem Idumeum auum, partem Syriæ longe maximam, quam in tetrarchias Augustus diuiserat, solus obtinuit: fœdereq; publice medio foro prisco ritu cum Claudio cæso, Hierosolyma anno primo Imperij Claudij incunte, vere redijt. Qui quo munitior esset, ad omnes casus, contra vires, doloq; & sororis & Antippæ, & popularium animos sibi conciliaret, gentem Iudæorum statuit insigni aliquo munere demereri, remisso eis tributo, quod soliti erant in singulas ædes pendere. Cum vero vehementer illos infensos Christianis sciret, iniecit manus (ait Lucas Act. 12.) vt malis afficeret quosdam de Ecclesia. Trucidato igitur Iacobo fratre Ioannis, Petrum initio sequentis anni, qui fuit secundus Claudij, & regni sui vniuersalis; Christi vero 43. azimorum tempore, coniecit in carcerem; vt festo celebrato, cum necaret. Qui diuino beneficio Angeli opera edu-

eductus, exiens, abiit in alium locum. Tunc enim, proculdubio, Romam iter instituit, quo Herodis iram euitaret, & Simonem magum ab se Iudæa exactum, Romæ ritu Dei cultum, denuo expugnet. Quæ omnia secundo anno Claudij contigisse, ex eo intelligitur, quod ea sub Claudio facta fuisse, à Luca memorantur. qui descripta famis acerbitate, qua sub eo principe per vniuersum orbem terrarum laboratum est, statim subiunxit; illud tempus scilicet, quo fames inualuisset. Nec illud ante, aut post accidere potuit. Non ante: quia anno superiore, azimorum tempore, Herodes Romæ (vt ex Tranquillo in Claudio, & Iosepho libro 19. antiquitatum liquet) non Hierosolymis erat. Non superioribus sub Caio, à quo trium tetrarchiarum rex constitutus fuerat: quod tunc nihil ei iuris Hierosolymis esset, quæ à procuratore Romano administrabantur. Id vero nec sequenti anno Claudij scilicet tertio fieri potuit: quoniam (vt Iosephus scribit) eodem anno Agrippa ipse Cæsareæ fato concessit. Sed nec 25. anni, quibus Petrus Romanam sedem obtinuisse constanti omnium scriptorum testimonio liquet, conresponderent. At vero Petrus, vt Herodis, cuius tum latè patebat imperium, vim furoremq; declinaret, simul etiam vt Simonis Samaritæ vestigijs infisteret, Romam, tunc liber factus, profectus est. Nec eius vlla est deinceps in Actis Apostolorum mentio, vsque ad tempora conuentus Hierosolymitani, in quo de circumcisione actum est. Cum igitur ex Iudæa azimorum tempore anno Christi 43. currente, secundi vero Claudij initio (nam is Imperium 9. Kal. Februarij obtinuerat) discessisset (annua peregrinatione habita, per eas gentes, ad quas priorem epistolam scripsit, Cappadoces scilicet, Galatas, Asianos, Ponticos, & Bithynos) Romam anno qui secutus est, venit. is fuit Christi 44. adhuc vero secundus Imperij Claudij penè exactus, tantum enim supererant septem dies, siquidè Petrus Urbem primum inijt 15. Kal. Februarij, vt in martyrologio,

rologio, ex antiqua patrum traditione auctor est D. Hieronymus. Cum igitur Romam peruenisset, per initia Imperij Claudij, vt Orosius lib. 7. cap. 4. scribit, siue (quod nequaquam diuersum est, anno secundo, vt Hieronymus & Eusebius tradunt) eiusmodi religionis fundamenta iecit: vt postea ad Romanos scribens Paulus, gratias agit Deo quod illorum fides in vniuerso mundo nuntiaretur. Iam vero, si ab hoc tempore supputetur annorum ratio, vsque ad postrema Neronis tempora, & 3. Kal. Iulij, anni Christi 68. anni 24. menses quinque dies duodecim inuenientur. Tot nempe, quod scribunt Eusebius, Hieronymus, Rufinus & alij (vt illorum verbis utar) cathedram sacerdotalem Romæ tenuisse. Non autem vltimo Neronis anno (Iuliano scilicet) sed Imperij, vt D. Hieronymo placet, interfici potuit; si tamen (vt Ecclesiæ traditio habet) 3. Kal. Iulij sub Nerone excessit: quod paulo ante eodem mense ad 4. idus Iunij Nero iam (vt Dio refert) se ipse interfecerat. Et si autem veteres scribant, Petrum Romæ annis 25. cathedram sacerdotalem tenuisse, non tamen illico consequitur; illum toto eo temporis spatio semper in Vrbe permanfisse. Inciderunt namque ea tempora circa sextum Claudij annum, quibus Iudæi tumultuantes, impulsore Chresto quodā (vt scribit Suetonius in Claudio cap. 25.) cum in proprium excidium præcipites ferrentur, Roma expulsi sunt. Quæ res præcipue male intellecta eos fefellit, qui Petrum Romam venisse negant, id sibi pro certo constituentes, totis 25. annis, quibus Petrum Romæ sedisse veteres auctores affirmant, eum Romæ perpetuo fuisse: quæ omnino res falsa est: & certum auctorem qui eam explodat habet Epiphanium, qui contra 27. Carpocratitarum hæresim scribit, Petrum sæpe Pontum, & Bithyniam visitasse. & Sophronius tradit, eum in Hispaniam aliquando profectum fuisse. Iudæos porro magno Romanorum odio conflagrasse, testimonia multa sunt; nam Tyberius

eos Vrbe primum eiecit, cuius exemplum Claudius imitatus est. Cum enim consueuissent Iudæi magnam auri vim ad templi ornatum ex omnibus prouincijs quotannis Hierosolyma portare M. Tullio Cicerone Consule (vt ipse ait in oratione pro Flacco) iudicauit senatus, aurum exportari non oportere: quod cum sub Tyberio fecisset quidam ex Iudæis, Roma omnes expulsi sunt, Iosepho & Tacito auctoribus. Quos publice odio fuisse præter ea quæ sunt apud Trogum, etiam ex Quintiliano lib. 3. cap. 7. conijcimus: Est conditoribus (inquit) Urbium infamiæ, contraxisse aliquam perniciosam cæteris gentem, qualis est primus Iudaicæ superstitionis auctor. Minime autem mirum est, in tam magna Ciuitate Iudæos tumultum excitare potuisse, cum multi forent ex Romanis illorum superstitioni addicti. Vnde illud Iuuenalis satyra 14.

Quidam sortiti metuentem Sabbata patrem

Nil præter nubes, & cœli numen adorant.

Quod manifestius ipse testatur Cicero pro Flacco: sequitur (inquit) auri illa inuidia Iudaici, hoc nimirum est, quod illa turba quæ sita est: scis quanta sit manus, quanta concordia, quantum valeant in concionibus, submissa voce loquar, tantum vt iudices audiant. Neque enim desunt qui istos in me, atque optimum quenque incitent. Nihil igitur mirum, si sub Claudio quoque tumultus, & nouarum rerum cupidi, non secus, atque sub alijs Imperatoribus vexati sunt, maxime cum (vt Tacitus ait Annal. 12. Oros. 7. cap. 4.) illis ipsis diebus, Cumano procuratore Iudææ, non tumultum modo, sed penè etiam iustum bellum in syria excitarint. Quare à principe, vt ingenij obtusi & stupidi, sic præcipiti iracundia, Roma expulsi fuere, quod Apostolorum quoque Acta testantur. Denique Tranquillus in Claudio cap. 25. Iudæos (inquit) impulsore Chresto quodam assidue tumultuantes Roma expulit. Cum namque nouum illud nomen ex Iudæa audiret, vulgoque

iacta-

iaſtaretur , nuper Chriſtianorum exortam factionem , in quam ipſe , & Dio , & Tacitus adeo impie inuehuntur , credidit , tumultus illos à Chriſto , qui tamen multis iam ante annis obierat , excitari . Vt erant ſerè omnes ignari , eorū quæ de Chriſto loquerentur : quod probat contra Celſum Origenes : & apud Tertullianum , ridiculus ille Ononychites , & quod quidam Galilæos , & Nazarenos Chriſtianos appellabant . Quin & emendati codices Tranquilli non Chriſtum , ſed Chreſtum habent ; cum namque cauſam ignorarent ſacroſancti nominis , non ἀπὸ τοῦ χρίστου χρίσθον , ἀλλ' ἀπὸ τοῦ χρεῖστας χρίσθον dici putabant : quod Laſtantius in libro de vera ſapientia , & Tertullianus in Apologetico teſtantur . Expulſos etiam à Claudio non Chriſtianos , ſed Iudæos , illud maxime probat , quod (vt Tertullianus ait & cæteri conſentiunt) non ille , ſed Nero primus in Chriſtianos deſcuijt , quo nomine Petrus , qui gente Iudæus erat , ex Bethſaide vico Galilææ , ſimul cum cæteris diſcedere eſt coaëtus ; quod Prifcillæ quoque & Aquilæ accidiffe ſcimus , ex Apoſtolorum Actis . Eo igitur tempore qui fuit annus Chriſti 47. ſextus Imperij Claudij , quo ſeditio- nem Iudæorum fuiſſe , & Bedas in Chronico teſtatur ; & ex Cornelio Tacito aperte elicitur , quartus aduentus Petri ad Urbem , Simone mago extincto , & Eccleſia Romana conſtituta , Roma diſcedens , Hieroſolyma rurfus redijt . Et (Agrippa cuius metu , ex Iudæa auſugrat , iam vita functo) morti beatiffimæ Virginis , quæ anno ſequenti accidit (vt Euſebius tradit in chronico) interfuit . Cæterum anno qui ſecutus eſt , Chriſti 49. Claudij 8. Is erat à Pauli conuerſione 14. finitus ; Paulus Hieroſolyma abiit , & quaſtione de circumciſionis neceſſitate à pseudoapoſtolis exci- tata , Concilio Hieroſolymitano interfuit ; cum Petro & alijs Apoſtolis contulit Euangelium ſuum , ne forte in va- num curreret aut cucurriſſet , à quo , & à Ioanne , Iacobq ; fratre Domini Epifcopo Hieroſolymitano , dexteris ſocie-

*Hæc est Honu-
phrij, immo ali-
quorum citum ve-
terum Dolorum
opinio. Veruntan-
im altera senten-
tia, qua asserit Pe-
trum septennio post
erectam Antiocho-
nam Ecclesiam,
Romam aduenisse,
Romanamq; sedem
fundasse, ut com-
munior, & v:rita-
ti proximior tene-
tur.*

tatis accepit. Inde Antiochiam redijt; Ad quam, cum Hierosolymis (relicto ibidem Iacobo Episcopo) accessisset Petrus, ea reprehensio Petri à Paulo facta accidit, quam ipse in epistola ad Galatas. cap. 11, commemorat. Mansit vero Petrus Antiochiæ ab 8. anno Claudij, vsque ad eius obitum, & Neronis Imperium annis continuis septem; atq; ita necessarium erit septem Episcopatus Antiochenis annos, intra numerum annorum 25. Pontificatus Romani includere. Hivero sunt septem illi anni, quibus eum Antiochiæ Episcopum mansisse, Damasus & Hieronymus affirmant. Constanis enim fama est, veterum auctorum sententijs confirmata, Petrum Apostolum Antiochiæ annis septem, Romæ vero 25. Episcopatum tenuisse; quod si septem anni Episcopatus Antiocheni distinguantur à viginti-quinque pontificatus Romani, nulla ratione fieri poterit, ut hæc ipsa, Actis Apostolorum, epistolis Pauli, & temporum rationi respondeant. Erunt ergo 7. anni Episcopatus Antiocheni Petri, illi scilicet quibus Vrbe à Claudio exactus, in Oriente permansit. Ab anno enim Imperij Claudij 8. qui 14. imperavit, vsque ad primum Neronis, totidem numerantur, quæ septem annorum digestio veritati ipsi, & cunctis veterum auctorum monumētis mirifice quadrat. Quod etiam innuere videtur Damasus, quum in Petri vita scribit: Beatus Petrus Apostolus primo sedit in cathedra Episcopatus Antiochiæ annis 7. Hinc ingressus est Urbem Romam, Nerone Cæsare (secundum eius aduentum intelligens) cum post Claudij mortem Romam Neronis Imperij initio, ab Antiochia iterum cum Marco Euangelista redijt: & eam Ecclesiam sua absentia collapsam restituit: Linum & Cle-tum sibi coadiutores ordinavit: à Marco scriptum Euangelium probavit, priorem epistolam scripsit. Et hæc primo Neronis anno, ut ex Damaso intelligitur, transiegit: inde discedens, totum Occidentem & Africam docendo peragrauit: ad extremum nouissimis Neronis annis, eo in Christia-

nos tanquam publici incendij auctores deficiente, Romam redijt: vbi de morte eius & Pauli, ea subsecuta sunt, quæ consensu omnium scriptorum memoriæ sunt cõmendata. Porro autem si vitæ eius decursum sic distinxerimus, nihil est, vt opinor, quod sacris litteris repugnet, & maximorum, sanctissimorumq; auctorum de illius professione ad Vrbem & obitus, tam pie, quam vere tuta erit opinio. Superest igitur, vt quoniam nihil obstare diuinos libros assertioni nostræ ostendimus, auctores quoque veteres enumeremus, qui in hac nobiscum opinione fuerunt. Quorum vetustissimus est.

PHILO ALEXANDRINVS vir eruditissimus, sacerdos Iudæus, de quo ita in libro de viris illustribus tradit D. Hieronymus: Aiunt Philonem sub C. Caligula Romæ periclitatum, quò legatus gentis suæ missus fuerat: cum secunda vice venisset ad Claudium, in eadem Vrbe locutum esse cū Apostolo Petro, eiusq; habuisse amicitias, & ob hanc causam, etiam Ecclesiam Marci discipuli Petri, apud Alexandriam sectatores ornasse laudibus. Eadem refert Eusebius historiæ Ecclesiasticæ libro secundo cap. 16. & 17.

*Ann. Christi
50.*

PAPIAS HIEROPOLITANVS in Asia Episcopus Ioannis Apostoli & Euangelistæ auditor, Polycarpiq; Smyrneorum Episcopi & Martyris condiscipulus, quinque libros scripsit, quos prænotauit Explanations verborum Domini, in quibus cum in præfatione asserat, se non varias opiniones sequi, sed Apostolos auctores habere, ait: Considerabam quid Andreas, quid Petrus dixissent, quid autem Philippus, vel Thomas, quid vero Iacobus, quid Ioannes, aut quid Matthæus, vel alius quis ex discipuli Domini, quæue Aristion, vel Ioannes presbyter, cæteri q; discipuli dicebant: Nec enim tantum mihi librorum lectiones prodesse credebam, quantum viuæ vocis presentisq; magisterij. &c. Is in altero horum librorum, postquam Petrum Romam venisse, Romanamq; Ecclesiam fundasse per longum de-

*Ann. Christi
107.*

scri-

scripserat, inquit. Petrus in epistola sua quam de Vrbe Roma scripsit meminit Marci, in qua tropice Romam Babylonem nominauit, cum dixit; Salutat vos ea, quæ in Babylone collecta est Ecclesia, & Marcus filius meus. Ita Eusebius historiæ Ecclesiasticæ lib. 3. cap. 39. & Hieronymus in lib. de viris illustribus.

An. 147. BACCHIVS IVSTINVS Philosophus & martyr in Apologetico ad Antoninum Pium, scripsit enim & alterum ad gentes, omnia illa quæ de Simone Samarita à cæteris dicta sunt, diffuse persecutus est.

An. 178. DIONYSIVS Corinthiorum Episcopus Apostolicis temporibus vicinus, quod Petrus & Paulus eodem tempore passi sint Romæ, disputans, ita scripsit; Sed & vos habentes commonitionem à Petro & Paulo, plantationem Romanæ & Corinthiorum Ecclesiæ coniunxistis. Anibo etenim simul aduentantes, & in nostra Corinthiorum Ecclesia docuerunt, & per omnem Italiam, atque in Vrbe hac simul docentes, etiam martyrio pariter vno, eodemq; tempore coronati sunt. Hæc ille, vt refert Euseb. hist. Eccl. lib. 2. cap. 25.

An. 184. IRENAEVS EPISCOPVS Lugdunensis Polycarpi Smyrnei Episcopi, Ioannis Euangelistæ auditoris discipulus, vetustissimus inter omnes nostræ religionis scriptores, quorū opera ad hanc vsque nostram ætatem, post Apostolos perueniunt lib. 3. aduersus Valentini, & aliorū hæreses cap. 1. sic ait: Matthæus in Hæbreis ipsorum lingua scriptum edidit Euangelium, cum Petrus & Paulus Romæ Euangelizarent, & fundarent Ecclesiam.

Idem fufius eodem libro cap. 3. refert his verbis: Sed quoniam valde longum est, in hoc tali volumine omnium Ecclesiarum enumerare successiones, maximæ & antiquissimæ, & omnibus cognitæ à gloriosissimis duobus Apostolis Petro & Paulo Romæ fundatæ & constitutæ Ecclesiæ, eam quam habet ab Apostolis traditionem, & annunciam

ram hominibus fidem , per successionem Episcoporum peruenientem , vsque ad nos , indicantes confundimus omnes eos , qui quoquo modo , vel per sui placentiam malam , vel vanam gloriam , vel per cecitatem & malam sententiam , præter quam oportet colligunt . Ad hanc enim Ecclesiam propter potentio rem principalitatem , necesse est omnem conuenire Ecclesiam , hoc est , eos qui sunt vndiq; fideles , in qua semper ab ijs qui sunt vbique conseruata est ea , quæ est ab Apostolis traditio . Fundantes igitur & instruentes beati Apostoli Ecclesiam , Lino Episcopatum administrandæ Ecclesiæ tradiderunt .

: CLEMENS presbyter Alexandrinus Origenis præceptor floruit sub Commodò , qui cum senex iam scriberet , potuerat certe memoriam habere Hadriani & Antonini Pij temporum , Neronianis vicinorum , vt verisimile sit , temporibus Hadriani aliquos superfuisset qui Petrum viderant , quosque Dionysius , Irenæus , Clemens , Tertullianus , & cæteri , quos testes accersimus , alloqui potuerunt . Clemens igitur Alexandrinus Petrum Romæ fuisse profitetur . In cuius nomine errauit noster hic nouæ opinionis assertor , namque cum qui librum Hipotyposeon scripsit Clementem Romanum pontificem fuisse existimat . Quare idcirco eius auctorem redarguit , quod non sit tutum illius libris credere , quod supposititij sint , quod falso Clementi adscripti , quod deniq; ab hæreticis magna ex parte deprauati . Qui si vt falso distinguere voluit inter duos Marcos , sic vere duos Clementes distinxisset , non vtique in tam manifestum incidisset errorem . Duo si uidem Clementes fuerunt , alter Romanus , & Petri discipulus , qui librum scripsit recognitionum , apud quem nihil eorum reperitur , quæ persuasor citat , nec eius nos opera ab hæreticis potissimumq; Eunomianis in quibusdam quæ ad dogmata spectant , corruptos negamus . Alter Alexandrinus præceptor Origenis , qui cum alia plurima , tum eum quem iam diximus librum composuit ,

suit, ab Hieronymo latine informationum appellatum: Quod opus (sicut & alia eiusdem, extant enim etiam ad hanc diem complura accurate latine edita) non corruptum fuisse mihi persuadeo. Nam cum id affirmare voluisset Rufinus, in opere quod inscripsit de adulteratione librorum Origenis, eo potissimum argumento, quod nequaquam illi credibile videretur, eruditum adeo catholicorūq; virum, vel sibi contraria sensisse, vel ea quæ de Deo credere impium est, scripta reliquisse: Hieronymus, Apolo. 2. cont. Rufinum, in hæc ferè verba respondet: si conceditur vt quicquid in libris omnium reperitur, ab alijs corruptum sit, nihil eorum erit quorum fertur nominibus. & infra: Et quomodo (inquies) in libris eorum vitiosa nonnulla sunt, si me causam vitiorum nescire respondero, non statim illos hæreticos iudicabo: Fieri enim potest vt vel simpliciter errauerint, vel alio sensu scripserint, vel à librarijs imperitis eorum paulatim scripta corrupta sint, vel certe antequam in Alexandria, quasi demonium meridianum, Arius nasceretur, innocenter quædam, & minus caute locuti sunt: & quæ non possunt peruerforum hominum calumniam declinare. Cum Hieronymo igitur non modo Clementis Alexandrini scripta adulterina non esse opinor, sed eo magis illis fidem adhibendam puto, quod Alexandrinus patria, nec ita multum distans à Marci Euangelistæ temporibus, ea quæ scripsit ab illis potuit accepisse, qui rebus gestis interfuissent: ait vero: Cum Petrus Romæ Euangelium diuulgaret, rogatum Marcum ea quæ à præceptore dicebantur excepta publicasse. Quod cum intellexisset Petrus tantum abfuit vt grauate tulerit, vt etiam mirum in modum sit delectatus. ita ille lib. 6. Hipotyposen, ex quo sancti Marci Euangelistæ vitam descripsit in libro de Viris Illustribus D. Hieronymus sic. Marcus discipulus & interpret Petri, iuxta quod Petrum referentem audierat, rogatus Romæ à fratribus, breue scripsit Euangelium;

gelium, quod cum Petrus audisset, probauit, & ecclesiæ legendum sua auctoritate tradidit: assumpto itaque quod ipse concesserat euangelio, perrexit Aegyptum, & primus Alexandriæ Christum annuncians ecclesiā constituit, ita D. Hieronymus.

2. **EUSEBIUS** verò historiæ ecclesiasticæ lib. 6. cap. 1. hanc rem ex eodem Clemente, sic tradit. Cum Petrus Romæ publice prædicasset verbum dei, & in spiritu exposuisset euangelium, auditores rogasse Marcum, qui olim iam sectator ipsius fuisset, conscribere ea, quæ sciebat ab apostolo prædicata; cumq; id factum Petrus postmodum cognouisset, licet fieri ipsum non iusserit, tamen factum non prohibuit.

3. **SEPTIMIUS** Florens Tertullianus Afer apud Carthaginem proconsulari patre natus acerrimi ingenij vir, quem Cyprianus martyr præceptorem solitus est appellare, & Lactantius in omni literarum genere peritum fuisse scribit; & Eusebius Cæsariensis omnium ecclesiarum sermone, dum adhuc viueret, celebratum asserit, in libro de præscriptionibus aduersus hæreticos sic ait; Si autem Italiæ adiaces, habes Romā vnde nobis quoque auctoritas præsto est. Felix ecclesia, cui totā doctrinā Apostoli cū sanguine suo perfuderunt: vbi Petrus passioni dominicæ adæquatur: vbi Paulus Ioannis exitu coronatur: vbi Apostolus Ioannes postquam in oleum igneum demersus nihil passus est, in insulam relegatur.

Idem in eodem libro paulo ante retulerat: Hoc enim modo ecclesiæ apostolicæ census suos deferunt, sicut Smyrncorū ecclesia habens Polycarpum ab Ioanne collocatum refert: sicut Romanorum Clementem à Petro ordinatum edit, proinde vtiq; & ceteræ exhibent quos ab Apostolis in Episcopatum constitutos apostolici seminis traduces habent.

4. Idem libro 4. aduersus Marcionem. Videamus (inquit) quod lat à Paulo Corinthiij hauserint, ad quam regionē Galatæ sint recorrecti: quid legāt Philippenses, Thessalonicenses, Ephesij; quid etiam Romani de proximo sonent, quibus Euangelium & Petrus, & Paulus sanguine quoque suo signatum reliquerunt.

Idem in libro de baptismo: Nec quidquam refert inter eos, quos Ioannes in Iordane, & quos Petrus in Tiberi tinxit.

Idem in libro Scorpiaco aduersus Gnosticos: vitas Cęsarum legimus, orientem fidem Romę primus Nero cruentauit, tunc Petrus ab altero cingitur, cum cruci adstringitur: tunc Paulus ciuitatis Romanę consequitur natiuitatem, cū illic martyrij renascitur generositate.

CAIUS quidam vetustus scriptor cum Zephyrino Papa apud Eusebium historię Ecclesiasticę libro secundo capite 24. aduersus Proclum quendam cataphrygam hęreticum disputans ita ait: Ego trophęa Apostolorum habeo, quę ostendam; siue enim via triumphali pergas, quę ad Vaticanū ducit, siue via ostiensi, trophęa eorum inuenies defixa, quibus ex vtraque parte locatis Romana communitur ecclesia.

ORIGENES libro 3. explanationum in Genesim ait: Petrus in Ponto, Galatia, Bithinia, Cappadocia, & Asia dispersis Indęis prędicasse videtur, qui & circa vitę finem Romę constitutus capite demisso cruci est affixus, eo quod ipse hunc passionis modum expetisset.

DIVVS: Cyprianus Episcopus Cartaginensis martyrio, doctrina, & sanctitate illustris, epistola tertia libri primi ad Cornelium Papam scripta de ecclesia Romana loquens ait: Nauigare insuper audent ad Petri Cathedram, atque ecclesiam Principalem, vnde sacerdotalis vnitas exorta est.

Idem epistola 2. libri 4. ad Antonianum. Factus est Cornelius Episcopus de Dei & Christi eius iudicio, cum nemo ante se factus esset, cum Fabiani locus, idest, cum locus Petri, & gradus cathedrę sacerdotalis vacaret.

Idem in libro de vnitate Catholicę ecclesię, de Romana ecclesia loquens ait: Qui cathedram Petri, super quam est ecclesia fundata, deserit, in ecclesia se esse non confidat.

PETRVS Archiepiscopus Alexandrinus, quem gręci sacrum martyrem vocant, regulas quasdam edidit ab illis obseruandas, qui minus constantes in martyrio fuissent, in earum nona sic ait. Petrus Apostolus pręfectus sæpe captus & coniectus

in carcerem, & ludibrio habitus postremo Romæ affixus est cruci: æque etiam splendidissimus Paulus in eadem Vrbe capitali supplicio est affectus.

Dicamus cunctos hos præstantissimos patres mentiri: falsamque vulgi opinionem secutos, qui omnes ante pacem ecclesiæ datam persecutionum tempore vixere, cum adhuc Petri prædicatio in memoria scripta permaneret.

ARNOBIVS Afer Rhetor in eo opere, quod aduersus gentes scriptum reliquit, libro 2. Enumerari (inquit) possunt atque in vsum computationis venire ea, quæ in India gesta sunt, apud Seras, Persas, & Medos, in Arabia, Aegypto, Asia & Syria apud Galatas, Parthos, Phrygas, in Achaia, Macedonia, Epiro, in insulis ac prouincijs omnibus, quas sol oriens atque occidens lustrat, ipsam denique apud dominam Romam; in qua cum homines sint Numæ regis artibus atque antiquis superstitionibus occupati, non distulerunt tamen res patrias linquere, & veritati coalescere Christianæ: viderunt enim cursum Simonis magi, & quadrigis igneas Petri ore diffatas & nominato Christo euanuisse; viderant, inq; , fidenter dijs falsis, & ab eisdem metuentibus proditum pondere præcipitatum suo cruribus iacuisse præfactis: post deinde prælatum Brundum cruciatibus, & pudore defessum ex altissimi culminis se rursus præcipitasse fastigio: quæ omnia vos gesta neque scitis, neque scire voluistis, neque vnquam vobis necessaria iudicastis, ac dū vestris fiditis cordibus, & quod Typhus est, sapientiam vocatis, dedistis circumscriptoribus locum.

L. CAELIVS Lactantius Firmianus Arnobij discipulus Rhetor etiam, & declamator egregius, qui in postrema senectute Crispum Cæsarem Constantini filium liberalibus disciplinis erudiuit, vir omnium christianorum disertissimus in libro 4. de vera sapientia ad Constantinum maximum Augustum scribens capite 21. sic ait: Discipuli vero per prouincias dispersi fundamenta ecclesiæ vbique posuerunt, facientes & ipsi in nomine magistri Dei magna & pene incredibilia miracula, quia discedens instruxerat cos, virtute, ac potestate

qua posset nouę annuntiationis ratio fundari, & confirmari: sed & futura aperuit illis omnia, quę Petrus & Paulus Romę prædicauerunt: & ea prædicatio in memoriam scripta perman-
 it, in qua cum multa aliā mira, tum etiam hoc futurum ef-
 se dixerunt, vt post breue tempus immitteret Deus regem,
 qui expugnaret ludęos, & ciuitates eorum solo adæquaret:
 ipsos autem fame sitiq; cōfectos obsideret: & paulo post, Itaq;
 post illorum obitum, cum eos Nero interemisset, ludęorū no-
 men & gentem Vespasianus extinxit, fecitque omnia quę illi
 futura prædixerant.

EVS. LIB. I. V. S. Cæsariensis Episcopus vir in diuinis scriptu-
 ris eruditissimus, & in indaganda temporum veritate dirigen-
 disque rerum gestarum sæculis ita diligens, vt non erubuerit
 D. Hieronymus eius Chronicum multis etiam in fine additis
 interpretari, lib. 2. historię ecclesiasticę cap. 13. de Petro apo-
 stolo & Simone mago loquens. Hunc igitur (inquit) talium
 malorum patrem & opificem Simonem per id temporis mali-
 tiosa illa potentia, honestique hostis, & humanę salutis inimi-
 ca, tanquam magnum eximiorum ac diuinorum apostolorum
 aduersarium producens ad urbem maximam, ire compulit
 Romam, vt ibi potentissimis athletis domini ac Saluatoris no-
 stri Iesu Christi Apostolis in hoc ipsum, ab eo subrogatis, ob-
 stisteret: Verum diuina virtus & supra cęlestis gratia in maximo
 præcipue certamine ministris suis opem ferens per illorum
 apparitionem ac præsentiam accensam mali flammam conse-
 stem extinxit, humiliataque per eos ac deturbata quęuis subli-
 mitas, quę se contra Dei potentiam extollebat. Qua propter
 nec Simonis oblatio nec cuiusquam alterius illorum, qui
 tunc prodibant apostolicis illis tēporibus subsistere potuit. Ve-
 ritatis enim splendor ac diuinus ille sermo, qui iam pridem ho-
 minibus ob eorum salutem diuinitus illuxerat, in omnique
 terra obtinebat, per apostolos suos totius mendacij discussa ca-
 ligine ex humanis mentibus cuncta vincens ac superans, igno-
 rantię tenebras effugabat: prædictus vero magus confestim
 maius diuino quodam, & inopinato fulgore percussus, cæcita-

tem continuò male sanæ mentis incurrit. Qui postquam primum in Iudæa malitiose contra Petrum apostolum egisse deprehensus fuerat, maximè ac transmarino itinere ab oriente ad occidentem usque profugit, eam duntaxat fugam ad hoc satisfacturam ratus, ut animi sui sententia viueret. Urbem igitur Romam ingressus auxilio potentiae eius, qui in hoc seculo praesidet adiutus, plurimum brevi tempore conatus eius usque adeo profecerunt, ut decreto simulacro cum alijs illic constitutis velut Deus sit honoratus. (Sed non in longum permansit fraude qua ista diuinitas, euestigio namque sub ipso Claudij principatu optima illa Dei omnium & humano generi amica providentia probatissimum omnium apostolorum & maximum fidei magnificentia & virtutis merito reliquorum omnium principem Petrum ad Urbem Romam velut aduersus humani generis communem perniciem repugnaturum deduxit: ducem quidem & magistrum militie suae secentem diuina prelia gerere, & virtutum castra ducere: iste adueniens ex orientis partibus ut celestis quidam negotiator, diuina munus armatura, pretiosissimam spiritualis lucis negotiatione & salutarem animarum lucem ac doctrinam, praedicationem videlicet regni coelestis praedicans aduexit, salutarisque praedicationis verbo primus in Vrbe Roma euangelij sui clauibus ianuam regni coelestis aperuit: Igitur cum Romanæ vrbi clarum verbi Dei lumen fuisset exortum, confestim Simonis vnâ cum ipso potentia extincta est atque destructa: Sermo autem veritatis & lucis qui per Petrum praedicabatur, vniuersorum mentes placido illustrauit auditu, ita ut quoridie audientibus eum nulla vnquam satietas fieret.

Cap. 14.

Cap. 15.

Idem libro eodem cap. 23 de Petri & Pauli morte loquens sic scribit. Igitur Nero ut apertum se hostem diuinitatis, pietatisque professus est, ipsorum prius Apostolorum (quippe qui duces & signi feri erant in populo Dei) expetit neces. Et Paulum quidem capite in ipsa vrbe Roma truncauit, Petrum vero crucis patibulo condemnauit. Horum testimonium querere extrinsecus superfluum puto, cum rem gestam insi-

gnia vsque in hodiernum & splendidissima eorum monumeta testantur, illic enim cœmiteria habentur, in quibus Petri & Pauli nuncupatio adhuc vsque obtinet.

Idem in libro 3. de demonstratione euangelica capite quinto, ait, Petrus Romæ capite in terram verso cruci affigitur, & Paulo caput abscinditur.

Idem in chronico secundo anno Claudij: Petrus apostolus natione Galilæus christianorum pontifex primus cum primū Antiochænam ecclesiam fundasset, Romam proficiscitur, ubi euangelium prædicans 25. annis eiusdem Urbis episcopus perseverat. Idem paulo post: Ultimo Neronis anno, primus Nero super omnia scelera sua etiani persecutionem in Christianos facit, in qua Petrus & Paulus gloriose Romæ occubuerunt. Idem: Post Petrum primus Romanam ecclesiam tenuit Linus annis 11.

D. ATHANASIUS Alexandrinus Episcopus in apologia de fuga sua: Petrus quoque, inquit, qui ob metum Iudæorum in latebris se habuit, & Paulus apostolus in sporta demissus & ita fugiens, cum audissent oportere se Romæ martyriū subire, nō abiecerunt eam professionem, sed potius cum gaudio abierunt.

D. HIERONYMVS, quo nemo fuit in historiarum veritate indaganda diligentior, in explicanda eloquentior, cautior in conferenda; ille qui modo hoc fabulam, modo illud confictum mendacium, ut erat veritatis assertor ingenuus, dicere non verebatur, ipsius nempe illud est; quæ de diuinis scripturis testimonium non habent, eadem facilitate contemni qua probari; ipsius quoque in libro de uiris illustribus: Baptizati Leonis, rursusque in Daniele, Belis Draconisque fabula, hic ipse Hieronymus, ut sibi contrarius, ut malos secutus auctores in hac causa reprehenditur, vir certe ut omnibus latinis multorum iudicio præferendus, ita fortasse cuius græco, iudicio, doctrina & eloquentia comparandus. Hic, quod ipse in opere contra Iovinianum testatur, annis quadringentis elapsis à Christi morte, iam senex scribebat, ut certum sit ad id tempus, quo
primo

primo adolescens adhuc Romam venit à morte Petri; qui annis 35. post Christum vixit, non plus annis trecentis fluxisse, vt fere adhuc Romæ vestigia mortis Petri impressa essent; cum igitur locum illum in epistola ad Galatas tractaret, quo se scribit Paulus in faciem Cephæ restitisse, sic ait: Sunt qui Cephā non putent apostolum, sed alium de 70. discipulis isto vocabulo nuncupatum, & dicunt nequaquam Petrum a conuictu gentium se potuisse subtrahere, qui centurionem Cornelium baptizauit, & infra; maxime cum Lucas scriptor historiæ nullam huius dissensionis faciat mentionem, nec dicat vnquam Petrum Antiochiæ fuisse cum Paulo, & paulo post: Non mirum est, inquit, si Lucas hanc rem tacuerit, cum & alia multa quæ Paulus sustinuisse se replicat, historiographi licentia prætermiserit, denique primum Episcopum Antiochenæ ecclesiæ Petrum fuisse accepimus, & Romam exinde translatum, quod Lucas penitus omisit. Poterat vel hic tantum locus silentium imponere cuilibet secus opinanti; sed longe expressiora sunt, quæ in libris de uiris illustribus scripsit; vbi cum id tantum ageret, curaretque vir omnium diligentissimus, vt quæ de vno quoque certa erant, affirmaret, notaretque dubia, nequaquā sit verisimile aut vulgi tantum opinionem, aut quod Petrus ait, doctas fabulas secutum: præsertim cum id nequaquam de Hieronymo dici possit, quod passim nunc in Theologos, nec satis scio an falso iactant, non satis scilicet versatum fuisse hominem in sacris litteris, vt consequentia pugnātiaque non videret, sic vero in libro de uiris illustribus in vita beati Petri ait. Simon Petrus filius Ioannis prouinciæ Galileæ vico Bethsaida frater Andreæ apostoli & princeps apostolorum post episcopatum Antiochenis ecclesiæ & prædicationem dispersionis eorum qui de circumcisione crediderant in Ponto, Galatia, Cappadocia, Asia, & Bithynia, secūdo Claudij anno ad expugnandum Simonem magum Romam pergit, ibique 25. annis cathedram sacerdotalem tenuit vsque ad vltimum annum Neronis, idest 14. à quo & affixus cruci martyrio coronatus est, capite ad terram verso, & in sublime pedibus eleua-

*In Com.
cap. 2.*

tis,

tis, asserens se indignum, vt sic crucifigeretur vt dominus suus & paulo post : Sepultus Romę in Vaticano iuxta viam triumphalem totius orbis veneratione celebratur.

Idem in vita Pauli ait, Hic ergo Paulus 14. Neronis anno eodem die quo Petrus Romę pro Christo capite truncatus sepultusque est in via ostiensi anno post passionē Domini 37.

Idem in Clementis Papę vita, Clemens de quo apostolus Paulus ad Philippenſes scribens ait, cum Clementi & ceteris cooperatoribus meis, quorum nomina scripta sunt in libro vitę quartus post Petrum Romę episcopus, si quidem secundus Linus fuit, & tertius Anacletus, tamēſi plerique latinorum secundum post Petrum apostolum putent fuisse Clementem.

Idem super Esaiam cap. 52. inquit. Clemens vir apostolicus post Petrum Romanam rexit ecclesia.

Idem contra Luciferianos scribens ait, B. Ciprianus ad Stephanum, tunc Romanę vrbis episcopum qui à B. Petro 27. fuit.

Idem v. s. Ambrosius libro 3. capite 1. de Sacramentis, vtique ipse auctor est nobis huius assertionis Petrus apostolus qui sacerdos fuit ecclesię Romanę. Idem sermone 66. in natali apostolorum Petri & Pauli: Non enim sine causa factum putemus, quod vna die, vno in loco, vnius tyranni toleratiere sententiam, vna die passi sunt, vt ad Christum pariter peruenirent, vno in loco, ne alteri Roma deesset, sub vno persecutore, vt æqualis crudelitas vtrumque constringeret: dies ergo pro merito, locus pro gloria, persecutor decretus est pro virtute, & in quo tandem loco martyrium pertulerunt, in vrbe Roma, quę principatum & caput obtinet nationem, scilicet vt vbi caput superstitionis erat, illic caput quiesceret sanctitatis: & vbi gentium principes habitabant, illic ecclesiarum principes morarentur est.

Idem oratione in Auxentiū de Basilicis tradendis post epist. 32. Idem Petrus postea victo Simone cum pręcepta Dei populo seminare, doceret castimoniam, excitauit animos gentiliū, quibus cum quærentibus christianę animę deprecate

sunt,

sunt, vt paulisper cederet, & quamuis esset cupidus passionis, tamen contemplatione populi precantis inflexus est. Rogabatur enim, vt ad instituendum & confirmandum populum se reseruaret: Quid multa? nocte muro egredi caput, & videns sibi in porta Christum occurrere, Urbemque ingredi, ait: Domine quò venis? respondit Christus, venio iterum crucifigi: Intellexit Petrus ad suam crucem diuinum pertinere respòsum, Christus enim non poterat iterum crucifigi, qui carnem passionis susceptæ mortis exuerat, quod enim mortuus est, mortuus est semel, quod autem viuit, viuit Deo: Intellexit ergo Petrus quod iterum Christus crucifigendus esset in seruulo: Itaque sponte remeauit, interrogantibus Christianis responsum reddidit; statimque correptus per crucem suã honorificauit Dominum Iesum: Simonem autem à Petro in vrbe Roma videntem cum ex ipso Ambrosio in præcitato serm. 66. tum ex communis scriptorum omnium sententia planissime constat.

RUFINVS presbiter Aquileiensis diui Hieronymi contemporaneus in inuictiua contra eundem Hieronymum ait, Petrus per 24. annos Romanæ ecclesiæ præfuit,

OPTATVS Afer Episcopus Mileuitanus lib. 2. contra Donatistas: Ignorantia tibi adscribi non potest, & infra, Igitur negare non potes scire te in Vrbe Roma Petro primo cathedrã Episcopalem esse oblatam, in qua sederit omniũ apostolorum caput Petrus (vnde Cephas appellatus est) in qua vna cathedra vnitas ab omnibus seruetur, ne ceteri apostoli singulas sibi quisque defenderet, vt iam schismaticus & peccator esset, qui contra singularem cathedram alteram collocaret: Ergo Cathedra vnica, quæ est prima de dotibus, in qua sedit prior oĩbus Petrus, cui successit Linus, Lino successit Clemens &c.

EPIPHANIUS Salaminæ Cypriorum Episcopus contra Carpocratitas hæresi 27. ait. Etenim in Vrbe Roma fuerunt primi Petrus & Paulus apostoli iidem ac episcopi, deinde Linus &c. & paulo infra, Paulus postquam venerat Romam, in Hispaniam profectus est, Petrus vero Pontum & Bithiniã visitauit: & infra, Qui ambo 12. Neronis anno Romæ mortui sunt.

IOANNES Antiochenſis Epifcopus Conſtantinopolita-
nus ob eloquentiam Chryſoſtomus cognominatus, quo apud
græcos nemo eloquentior, nemo grauior, nemo conſtantior
fuit, in commentarijs epistolæ ſecundæ ad Timotheum cap. 4.
homilia 10. ait; Aiunt quidam hunc Linum ſecundum poſt
Petrum Romanæ eccleſiæ Epifcopum fuiſſe; ita ille: Quo in
loco verbum, aiunt, de quo tam multa verba perſuaſor facit,
vt etiam ad grammaticos deſcendat, præter id, quod de re
multis iam annis præterita aliter loqui non poterat Chryſoſto-
mus, patet etiam non ad Petri in Romana vrbe ſacerdotium,
ſed quod tunc agebat, ad Lini ſueceſſionem referendum eſſe;
dubitarique non vtrum Linus ſecundus fuerit à Petro Roma-
næ eccleſiæ pontifex, ſed an vnus idemque ille eſſet, de quo
Paulus in Epiftoła meminit, & is qui pontifex Romanus fuit.

Idem in demonſtratione aduerſus gentiles, quod Chriſtus
eſt Deus: Romæ, quæ inter alias vrbes maxime regia eſt, oĩbus
poſthabitis, ad ſepulchra piſcatoris & Coriathj curſunt reges.

Idem homilia in psalmum 48. Piſcator autem Petrus qui
virtutem eſt conſecutus, & ciuitatem maxime regiam (Roma
ſcilicet) occupauit, etiam poſt mortē reſplendet ſolē clarius.

Idem in commentarijs epistolæ ad Romanos c. 16. homilia
vltima ideſt 32. Ego & Romam propterea diligo, tametiſi &
aliunde quæam illam laudare nempe à magnificētia, ab anti-
quitate, à pulchritudine & multitudine, à potentatū, à diuitijs,
& à rebus in bello fortiter geſtis, ſed relictis iſtis omnibus ob
id illam beatam depredico, quod erga illos Paulus dum viue-
ret, adeo fuit beneuolus, adeo illos amauit, coram diſſeruit, &
poſtremo vitam apud eos finiuit, vnde & ciuitas iſta hinc fa-
cta eſt inſignis pluſquam à reliquis omnibus, & quemadmo-
dum corpus magnum ac validum, duos habet oculos illuſtres,
ſanctorum videlicet illorum corpora: Non ita cœlum ſplen-
deſcit, quando radios ſuos ſol ex ſe ſe dimittit, quemadmodū
Romanorum vrbs duas illas lampades vbiq; terrarum effun-
dens. Hinc rapietur Paulus, hinc Petrus, conſiderate & horre-
te quale ſpectaculum viſura ſit Roma Paulū, videlicet, repen-

te ex Theca illa cum Petro resurgentem in occursum Domini
 sursum ferri. Qualem rosam Christo mittet Roma? qualibus
 coronis duabus ornatur? Vrbs ista? qualibus catenis aureis
 cincta est? quales habet fontes? Propterea celebro hanc Vr-
 bem, non propter copiam auri, non propter columnas, neque
 propter aliam phantasiā, sed propter columnas illas ecclesię.
 Quis mihi nunc dabit circumfundi corpori Pauli, affigi sepul-
 chro, videre puluerem corporis illius, quę adhuc in Christo
 deerant, adimplentis? stigmata illius gestantis: prædicationem
 euangelij vbique seminantis? puluerem, inquam, oris illius, per
 quod Christus locutus est, per quod lux emicuit quouis fulgore
 clarior, & vox exilijs dæmonibus quouis tonitru terribilior, per
 quod beatū illud verbum locutus est: optabam anathema esse
 pro fratribus meis, per quod locutus est corā regibus, & nō est
 confusus, per quod Paulum didicimus, per quod Pauli dñm.

D. AURELIUS Augustinus Episcopus Hipponē. lib. 2.
 contra literas Petiliani Donatistę cap. 51. Verum tamen si
 omnes per totum orbem tales essent, quales vanissime crimi-
 naris, Cathedra tibi quid fecit ecclesię Romanę in qua Petrus
 sedet, & in qua hodie Anastasius sedet?

P. AULVS Orosius lib. 7. ca. 6. Tiberius, inquit, Claudius ab
 Augusto Quartus, regnum adeptus est; mansitque in eo annos
 14. exordio regni eius Petrus apostolus Domini nostri Iesu
 Christi Romam venit, & salutarem cunctis credentibus fidem,
 fideli verbo docuit, potentissimisque virtutibus approbavit,
 atque exinde Christiani Romę esse cœperunt: sentitque hoc
 collatum fidei suę Roma beneficium.

Idem eodem lib. ca. 7. primus Romę Nero Christianos sup-
 plicijs & mortibus affecit: ac pōēs prouincias pari persecutio-
 ne excruciarī imperauit, ipsumque nomē extirpare conatus, bea-
 tissimos Christi apostolos Petrū cruce, Paulū gladio occidit.

L. 10. Papa sermone primo de apostolis, Beatissimus Pe-
 trus princeps apostolici ordinis ad arcem Romani destinatur
 imperij, ut lux veritatis, quę in omnium gentium reuelabatur
 salutem, efficacius se ab ipso capite per totum mundi corpus

effunderet, & paulo post, iam populòs, qui ex circuncisione crediderant erudieras: iam Antiochenam ecclesiam, vbi primum Christiani nominis dignitas est orta, fundaueras: iam Pontum, Galatiam, Cappadociam, Asiã, atque Bithiniam legibus euangelicæ prædicationis impleueras, nec aut dubius de prouentu operis aut de spatio tuæ ignarus ætatis Trophæum crucis Christi Romanis arcibus inferebas, quo te diuinis præordinationib⁹ anteibât & honor potestatis, & gloria passionis.

An. 700. BEDA in libro de ratione temporum: Petrus apostolus cū prius Antiochenā fundasset ecclesiam Romam pergit, ibique 25. annis Cathedram tenet Episcopalem, idest vsque ad vltimum Neronis annum, & infra. Nero primus super omnia scelera sua etiam Christianos persequitur, quorum eximios Romæ Petrum cruce, Paulum occidit gladio.

Idem in commentarijs prioris epistolæ catholicæ Petri cap. 5. in fine Salutat vos Ecclesia quæ est in Babilone collecta, & Marcus filius meus: Babilonem typice Romam dicit, videlicet propter confusionem multiplicis idololatriæ; in cuius medio sancta ecclesia iam rudis & perparua fulgebat iuxta exemplum plebis Israeliticæ, quæ quondam parua numero, & captiuata super flumina Babylonis sedens absentiam sanctæ terræ desolebat, nec canticum domini in terra aliena cantare volebat: & paulo post: Marcum autem filium suum euangelistam dicit, qui eius in baptismo dicitur filius effectus, Vnde patet, & priusquam Marcum Alexandriam de Roma ad Euangelizandum mitteret, epistolam hanc scripsit; tempore autem Claudij Principis & Petrus & Marcus Romam venerunt, & ipse Marcus descripto Romæ euangelio suo Alexandriam missus est; vnde colligitur quia epistolam hanc Petrus dum quæritur vbi vel quādo scripserit, locus erat Romæ, tēpus Claudij Cæsaris.

An. 850. THEOPHILACTVS Bulgarorū Pontifex cuius commentarios recte quis Chrysostomi epitomas dixerit, nihil. n. ferè apud ipsum est nō à Chrysostomo sumptum, nam eadem prorsus repetit verba: corpus præterea Pauli, de quo eque ac de Petro negat persuasor Romæ quiescere, idem Chrysostomus ait in ea

actione

actione quam habuit contra obseruantes Neomenias. Nuper, inquit, cū Paulū laudarem, nō secus gestiebatis ac si ipsum vidissetis presentē, & quidē corpus eius in regia Roma positū est.

Hi sunt auctores, quorū fidei hęc veritas innititur; hos oēs redarguat necesse est, qui diu inclitam opinionē infirmare voluerit, istis obiicienda est sacrarū literarū ignorantia, acta Apostolorum & Petri Epistolas non satis diligenter euoluisse dicēdi sunt, quorū plerique vel in Paulum ediderant commentarios, vel proprijs commētationibus reipub. Christianæ mirum in modum profuerunt, dicendi erunt temporū rationem non habuisse, qui vt nos qua quidque etate gestū est, sciamus, labore & diligentia sua perfecerunt. Ad summū ea quæ penē videntur, dicendi sunt ignorasse: Enimvero si hoc temerariū, si omnino alienum à Christiana moderatione est, si denique impiū tot sacris auctoribus fidem abrogare, diuinis libris, vt satis patuit, non aduersantibus, eorū opinionī omnino est accedendū: Nec committendū est, vt vel odio in Romanū Pontificē, vel in mores Deo dicatorū hominū si fortasse à prisca seueritate discesserunt, mendacij alicuius patrociniū assumamus; studiū magis omne & cura ad id conuertenda sunt, vt vel nostris moribus castigatis cæteris exemplū vitę esse possimus, cū plerq; sciamus aliquando labentibus & pene iā euerfis Christianorū rebus morū magis integritate quam aduersus peccantes contumelijs & opprobrijs tulisse opem: Adhibenda est quidem seueritas orationis, paulo etiam incitatiores adhortationes habendæ, castigatio deniq; vehementior cū grauitate coniuncta, & hæc omnia, si ita prius nos instituerimus, vt cū ardua, cū difficilia; deniq; cum Christianæ religioni consentanea nos ostenderimus desiderare, nobis ipsis pareamus decretisq; nostris, nec cum vita pugnet oratio: Quod ii mihi facere videntur, qui non pia eruditione, sed cōuicijs & maledictis libros referciunt, si nō index vitæ morumque est oratio, satis patet eos qui mente effrenata, animoque præcipiti ad maledicendum feruntur, intensius æstu, tumultuque pessimorum affectum laborare. Quā autem diximus nihil nobis illis persuationibus persuasum esse, ratio,

rationem quoq; quare id dixerimus asserere necesse est.

Quæ ab Hæreticis contra Petri ad Urbem aduentum afferuntur, singillatim & per capita diluuntur. Cap. II.

- IN hoc libello grauissimis, certissimisq; & in sacra scriptura fundatis rationibus variis probatur, apostolum Petrum Romam non venisse, neque illic passum, proinde satis friuole & temere Roman. Pontifex se Petri successorem iactat & nominat. Liber hic duas habet particulas, quarum prior decem & octo comprehendit persuasiones, quod Petrus numquam post Christi passionem Romæ fuerit, & quod Hierosolimis & non Romæ passus sit. Altera particula septem habet cauillos, quibus Romana Curia illis persuasionibus occurrere consuevit, quibus tamen vicissim septem correspondent responsiones eos non aliter atque ruderata quadam dissipantes.

Prima Persuasio.

- CVM diligentissime euoluerim quotquot ad manum fuerant historicorum ac Theologorum, eosque non infimæ conditionis libros de aduentu Petri Romam, de passione, & auctore mortis ipsius, nihil aliud quam meras controuersias illic reperire potui, cum nemini fere cum altero satis conveniat, sed quilibet suum proferat iudicium, vel hoc solo suspectum, quod à cæteris dissentiat omnibus, & ut paucos commemoré è multis, Quidam in exordio imperii Claudii Petrum Romam venisse contendunt, quorum è numero est Orosius historicus non trivialis, Quidam anno Claudii secundo, & illi sunt Hieronymus & qui suæ innuntiantur auctoritati, Quidam anno eiusdem imperii quarto, atque est liber ille, qui temporum historias cum fasciculo quodam comprehendit, præterea ab his omnibus dissentit liber ille, qui sanctorum vitas enarrat, & copiter, passionale, nominat, Is. n. anno post passionem Christi 20. Petrum Romam applicuisse testatur, quod è anno tredecimo fuisse imperii Claudii, similiter quod annos infuli, & annos ab Urbe condita recesset, usque ad aduentum Petri Romam, vel eius passionem

ne q̄ mutuo pugnent, nemini obscurū est, q̄ enneades Antonii Sa-
 bellici historia p̄fitecū Platina, ipsumq; Orosiū viderit, Quæ q̄dē
 diuersitas, & si nil aliud esset testimonio, suspēctū tñ Petri Romā
 aduentū redderet, & falsā hanc p̄baret cōiecturā, qđ Petrus vnq̄
 Romę fuisset. Quę tñ adeo inualuit, vt tot sēculis, qui ei reclamare
 ausus fuisset, habuerit adhuc neminē: & parū absuit ne Romanen-
 sū aulicorū Tyrannis in fidei articulos eā retulerit, vt quod nulla
 ratione p̄bari pōtēst, sola necessitate credi videat: Accedit ad hoc
 licet neuter historicorū cū altero sentiat, tñ aduersus legē Christi
 quasi ex cōposito dēs decērtant, vt vel hoc vnū vanas eorū fabulas
 ac deliramēta p̄dat, quod cū Paulo apostolorū oīum in scribēdo
 totupletissimo; cū Luca Euāgelista sinul & apostolicarū actionū
 historiographo inexcusabiliter cōtendant, vt inferius liquido pro-
 babitur; si nulla est sacrę scripturę ad stipulatio qua id cōfirmari
 possit, & tā remota historia adeo confusa est, & fallax, nō stulte Pe-
 trū munq̄ post Christi passionē Romę fuisse crēdit. Alioqui si illic
 eū aliqñ fuisse verū esset, verō oīa, dicente Philosopho, cōsonarēt:
 At dissonante lege, dissidentibus mutuo historicis, quis nisi emotę
 mentis verū hoc aliqñ putauerit? Quanta sit, n. in tā vetustissimis
 rebus tā remotę historię fides argumento est Bartholomęus ille
 Platina, qui Romanorū Pontificū res gestas describens ac multo
 etiā posteriora istis tēpora tractans, sępius cōquæritur variationē
 historię, maiorū negle&ū, tēporū perturbationē, quibus districtus
 nihil interea affirmare audet. Nempe si Petrus Romanorū fuerat
 Ep̄us, dicat, quē sibi successorē nominauerit, & quis in locū ipsius
 fuisset suffectus? Si Linū dixerint, Latinorū turba obiter reclama-
 bit, quoue id probet, diē dicet, imo & Gręcorū plurimi in hac cau-
 sa Latinos nō destituent; Chrysostomo in secundā ad Timothęū
 epistolā dicēte, Hūc Linū aiunt quidā secundū post Petrū Roma-
 nę ecclesię Ep̄m fuisse. Donatus vero Terentianus interpres, in-
 quit, aiunt, vsurpatur de re incerta, q̄ nos dicimus esse falsam; Sin-
 aūr Clemētī hic honor dabitur, quod multis placet, plures adhuc
 erunt, q̄ id improbent, & hanc gloriā erga Linū reponant: Clemē-
 tē nō primō, nec secūdō, sed tertio gradu primū post Petrū statuē-
 tes, deinde Piusne Anicetū, vel Anicetus Piū p̄cesserit? Urbanus
 sub

„ sub Diocletiano ne, vel sub Aurelio Antonino degerit? Cornelius
 „ sub Gallo, an sub Volufiano, vel forte Decio paffus fit? hiftoria va-
 „ riat, nec aliquid certi de his rebus definiri pōt. Nec mirū ſi & mul-
 „ to his poſteriora tēpora, eorumq; geſta adeo ſunt hiftoricorū ſig-
 „ mentis deprauata, vt nemini poſthac integrū ſit res grauiores co-
 „ rū libris tueri, ſi quidē id meretur, vt habet prouerbiū, mendax, ne
 „ ſi vera tandē dixerit, ei credat. Porro ſi nec Theologi eadē hic ſen-
 „ tiunt, falſitas exinde illorū emergit: Diſcordia, n. in ſcriptoribus, vt
 „ dixit ille, testimoniū eſt falſitatis. Immo Auguſtinus veritatem ex
 „ eo cognoſci docet, ſi ſcriptores cōcorditer in ea cōuenerint, neq;
 „ vnus diſſentiat ab altero, vel a plurib⁹ plurimi. Et idē Auguſt. cū i.
 „ multis alijs locis ad Hieronymū & Fortunatū tū & hic ad Vincē-
 „ tiū de quorūlibet etiā ſanctiſſimorū hoīum ſcriptis loquitur. Hoc
 „ genus, inq; t, litterarū ab auctoritate canonū diſtinguēdū eſt, nō. n.
 „ ſic leguntur, tanq̃ ex eis ita testimonia proferātur, vt cōtra ſentire
 „ nō liceat: Et nos Theologis duntaxat in euſinodi rebus ex ſacrā
 „ ſcriptura nō deducibilibus & ex corū varietate dubitabilibus cre-
 „ dere nō adſtringimur, ſed nec Eccleſiē q̃dē, vt Thomas in qđ libe-
 „ tis diſputat: Ea ppr ad hunc modū ſermonē claudere licet, qđ Pe-
 „ trus nunq̃ poſt paſſionē Chriſti Romæ fuerit, de cuius aduētū il-
 „ luc diuina ſcriptura ſilet, hiftoria ſecum diuariat, Doctores minus
 „ digni ſunt, q̃ quibus hic credat, præfertim dū ita mutuo diſceptet.

Diſſuaſio Prima.

P RIMA igitur pſuaſio diuerſitati q̃ inter auctores eſt, inniti vř:
 Quæ argumentandi ratio parū valida eſt, qm̃ plurima quæ à
 præclariffimis hiftoricis memoriæ cōmendata ſunt, & ſane q̃ ve-
 riſſima, facillime hac ratione falſa eſſe aut oīno ficta probarent, cū
 nihil apud veteres hiftoricos magis deſideretur q̃ temporū ratio.
 Ceterū nos nihil inter veteres patres de Petri ad urbē aduētū di-
 uerſum eſſe iā diximus, Quod ſi maxime eſſet, non tū illico eſſet
 conſequens, falſum eſſe quod aſſerunt; Quot namque hiftorias
 legimus quas qui ſcripſere, non omnino in temporibus con-
 ſentiunt, cum de rebus ipsis nulla ſit ambiguitas, & vt omittamus
 cetera Romana, Græca & Barbara in temporum rationibus mirē
 diſcor-

discordantia; nonne idem in sacris historijs contigit? in quibus, quoniam neque Moses, neque Iesus naue, neq; Samuel, neque Esdras, neque auctores libri Regum, neque Euangelistæ, nec cæteri qui scripserunt, aut olympiadibus, aut annis, aut alia simili ratione (vt Græci Latiniq; scriptores annotarunt tempora) varia deinceps de rerum gestarum temporibus auctores, prodiderunt. In annis mundi constituendis, inter se ipsos Hebræi non consentiunt. Iosephus qui ab orbe terrarum condito vsque ad dilunium annos 1781. alias 2656. enumerat, ab Hebraicis biblijs dissentit, quæ 1656. edunt. Cum his non conueniunt 70. interpretes qui ante diluuium omnes 2262. aliàs 2242. profitentur, multa annorum centenaria supra Hebraica biblia addentes. Qui etiam in generationibus post diluuiū enumerandis, Cainam inter Arphaxad & Sala interponunt, quem lucas Euangelista cap. 3. commemorat, Hebræi non agnoscunt. Mo sen, scribit Tertullianus annis 300. ante Troiæ excidium fuisse; nongentis Lactantius, ducentis Eusebius, aliter alij. Quanta, bone Deus, in septuaginta Danielis hebdomadibus interpretadis est scriptorum controuersia? Aliter enim Africanus, aliter Hippolytus Portuens Episcopus, aliter Clemens Alexandrinus, aliter Origenes, aliter Tertullianus, aliter Apollinaris Laodiceus, aliter Eusebius, aliter Hieronymus ipse in commentarijs in Daniele, earum mysteria & tempora interpretantur. Postremo non minor de tempore mortis Iesu Christi controuersia est. Tertullianus, & qui illum secuti sunt Lactantius, Orosius, Paulus Diaconus, & alicubi, diuus Augustinus cum 31. ætatis anno mortuum scribunt. Ignatius, Augustinus alibi, Apollinaris, Victor Lemouicensis Episcopus, & ex recentioribus Petrus comestor, Marianus Scotus, Rogerius Bacco, Ioannes de Muro, Nicolaus Lyranus, Paulus Burgenlis, Ioannes Lucidus Gallus, Petrus Pitatus Veronensis anno 33. Ioannes Chrysostomus,

Niceta Græcus scriptor, Bedas; ex recentioribus, Albertus Magnus, Gerlandus Hlotharingus, Ioannes de Monte Regio, Bernardus Mutinensis, Campanus Nouariensis, Paulus Episcopus Forosempreniensis, Lucas Gauricus & alij 34. Irenæus vetustissimus auctor 40. alij, vt D. Augustinus tradit, 46. Quæ cum ita sint, si persuasoris argumentatio vera esset, neque mundus creatus, neque Moses vquam fuisset, neque Danielis hebdomadæ veræ, neque Christus passus esset, quia varia de his auctores prodidere. Quibus rebus nihil absurdius excogitari potest. Quum igitur tam varix sint, tamq; in multis diuersæ sententiæ, illud quidem fieri non potest, vt plus vna vera sit, nec tamẽ contra necesse est, vt falsæ sint omnes: quoniam non de re gesta, sed de tempore tantum dubitari contingit. Id vero quod nos quærimus de prima Petri professione ad Vrbem Romam, nihil habet controuersię. Hieronymus namq; & Eusebius anno Claudij secundo: Orosius per initia imperij eius venisse scribunt: quibus in verbis, quid contrarium sit, non video. Nam de fasce illo temporum à persuafore citato, & si is ego sum, qui non libenter de scriptore aliquo grauius iudicare velim, cum omnes quoad ipsorum fieri potest, pro communi hominum vtilitate laborēt: Illud tamen nunc cogor dicere, in fasce illo, non ordinis, non temporum, non denique veritatis vllam rationem haberi, & si singula exequi vellemus, in quibus peccasse conuincitur, doctis, vt opinor, superuacuum videri posset, apud quos iam eiusmodi de illo præiudiciū factum est; vt quosdam audierim, qui fascem mendaciorum, non temporum appellarent. Picus certe in defensione Origenis festiue simul & grauius opus illud exagitat. Nam de eo libro qui sanctorum vitas continet, à persuafore citato, superfluum est omnino loqui: cum & si in tempore non nihil variet, tamen non ideo res ipsas gestas falsas esse necesse sit. Eiusmodi igitur auctori, si quis in temporum ratione, fidem habere

habere voluerit , per me habeat , licet nos certè æmulos non habebit . ceteri verò qui posterius scripsere , & quos perſuaſor hic citat , Sabellicus , Platina , & alij , ab Hieronymo , Eusebio , Oroſioq; ne latum quidem vnguem diſſentiunt , vt ibi mirus ſit auctorum nemine diſſentiente , conſenſus , vbi hic noſter potiffimum ſuper eorum diſſenſione innitebatur . Imprudens igitur eſt argumentatio , vt ſiqua fuerit inter auctores in annorum ſupputatione diſcordia , quiſquam ob eam rem auſit affirmare Petrum nunquã Romam veniſſe . Nam quod Perſuaſor ait ; ſi Petrus Romanorum fuit Pontifex , dicant quis in locum ipſius ſit ſuſſectus . Nihil eſt quod facilius explicare poſſim , Clementem enim dicam ; & eo potiffimum auctore , qui proximus fuit temporibus Apoſtolorum Tertulliano inquã , in libro de præſcriptionibus aduerſus hæreticos . Qui cum aliquot Apoſtolicos viros enumeraffet (ſic enim ipſe diſcipulos Apoſtolorum nominat) qui præceptoribus in Pontificatu ſucceſſiſſent , ordinatum ſcribit à beato Petro Clementem Romanum Episcopum . Chryſoſtomus quoque in eo loco epistolę ad Timotheum , quem citauimus , Aiunt (inquit) ſecundum à Petro Linum fuiſſe Romanum Pontificem , ſciens ſcilicet priorem illo fuiſſe Clementem . Hieronymus porro in Petri , & Clementis vitis , nihil affirmat . pleroſq; tamen Latinorum ait , Tertulliano acceſſiſſe : alibi tamen Clementem Petro ſufficere videtur . Damasus in Petri , & Clementis vitis diſerte Petrum , Clementem ſucceſſorem ſuum in Episcopatu designaſſe ſcribit : quod infra latius aperiam : Enimvero ipſemet Clemens in epistola ad Iacobum Episcopum Hieroſolymitanum , ſi illam recipere velimus , illud ipſum quod Tertullianus , & Damasus ſcribũt , affirmat . demumque totidem ferè verbis repetitum eſt à Simeone , quem Græci Metaphraſten vocant . Addamus præterea Eucherium Episcopum Lugdunenſem , qui eadẽ etate , qua Auguſtinus vixit , non minus celebrem eloquen-

tia, quam sanctitate, qui in Epistola ad Valerianum ait: Clemens vetusta prosapia Senatorum atque etiam ex stirpe Cæsarum omni scientia refertus, omniumq; liberalium artium peritissimus, ad hanc iustorum viam transijt, itaque in ea excellenter effloruit, vt principis quoque Apostolorum successor extiterit. Nec in hac parte Græci à Latinis discrepant; etiam si aliqui dixerunt, in exercendo pontificatu, Linum, Cletumq; præcessisse; siquidem omnes consentiunt, viuentem adhuc Petro, qui ferè toto tempore suū pontificatus absens fuit, illos Romanæ Ecclesiæ curam gessisse. Mortuo deinde Petro, Clementem qui ab illo designatus fuerat, successisse, hoc Rufinus in prohemio interpretationis ipsiusmet Clementis recognitionum, compluresq; alij affirmauere. Quod si daremus nescire nos, quis Petro successerit, num idcirco statim sequeretur Petrum Romæ non fuisse? quæro quis locus hic sit arguendi? qualis sit hæc obiectio, quam si concesserimus, nihil tamen inferior causa nostra futura sit? quod rursus dicemus de illa nominum Pontificalium congerie, de quorum temporibus dubitat Persuasor noster. Quam tamen nos in historia Ecclesiastica nostra enucleauimus. Cæterum vt totam hanc controuerfiam expediamus, quæ de prima Romanorum Pontificum successione alibi scripsimus, hic subijcere commodum erit.

De ordine sex Pontificum Romanorū qui primi eam Ecclesiam gubernarunt.

QUVM de Lini, Cleti, Clementis, Anacleti, & Euaristi, qui post Petrum Apostolum Romæ Pontifices numerantur successione, diuersæ admodum veterum scriptorum sententiæ sint, alijs successores Petri, alijs vero Petri in Ecclesiæ gubernatione socios, & coadiutores eos appellan-
tibus,

tibus, alijs etiam Cletum pro Anacleto accipientibus, eorumq; seriem, alterum alteri varie preponendo enumerantibus: constitui, hoc loco ubi per suasor hanc mihi obtulit occasionem, breuiter de hac re verba facere: & quid vnusquisque veterum scripserit demonstrare. Vt rebus his accurate explicatis, ex singularum inter se collatione, quæ verior & probabilior sententia fuerit intelligatur. Varia enim hæc successio Pontificum apud eos esse videtur, qui de ea scripserunt, quam diuersis suis opinionibus ambiguum reddunt. Ego tamen probabiliorē sequutus opinionem, quæ Damasi Papæ est, reliquas omisi. De quibus omnibus nunc diligenter disputabo: vt singularum fundamentis, & auctoribus cognitis, vniuscuiusque ratio intelligatur, probabiliorq; ceteris suscipiatur: quum veritas vna fuerit. In his enumerandis opinionibus à vetustissima quæ Irenæi est incipiam. Is lib. 3. cap. 3. aduersus hæreses suorum temporum, hanc rem ita tradidit: Fundantes & instruantes beati Apostoli Petrus & Paulus Ecclesiam, Lino Episcopatum administrandæ Ecclesiæ tradidere. Huius Lini, Paulus in his quæ sunt ad Timotheum epistolis meminit. Successit autem ei Anacletus, post eum, tertio loco ab Apostolis Episcopatum sortitur Clemens. Clementi successit Euaristus, & Euaristo Alexander, ac deinceps sextus ab Apostolis constitutus est Xystus. Hanc Irenæi opinionem sequitur Eusebius tam in chronico, quàm in libris historiæ Ecclesiasticæ. Qui post Petri mortem Linum annis 11. vel 12. deinde Anacletum annis 12. postea Clementem annis 9. demum Euaristum annis 8. vel 9. Romanos Pontifices enumerat. In reliquis conuenit S. Hieronymus in libro de viris illustribus, in vita sancti Clementis Papæ. vtriusque sententiam sequi videtur quum ait: Clemens quartus post Petrum Romæ Episcopus, siquidem secundus Linus fuit, & tertius Anacletus. quanquam Tertullianus in libro de præscriptione aduersus hæreticos, diserte Clementem

IRENÆVS
Petrus
Linus
Anacletus
Clemens
Euaristus
Alexander.

EUSEBIUS
vs
vt supra.

D. HIERONIMUS
vt supra.

tem à Petro Episcopum Romanum factum fuisse tradit. Idem Hieronymus lib. 1. aduersus Iouinianum meliores auctores fortasse secutus Clementem statim Petro subiicit. Quod etiam facere videtur super Esaiam cap. 52. Optatus Afer Episcopus Mileuitanus libro secundo contra Donatistas, & qui ab eo accepit aduersus eosdem epistola 165. D. Augustinus, Irenæi, Eusebij, & Hieronymi sententiam ex parte secuti videntur, nam & ipsi cum iisdem Cletum Pontificem non agnoscunt, verum in eo discrepant, & veritati magis (vt opinor) adherent, quod Anacleto Clementem præponunt sic: Petrus, Linus, Clemens, Anacletus, Euaristus. D. Epiphanius lib. 1. Tomo 2. hæresi 27. Petrum & Paulum primos Romæ Episcopos facit. His Linum, Cletum, Clementem, & postremo Euaristum subiicit. In qua re ab Irenæo, & Optato differt, quod pro Anacleto Cletum habet, ab Optato vero, & Augustino tantum, quod eundem Cletum Clementi præponit. Sic autem scribit: In Vrbe Roma fuerunt primi Petrus & Paulus Apostoli iisdem & Episcopi, deinde Linus, deinde Clemens, qui contemporaneus fuit Petri & Pauli. Huius mentionem Paulus in epistola ad Romanos facit. & nemo miretur, quod ante ipsum alij Episcopatum assumpserunt, quum sub Apostolis hic fuerit contemporaneus Petri, & Pauli, nam & illi contemporanei Apostolorum fuerunt. Siue igitur, ipsis superstitionibus, à Petro accepit impositionem manuum Episcopatus, & eo recusato remoratus est. dicit enim in vna epistola sua, secedo ab eo, erigatur populus Dei. Hoc enim in quibusdam commentarijs reperimus: siue post Apostolorum successionem à Cletum Episcopo hic constituitur, non ita clare scimus. Verumtamen etiam hic potuit superstitionibus adhuc Apostolis Petro & Paulo, alios Episcopos constituisse; propterea quod Apostoli sæpe ad alias terras ablegabantur, propter Christi prædicationem. Non potuit autem Vrbs Roma sine Episcopo esse; Paulus enim in Hispaniam

OPTAT.
AVGVST.
Petrus
Linus
Clemens
Anacle-
tus
Euaristus
Alexan-
der.

EPIPHA-
NIVS
Petrus
Linus
Cletus
Clemens
Euaristus
Alexan-
der.

spaniam profectus est: Petrus verò sæpe Pontum, & Bithyniam visitauit. Possibile est autem, postquam discessit, ac recusauit Clemens (si modo sic factum est, rationem enim sic in eo non decerno) postea, post obitum Lini, & Cleti, quorum vterque ad 12. annos Episcopatum tenuit, post sanctorum Petri & Pauli obitum, qui contigit duodecimo anno Neronis, hunc rursus coactum esse ad recipiendū Episcopatum. Attamen Episcoporum Romæ successio hanc consequentiam habuit: Petrus & Paulus, Linus, Cletus, Clemens, Euaristus, &c. Hæc Epiphanius. Latinorum quidam (vt idem Hieronymus eo loco tradit) quorum primus est Tertullianus, secūdum post Petrum Apostolum putant fuisse Clementem. Quos ipse libro primo (vt dixi) contra Iouinianum, & in Esaiam securus est. Quum illic scripserit: Clemens successor Apostoli Petri scribit epistolas, omnemq; penè sermonem suum de virginitatis puritate contexuit. Hic vero Clemens vir Apostolicus post Petrū Romanam Ecclesiam rexit. Hos ex parte agnoscit Ioannes Pāpa III. in epistola decretali ad Episcopos Germaniæ & Galliarum: Vbi si autem (inquit) Petrus Princeps Apostolorum adiutores sibi adsciuit Linum, & Cletum, non tamen pontificij potestatem, aut soluendi, aut ligandi normam eis tradidit: sed Clementi successorī suo, qui sedem Apostolicam post eum, & potestatem pontificalem, tradente sibi beato Petro Apostolo, tenere promeruit. Linus vero & Cletus ministrabant exteriora, Princeps autem Apostolorum Petrus, verbo & orationi insistebat. Linum namque, & cletum nihil vnquam legimus ex pontificali ministerio, potestateue egisse: sed quantum eis a beato Petro præcipiebatur, tantum solummodo agebant. Illud inter Ioannem hunc & Tertullianum, Latinosque, quos citat diuus Hieronymus, & ipsum etiam Hieronymum discrimen est: quod quem illi Anacletum, hunc cum Epiphanio, & Damaso, Cletum Ioannes vocat. Tertulliani & Ioan-

LATINI
quidam

Petrus

Clemens

Linus

Anacle-
tus

Euaristus

Alexan-
der.

IOAN.

III.

Petrus

Linus

Cletus

Clemens

Anacle-
tus

Euaristus

Alexan-
der.

Rufinus et

Marian⁹

Scotus

vi supra.

nis

nis Tertij sententiam sequitur, auctor ille qui Rufini nomine vulgatus est, quique libros 10. recognitionum Clementis è Græco in Latinum vertisse traditur, qui ait: Quidam requirunt quomodo Linus, & Cletus in Vrbe Roma ante Clementem fuerint Episcopi, quum ipse Clemens ad Iacobum scribens, sibi dicat à Petro docendi cathedram traditam, cuius rei hanc accepimus esse rationem, quod Linus, & Cletus fuerunt quidem ante Clementem Episcopi in Vrbe Roma, sed superstite Petro, videlicet vt illi Episcopatus curam gererent, ipse vero Apostolatus impleret officium: sicut inuenitur etiam apud Cæsaream fecisse. vbi cum ipse esset præsens, Zacheum tamen ab se ordinatum habebat Episcopum. & hoc modo vtrunque verum videbitur, vt & illi scilicet ante Clementem numerentur Episcopi, & Clemens tamen post obitum Petri docendi suscepit sedem. Idem propemodum Marianus Scotus, antiquo in chronico, quod rudimentum nouitiorum dicitur, Sabellicus, & alij quidam recentiores referunt. Quam etiam opinionem confirmare videtur Anastasius Bibliothecarius, vel potius Damasus Papa in vita sancti Clementis, vbi ait: Hic ex præcepto beati Petri suscepit Ecclesiæ pontificatum gubernandum, sicut ei fuerat à Domino Iesu Christo cathedra tradita, vel commissa. quare in epistola quæ ad Iacobum scripta est, qualiter ei commissæ est à beato Petro Ecclesia reperies. Ideo Linus, & Cletus ante eum conscribuntur, quia ab ipso principe Apostolorum ad ministerium sacerdotale exhibendum sunt Episcopi ordinati. Quanquam verò in libro de Romanis pontificibus, qui Damasi nomine est publicatus, post Petrum statim Linus, deinde Cletus, quarto loco Clemens, quinto Anacletus, sexto Euaristus relati sint: id tamen ab Anastasio Bibliothecario, qui & Damasum suppleuit, vitas Romanorum Pontificum vsque ad sua tempora scribens, & librum Damasi multis de suo insertis, quemadmodum Paulus Diaconus de

Eutro-

ANASTASIVS
BIBLIOTHECARIUS
Petrus
Linus
Cletus
Clemens
Anacletus
Euaristus
Alexander.

Eutropio fecerat, non parum immutauit, præter Damasi sententiam factum fuisse ostendam. Nam ut ex Imperatorum, & Consulatum serie, quam in recensenda Romanorum Pontificum successione, religiose admodum Damasus & integre refert, liquet: quod Linus, viuentem Petro, Episcopatum Romanum administravit. Clemens Petro successit, huic Cletus, postea Anacletus, deinde Euaristus, demum Alexander, ut ego etiam in meis chronicis, & in hoc libro recte constitui. Quæ ita esse ut constet, Consulatum, & Imperatorum nomina, in meis Fastis diligentissime collecta subiiciam; iisque Damasi verba apponam, ut ex utriusque rei collatione, magis res ipsa elucidetur. Ordo igitur Imperatorum, & Consulatum sequens est.

DAMA-
SVS
Petrus
Linus
Cletus
Clemens
Anacle-
tus
Euaristus
Alexan-
der.

IMP. CÆSAR AVGVSTVS. sub quo natus est Iesus Christus.

TI. CÆSAR AVGVSTVS. cuius Imperij anno 19. Iesus Christus est crucifixus.

C. CÆSAR AVGVSTVS CALIGVLA quartus Romanorum post C. Iulium Cæsarem, princeps.

TI. CLAVDIVS CÆSAR AVGVSTVS GERMANICVS in cuius Imperij anni secundi fine, quum sanctus Petrus Apostolus Romam venisset, cathedram sacerdotalem tam sub eo, quàm sub eius successore Nerone, annis 25. tenuit. de quo ita scribit Damasus: sanctus Petrus ingressus est Urbem Romam Nerone (alias Claudio Cæsare, qui & ipse Nero vocatus est) ibique sedit in cathedra Episcopatus annis 25. Fuit autem temporibus Tiberij Cæsaris, Caij, Claudij, & Neronis. Martyrio vero cum Paulo coronatus est post passionem Domini anno 35. Ita Damasus.

FF

IMP.

IMP. NERO CLAVDIVS CAESAR AVGVSTVS GERMANICVS.

Anni/Anni

Xpi/Imp. Consules Romani sub Imperatoribus

56	1	Nero Cæs. Aug.	Verus	<i>Linus natione Italus, se- dit an. 11. menses 3. dies, 12. Fuit tēpore Neronis à Consulatu Saturnini & Scipionis, vsque ad Capi- tonem & Rufum Consu- les. ita Damasus Papa.</i>
57	2	SATVRNINVS	SCIPIO	
58	3	Nero Cæsar II.	Piso	
59	4	Nero Cæ. Aug. III.	Messala	
60	5	Apronianus	Capito	<i>Hoc anno 3. Kal. Iulij Petrus & Paulus oc- cisi sunt. D. Hierony. Eodem anno Linus epi- scopus martyrio coro- natus 9. Kal. Octobr. Damasus.</i>
61	6	Nero Aug. III.	Lentulus	
62	7	Pætus	Turpilian ^o	
63	8	Celsus	Gallus	
64	9	Regulus	Rufus	<i>Clemens natione Roma- nus, &c. Sedit annos 9 Fuit tēporibus Gal- bee et Vespasiani a cō- sulatu Tracali & Ita- lici usq; ad Vespasianū VII. & Titum (desst nota) V. Consules. ita Damasus Papa.</i>
65	10	Bassus	Crassus	
66	11	Nerua	Vestinus	
67	12	Paullinus	Telestinus	
68	13	CAPITO	R V F V S	
69	14	TRACALVS	ITALICVS	

His Consulibus 4. idus Iunij Nero Imperator se ipse interfecit.

SER. GALBA IMP. CAESAR AVGVSTVS.

70 1 Ser. Galba Aug. II. T. Vinius.

IMP. M. SALVIVS OTHO CAESAR AVGVSTVS.

A. VITELLIVS GERMANICVS IMP. AVGVSTVS.

IMP.

IMP. CAESAR VESPASIANVS AVGVSTVS ET TITVS CAES.

71 1 Vespasianus Aug. II. Titus Cæsar.

72 2 Vespasianus Aug. III. Nerua.

73 3 Vespasianus Aug. IIII. Titus Cæf. II.

74 4 Domitianus Cæsar II. Messallinus. *[S. Clemēs obiit*

75 5 Vespasianus Aug. V. T. Cæsar III. *mart. 9. Kal.*

76 6 Vespasianus Aug. VI. Tit. Cæ. IIII. *Decembris.*

Damasus.

77 7 VESPASIANVS AVG. VII. TITVS CAES. V. *Cletus natione*

DOMITIANVS CAESAR V. suffectus *Roman⁹ &c.*

sedit ann. 7.

mens. 1. dies

II. Fuit tem

78 8 Vespasianus Aug. VIII. Titus Cæ. VI. *poribus Vc-*

79 9 Verus. Priscus. *spasiani et Ti*

80 10 Vespasianus Aug. IX. T. Cæ. VII. *ti, à Consula-*

tu Vespasiani

VII. et Domi

tiani V. vsq;

ad Domitian.

IX. & Rufu

(deest nota)

II. Consules.

ita Damasus.

IMP. TITVS CAESAR VESPASIANVS AVG.

81 1 Titus Cæ. Aug. VIII. Domitianus

82 2 Siluanus Cæsar VII.

Pollio.

IMP. CAESAR FL. DOMITIANVS AVG. GERMANICVS.

83 1 Domitianus Aug. VIII. Sabinus.

84 2 DOMITIANVS AVG. IX. RVFVS II. *[S. Cletus obiit*

6. Kal. May.

vac sedes dies

20. Damasus.

FF 2 85 3 Do-

85	3	DOMITIANVS AVG.X.	SABINVS.	<i>Anacleus natione Græcus &c. sedit annos 12. menses 2. dies 10. Fuit tempore Domitiani à consulatu Domitiani X. & Sabini usq; ad Domitianum XVII. & Clemeni: Consules. Damasus.</i>
86	4	Domitianus Aug.XI.	Fuluus.	
87	5	Domitianus Aug.XII.	Dolabella.	
88	6	Domitianus Aug.XIII.	Saturninus.	
89	7	Domitian ⁹ Aug.XIII.	Rufus.	
90	8	Fuluus II.	Atratinus.	
91	9	Domitianus Aug.XV.	Nerua II.	
92	10	Traianus.	Glabrio.	
93	11	Domitianus Aug.XVI.	Saturninus	
94	12	Collega	Priscinus.	
95	13	Vorquatus	Clemens.	

96	14	DOMIT. AVG. XVII.	CLEMENS.	<i>S. Anacle⁹ obiit 3. idus Iulij. vac. sedes dies 13. Damasus.</i>
----	----	-------------------	----------	--

97 15 VALENS VETVS.

IMP. NERVA CAESAR AVG.	<i>Evaristus natione Græcus, &c. sedit annis 12. mensis 10. dies 12. Fuit temporibus Domitiani, Nerua, Traiani à consulatu Valentis & Veteris usq; ad Gallum & Braduà Consules. Damasus.</i>
------------------------	--

98 1 Nerua Augustus III. Rufus III.
 99 2 Nerua Augustus IIII. Traianus Cæsar II.

IMP. CAESAR NERVA TRAIANVS OPTIMVS AVGVSTVS.

100 1 Senecio II. Palma.
 101 2 Traianus Augustus III. Fronto III.
 102 3 Traianus Aug. IIII. Pætus.
 103 4 Senecio III. Sura II.

104 5 Tra-

104	5	Traianus Aug. V.	Maximus II.	
105	6	Suranus II.	Marcellus.	{ <i>S. Evaristus occisus</i> <i>6. Kal. Novemb.</i> <i>vac. sedes dies 18</i> <i>Damasus.</i>
106	7	Candidus II.	Quadratus II.	
107	8	Verus	Cerealis.	{ <i>Alexander natione</i> <i>Romanus &c.</i> <i>Fuit tempore Tra-</i> <i>iani, usq; ad Ae-</i> <i>lianum & vete-</i> <i>rum consules.</i> <i>Damasus.</i>
108	9	Senecio III.	Sura III.	
109	10	GALLVS	BRADVA.	{ <i>S. Alexander Papa</i> <i>obut 5. non. Mai.</i> <i>vac. sedes dies 25.</i> <i>cui subrogatus est</i> <i>Xystus. Damasus.</i>
110	11	Palma II.	Tullus II.	
111	12	Crispinus	Orfitus.	
112	13	Piso	Bolanus	
113	14	Traianus Aug. VI.	Africanus II.	
114	15	Celsus II.	Crispinus.	
115	16	Hasta	Vopiscus.	
116	17	Messalla	Pedo.	
117	18	ÆLIANVS	VETVS.	
118	19	Niger.	Apronianus.	

His Consulibus Traianus Imperator mortuus est.

Ex hoc ergo Consulum & Imperatorum indice à Damaso Papa tam accurate obseruato in Romanorum Pontificum annis, & temporibus recensendis, ordo quem in describenda hac successione obseruaui, satis manifestus est. quanquā ordinem ipsum à Damaso traditum, Bibliothecarius parum immutauit, Cletum Clementi præponendo. qui etiā caute legendus est; quum multa aliena, Damasi libello interposuerit, quæ enarrare modo superuacaneum est. His igitur omnibus constitutis, illud nunc superest, ut ostendam ordinem à cæteris seruatum, minus probabilē esse: Ter tulliani vero, & Damasi, firmū & legitimū. Quod discriminē ex Cleti, & Anacleti confusione, itē ex primaria Lini & Cleti institutione, Episcopi quique Romani Clementis successione ignoratione, accidisse existimo. Atque in primis ab Iræneo incipiā, quem Eusebius secutus est. Qui propter nominis similitudinē, vel Cletum omiserit, vel cum Anacleto confuderit: cum tam ex Damaso, quam ex Ecclesiastica traditione (quā omnibus auctoribus præpono) manifeste liqueat, Cletum ab Anacleto, nomine, patria, patre, rebus gestis, mortis tempore, & die, diuersum esse.

Ille enim fuit natione Romanus, Aemiliani filius, sub Vespasiano creatus, & initio Imperij Domitiani 6. Kal. Maij occisus. Hic vero natione Græcus, patria Athenienfis, patre Antioco, nouissimis Domitiani temporibus 3. idus Iulij interfectus. Vtriusque tanquam diuersi, festum diem, sancta mater Ecclesia adhuc diuersum celebrat. Quod si duo fuerunt Cletus, & Anacletus, totque annis singuli sederunt, quot referuntur; profecto post Petri mortem nulla ratione recte constitui poterunt, Linus, Cletus, Clemens, & Anacletus, quum 11. minimum anni superfluant. Irenæus igitur quanquam illis temporibus satis vicinus, aduenatamen & Græcus, ex nominum similitudine, falli potuit: ita ut Cletum cum Anacleto confunderet, eosque Clementi tanquam Pontifices præposuerit, quod illos à Beato Petro viuente, coepiscopos, siue coadiutores ordinatos fuisse intellexerat. Sed neque Latinorum veterum, quos D. Hieronymus citat, eiusdemque contra Iouinianum, & in Esaiam sententia omnino sequenda est, quanquam Clementem statim Petro subijciant, tum quod etiam ipsi Cletum cum Anacleto confundant, tum etiam quod Linum post Clementem Episcopum faciant, quum antè Clementem obierit. Eadem ratione neque Epiphaniij, neque Optati, vel Augustini opiniones (ut opinor) sequendæ sunt. Quanquam hi duo posteriores veritatem magis attigerint, Clementem Lino subijcientes. Ioannis III. Papæ sententia, quanquam ex parte vera, nequaquam omnino recta est, quod Linum & Cletum Pontificatu Romano omnino excludat, quia si ita esset, numerus annorum Pontificatus Cleti superflueret, quod est falsum. Multo minus Epiphaniij, Bibliothecarij, Platinae & aliorum quorundam sententias sequi debemus, qui Linum & Cletum Petro postponunt, & Clementem, utrisque subijciunt, asseruntque beatum Petrum Clementem quidem successorem suum designasse; verum ipsum, cum omnium modestissimus esset, Linum & Cletum

ante coepiscopos, siue coadiutores ordinatos, sponte sibi in tanto honore quanquam inuitos penè, ac reluctantes prætulisse, coegisseq; vtrunque ante se munus pontificatus obire, ne posteris hæc principatus ambitio perniciosi exempli haberetur. tamen eidem Petrus quasi ex testamento successionis locum tradiderit. Quæ si vera sunt, quanquam ab Epiphanio vt dubia referantur, aut pontificatuum tempora contrahere præter scriptorum sententiam necesse est, aut vnus omnino excludendus; vtrunque vero est perabundum. Neque ego vnquam existimarim Clementem onus sibi à Petro impositum, vlla ratione recusasse: præsertim quum eius rei multa in alijs Ciuitatibus exempla haberet; neque tanti fecisse malum, rudi adhuc, & simplicissima Christiana pietate posteriorum temporum exemplum, in suscipiendo pontificatu, qui tum potius cruciatus erat, vt Petri voluntatem non sine matura consideratione, & maxime necessaria causa negligeret: ipsumq; id parum considerate egisse ostenderet, Lino sibi & Cleto ob eam potissimum causam præpositis, præsertim quum hoc à nemine vetusto scriptore præter vnum Epiphanium, qui id dubitans dixit (quod sciam) referatur: quum eiusmodi inuentum renunciationis, tempore Cælestini V. Papæ tum primum confirmatum fuerit. Damasi igitur eiusdem Romanæ sedis Episcopi, viri doctissimi, & diligentissimi, qui tam accurate per Imperatorum, & Consulum seriem breues Romanorum Pontificum vitas (sancti Hieronymi rogatu) vsque ad sua tempora conscripsit, opinionem sequi tutissimum existimo: qui libris, archiujs, epistolis, actionibus, rescriptis, & alijs vetustis Romanæ Ecclesiæ monumentis instructissimus, ante mille & ducentos annos ex instituto hæc persequutus est. Quod vero de sacro missæ canone obijci posset, de Petro, Lino, Cleto, Clemente, &c. nihil efficit. Illic enim vt chorepiscopi, & Petri coadiutores ei statim subiunguntur, Clementi prælati, quum ante ipsum etiam si-

ne

ne summa tamen potestate Romanæ Ecclesiæ præfuerint. Linus igitur, quanquam omnino Papalem non habuerit auctoritatem, quum sub Petro vixerit, & duo simul supremi Pontifices esse non possint, vices tamen Petri in omnibus, eo absente, Romæ egit tanquam Episcopus: non ita claro, & manifesto adhuc tantæ potestatis usu, & munere. Cæterum quod ego Damasi sententiam secutus fuerim, aperte ex supra citato Consulium catalogo, Damasiq; verbis eisdem adiunctis, liquet. Quam Damasi, ex Tertulliano opinionem, D. Hieronymus contra Iovinianum, & in Esaiam, veteres illi, quos idem citat Latini, Ioannes III. Epiphanius alicubi, Optatus, & Augustinus ex parte, Rufinus item, Marianus Scotus, & alij recentiores, sequi voluisse omnino videntur: Sed ordinem ipsum, ex consulatuum ignoratione, non omnino intellexisse.

Secunda persuasio.

- PETRUM Romam venisse in exordio, vel secundo, vel quarto Imperij Claudij Cæsaris, hoc est octauo, nono, vel undecimo post passionem Christi anno dicentes, eorum in primis refellit opinio, qui Petrum in Oriente quinque, vel secundum alios, septem annis sese continuasse, tandem Antiochiam diuertentem, septem annis in Episcopali sede residisse, & in Ponto, Galatia, Bithynia, ac circumiacentibus Asiæ prouincijs, aliquam moram eum fecisse adstruunt. Non enim si id verum esset, Romam venire, nisi post quatuordecim aut quindecim annos, hoc est septimo, vel octauo Claudij anno potuisset. Quibus patrocinatur gestorum Apostolicorum scriptor Lucas cap. 15. controuersia enim inter quosdam de hæresi Phariseorum ex vna, & Paulum ac Barnabam ex altera parte, de circumcisione, obseruationeq; legalium habita, eas ob res discutiendas, in Hierusalem

salem illi descenderunt, & factum est conciliū Apostolorū, „
 & seniorum, inter quos Petro primæ loquendi porrectæ „
 sunt partes, quanquam Iacobi Hierosolymitanorum pres- „
 byteri sententiæ omnes tandem subscripserint, eiusq; ap- „
 probauerint oratiunculam. Quæ res manifestat Petrum „
 nondum Romam diuertere potuisse, sed vnà cum Iacobo, „
 & quibusdam alijs Hierosolymis mansisse, vel fortè in par- „
 tibus Iudææ Christum aliquandiu docentem Hierosoly- „
 mam tunc temporibus rediisse. Et tamen multorum est „
 opinio, Hieronymo super Epistolam ad Galatas dicente, „
 quod circiter decimum octauum annum post Christi in „
 coelum ascensionem, id factum fuisset. Quod facillimum est „
 creditu, si quis modo seriem rerum ab Apostolis gestarum „
 diligentius examinauerit. Cui ergo maior habenda fides, „
 Lucæ nè Euangelistæ, qui rebus ab Apostolis factis, vel in- „
 terfuerat ipse, vel à Paulo Apostolo cuius indiuiduus fuerat „
 comes, & quo præsentè hanc scripserat historiam erat edo- „
 ctus, an istis bellantibus muro historicorum, ac Theolo- „
 gorum opinionibus? Quod si id necessario mihi dabitur, „
 vt Claudij primum nono, aut vndecimo Imperij anno Pe- „
 trus Romam venerit, & ibidem vigintiquinque annis Epi- „
 scopatum tenuerit, iam non à Nerone, sed Vespasiano po- „
 tius martyrium passus fuisset, quod neminem adhuc vn- „
 quam vel dixisse, vel scripsisse comperi. Et hinc manife- „
 starium est, ad nonum Claudij annum, Petrum Romam „
 venire non potuisse. „

Diffusio Secunda.

Quid verò ad secundam persuasionem attinet, & si
 satisfacere poterant, quæ supra diximus, rursus tamen que-
 dam repetere non grauabimur. Ita à nobis digesta sunt
 Petri tempora, vt nouem annis post Christi mortem dixe-

rinus cum in Iudea, & finitimis regionibus permansisse.
 Demum anno decimo ineunte, Hierosolymis à fuga carce-
 ris profectum, Romam annua peregrinatione peruenisse,
 anni secundi Claudij fine, Christi vero 44, ibique propè
 quadriennio fuisse. Inde edicto Claudij, Roma exire co-
 actum, Hierosolymia, mortuo Agrippa, rediisse, vbi ex-
 equijs Beatæ Virginis, & Concilio Hierosolymitano inter-
 fuit. Quæ temporum accurata, certaq; distinctio, totam
 vno ictu persuasionem secundam labefactat. Mirifica de-
 inde sequitur persuasoris huius argumentatio, quoniam
 (inquit) anno duodecimo à Christi morte Hierosolymis
 erat Petrus, patet illum non antea Romam potuisse profi-
 cisci. At vero istud nos non dicimus, neque dicet Hiero-
 nymus, qui & secundo Claudij anno Romam profectum,
 & Hierosolymis duo de uigesimo à Christi morte fuisse feri-
 bit; vt nisi impudenter dicere velimus, Hieronymum sibi-
 met contrarium; necesse sit confiteri, Roma Hierosolymas
 reuertisse. Quod nos tunc accidisse dicimus, cum ab Vr-
 be expulsi fuere Iudei, quanquam vt apèrte in Pauli vita
 ostendimus, annus ille Claudij quintuldecimus à Christi
 passione, non decimus octauus fuit. sed faciamus eum etià
 decimus octauum fuisse, si Petrum Romæ quadriennio
 tantum primum mansisse constituemus, nihil illa nostræ
 sententiæ annorum digestio oberit. Liberrima porrò erūt
 nobis tempora de Petro iudicandi, à quintodecimo à Chri-
 sti morte anno, vsq; ad quintum & trigessimum. Nec enim
 vlla in Actis Apostolorum Petri mentio fit, post id tempus,
 in quo quæstio incidit de circumcisione. Quod vero legi-
 mus Petrum Romanum Pontificem annis vigintiquinque
 fuisse, miror quid in mentem venerit persuasori, opinari
 consequens esse, illum eo interuallo, non alio in loco quàm
 Romæ moram trahere potuisse. Quasi minus futurus fue-
 rit Romanus Pontifex, si quod Paulo contigit, cura omnium
 Ecclesiarum sollicitaretur. At verò Petrum assiduam non
 fuisse

fuisse Romæ, Hieronymus quoque, quod paulo ante diximus, Epiphanius, & Sophronius testatur. ille enim ubi secundo anno Claudij Romam profectū dicit, & cathedram annis viginti quinque tenuisse. rursus autem in epistola ad Galatās quæstionem illam de circumcissione, & congressum Petri & Pauli Hierosolymis, rejicit in annum duodevigesimum à Christi morte: cum tamen quintusdecimus meo iudicio sit, sextus scilicet ab eo quo primum Romam pervenerit. Nihil igitur obstant sacra litteræ, quin dicamus, & secundo Claudij anno Romam profectum, & octavo, Hierosolymitano Concilio interfuisse, & postremo Nerōnis, qui fuit à secundo Claudij, quintus & vigesimus, actum in crucem esse.

Tertia persuasio.

DE NIQVE quod ne nono quidem eiusdem Imperij Claudij anno, illuc venire potuisset Petrus, Tranquillus in Claudio est auctor, qui Christianos tunc temporis Romam fuisse pulsos scribit; Claudius, inquit, Iudeos, in pulfore Chresto, assidue tumultuantes, Roma expulit. Vbi Orosius addubitat vtrum contra Christum tumultuantes Iudæos coerceri, & comprimi iusserit, an etiam Christianos simul, velut cognatæ religionis homines voluerit expelli. Qui profecto si vel historiam rerum gestarum ab Apostolis, vel saltem Paulinas legisset Epistolas, non ambigeret Christianos Iudæorum impietate, & versutia Cæsarem, ac populum Romanum ad vindictam excitante, vnà cum eisdem Roma expulsos fuisse. Quippe vel Apostolo ad Romanos in epistola id testante: inter alios namque Christianos, quos saluere iusserat, salutate (inquit) Priscillam & Aquilam adiutores meos in Christo Iesu, qui pro anima mea suas ceruices supposuerunt, quos sanè nisi Christianos Apostolus

„ nouisset, in catalogo salutandorum Christifidelium, neuti-
 „ quam reposuisset; attamen quomodo Iudæus genere Aquila
 „ ille fuerat, quamuis in Christum vnà cum coniuge crediderit,
 „ nihilominus hunc tamen Lucas in Actibus Iudæū
 „ Ponticum nominat in hæc verba. Post hæc (inquit) egressus
 „ ab Athenis Paulus, venit Corinthum, & inueniens quēdam
 „ Iudæum nomine Aquilam Ponticum genere, qui nuper venerat
 „ ab Italia, & Priscillam vxorem eius, eo quod præcepisset
 „ Claudius discedere omnes Iudæos à Roma, accessit ad eos,
 „ & quia eiusdem erat artis, manebat apud eos, & operabatur;
 „ & nequis dubiter Christianos eos fuisse, addit Lucas in calcē
 „ capitis duo de vigesimi dicens, Iudæus quidam Apollo
 „ nomine, Alexandrinus genere, vir eloquēs, deuenit Ephesum,
 „ potens in scripturis, hic erat doctus viā Domini, & feruens
 „ spiritu loquebatur, & docebat diligenter ea, quę sunt Iesu,
 „ sciens tantum baptisma Ioannis, quē cum audiuisset, Priscilla
 „ & Aquila, assumpserunt eum, & diligentius exposuerunt ei
 „ viam Domini. Hæc Lucas ad verbum, & totum hoc caput
 „ declarat Priscillam, & Aquilam Christianos ex Iudæis factos,
 „ Roma vnà cum alijs expulsos fuisse. Quod iterum docent
 „ Paulinę litterę, quas nouissime iam vbi tempus resolutionis
 „ suę propinquauerat, ad vnice dilectum discipulum Timotheum
 „ suum miserat, saluta (inquit) Priscillam & Aquilam; vnde
 „ non solum Christianos, sed sincerissimos quoq; Christianos eos
 „ fuisse constat, vtpote quos Apostolus data modo occasione
 „ nunquam non salutabat. Nihil hic moror, quod Stapulensis
 „ tam in hac ad Timotheum, quàm ad Romanos epistola
 „ innouat, verba apostolica ad hunc modum exponens, saluta
 „ vos Priscilla, & Acyla, vel Prisca, & Acyla, Origenem,
 „ Chrysostomum, Ambrosium, & tot doctissimos alios interpretes,
 „ imo & veterem ipsam traductionem, cui in hac parte Erasmus
 „ nihil derogat, hic sequi malo. Quid restat igitur aliud dicere
 „ quàm Petrum ad nionum vsque Claudij annum

annum Romam non venisse. Qui enim illac veniri tunc potuerit, cum cæteri omnes cum Iudei, tum Christiani inde pellerentur, eosq; in tantum stomacharetur Roma; qui si post hac Romam aliquando venerit, ac viginti quinque illic delituerit annis, Vespasiano eius imputaretur martyrium, quod de benignissimo erga omnes principe, credere nefas est, & nemo est omnium qui hoc affirmare audeat.

Disuasio Tertia.

Qv o d de exturbatione Iudeorum ab Vrbe Roma scribunt Lucas, & Tranquillus, nequaquam de ijs Christianis qui ex gentibus conuersi essent intelligi debere, manifestis (vt existimo) argumentis ostendimus; quandoquidem, vt Tertullianus cæterique testantur, primus Nero Christianos pœnis affligi iussit, & tunc denique per tempora illius calamitatis meminerunt Christianorum, Tacitus, Dio, & Tranquillus, cum ante nulla apud ipsos gentis nostræ mentio sit. Petrus vero Priscilla & Aquila, & quotquot gente erant Iudæi tam Christiani, quàm Mosaiçæ religionis cultores, quorum nulla tunc apud Romanos distinctio erat, Roma coacti sunt discedere. Quòd si edicto Claudij vtriq; comprehensi essent, poterat quidem Tranquillus, vel certe Lucas, vt Iudæos, sic & Christianos nominare. Cum vero ego optimis argumentis constituerim, Petrum penè quadriennio ante Claudij edictum ad Urbem accessisse, indeq; sexto Claudij anno exactum fuisse, cunctis, quæ per suasor attulit, factum satis esse opinor. Quòd vero ipse ait de Aquila, & Acyla, miror hominem non vidisse, quod omnibus, & lippis notum, & tonsoribus est, vt Flacci vtar verbis, nihil illa inter se differre, & alterum Latinum, alterum Græcum esse, cum enim secundo nominis Aquilæ careant Græci elemento, similem effectum speciemq; esse scribit Fabius

b^{us} eius quod secundum est in nomine Acyla, quare quod
 nos dicimus Quintum illi *κωνιντος* Varrone quoque id at-
 testante, in initio libri quinti de lingua Latina, vt patet
 apud Iosephum de Cyrino, qui Quirinus est apud Latinos,
 licet apud Lucam Cyrenius legatur, & apud Paulum in
κωνιντος, qui est Quartus.

Persuasio Quarta.

PERGAMVS iam eo ordine ostendere ne ad vigesimū
 quidem annum post Christi passionem, vel in cœlum ascen-
 sionem, Petrum Romam venire potuisse. Quod ex verbis
 Apostoli, à suspicione apud Galatas sese purgantis clarissi-
 mum est: Dicit enim in ea quam ad Galatas dedit epistola,
 non à quoquam hominum, sed solo Christi munere Euan-
 gelicum ministerium sibi contigisse, & quod dixerat, ne
 cuiquam videretur falsum, probat, inquit, post miraculo-
 sam suam ad fidem Christi conuersionem, non in Hierusa-
 lem ad Apostolos esse profectum, sed protinus in Arabiam
 abiisse, tandem iterato Damascum repetisse; & tunc ter-
 tio loco primum tribus reuolutis annis, Hierosolymam vi-
 dendum Petri gratia petisse: post quindecim autem dies, quū
 Petrum & Iacobum fratrem Domini vidisset, iterum Hie-
 rosolymis relictis, in partes Syriæ, & Ciliciæ deuenisse. Qui
 deinde assumpto Barnaba, & Tito, post integros quatuor-
 decim annos rursus Hierosolyma rediit, quo Euangelium,
 quod in gentibus prædicauerat, cum his, qui videbantur
 columnæ conferret, & iterum Petrum vnā cum Iacobo,
 & Ioanne illic reperit, & sic certum est, totis illis septem-
 decim annis Hierosolymis, & in circumuicinis regionibus
 Petrum sese continuisse, nec vnquam Romam accessisse.
 Additis enim quatuordecim annis, post quos Hierosolyma
 reuersus erat ad annos tres, quibus proxime post conuer-
 sionem

sionem suam visitauerat Hierosolyma decem & septē an-
 ni proueniunt. Demum postquam Petrus aliquandiu ci-
 tra Paulum moraretur, Antiochiam veniens, in eum incidit
 quem ille accerrime illi oburgauit, & eidem in faciem re-
 stitit, eò quod non recte ambulasset ad veritatem Euange-
 lij, & simulationi non modo ipse fuit obnoxius, sed ad hanc
 alios quoq; iam tum pertraxerit: Dixi (inquit) Cephę co-
 ram omnibus, si tu cum Iudæus sis, gentiliter viuis, & non
 iudaice, quomodo gentes cogis iudaizare? Inter quam
 reprehensionem Petri, & pristinam eorum ab inuicem di-
 fessionem, aliquid temporis certe interuenerat. Ad hæc
 post Christi ascensionem, non mox Paulus Christum agno-
 uit, nimirum qui dum Stephanus saxi obrueretur, eneca-
 returq; assistens, mortem ipsius in delicijs habuerat, dicitur
 enim Actorum cap. 7. Testes autem deposuerunt vestimēta
 sua secus pedes adolescentis, qui vocabatur Saulus, & ipse
 met infra cap. 22. ad Christum queribundus loquitur; cum
 funderetur sanguis Stephani testis tui, ego astabam, & con-
 sentiebam, & custodiebam vestimenta interficientium illū.
 Vide quàm hoc tempus ab ascensione Christi ad vsque ob-
 iurgationem Petri Antiochiæ à Paulo factam, facile viginti
 etiam annos superet, quibus tamen Petrum certum est Ro-
 mę nondum ire potuisse, quamuis nec postea vnquam illic
 faerit. Verum demum hoc aduersarijs quod Petrus anno
 vigesimo Romam appulisset, iam ad tredecimum vsq; annū
 Imperij Claudij ille aduentus prorogaretur. Quod si huc
 trahantur 25. anni, quibus Romanam moderatus est Ec-
 clesiam, interim Vespasiani tempori eius mors irrogaretur.
 Quod omnes omnium historicorum libri, vt falsissimum,
 auersantur. Producamus huc Romanorum Imperatorum
 tēpora, quo res fiat euidentior. Lucas Euangelij sui cap. 3.
 anno Imperij Cæsaris Tiberij quintodecimo Christū dicit
 verbū Dei prædicare incēpisse, qui tandem post tres annos
 & aliquot menses, prædicationis suę mortē tulit, anno eiuf-
 dem

„ dem Imperij decimo octauo vel vltra, Tiberio, post passio-
 „ nem ipsius, anni tribus imperante, post hūc, C. Caligula an-
 „ nis tribus, mensibus decem, & octo diebus imperans, vita
 „ functus est. Claudius anno quartodecimo Imperij moritur.
 „ Nero totidem annos in Imperio expleſſe dicitur. Otho
 „ Saluius infra nonagintaquinque dies Imperium alteri cessit.
 „ A. Vitellius octo mensibus imperauit; post hunc Vespasia-
 „ nus sese Imperatorem præstitit, sub quo Christiani pacifi-
 „ ce Romæ degebant, nullis ab eo vexati persecutionibus.
 „ Quæ igitur iniquitas in tam benignissimum Principem hæc
 „ reijcere iniuriam, tanquam ille Petri interfecto aliquan-
 „ do fuerit.

Disuasio Quarta.

Nec ita multum laborandum erit in quarta (vt iste
 opinatur) persuasione, iam enim concessimus duodeuige-
 simo post Christi mortem anno, vt Hieronymus scribit, vel
 quintodecimo, vt ego accurate probaui, Petrum Paulūq;
 simul Hierosolymis congressos. Illud verò mirum est quod
 ait, certum est totis illis septemdecem annis Hierosolymis,
 & in collimitaneis regionibus Petrum sese continuisse, nec
 vnquam Romam accessisse; Vnde istud tibi adeo certum
 opinor, Petrus dum claudum curaret, claudus ipse euase-
 rat. Qui non potuerit tot annorum spatio Antiochia Ro-
 mam, rursusq; Roma Hierosolyma proficisci: quin etiam
 obiurgationem Pauli, quam iste anno vigesimo à passione
 accidisse auguratur; ego vero 15. fuisse supra probaui, in al-
 terum & vigesimum, si illi commodum sit reijciemus (mul-
 ta enim nos de iure nostro concedere persuasori constitui-
 mus) nihil nostræ oberit sententiæ, qui Petrum ab octauo
 Claudij anno 15. scilicet passionis Christi, vsque ad eius
 obitum, Antiochiæ commoratum fuisse iam diximus. At
 si

fi contentioſe agere animus eſſet , poteramus certè , vt Beda, ante primum Petri aduentum ad Vrbem omnia hæc accidiſſe contendere . Poteramus etiam cum his, quos Euſebius recitat, alterum Cephæ, alterum Petrum eſſe affirmare : quid quod Sophronius ille adeo laudatus à Hieronymo, Petrum etiam dicit ad Hiſpanias acceſſiſſe, nonne eodem itinere Romam proſectum poruiſſemus aſſerere, quod ſe facturum Paulus ad Romanos ſcribit , attamen id omnino vitare eſt animus, quod tantopere in alijs ducimus reprehendendum , cum perſpecta, ſcilicet, iamq; cognita veritate luèari. Accidit igitur hæc Pauli redargutio, non modo poſt id tempus, quo Petrus Roma proſectus eſt Hieroſolymas, verum etiam poſt ipſius Pauli cum Petro, Iacoboq; pacti conuentionem, cuius cum Lucas non meminerit licentia (vt Hieronymus inquit) hiftorici, mentio habetur in epiſtola ad Galatas . Hac igitur ratione quod perſuadori tantopere iniquum videtur, nulla fiet Veſpaſiano iniuria, cautumq; erit, ne eo nomine à quopiam tanti criminis expoſtuletur .

Persuaſio Quinta.

S V B hæc neque tunc temporis, quando Paulus Romanis ſcripſerat, Petrum Romæ fuiſſe, hæc ipſa epiſtola ad Romanos porrecta argumento eſt, quam quidem ſatis longo tempore ab Apoſtolo non fuiſſe deſcriptam . conſtat , in qua ipſa , vt Origenes meminit , omnibus numeris abſolutior fuerat , quam dum Corinthijs ſcripſerit , & idcirco poſt vtranque ad Corinthios epiſtolam hanc ſcriptam fuiſſe contendit Origenes . Athanaſius verò & poſt primam quoque ad Theſſalonicenſes , attamen alteram ad Corinthios , non mox poſt eam quæ prior eſt , exarauit . Apoſtolus, ſiquidem in ea quæ prior eſt, inceſtum quendam Corinthio-

” rinthiorum Ecclesiæ seniozem, qui cum vxore patris rem
 ” habuerat, acriter taxat, & ex vnitatem fidelium emancipan-
 ” dum præcipit, huncq; spiritui maligno in potestatem tri-
 ” buit, modo spiritus in diem Domini Christi Iesu saluus fie-
 ” ret. In altera verò, postquam ille resipuit, ac admissum di-
 ” gna compunctione, atque penitudine defleuit, rursus vni-
 ” tati membrorumque Christi communioni restitutus est.
 ” Ac tandem post missas ad Thessalonicenses litteras, vbi
 ” iam tertio Corinthum venerat, per Phœbem Cenchreen-
 ” sem feminam ad Romanos epistolam direxit, in cuius cal-
 ” ce multos fratrum nominatim saluere iubet, & qui pridem
 ” illius opera in Christum crediderunt, & qui quapiam in eū
 ” dexteritate vti sunt. Tum qui Ecclesiæ illius antistites, ac
 ” seniores fuerunt, veluti Narcisum, Andronicum, Iuniam,
 ” Priscillam, & Aquilam. qui igitur fieri potuit, si Paulus Pe-
 ” trum tunc Romæ fuisse credidisset, vt digna hunc salutatio-
 ” ne non dignaretur, cuius ille obseruantissimus esse, & nihil
 ” honoris ei non deferre pro sua canicie, & Apostolatus ho-
 ” nestate debuerat. sed ineluctabilis hæc est ratio, Petrū Ro-
 ” mæ tunc temporis non fuisse.

Dissuasio Quinta.

SEQUITVR difficile illud, & ineluctabile argumētum,
 quod ad Romanos scribens Paulus, Petrum non salutavit,
 omnino parum vrbane, & ab officio discedens: siquidem
 tunc Petrus Romæ fuit. Quid vero? peccatum ne Pauli
 confitebimur, qui nec ad Hebræos scribens, nominatim
 Iacobum salutauit? sed dicent neminem ibi salutari: for-
 tasse etiam Pauli negabunt esse epistolam. At Paulus mul-
 tas epistolas scripsit, quibus neminem singillatim salutauit;
 vt in duabus ad Corinthios, apud quos per annum & sex
 menses manserat; totidem ad Thessalonicenses, ad Galatas,
 ad

ad Ephesios, ad Philippenſes, ad Coloſſenſes, ad Hebręos, ad Titum, priore ad Timotheum, ad Philemonem. Quid igitur mirum, ſi in vna hac reliqua, ad Romanos data epiſtola, Petrum non ſalutauit? At dices, Eccleſiæ ipſius Doctores ſaluere iuſſit nominatim. Alio igitur confugiendum eſt. Nec enim illud dicere audebimus, aut inmemorem Paulum, aut ab eo Petrum contemptum. Fortaſſe per Phœbem miniſtram Eccleſiæ priuatim ſalutauit, aut priuatas Petro litteras ſcripſit, quæ cum multis alijs Paulinis epiſtolis interciderunt. Sed nec iſta perſuaſori quadrabūt. Cæterum cum is confiteatur, poſt ſecundam ad Corinthios, prioremq; ad Theſſalonicenſes epiſtolam, ad Romanos ſcriptam fuiſſe, cum iam tertio Corinthum veniſſet, ipſe idem ferè nodum ſoluit, qui ante implicuerat, quamquam rem ipſam non omnino aſſecutus fuiſſe videatur, quam nos breuib; expediemus. Illud enim ſcitu dignū, Paulum Neronis tempore multis annis poſt ſuam ex urbana cuſtodia liberationem nouiſſimam eorum, quæ extant, epiſtolam ad Romanos ſcripſiſſe. Quam rem cognitu iucundam, nec ab ullo (quod ſciam) hætenus probe cognitam, libenter hoc loco aperiemus. Cuius rei explicandæ occasione, breuiſſime tempora, quibus Paulus ſingulas epiſtolas ſcripſit, exponemus. De eo vero tempore quo Paulus epiſtolam ad Romanos dedit, paucis agemus.

Quatuordecim ſuperſunt Pauli epiſtolæ, plures enim edidit, quarum quæ prima eſt ſcripta ad Theſſalonicenſes eam per Timotheum, Tichycum Diaconum, & Oneſimū Acoluthum cum Athenis eſſet miſit, anno ſalutis 50. quod ipſe cap. 3. in ea epiſtola indicat. Actorum cap. 17.

Secundam ſcripſit poſtერიorem ad Theſſalonicenſes, Corinthi agens, per Titum Diaconum, & Oneſimum Acoluthum anno Chriſti 51. Actorum 18.

Tertiam epiſtolam ſcripſit ad Galatas, Ephesi agens, anno ſalutis 53. Actorum cap. 19.

Quartam epistolam scripsit, priorem ad Corinthios per Timotheum ex Epheso anno Christi 54. Act. cap. 19.

Quintam epistolam scripsit, priorem ad Timotheum ex Laodicea, quum Epheso discessisset, antequam in Macedoniam trajiceret, per Tichycum, anno salutis 54. Actor. cap. 20.

Sextam scripsit, posteriorem ad Corinthios ex Troade, post reditum ex Macedonia, per Titum, anno salutis 55. Actorum cap. 20.

Has porro sex scripsit, ante custodiam, in qua tum Hierosolymis, tum in Vrbe per quadriennium detentus est.

Romæ verò ex carcere, primum scripsit septimam ad Ephesios per Tichycum Diaconum Ephesum proficiscentem, anno Christi 59. Primo scilicet custodiæ Urbanae, quû biennio ante, post Claudij mortem, & Neronis Imperij initio, Petrus ad Urbem reuersus Romanam Ecclesiam constituisset, & Lino, Cletoq, Episcopis ordinatis, per Occidentem iter suum prædicando instituisset.

Octauam epistolam ex eadem custodia scripsit, posteriorem ad Timotheum Ephesi agentem, qua cum ad se euocat, eodem anno quo superiorem ad Ephesios. Hanc porro epistolam hoc tempore scriptam fuisse, & non (vt aliquot putarunt) paulo ante mortem, quia ipse dixisset tempus suæ resolutionis instare, ex eo liquet, quod multarum rerû in ea mentionem facit, quæ manifeste pertinent ad ea tempora, quibus ex Græcia nauigans Hierosolymis captus est, & Romam missus, quales sunt, Lucas est mecum solus, Tichycum misi Ephesum, quem certum est ex epistola ad Ephesios missum in Asiam, in hac prima Pauli captiuitate, & non vltima. Item saluta Priscam, & Aquilam, qui tunc erant Ephesi, Erastus remansit Corinthi, Trophimum reliqui inhrum Ephesi, quanquam ipse maximarum calamitatum pressura exterritus, se breui à Nerone damnatum iri & moriturum suspicaretur, quum dixit, mortis suæ tempus

pūs instare, & postea absolutus, ea verba quæ ante scripserat non expunxit. Liber enim dimissus decennio ferè superuixit.

Nonam porrò epistolam ad Philippenses scripsit, cum Timotheo ad se, ex Epheso reuerso, per Epaphroditum anno Christi 60.

Decimam epistolam ad Colossenses, paulo ante eius liberationem, cum Timotheo scripsit per Tichycum Diacōnum ad se ex Epheso reuersum.

Vndecimam ad Philemonem, per Onesimum Philemonis seruū, cum ea quæ ad Colossenses cum Timotheo scripsit, anno Christi 60.

Quo anno liber factus, Hierosolyma rediturus, Timotheum ex Italia præmisit, & ei ad Hebræos duodecimam epistolam dedit.

Tertiamdecimam ad Titum, ex Nicopoli epistolam scripsit, quum ex Asia rediisset, in Græciam, & Illyricum.

Qua ratione fit, vt in nulla epistolarum quas ex Vrbe scripsit, Petri mentionem fecerit, qui tum Roma aberat, nec ad eam quod sciamus, vsque ad nouissimum Neronis tempus redijt, quo cum Paulo occisus est. Hæc porrò cuncta in vitis Petri, & Pauli Apostolum à nobis editis, firmissimis argumentis ex Actis Apostolicis, & iisdem Pauli epistolis, antiquorum præbatissimorumq; patrum testimonijs promptis copiose probauimus.

Nouissimam vero eorum quæ extant, idest decimam-quartam epistolam; Paulus ad Romanos scripsit, ex Cenchreis Corinthiorum portu, per Phœben ministrum eius Ecclesiæ, anno circiter quinto, vel sexto, posteaquam ex Vrbe discesserat, Christi verò circiter 65. Nam liber factus, ex Italia, per Ionium in Græciam nauigans, Christi Euangelium per Illyricum, Epirum, Achaïam, insulam Cretam vbi Titum Episcopum constituit, Asiam, Syriam, postremo Hierosolymis, & in Iudæa prædicauit. Inde ex
Syria

Syria euangelizando soluens, confirmatis Asianis Ecclesijs, in Macedoniam, Epirum, & Illyricum redijt. Nicopoli ad Titum scripsit epistolam. Inde Corinthum tertiò petijt, vbi ad Romanos epistolam, vt supra diximus, fecit, circiter Neronis Imperij annum nonum, vel decimũ, quod cum multis argumentis, tunc hoc maxime probatur.

Certo certius est, eam epistolam ex Cenchreis Corinthiorum portu scriptam fuisse. At bis tantum paulum Corinthi fuisse in Actis Apostolorum legimus, in primis quũ ex Asia primum discessit, Actorum 17. vbi annum, & sex menses mansit: iterum Epheso digressus, Actorum cap. 20. paulo ante captiuitatem suam, vbi per tres menses fuit. Inde discedens, in Iudæam redijt, vbi captus, Romamque missus, biennio in carcere sub Nerone mansit. Inde liber factus, in Syriam redijt, mox in Græciam reuersus est, quod ipse indicat cap. 15. ad Romanos, eo consilio, vt Hierosolymis inuisis, Romam rediens, in Hispaniam nauigaret. At Corinthum tum tertiò venit. Primæ porrò vel secunda vice quibus Corinthi fuit, epistolam illam eum nõ scripsisse, magno est testimonio, quod Aquilam & Priscam quos Corinthum primum accedens inuenerat, Italia cum Petro à Claudio pulsos, honorificentissimo elogio tanquã de se optime meritos, & longa consuetudine coniunctissimos, salutare iubet, Romæ tunc commorantes, cum ait, salutate Priscam & Aquilam adiutores meos in Christo Iesu, qui pro anima mea, suas ceruices supposuerunt, quibus nõ solus ego gratias ago, sed & cunctæ Ecclesię gentium, &c. Qui vt ex Actis Apostolorum, & epistolis prima ad Corinthios, Epheso scripta, & ad Timotheum secunda Romã missa, apertissime intelligitur, à sexto anno Claudij quo Vrbe fugati sunt, vsque ad quintum Neronis, quo Paulus Vrbe liber factus è carcere exiuit, Romę nunquam fuerunt, quod ex eo liquet, quia eos anno Neronis quinto, Ephesi adhuc agentes, in epistola ex custodia ad Timotheum scri-

pta salutatur. Quo temporis interuallo, si ante captiuitatem suam epistolam illam Paulus scripisset, non salutasset illos tanquam Romæ commorantes, qui toto eo tempore in Græcia & Asia permanserunt, & nondum pro Paulo ceruices supposuerant, quos ille Corinthum primum veniens nactus est, cum Roma profugi in Achaiam peruenissent, ut Acta Apostolorum testantur. Si igitur (ut manifeste ostendimus) neque prima, neque secunda vice, cum Paulus Corinthum venit, scripta est ea epistola, illud consequens est, ut Neronis tempore exaratam dicamus, & longo tempore post eius liberationem, qua tempestate Petrus, ut dixi, Roma diu antea aberat, & propterea Petrum non salutauit, scribens ad Romanos, qui octo ante annis Urbem non viderat. Adijcit Origenes in commentarijs epistolæ ad Romanos, Priscam & Aquilam ex Epheso Romam rediisse, scilicet circa quintum vel sextum Neronis annum, Paulo iam liberato, & Vrbe absente. Quos ut de Ecclesia Christi optime meritos, ipse demum salutatur. Nec illud apertissimo huic argumento obstat, quod Paulus cap. 1. ad Romanos scribat: Testis est mihi Deus, quod sine intermissione memoriam vestri facio semper in orationibus meis, obsecrans si quo modo tandem aliquando prosperum iter habeam in voluntate Dei, veniendi ad vos. Desidero enim videre vos, ut aliquid impartiar vobis gratiæ spiritualis, ad confirmandos vos, id est, simul consolari in vobis per eam quæ inuicem est, fidem vestram atque meam. Nolo autem vos ignorare fratres, quia sæpe proposui venire ad vos, & prohibitus sum vsque adhuc, ut aliquem fructum habeam in vobis, sicut & in cæteris gentibus. &c. Et infra cap. 15. propter quod & impediabar plurimum venire ad vos, & prohibitus sum vsque adhuc. Nunc vero ulterius locum non habens in his regionibus, cupiditatem autem habens veniendi ad vos ex multis iam præcedentibus annis, cum in Hispaniam proficisci cœpero, spero quod præteriens videam

deam vos, & à vobis deducar illuc, si vobis primum ex parte fruius fuero. Quæ verba non nihil innuere videntur, Paulum Romæ ante eam scriptionem non fuisse, quod tamen ita esse non potest. Nam fuerat quidem; sed non liber, non sui iuris, vinctus (vt ipse dicit) in vinculis, in carcere, & ante multos annos quorum interuallo permotus, ea verba, perinde ac diutissime abfuisset, scribit. Accedit quod ea tam diligens enumeratio eorum quos salutat, prædicatio eius, vsque ad Illyricum facta, & eundi in Hispaniâ propositum (quæ omnia tempori quod ante carcerem fuit non correspondet) minime permittunt, alio quàm à nobis dicto tempore, eam epistolam scriptam esse. Enimvero quod persuasor dixit de ordine epistolarum Pauli ex Athanasio, fateor me nunquam opus illud Athanasij legisse, sed nec Hieronymus, qui omnium ferè eius ætatis commentationes enumerat, nec in Athanasij Epicedio Nazianzenus, nec is qui ferè illius auctoritate vitur Damascenus, eiusmodi commentariorum meminere: video autem Persuasorem credidisse commentarios Theophylacti, qui passim conuersi habentur, esse Athanasij, quod falsum esse, ex auctoribus qui in eo opere citantur, cautus lector animaduertere poterit, cum quidam illorum posteriores Athanasio fuerint. Deuenerunt autem ad manus meas Theophylacti commentarij in totum nouum testamentum Græce scripti, in quibus illi quoque sunt, qui Latine sub nomine Athanasij circumferuntur, ea præcipue de causa, quod ita ab interprete sunt inscripti, accedente etiam Theodori Balsamonis auctoritate. Quæ res autem errori causam dederit, satis constituere nondum potui.

Persuasio Sexta.

- ” ACCEDIT & istud, ad corroborandum quod Petrus
 ” ad ea tempora, quibus Paulus Romanis litteras destinaue-
 rat,

rat, Romæ non fuisset; quia diuus Ambrosius, super
epistolam ad Romanos in quibusdam vetustis codicibus
dicit se legisse, Narcissum illo tempore Romæ presby-
terum fuisse, cuius domum saluere iubet. hic tamen
(inquit diuus Hieronymus) officio peregriniungebatur,
exhortationibus firmans credentes. Quod sanctus
Nuperus Romanus presbyter nequitiam faceret, à
quo nihil tam est alienum quam verbi diuini prædicatio.
Et id propter velut claudus (vt Plautino vtat dieterio)
Sutor domi totos sedet dies cupediarum delicijs Vora-
trinam explens, nili forte ostentandæ pompæ causa ad
Lateranensē palatium interdum prorepat. Porro vt ad
rem veniamus, hic scito est opus, apud primitiuam Ec-
clesiam nullos fuisse qui dicerentur Summi Pontifices,
Cardinales, Patriarchæ, Archiepiscopi: Nempe quæ
duos solum Ecclesiasticos habuit ordines, presbyteros
videlicet, & Diaconos, vt ex ea claret, quam Philippen-
sibus Apostolus è Roma dederat epistola. Paulus (in-
quit) & Timotheus serui Iesu Christi, omnibus sanctis,
qui sunt in Christo Iesu, qui sunt Philippis cum Episco-
pis, & Diaconibus. nam iidem vocabantur presbyteri
Episcopi vel seniores, vt ex epistolis Paulinis est manife-
stissimum. Quin in Actis quoq; Apostolorum ad Ephe-
sinæ Ecclesiæ presbyteros inquit: Quia vos Spiritus
Sanctus posuit Episcopos regere Ecclesiam Dei, & Pe-
trus qui & ipse presbyter multarum Ecclesiarum fue-
rat, ad presbyteros dispersionis Ponti, Galatiæ, Cap-
padoriæ, Asiæ & Bithyniæ scribens, seniorem se nomi-
nat, dicens: Seniores, ergo qui in vobis sunt obsecro con-
senior, & testis Christi passionum. Ignorauerat credo,
tum adhuc superciliosum summorum Pontificum no-
men, vel abhorruerat planè. Et vt regrediamur ad
priora, presbyteri dicebantur, qui Ecclesijs veluti qui-
dam proceres præerant. Vnde Apostolus in priori ad

” Timotheum epistola : Qui bene (inquit) præfunt pres-
” byteri , duplici honore digni habeantur . & ad Titum :
” Huius rei gratia reliqui te Cretæ , vt ea quæ defunt
” corrigas , & constituas per ciuitates presbyteros , sicut
” ego præscripsi tibi . Igitur hic per Narcissum presbyte-
” rum , seniore , aut Episcopum Romanæ Ecclesiæ fuisse
” intelligimus . Qui non modo eius , sed & aliarum
” circumiacentium Ecclesiarum , & Christifidelium curā
” gerebat , cuius etiam familiam , ob ingenuas eius virtu-
” tes , Paulus salutare præcepit . Insuper Andronicus , &
” Iunia dudè septuagintaduorum Apostolorum numero ,
” vt Origenis est opinio , Romæ ea tempestate fuerant ,
” quos hac prærogatiua honoris , ad Romanos in epistola
” salutat Apostolus ; salutate (inquit) Andronicum , &
” Iuniam cognatos meos ; & concaptiuos meos , qui sunt
” nobiles in Apostolis , qui & ante me fuerunt in Christo
” Iesu . Adde Priscilla & Aquila , vt Ambrosij suffragatur
” auctoritas , non ociose Romam venerunt , qui quo-
” niam propensiores erant in deuotione , ideo ad confir-
” mationem Romanorum missi fuisse intelliguntur : de
” quibus ad hunc modum Paulus loquitur ; salutate Pri-
” scillam , & Aquilam adiutores meos in Christo Iesu , qui
” pro anima mea suas ceruices supposuerunt . Ea propter
” quid opus Roma tunc habuerit Petro veterano , & iam
” viribus defecto non conijcio . Nempè cum habuerit le-
” gitimum presbyterum Narcissum , Apostolos Christi do-
”ctrina insignes , Andronicum , & Iuniam , & cooperato-
” res in Euangelio non contemnendos Aquilam & Priscil-
” lam ; sed hoc citra omnem controuerſiam verum est ,
” quod Romæ tunc temporis non fuerit : nam si neminem
” non salutat eorum Apostolus , vel qui seniores fuerant ,
” vel qui cognati , & cogniti , quomodo vnum Petrum
” non salutaret , quo cum firmissimam amicitiam , & so-
” cietatem iam pridem iniuerat , & eius videndi desiderio
” antea

antea Hierusalem petere non dubitauerat? Et hinc apparet, vsque ad Neroniani Imperij tempora Petrum Romam non fuisse. Quod si viginti & quinque annis illic resederit, à quo tandem mortem passus est? Hic tussunt Romani Sy-cophante, non secus ac indocti quiq; cantores, qui locum fecerunt prouerbio, hesitatio cantorum (vt communiter dicitur) tussis est.

Diffusio Sexta.

N V L L A mihi cum persuasore controuersia est de Archiepiscopis, & Patriarchis, siquidem Apostolorum temporibus hæc nomina in Ecclesia non extitisse opinor, cum superessent ipsi Apostoli, ad quos omnia referebantur; sed & quandoque eisdem fuisse vocatos Episcopos, & presbyteros Hieronymus in commentarijs epistolæ ad Titum, dilucidius ad Euagrium scribens, nos admonuit: quanquam Tridentino Concilio decretum sit, nomina tantum communia fuisse, non vero officia: atque ad tollenda dissidia, & regendam multitudinem, toto orbe decretum fuisse, vt vnus ceteris præesset: quod item existimo postea de ijs quos nunc Archiepiscopos & Patriarchas vocant accidisse. Ordinatos scilicet ad tollendas controuersias, quæ in vnaquaque prouincia oriebantur. Hieronymus enim contra Luciferianos, & Byzacenæ, & Piceni Prouinciarum Episcopos nominat. Illud vero mihi commune est cum persuasore, quod iam diximus, Petrum eo tempore Romæ non fuisse, cum ad Romanos scripsit Apostolus. Quod verò Episcopum Romanum quempiam Narcissum nominat, vix mihi persuadere potest, eadem credidisse, quæ scripsit. diu enim credidi dum hæc legerem, Petro Urbis Romæ sacerdotio deiccto, & velut redacto in ordinem, vel Apostolum quempiam, vel aliquem ex ijs qui proxime ad Apostolos aucto-

ritate accedebant suffectum iri. In Vrbe enim totius orbis terrarum longè principe, & omnium penè gentium victrice, & rerum domina, quo ex omnibus regionibus infinita hominum multitudo confluebat, vbi statim ab ipsius Christiani nominis prædicatione conuentus, pro copia ciuitatis, amplissimi sunt instituti, vbi denique futurum erat, vt primo aduersus impetum, gladios, cruces, ignesque Neronis, non verbis iam, sed ceruicibus, & sanguine decertarent: consentaneum est, parem tanto oneri, & non solum moribus, & sanctitate, sed loco etiam, & auctoritate inter cæteros præcipue ordinatum. at hic noster, Narcissum quendam expiscatus est, vt duplicem iam de Narcisso fabulam habeamus, quem nec Ambrosius omnino affirmare audet presbyterum fuisse, sed tanquam vagum quendam, & vt ita dicam, peregrinum describit, qui sæpius vrbe egredere-
 tur, vt suis monitis Christianos in fide confirmaret: Cuius rei gratia etiam tunc abfuisse creditur, quum ad Romanos scripserit Paulus. Mirum præterea, cum adeo exacte omnes Romani Pontifices à doctissimis diligentissimisque viris enumerati sint, illi saltem fasciculo temporum, aut supplemento alicui, Narcissum, nec inter tot somnia, aliquando obuersatum. Quatuor certe insignes Ecclesias videmus, dum adhuc fides adolesceret celebrari, hæ potissimum fuere, quæ in splendidioribus, amplioribusque ciuitatibus congregatæ erant. Rationi quoque consentaneum est, quo plures mortales confluebant, ibi cæteris honoratiores fuisse præfectos. Quare qui fuere Pontifices eo ordine quo sibi singularim successerunt à maioribus nostris memoriæ sunt commendati, quod non item de cæteris accidit. Hierosolymis post Iacobum Simeon Iustus, Marcus, Cassianus, Publius. Alexandriæ, quæ ea tēpestare (vt Strabo, Iosephus, & Marcellinus testantur) post Romam principem locum in vniuerso orbe terrarum obtinebat, Marcus, Anianus, Abilius, Cerdol. Antiochiæ autem, vbi primo Christiani
 appel-

appellati sunt, post Apostolū Petrū Euodius, Ignatius, Heros. Similis quoque cura fuit Romanos Pontifices recensere, & eo diligentius, quo plus ceteris omnibus Vrbs ipsa præstabat. Cum igitur numerant Petrum, Clementem, Linum, Cletum, & qui sequuntur, quis istius Narcissi unquam nomen audiuit? Rogo quæ noua hæc fingendi licentia est, historiasque euertendi? ut quicquid nobis in mentem venerit (etiam contra receptas sanctorum opiniones, nec quicquam dissidentes à sacris litteris) illicò verum esse contendamus. Hac certe ratione nemo erit, qui non sibi ex cubiculo historiam possit proferre. Sed videamus, Persuasor hic, quibus argumentis utitur, Christum (inquit) prædicabat Narcissus: audio; Non Romæ, si credis Ambrosio. age verò Romæ etiam prædicauit, quasi non ceteri idem facerent, Andronicus, quem insignem inter Apostolos, & ante se in Christo fuisse Paulus scribit, Urbanus illius auditor, Prisca & Aquila, cæteri que complures, quos longum est enumerare: dicamus, & quempiam illorum, vel certe (si ita libuerit) omnes simul Romanos Pontifices fuisse? Dum Petrus exturbetur, turba non deerit eorum, qui Pontifices dici possint. At faciamus hos omnes & Pauli cooperarios, & si vis, presbyteros, & Episcopos: Non ob id, Roma Petro non indignisset? quasi nec Ephesijs Paulus fuisset utilis, etiam si Timotheum haberent Episcopum, aut Corinthijs prodesse potuisset, quod apud eos Apollo vir excellens esset. Frustra etiam ceteras ipse Paulus tum litteris, cum viua voce docuisset Ecclesias, in quibus aliqui presbyteri, & Episcopi viri egregij erant. Sed & Romam cur se venturum pollicetur, ut ijs impartiret donum aliquod spirituale, quandoquidem illic adesse nosset tam egregios & præceptores, & Episcopos? Quod si Pauli persona Romanis necessaria fuit, tamen si Roma tales haberet presbyteros, cur itidem non & Petri? Viribus defectus erat, inquit. Vnde hoc nosti? Quod si fuisset non eum ingenium destituerat,

tuerat, neq; Spiritus Sanctus, qui eum agebat, in eo loquebatur, eum conseruabat. Cetera persuasoris verba, parum ad institutum nostrum.

Persuasio Septima.

” Hic producam quod Apostolus ad Galatas narrat
 ” in epistola. Creditum est (inquit) mihi Euangelium præ-
 ” putij, sicut & Petro circumcisionis. Qui namque operatus
 ” est Petro in apostolatam circumcisionis, operatus est, &
 ” mihi inter gentes. tandem manifestat, quomodo pactus
 ” fuisset cum Iacobo, Petro, & Ioanne in synodo quæ Hiero-
 ” solymis super legalium obseruatione habita est, vt ipsi in
 ” circumcisionem, hic verò inter gentes cum Barnaba prædi-
 ” catum proficisceretur. Quomodo itaque tam cito Petrus
 ” pacti immemor fieri potuit, & alienas partes sibi vsurpare,
 ” cum Roma totius paganismi mater tunc fuerit? Quinimo
 ” si circumcisionis fuerat Apostolus, quomodo Romæ tot
 ” annis, si vsque ad Pauli videmus illuc aduentum, cum Iu-
 ” dæis nihil ei fuerat negotij? Adueniente namque illuc Pau-
 ” lo, vt Lucas in Actis Apostolorum ait, dicunt Iudæi ad eū:
 ” De secta hac notum est nobis, quia vbique ei contradicitur,
 ” rogamus etiam te audire, quæ sentis: nos enim neque lit-
 ” teras accepimus de te, neque adueniens aliquis fratrum nū-
 ” ciavit, aut loquutus est quid de te malum. Quos tandem
 ” copiosa illa, ac vberissima oratione sua alloquutus est Pau-
 ” lus à mane vsque ad vesperam, sermonem protrahens. E
 ” quibus aliqui dictis crediderunt, quidam vero renuerunt
 ” credere, & nunquam antea audita auribus audientes, ad in-
 ” uicem tumultuabantur, & multam inter se habebant quæ-
 ” stionem. Quid ergo Romæ tanto temporis interuallo fa-
 ” ceret Petrus, si Iudæis ea quæ à Paulo audierant, noua & in-
 ” audita videbantur, nec aliquem se prius audiuisse dixerunt,
 qui

qui eius sectæ instituta, & ritus eis declarasset? & proinde Paulum, vt quæ sentiat, diceret, velut vno ore postulabant omnes. Videat qui vult, quam sit tutum Romæ Petrum aliquando fuisse credere. „

Disuasio Septima.

QvOD adhuc maxima cum animi tranquillitate à me factum est, vt maledictis & calumnijs temperarem, id vsque ad calcem diligentissime me obseruaturum esse confido, quando nullo odio, stomachoue persuaforis huius, aut aliorum, sed veritatis amore, ad scribendum accessi. Enimvero si vnquam locus fuit in quo conuicijs agendum esset, hic potissimum occurrebat, vbi adeo manifestè verbis Lucæ contradicit, vt omnino ipsorum alterum mendacij reum oporteat constituere: ait namque Iudæos qui Romæ Pauli orationem audiuerunt, aliquos quidem credidisse, aliquos verò renuisse credere. Hactenus recte, quod vero subdit, & nunquam antea audita auribus audientes ad inuicem tumultuabantur, istud certe omnino apud Lucam non legi. Quinimo id quod magis contrarium videri possit, de heresi autem hac notum est nobis inquirunt, quod vbique contradicitur, quomodo ergo nobis notum, si antea inaudita? Nonne illud præterea certum est, Paulum cum ad Romanos scriberet, quorum fidem annunciari dicit in vniuerso mundo, plerosque esse omni scientia, vt ceteros admonere possent, id potissimum tentasse, vt Iudæos, Gentilesq; qui crediderant inuicem conciliaret. Nempe illi Iudæi erant, qui audito primum Petro, deinde ipso Paulo crediderant. Illa omnis Romana Ecclesia, fidem secundum Deum acceptam, referebat Petro. Et si enim, auctore Clemente, anno a Christi morte septimo, Barnabas Romæ Christum nunciauerat. Constat tamen ad paucissimos eius prædicationem peruenisse,

nisse. Nam quod ait Persuasor, si ita dixerimus consequens esse, vt Petrus temere in alienas possessiones inuaserit. Tam facilis obuiâq; est responsio, quàm obiectio ipsa leuis, & inconsiderata. Quæ & in ipsum persuasorem longe validius retorqueri potest. Nam si circumcisionis Apostolus erat Petrus, & non paruus circumcisorum numerus Romæ esset, vt ex Actorum nouissimò capite intelligitur, iure debuit, & ex pacto se Petrus Romam conferre, nimirum vt Iudæis Romæ agentibus prædicaret, præsertim cum Hierosolymis Iacobum reliquisset, Antiochiæ Euodium, Alexandriam Marcum misisset, Barnabam in Cyprio: Ioannem in Asia esse nosset. Insuper non ignoraret Paulum cunctas illas finitimas regiones sedulo perlustrare: qua ratione necesse fuit Petro Romam adire. At pactum illud non minus aduersus Paulum, quam contra Petrum facit. Quid enim ille tam cito pacti immemor, vbique Iudæorum Synagogas concionaturus ingreditur. Et primum statim finita illa synodo in qua pactum initum est Thessalonicæ Berrhoæ Athenis, Act. 17. Corinthi, Ephesi Act. 18. 19. Qua ratione fit, vt pactum illud ita intelligi oportere censeam, nō vt vtrique non licuerit, vbicunque commodum accidisset annunciare Euangelium, sed vt præcipua cura esset Pauli in gentibus, Petri autem inter Iudæos; alioquin circumscriptis sibi quibusdam veluti cancellis, Petrus ipse cæteris longe inferior inueniretur, quibus aliquo pacto interdictum non erat, vbi libuisset prædicare. Nonne & ipsa Babylon, & Arabia vbi annunciaſſe Petrum dixit se credere persuasor gentium erant, & non Iudæorum? Quin & Paulus deinde in synagogis, & Iudæa publice annunciauit. Notum est præterea quod Petrus dixerit in Actis: Vos scitis, quod ab antiquis diebus Deus in vobis elegit per os meum, vt audirent gentes Euangelij verbum. Num pactum Apostoli inirent, quod diuinis decretis esset contrarium, vt Petrus Iudæis solum, non etiam alienigenis Christum annuntiaret? sed hæc supra satis explicaui.

Per-

Persuasio Octava.

I AM ad ea vsque peruenimus tempora, quibus Iudæorum coactus insolentia Paulus, ad Cæsarem appellauit, ac Romam deductus, catenis horrendis in carcerem coniectus est, illicque in conducto suo, quod ei carceris fuerat loco, toto biennio permanfit. Nec profecto parua hæc erat mansio, vt Hieronymus in epistola ad Philemonem loquitur, ad quam Iudæorum turbæ quotidie confluebant. Nam suscipiebat omnes, vt in Actis Lucas scribit, qui ingrediebantur ad eum, prædicans regnum Dei, & docens quæ sunt de Domino Iesu Christo, cum omni fiducia sine prohibitione, allectans ad fidem Christi homines, vt verbis, ita & litteris: multos enim, eo concionante, non modo plebeos, sed & de regia Neronis, Christi fidem suscepisse, ipsius epistolæ ostendunt: ad Philippenfes enim è conducto suo scriptitans, salutant vos (inquit) omnes sancti, ac quidem maximè, & qui de Cæsaris domo sunt. Quin epistolas quoque aliquot in vinculis dictauerat, pia admonitione, & Christiana pietate plenas, ne Ecclesiæ Christi pulchrè ab eo institutæ, eius absentia, in deterius laberentur. Nam quos viua voce conuenire non poterat, scriptis tantisper admonibat, ne suæ professionis obliti, à Christo aliquando exciderent: præcipue Galatis, post pseudoapostolos retro à Christi fide, ac suis rudimentis abeuntibus, epistolam è Roma scribere non dubitauit; verbis etiam asperioribus eos commonefaciens, ne vafritia, & astu à Christo abduci sese paterentur. Deum obtestans, quod quæcunque illis in mandatis dederat, ea non ab hominibus, neque per homines nactus vnquam fuisset, sed sola benignitate Iesu Christi. nimirum quibus tam firmiter credi oporteat, vt si Angelus quoque, vel ipsemet, secundario ad eos aliquando venerit, ac diuersum quiddam docere voluerit profanum, ac ex-

„ crabile id fieret ; in qua epistola, Petri aliquot locis memi-
 „ nit, cuius testimonium in hoc negotio, vt Galatis quod di-
 „ xerat facilius persuaderet, mirum in modum illi fuerat ne-
 „ cessarium. Non tamen vsquam eius mentionem facit, an
 „ Romæ ipsum tunc habuerit collegam, vel si eis quæ scrip-
 „ serat, & ille subscribere voluerit. Qui certe si tum Romæ
 „ fuisset, saltem eius nomine eos salutasset, quo facilius tam
 „ eminentis Apostoli vocabulo permoti resipiscerent, & ab
 „ extranea doctrina segregati, ad mentem redirent quâdoq; .
 „ Attamen nihil horum fecerat Apostolus, quod maximo est
 „ testimonio, neque ea tempestate Petrum Romæ fuisse, cum
 „ tamen viginti quinque anni, vel secundum quosdam vigin-
 „ tiseptem à Christi passione, aut ascensione præterierint: cę-
 „ terum neque in ea, quam ad Ephesios Romę scripserat, epi-
 „ stola, vllam eius mentionem facit, cuius tamen hæc semper
 „ aliàs fuerat consuetudo, vt collegarum suorum nomine, in
 „ Christum credentes salutaret.

Disuasio Octaua.

Qv o d quattuor deinceps capitibus persuadere nititur
 persuasor, paucis omninoq; ijsdem verbis dissuaderi potest.
 Iam enim diximus, ab altero Neronis anno, quo Petrus in
 Urbem redijt, & constituta Ecclesia, Linoq; Episcopo or-
 dinato, recessit, vsque ad postrema Neronis tempora, eum
 ad Urbem non amplius reuertisse: quare nec quando Pau-
 lus à Iudæa vinctus in Urbem deductus est, Petrus Romæ
 erat. Accidit enim aduentus Pauli, tertio Neronis anno,
 vt in eius vita demonstrauius. Siquidem Lucæ Historiam
 vsque ad quartum vel quintum illius annum peruenisse di-
 xit diuus Hieronymus. Nec tamen ita diu Romæ perman-
 sit, profectus iterum in Orientem. Minime igitur mirum
 si in epistolis, quas Romæ Paulus conscripsit, nulla prorsus
 de

de Petro mentio habeatur. Hæc vero responsio, tres etiam sequentes persuasiones tollit. Illud tamen scitu dignum, epistolam ad Galatas ex Vrbe scriptam non fuisse, sed longè ante Pauli carcerem ex Epheso. Quod & antiquum argumentum Epistolæ indicat, & nos ex eadem epistola, in Pauli vita probauimus.

Persuasio Nona.

INDICIO sunt Petrum tempore Pauli Romæ non fuisse, & litteræ quas per Epaphroditum ad Philippenfes dederat Apostolus, in quibus multorum eos admonet, & quæ erga illum tunc temporis gerebantur, manifestat; maximè autem quantum illic in Euangelio profecerit, dicens, sua occasione Romæ Euangelium prædicari ab omnibus, eodè quidem impetu, quamuis diuerso studio. Quidam enim vinculis, & constantia ipsius animati, sincero affectu, & vera Christiana intentione fidem Christi omni timore exuto, inuulgabant. quidam vero sola cupiditate nocendi Paulo, ad Euangelizandum Christum trahebantur. putabant enim fore, quod Neronis Tyrannis, cui nomen Christi fuerat perosum, prouocata iracundia, Paulinæ gloriæ in Euangelio facefferet, ac Tyrannus in eum, vti eius professionis auctorem, grauius animaduerneret. Fit enim quæ maximè nobis nocitura sciuerint, siue hoc ad nostrâ perniciem inici palam euulgant. Tum ait Paulus, sibi non esse curæ, dum quouis modo Euangelium annuntietur, & Christus orbi innotescat, siue hoc ad vitam, siue ad mortem illi sit cessurum. Maluit enim cum Euangelij lucro mori, quàm ex profectu viuere. Res profectò miraculo digna, si Petrus tunc Romæ fuerat, quemadmodum multis iam annis inibi agere debuerat, quomodo Christi nomen tam moleste à Paulo Roma audierit, vt subornati in hoc etiam plerique

„ omnes dolosi, sub Christi prædicationis obtentu, Pauli exi-
 „ tium quærent. Num verò otiosus tot annis illic delitue-
 „ rat, & Christi occultauerat fidem Petrus, timens ne in eum
 „ sçuisset Tyrannus, vtque facilius eorum insidias qui aduer-
 „ sabantur Christo subterfugerit? Nam si annuatim Euange-
 „ lium Romę prædicauerat, ea res non debuit esse Paulo ti-
 „ mori, siquidem Roma tot iam annis antea Christum pa-
 „ tientissime à Petro audierit. Imo quantuncunque tumul-
 „ tuante Roma, Tyrannus ad vindictam irritaretur in Petrū,
 „ primitus resultasset hæc iniuria, vtpote qui caput eius ne-
 „ gotij fuerit. Ecquid igitur formidarat Paulus ne faba hæc
 „ in suo, quod dicitur, cuderetur capite, non video. Ad hæc
 „ in fine eiusdem epistolę subdit, salutant vos omnes sancti,
 „ maxime verò qui de Cæsaris aula sunt; maxime prorsus
 „ dicere debuit, Petrus omnium nostrum veluti quidam an-
 „ te signamus. En quam insicurum est dicere, etiam tunc
 „ temporis Petrum Romæ fuisse, dum Paulus captius illic
 „ teneretur, hac persuasione clarissimum est.

Diffusio Nona.

QVAM fallax sit argutia, quę ex eo loco petitur, quod
 non Petri nomine Paulus eos ad quos scripserat salutarit,
 opinor satis dilucide enucleatum fuisse, ex ea dissuasione,
 quam proxime supra attulimus; vnde nec operepretium
 erit, pro posteriori persuasionis parte, quicquam amplius
 in medium afferre. ad priorem tantum respondebimus,
 quę profectò nihil habet momenti, quo persuadere pos-
 sit, Petrum non fuisse Romæ. Neque enim repugnat, vt an-
 tequam Paulus Romam aduenisset, Petrus vna cum alijs
 illic Euangelium aliquandiu docuisset, quanquam pauco
 tempore permanserit, & idem tamen præsentia Pauli ma-
 gis inflammati, vehementius & ardentius id ipsum facerent,
 quod

quod ante ceperunt. An non experimur quotidie, ligna quę paulo ante in fornace lentius arserunt, per appositionem aridioris cuiusque materię, magis ac validius accendi? neque iam excitatum ardorem, prioribus lignis imputari, sed huic potius, quod postremo fuit adiectum? ita quid prohibet, quominus Christi prædicati iam recens exorta flamma, Paulo magis adscriberetur, quàm Petro, ceterisque qui Paulum in hoc negotio præcesserunt? ut interim sileam quantum ignis, præ ceteris omnibus concionatoribus, in ipsius Pauli pectore flagrabat: ut nemini mirum esse debeat, si per accessum Pauli, Euangelij prædicatio magis ac magis incaluerit. Sed & Iudæi maiori odio D. Paulum quam D. Petrum prosequabantur: Item quia falsis prophetis, & falsis euangelistis, qui ex Iudæis conuersi volebant circumcisionem, & legem simul cum Euangelio seruari, acerrime D. Paulus restiterat, & contra eos ad Galathas, & ad Hebręos, & ad Romanos scripserat: magno cum ex hac causa & maiori, quam D. Petrum odio prosequabantur. Postremo quid prohibet ita verba Pauli interpretari; ut, & si quę sibi persecutio excitabatur, communis erat cum Petro; sibi tantum id discriminis à pseudoapostolis creari tamē scripserit, quo eorum cœcam imprudentiam manifestiorem faceret, qui priuato in eum odio, Euangelij prædicatione abutebantur? Nihil certe ob eam rem quous iudex Petri dignitati ademptum existimare poterit, si suam causam agens Paulus, reticendum quod sibi commune erat cum Petro (ita fortasse re postulante, & tempore) sapientissime & vidit, & statuit.

Persuasio Decima.

COLOSSENSIBVS per Tychicum, ac Onesimum scribens „
Paulus, in recessu epistolę addit: Salutat vos Aristarchus „
con-

„ concaptiuus meus, & Marcus consobrinus Barnabę, & Ie-
 „ sus, qui dicitur Iustus, qui sunt ex circūcissione, hi soli sunt
 „ adiutores mei in regno Dei, qui mihi fuerunt solatio. Sa-
 „ lutat vos Epaphras, qui uestras est, seruus Iesu Christi: sa-
 „ lutat vos Lucas medicus charissimus, & Demas. Vide
 „ quam omnes nominatim enumerat, qui tunc ei aderant, &
 „ cooperatores eius erant in regno Dei. Hęc est Ecclesia Chri-
 „ sti: Gregorius enim, inquit, sępe in sacro eloquio, regnum
 „ cęlorum pręsentis temporis, Ecclesia dicitur. Et Christus
 „ apud Lucam: Regnum Dei (inquit) intra uos est. Quas
 „ ob res Paulus dicit: Si soli sunt adiutores mei in regno Dei.
 „ Quid ergo Petrus? nunquid tanquam veteranus quidam, ac
 „ emeritus miles in otium se receperat, ut non pro sua virili
 „ euangelicas adiuuaret partes, cooperatorque in regno Chri-
 „ sti non fieret? Quod de Petro sentire, horret animus: pro-
 „ inde non te habuit tunc Roma Petre: Nam si fuisses Romę,
 „ & Paulum eundem Christum prędicantem non iuueris,
 „ eius iam factionis fuisses Apostolus, quę non Christum edi-
 „ ficaret, sed destrueret, ac demoliretur: omne enim regnũ
 „ (Christo dicente) in se diuisum desolabitur, ac domus su-
 „ pra domum cęrruet.

Dissuasio Decima.

HVC persuasioni, eadem quę supra dissuasio facit sa-
 tis, Petrum per hęc tempora Romę non fuisse; qua in re
 cum persuasore ipso contentimus, tunc Petrum non fuisse
 Romę.

Persuasio Vndecima.

„ ONESIMVS, quem Phrygem genere quidam fuisse pu-
 „ tant, Philemonis Colossęi seruus, compilatis rebus quibus-
 „ dam

dam ipsius, Romam fugitiuus venerat, illicque Paulo de Christo concionante audito, Christi nominis factus est candidatus, ac baptismo in Christicolarum consortium ascitus. Porro ne quid labis pristinae scelestae vitae in eo remaneret, conscientiam Apostolo aperuit, & iniuriam quam domino suo intulit; rebus quibusdam illius surreptis, confessus est; quem Paulus, quia nimium adamarat, non sibi temperare potuit, quin protinus benigno, ac scito epistolio eum Philemoni reconciliasset, hanc sibi iniuriam in Philemonem bene meritis donari postulans, & si quid damni in re pecuniaria, aut alia quauis Onesimi profugio acceperit, pro eo se vadem ponens, omniaque se depensurum eius loco promittens, & in epistolij principio Philemonem Apphia uxorem ipsius, & Archippum Colossensis Ecclesiae Episcopum salutans, quo id facilius pro quo interpellauerat, ut sensu Chrysostomus, impetrasset, Timothei nomen adiungit, dicens: Paulus seruus Christi Iesu, & Timotheus frater Philemoni, &c. Cur hic Petri nomen in salutatione Paulus supprimit, si Timothei apposuit, qui facilius tam magni Evangelici praeconis auctoritate motus, offensam forte Onesimo condonasset? Proh pudet me tot saeculorum, quibus Pauline litterae tunc corrosc, situ, ac pedore foedate, intra angulos delituerant, passimque ab omnibus negligebantur, quarum lectio tot erroribus, ne in Ecclesia subnaicerentur, vel sola occurrere potuerit. Quid enim tam manifeste ostendere potuit; Petrum Romae non fuisse, quam haec ad Philemonem epistola, à Roma per Onesimum transmissa? sed nunquid forte Philemonem, & presbyterum Colossensem Archippum, nomine Petri saluere iubet Apostolus? ad finem epistolae properemus: Salutat te Epaphras (inquit) concaptiuus meus, Marcus, Aristarchus, Demas, & Lucas adiutores mei. O infelicem Petrum, si tum Romae fuerat, & Paulum in hoc honestissimo destituit negotio.

Dissuasio Vndecima.

SUPRA ostendimus, nihil ex ea argumentatione con-
 sequi, Petrum Romæ non fuisse, quod inde scribens Pau-
 lus, eius non meminisset: si quidem Romæ tunc eo biennio,
 neque longo tempore post fuit. & sanè quisquis observa-
 rit, quanta diligentia Paulus ubique suam tueri studeat au-
 ctoritatem, is facile perspiciet, quod neque etiam illud re-
 pugnaret Petrum Romæ tunc fuisse, & nihilominus Pau-
 lum nullam eius omnino mentionem fecisse. Quoties
 enim ad Ephesios litteras mittit, semel licet ad ipsam Eccle-
 siam, & bis ad Timotheum, eo loci commorantem, & ta-
 men Ioannis Apostoli, qui tunc erat Ephesiorum Episco-
 pus, nusquam meminit. Et rursus ex Italia scribens ad
 Hebræos, Iacobi tamen Hierosolymitanorum Episcopi nul-
 lam omnino mentionem facit. Sed & ad Ephesios quum
 scriberet è Roma, quemadmodum ante diximus, ne verbo
 quidem Timothei meminit, qui tunc Ephesi erat. Cæte-
 rum quum neque tanti fuisset ea res, quam Paulus ab ipso
 Philemone postularat, neque satis apparet, quam Petrus
 cum Philemone consuetudinem ante habuisset, nulla ratio
 videtur, cur Petri nomen in ea epistola debuisset adiungi.
 Inapte igitur hic persuasor exclamat inquiens, proh pudet
 me tot sæculorum, quibus Paulinæ litteræ, tincis corrosæ,
 situ, ac pèdore fœdatæ, intra angulos delituerant, passimq;
 ab omnibus negligebantur, quarum lectio, tot erroribus
 ne in Ecclesia subnascerentur, vel sola occurrere potuerit:
 quasi non essent hæ litteræ priscis illis Theologis noctu, diuq;
 manibus versatæ Origeni, Tertulliano, Athanasio, Chry-
 sostomo, Ambrosio, Hieronymo, Augustino, & cæteris
 Græcis, Latinisq; scriptoribus; quorum nemo ita oculatus
 fuit, ut hunc errorem deprehendere potuerit, quem iam

si Deo placet reperit velenus; quod si lectio sola causa fuit, cur ille his erroribus potuisset occurrere, mirum est quâ ratione tot, & tam præclara ingenia, quæ nulla in re, magis quam in Paulinis epistolis exercitata fuerunt, usque adeo cecutierint, ut non potuerint id deprehendere, quod tam acute reperit persuasor, tot scilicet locis Paulinis repugnare, Petrum vnam Romæ fuisse.

Persuasio Duodecima.

PERACTO iam dicto biennio, multisq; Romæ ad fidem Christi conuersis, ac epistolis hinc inde per Ecclesias transmissis, tandem Paulum in libertatem asseruit Nero, è compedibusq; dimittere fecit; quod ipsemet ad Timotheum testatur Paulus, dicens: Liberatus sum de ore leonis. Captiuitas etenim hæc intra hoc quinquenniū fuerat, de quo Traianum Imperatorem, Sex. Aurelius Victor dicere solitum memorat, procul distant cuncti principes à Neronis quinquennio, adeo enim comis, benignus, affabilis, & modestus quinque primis sui imperij annis Nero fuerat, ut de eo Tranquillus scribens, à pietate hunc imperij exordia fecisse dixerit, & tantum aberat, ut infra hoc quinquennium Nero morti deuoueret quempiam, quod moleste, & indignanter eis, qui mortis sententiam in aliquem pronunciauerint, pro consuetudine subscribere etiam fuerat solitus. Nam semel admonitus, ut in supplicio cuiusdam capite damnati, ex more subscriberet, quam vellem (inquit) nescire litteras. Hic igitur pro sua erga omnes beneuolentia, Paulum tunc temporis dimisit liberum; Reliquis autem nouem imperij sui annis, in omnem luxum, turpitudinem, truculentiam adeo se effudit, ut impietate omnes facile, sceleratissimos etiam homines superasset: quamuis Iosephus libro antiquitatum vigesimo, capite sexto, nimis incertam

„ de Nerone esse historiam tradat. Dicit namque, multi de
 „ Nerone historiam conscripserunt, quorum quidam pro
 „ gratia beneficiorum eius, neglexere veritatem, alij vero
 „ propter odium, & eius inimicitias, sic imprudenter men-
 „ dacijs inuoluti sunt, vt aperta reprehensione sint digni; ideo
 „ sequente iam Nerone, ac Tyranno, non Imperatore existen-
 „ te, post decennium iterum Paulus in vincula relapsus est, &
 „ peius quam vnquam antea ab eo habitus. Vnde epistolam
 „ illam, quæ ad Timotheum habetur, alteram, scribens, prio-
 „ ris captiuitatis meminit his fermè verbis: In prima mea de-
 „ fensione nemo mihi astitit, sed oēs me dereliquerūt, nō illis
 „ imputetur, Domin⁹ aut̃ mihi astitit, & cōfortauit me, vt per
 „ me p̃dicatio impleatur, & audiant oēs gentes, & liberatus
 „ sum ex ore leonis. Vbi tunc Petrus fuisse censendus est?
 „ Romæ re vera non fuit: alioqui Paulo causam pro capite
 „ apud Neronis tribunalia peroranti, & sese defendenti eum
 „ non adfuisse, iniquum prorsus fuisset. Quem si ex industria
 „ quoque dereliquerit, nulla excusatione deinceps dignus
 „ haberetur; Ego tamen millies tollerabilius iudico, Petrum
 „ nunquam Romæ fuisse credere, quam hanc calumniam,
 „ quod Paulū cōstituisse, in tam sublimem Apostolū reijcere.

Diffusio Duodecima.

HVC persuasioni, satis supra dissuasione quinta factū
 est, qua manifeste ostendimus, posteriorem epistolam ad
 Timotheum ex prima custodia Urbana scriptam fuisse, an-
 no scilicet quarto, vel quinto Neronis, quo certissime tum
 Petrus Vrbe diu ante absuerat. Quæ cum ita sint, super-
 fluum est quærere, cur Petrus Paulo coràm Nerone in sua
 defensione non astiterit. Insignis hoc loco annotatur per-
 suasoris error, qui in epistola ad Timotheum, vt ipse sentit,
 nouissimo Neronis tempore scripta, Paulū ea cōmemorare
 facit, q̃ decennio ante Romæ in prima custodia peregrisset.

Per-

Persuasio Tredecima.

Non est Lucam Euangelistam, & Apostolicarum
 actionum historiographum, indiuisum totius peregrina-
 tionis Paulinæ fuisse socium, quem ille filij semper dilexit
 loco, honorificamq; eius mentionem plerisque facit in lo-
 cis, dicens, illius maximam laudem in Euangelio fuisse. Nā
 cum omnes etiam à Paulo defecerint, hic solus nunquam
 ei non adhærebat, non minis, non vinculis, non sexcentis
 perturbationibus perterritus, cuius historia ad hæc usque
 tempora, quibus Paulus victus è Hierosolymis Romam
 perductus, ibique in conducto à milite custoditus est, per-
 uenit: veluti eius rei, capite ultimo copiosè meminit; quo-
 modo videlicet Paulus Romam perductus fuerit: quomo-
 do fratres, qui eo tempore Romæ fuerant, ad Appij forum
 ei obuiam venerint: quomodo trium dierum spacio euo-
 luto, Iudæos ad se accitos habuerit: quomodo colloquutus
 cum eis fuerit: quomodo eos confutauerit, & singula or-
 dinatim prosequitur: Nullam tamen alicubi mentionem
 de Petro facit, an vel alloquio Paulum aliquando dignatus
 fuisset toto hoc biennio, vel quid rerum Petrus Romæ fe-
 cerit interim, dum Paulus verbum Dei ardentissime illic
 prædicasset. Et tamen tunc temporis hanc historiam
 fuisse scriptam creditur, quando Paulo Romæ in cathenis
 degenti, ille intrepide ministrauerat, qui usque adeo Pauli
 studiosus fuerat, vt quicquid hætenus de eo compererat,
 cuncta in suam historiam diligentissime congerisset: etiam
 Hieronymo de viris illustribus attestante; Lucæ (inquit) hi-
 storia usque ad biennium Romæ commorantis Pauli per-
 uenit, idest usque ad quartum Neronis annum, ex quo in-
 telligimus, in eadem Vrbe librum esse compositum. Igitur
 visionem Pauli, & Teclæ, & totam baptizati Ieonis fabulā,
 inter Apocryphas scripturas computamus. Quale enim est,

5, vt indiuiduus comes Apostoli, inter ceteras eius res, hoc
 2, solum ignorauerit? Haëtenus Hieronymus. At quid hoc?
 3, nonne non solum Apocryphum, sed plus, quam falsissimū
 4, erit Petrum Romam secundo Claudij antio venisse, ibique
 5, viginti quinque annis Episcopatum tenuisse? Cuius Lucas
 6, in tam prestantissima, diligentissimaq; historia nullam men-
 7, tionem facit, qui dubio procul si tunc Romæ fuisset, non
 8, hoc toto biennio otiosus complicatis (vt dicitur) manibus
 9, illie sedisset, vel saltem non sic delituisset, quin à Paulo, vel
 10, Luca conspici, inueniriq; interdum potuerit.

Disuasio Tertiadecima.

11, EADEM, quæ superiori suasioni responsio data est, 13.
 12, suasionem interimit. Quum enim Paulus victus Romam
 13, duceretur, Petrus tunc ab Vrbe absens erat. Quid igitur
 14, mirum si eius Lucas Euangelista non meminit? Sed facia-
 15, mus Petrum tunc Romæ fuisse; Non omnino necessaria ar-
 16, gumentatio est, Lucas eius non meminit, postremo Actuum
 17, Apostolorum capite, ergo ibidem non erat. Quid enim
 18, Lucas de ijs, quæ toto illo biennio Paulus egit, commemo-
 19, rat, nisi summatim, & quam paucissimis verbis? Mansit
 20, (inquit) Paulus biennio toto in suo conducto, & suscipie-
 21, bat omnes, qui ingrediebantur ad ipsum, prædicans Regnū
 22, Dei, ac docens, quæ sunt de Domino Iesu, cum omni fidu-
 23, cia, nemine prohibente. Haëtenus ipse Lucas: neq; aliud
 24, quicquam de hoc toto biennio narrat. Nihil de illis omni-
 25, no dixit, quos ex domo Cæsaris, magna sibi necessitudine
 26, coniunxit Paulus, quorum etiam nomine Philippenses au-
 27, sus est salutare. Salutāt (inquit) vos omnes sancti, maxi-
 28, me autem, qui ex Cæsaris domo sunt. Nihil de litteris, quas
 29, certum est Paulum ex cōducto suo misisse varijs Ecclesijs,
 30, scilicet Ephesiorum, Philippensium, Colossensium, Timo-
 31, thei,

thei, Philemonis . Nihil de Pauli raptu ad prætorium , aut de sua defensione , quum tamen Paulus ad Philippenses testetur , vincula sua manifeste facta fuisse in omni prætorio , ac cæteris omnibus . Quamobrem si negatiuum argumentum valeret , nihil horum aliquando fuisse , pari efficacia conuinceremus . Sed vt propius ad rem veniamus , eadem suasionem paucis probare poterimus , Petrum nunquam Antiochiæ fuisse . Quod tamen falsissimum esse , Paulus ad Galatas apertissime docet , qui refert , Petrum ab se Antiochiæ reprehensum . Qua de re , Lucas ne verbum quidem scripsit . Quamobrem iuxta persuasoris Cauillum , nunquam fuisset Antiochiæ Petrus . Sed Hieronymus eiusmodi sophistas præuidens , eos , hunc locum , in epistola ad Ephesios tractans , his prosternit verbis : Nec mirum esse , si Lucas hæc rem tacuerit , quum & alia multa , quæ Paulus sustinuisse , se replicat , historici licentia prætermiserit . Et paulo post : Denique primum Episcopum Ecclesiæ Petrum fuisse accepimus , & Romam ex inde translatum , quod Lucas penitus omisit . Male igitur persuasor colligit , non fuisse Romæ Petrum , quod Lucas eius nullam fecerit mentionem . Ad hæc omnes testantur : Ephesi Ioannem sedisse , ibique rogantibus eum Asianis Episcopis , Euangelium scripsisse : tamen quum sæpius Ephesum venisset Paulus , ibique triennium , vt acta Apostolorum perhibent , commoratus esset , nihil de Ioanne Lucas meminit . Quis igitur iam non perspiciat quam inepte rhetoricatur persuasor noster , colligere satagēs Petrum nunquam Romæ fuisse , ex eo quod Lucas aduentū Pauli Romam describens , nullam de Petro fecerit mentionem ? An non legitur apud Lucam ultimo capite , quod cū audissent fratres de Paulo , prodierunt in occursum eius , vsque ad Appij forum , ac tres tabernas ? Et quis scit , an inter istos fuisset Petrus , præsertim quum indiscriminatim omnes appellari fratres consueuerunt ? Sed inquires , tum expressisset Petrum nominatim , Nihil oportet ; nam & alios

alios possum commemorare locos, in quibus ita non facit. Sed neque deinceps ad finem vsq; libri cuiusquam alterius, præterquam vnius Pauli nomen apposuit, quum non sit dubium, viros egregios, & insignes in ea nihilominus fuisse multitudinem. Sed iam abunde satis labefactatus est cauilus iste.

Persuasio Quartadecima.

CIRCITER vigesimumseptimum post ascensionem Christi ad patrem, ac Neroniani imperij quartum, aut quintum annum, Petrum Romæ nondum fuisse, tam manifestum, quàm quod manifestissimum est; sed quia neque ultimo Neronis anno, hoc est post passionem Christi, & eius ad parentis dexteram ascensionem tricesimo septimo illuc venire potuerit, hoc deducitur. Quoniam Paulus è manibus Neronis elapsus, in Hispaniam, vt Lyra, & alij quidam volunt, & partes occidentis iter adornauerat. Eius enim intentionis Apostolum fuisse, etiam cum Romanis litteras scripserat certum est. Peraçtis autem ibi decem annis, rursum ad Neronis manus deuenit, & mortem accelerare videns, scripto Timotheum commonefacit, vt assumpto secum Marco, Romam sese recipiat, eo quod præter Lucam, nullus iam ei residuus fuerit collega. Sed quomodo tuis dictis mi Paule fidem habere potero, cum tota hæc Romana colluies, à secundo Claudij anno, vsque ad finem Imperij Neroniani, Petrū perpetuo Romæ durasse, exorta voce proclamet? Qui ergo fieri potuit, vt solus cum Luca Romæ fueris? ò doctör gentium, facile id tuæ credo veracitati, Petrum Romæ nunquam te vidisse, & alijs recedentibus, solū cum Luca remansisse. Nihil me mouent verba sacræ scripturæ tyrannorum, qui Christum, ac tua dicta adulterare, foedissimeq; prostituere in delicijs habent. Cæterum eadem
epistola

epistola scribit : Det misericordiam Dominus Onesiphori domui , quia sæpe me refrigerauit , & catenam meam non erubuit : Sed um Romam venisset , sollicitè me quæsiuit , & inuenit . Det illis Dominus inuenire misericordiam à Deo in illa die . Non obscurum est ex his verbis , quantæ gratitudinis erga eos fuerit Apostolus , qui officium aliquod in eum contulerint , vt non possit hic satis gratulari , ac suum gaudium verbis exprimere , quod ei conciliauerat Onesiphorus suo aduentu , qui peregre veniens , non tamen conquieuit , donec hunc inuenisset . potuit certe Onesiphorus hic à Petro , si tunc fuerat Romæ , certior effici , quo locorum Paulus Romæ sese continuerit , & liberatus fuisset multum anxia illa sollicitudine , qua Paulum , hinc inde per Romam discurrendo , inuestigauerat . Mirum si Paulus neminem præterit , à quo aliquot persentisset beneficiû , quod Petrum Romanum (vt aiunt) incolam suum , nunquam scribit aduissitasse carcerem , quem tamen amantissimum sui semper habuerat fratrem , nempe à quo in catholica illa sua Paulus charissimus nominatur frater . Quamobrem verissimum est ad vltimum vsque Neronis annum , Petrum Romæ non fuisse , cum nec saluere iubens Timotheum fratrum , qui Romæ tunc aderat nomine , Petrum admemoret ; Sagittant te Eubulus , & Pudens , & Linus , & Claudia , & fratres omnes : non video cur ex industria suppressere Petri nomen voluisset , cuius alioqui semper fuerat obseruantissimus . Quomodo idcirco viginti & quinque annis Romæ egit ? Quomodo à Nerone passus est , cum nec sub eius imperio venire quoque ille potuerit ?

Decimaquarta Dissuasio .

D I C A T per me Romana colluies (sic enim appellat persuasor) Petrum à secundo Claudij anno , vsque ad postre-

stremum Neronis, assiduam Romæ fuisse, tantum enim abest, ut colluuiem illam discutiam, ut etiam me nescire facer, quos hoc nomine admodum certe contumelioso, persuasor velit intelligi. Hieronymus certe, qui ut puto, ex illa colluuiæ non fuit, idem non dicit, qui secundo Claudij anno Romam profectum, & octauodecimo à Christi morte (quod sæpe iam diximus) siue quintodecimo, quod ad rem nostram confirmandam nihil officit, Hierosolymis fuisse scribit. At quæ nam (inquit aliquis) pastoris hæc erat diligentia, tot annis à grege abesse: Illud scilicet nequaquam animaduertens, non sponte, sed Claudij edicto, primum coactum discessisse. Deinde, eo mortuo, primo Neronis anno, ad Urbem rediisse, Ecclesiæq; Romana constituta, iterum euangelizando ad alias terras sponte accessisse, quia non solum fidem propagabat per varias prouincias ut Apostolus, sed etiam ut pastor vniuersalis, etiam ab alijs constitutas Ecclesias, inuisebat; & maxime Hierosolymitanam, tempore omnium primam, & Antiochenam ubi primum Christiani vocati, ex quibus initia fidei ad alios permanerent, & ex quibus conseruatio & propagatio fidei Christianæ tunc pendebat. Et pro festo Romanæ Ecclesiæ, nullum tunc periculum imminabat, ne absentis locum occuparet alius, quando & Linus, & Cletus à Petro ordinati, sacrarum procuracionem habebant, & æmulus aderat Narcisus, nec minus ipse Petrus Romanorum erat Episcopus, Hierosolymis, vel alibi agens, quàm Romæ. Conueniens profecto principi Apostolorum non erat, vno in loco totum vitæ tempus degere, sed quemadmodum faciebat Paulus, totum terrarum orbem euangelizando, & Ecclesias plantando circumire. Quod Petrum fecisse, nobilissimos auctores habeo, Origenem, Epiphanium, Metaphrastem, qui affirmant. At cum Ecclesia sua abesse nefas erat: Id de Apostolo recte dici non potest. At nunquid non Athanasius eo tempore Alexandrinorum Episcopus fuit, quo Arrij factione, impietate

Con-

Constantij, coactus est in exilium proficisci; quorum sententijs, cum nolisset Liberius Romanus Pontifex subscribere, ipse quoque (vt Ammianus ait) est deportatus: at de Athanasio scribit Nazianzenus, quod non exilium, sed peregrinatio illa fuerit: nempe, quod aliquandiu exul pro fide, demum reuertens, totius Aegypti humeris sit reportatus. Nunquid non idem Eusebius Pontifex Vercellensis erat, cum eadem actus tempestate, ab Occidente in Orientem delatus est: ille inquam Eusebius, ad cuius reditum Hieronymus scribit, vestes lugubres lactis vniuersam Italiã commutasse. Nunquid non Hilarius Pictauiensis erat Pontifex, cum à propria sede exul, vniuersam Galliam discessu suo afflictam, & consternatam reliquit? Quos si omnino absentes, Pontifices dicendi non sunt; videamus ne illi trecenti decem & octo à Constantino magno euocati tantisper Episcopi non fuerint, quo ad Nicææ pro Christiana Republica constituenda, sunt commorati. Idcircoq; nihil eo nomine potuerint statuere. Porro autem quod ad epistolam ad Timotheum attinet, satis supra ostendi, eam non 14. Neronis anno, sed quarto, vel quinto, ex prima Pauli custodia scriptam esse: quo tempore, quum Petrus Romæ non esset, non est mirum si eius nomine Paulus discipulum non salutat, vel aliquam eius mentionem faciat. Sed faciamus Petrum tunc Romæ esse potuisse, quod mirum persuasori videtur, Paulum Timotheum Petri nomine non salutare; id mihi nequaquam mirum est; vt enim mirũ fortasse confiteremur, si eum aliunde Romam scriberet, non salutasset Petrum, qui princeps in ea Ecclesia erat, sic cum Roma alio scribit, non necesse est omnium, qui Romæ sunt nomine salutem adscribere. Prius namque illud, nisi faceret alienum, ab officio posset videri, at vero alieno nomine salutare, ita demum consueuimus, cum ab ipsis, quorum nomine salus est adscribenda, id acceperimus in mandatis. Nisi fortasse Paulum per præconem annunciasse credimus: quotiescunq;

litteras daturus erat, vt illis omnium nomina ascriberetur. Pudet pudet profecto in puerilibus (vt leuissime dicam) coniecturis refellendis, operam ludere. si enim sola antiquitate teste vti vellemus, maximum robur haberet, sacris etiã litteris attestantibus. Quo enim propius aberat à Petri obitu, eo certius quæ vera erant scire poterat, quæ deinceps per manus tradita ad nos vsque deuenere. Nunc verò cum ad longissimi temporis persuationem, sanctissimi quoque, & antiquissimi auctores accedant, simile est huic opinioni contradicere, ei quod de Gigantibus poetæ fingunt, cum Dijs pugnare.

Persuasio Quintadecima.

PRÆTER epistolas iam dictas Pauli è Roma missas, sunt
 ” quædam aliæ familiares responsuæ epistolæ ipsius, ad Seneca
 ” cam Neronis Imperatoris præceptorem scriptæ, quas ego
 ” nonnullis argumentis, tunc fuisse scriptas arbitror, cum Paulus
 ” secundò iam Neroni præsentaretur. Primùm quia iam
 ” Nero Cæsar furibundus, atrox, petulcus, adulter, & omni
 ” prope vitiorum contagio fuerat pollutus, quod de priori
 ” eius quinquennio nullus credere potest. Secundò quia id
 ” temporis, Paulinæ quædam epistolæ, quas vbi in priori captiuitate
 ” Romę teneretur, ad quasdam Ecclesias direxerat,
 ” ad manus Senecæ iam tunc deuenierant, ex quibus, ille non
 ” nihil profecit, quod priori biennio, quo Romę tenebatur
 ” Paulus, fieri non potuit. Tertiò quod Seneca in vna epistolæ
 ” stolarum ad Paulum descriptarum, Romani incendiij à Nerone
 ” facti meminit, quod ad finem declinante Neronis Imperio
 ” factum est; cum Orosius, non ita multo post, Petrum
 ” & Paulum communi mendacio deceptus, à Nerone martyrium
 ” passos scribat; & sequenti mox autumno, pestilentia
 ” Romę obortam adeo magnam, vt vno autumno, ad triginta

ta millia hominum vita decesserint, quam pestilentiam, Neronis Imperio decrefcente factam, Suetonius in vita ipsius designat, illis itaque ambobus Romæ degentibus, Paulo in carcere, Seneca in Regia Neronis, cum alter de altero, magna sibi polliceretur, & neuter neutrum alloqui potuissent, vel quod inde vtrique immineret periculum, quandoquidem lege cautum fuerat, ne quispiam Christianum, aut Iudæum alloqueretur, vel quod Senecæ non fuerat integrum, Paulum in carcerem aduifitare, nequid ex inde Tyrannum offenderet, aut ipse quoque conijceretur in carcerem. Quapropter epistolijs hanc colloquendi sarciebant penuriam, & quidem mutuum amorem vtrinque præferebant, neuter tum Petri alicubi meminit, qui viginti-quinque annis tum Romæ agere debuerat, nondum tamen fuerat Senecæ doctissimo, in Christianosque benignissimo homini cognitus, cui proculdubio nonnihil gratificatus fuisset, si quod Paulus ob carceris impedimentum nō poterat, ipse eius desiderio satisfecisset, & de Christo secum confabulatus, in numerum Christifidelium asseruisset: quod Paulus etiam facere debuit, vt ablata sibi Senecam alloquendi copia, eum ad Petrum nulli Apostolorum postponendum relegaret, qui nihilodeterius fidei Christianæ primordia ei tradiderit. Sed quis ni forte exoculatus non videat, omnia hic repugnare pestiferæ huic opinioni, quod Petrus Romam vnquam venerit à Nerone passurus, cum tot rationibus conuincatur. Ad vltimum vsque Neronis Imperij annum, Petrum Romam nunquam venisse, tantum abest, vt martyrium ab eo passus fuerit: Nam legitur & in ea, quæ tertia est Senecæ ad Paulum epistola, quod eius plurimum rei causa, Nero, Apostolo fuerat indignatus, quod à ritu, & secta pristina Iudæorum, qui Phariseus olim fuerat, non solum ipse recefferit, sed & alijs hoc suaferat faciendum. Quod planè Petrus prior Paulo Romæ facere debuerat, si tot annis ante aduentum in Urbem ipsius illic resederit.

Dissuasio Decimaquinta.

QVOD ad epistolas Senecæ, & Pauli attinet, credo utriusque dicenti D. Hieronymo aliquando extitisse eas, quæ veræ germanæque putarentur. At, quæ nunc circumferuntur, neutrius esse magis opere contenderim (si tamen ibi sit contendendum, ubi liue ita sit, siue non sit, nihil causam hanc nostram vel promoueat, vel impediatur) eaque potissimum coniectura, quæ plurimum semper apud doctissimos quosque valuit, styli scilicet, & elocutionis: si enim lectioni mixtum debet esse iudicium, qui Senecam, qui Apostolum paulò diligentius legerit, istud ipsum, ut putò, statim non verebitur affirmare. & tamen quisquis fuit auctor, hoc egit, ut nobis persuaderet Senecam fuisse Christianum, & ut eius liberos lectu cum primis dignos commendaret Christianis; qui tamen maiore cum fructu legentur, si legantur ut hominis pagani. Cum autem hæc scribantur clanculum inter ipsos, quam nihil est in Paulinis epistolis illò Pauli spiritu dignum? quam, vix vsquam audias nomen Christi, cum ille non soleat aliud ubique intonare, quam Iesum Christum? Deinde illum fortissimum Euangelij propugnatorem. quam facit in his epistolis formidolosum? Obiurgat enim Senecam: Paulus, quod Neroni indicaret epistolas ipsius, quas tamen in hoc scripserat, ut in omnibus Ecclesijs legerentur; atque adeo se ipsum redarguit Apostolus, quod epistolis suis nomen suum soleat subscribere, & hic scilicet allegatur illud, omnibus esse placendum, & domino nempe Cæsari gerendum morem: Paulus ne cuiquam placeret, dissimulato Euangelio, cum multo ante Romanis misisset liberam & prolixam epistolam? Aut hoc docuit Paulus celandum Christianissimum, ut placeat impio Domino? Deinde Seneca nuntiat Paulo, quod Cæsar inhumanibus supplicijs sæuiret

in

in Christianos, quasi hoc Romæ cuiquam esset ignotum. Ad hæc, si quid metuebant, tutius poterant ore colloqui quam epistolis. Nec Paulus amore Euāgelij, grauius fuisset, vel in Sallustianos hortos venire, si Seneca metuebat venire Romam. Quanta copia, quanto affectu, Paulus scribit vni Philemoni de re vulgari; & Senecæ tam celebri viro scribit tam ieiune, tam frigide de complectendo Christū? hoc est de re omnium maxima. Quando vero sic loqueretur D. Paulus: & si fors prospere annuerit. non ausus est scilicet, nominare Deum, quem Seneca Paganus toties nominat in scriptis suis? Illud insignitæ cuiusdam stultitiæ, quod Seneca mittit Paulo librum de copia verborum, quo post hac melius scribat Romane. At qui, si Paulus nesciebat Latine, poterat Græce scribere, quum Græce nosset: maxime vero cum Seneca doceat, Philosophi dictionem sententijs grauem potius, quam verbis ornatam esse debere: nunc tamen in Paulo requirat ornati sermonis copiam. Illud parum accurate, quod cum faciat Senecam in Apostolo desiderantem copiam, & cultum sermonis, tamen in his epistolis nihilo cultius scribit Seneca ipse, quam Paulus; sed par est vtriusque balbuties, & sensuum frigus. saltem aliqua ex parte Senecæ phrasim emulari debuerat; aliquid ex Paulinis epistolis effingere, vel vehementia & subtilitate dictionis. Sed ego nimis multa de re nihili: nolim tamen persuaforem idcirco hæc dicta esse opinari, quod aliter non potuerim respondere, & quidem verissime. Nam & si illorum esse concedimus, quorum nomine inscribuntur, nihil ea propter sit nostra causa deterior, quandoquidem ex Tacito certum est, Senecam duobus saltem annis ante Neronis mortem obiisse. D. Hieronymus quoque de viris illustribus; Seneca (inquit) biennio antequam Petrus & Paulus coronarentur martyrio, à Nerone interfectus est. Nos vero postremo denique Neronis anno Romam Petrum aduenisse iam diximus; nec tamen si Romæ fuisset eo tempore

Petrus quo scriptę dicuntur, protinus necesse esset Petri mentionem fieri, quod satis ostendimus, cum de epistola ad Timotheum loqueremur.

Persuasio Sextadecima.

NEMINEM adeo hebetem, ac stupidum puto, quin intelligat Petrum non modo Romę passum non fuisse, sed ne
 „ eum fuisse illic quidem; & ne quis moueatur inuerecunda
 „ illa Romanę Curię voce, tot testimonia proferentis, perpendat
 „ secum, quam item de passione Petri & Pauli alterutrū
 „ conueniant auctores. Ambrosius sermone illo sexagesimo
 „ septimo de Petri & Pauli martyrio differens, dicit: Vna die,
 „ vno in loco, vnus tyranni tolerauere sententiā, & hęc, cum
 „ multis alijs, communis est ei opinio: immo totius Romanę
 „ Ecclesię in eorum solemnitate decantantis, Gloriosi principes
 „ terrę, quomodo in vita sua dilexerunt se, ita & in morte
 „ non sunt separati. Falsa verò hęc esse, passionēs vtriusq;
 „ sub nomine discipulorum Pauli confictę produunt: dum neque
 „ cum istis, neque secum conueniant. Quod enim hic
 „ dicitur, vna die eos passos fuisse, id Linus apertissime negat,
 „ & hoc, vana quidem ratione, quas ego ob prolixitatem,
 „ huc non adduco: verum lectorem, ad passionēs illas per commentitium
 „ Linum descriptas, & à Iacobo Stapulensē Latinitate donatas,
 „ remitto. Dionysius vero, non ille Pauli discipulus, sed nescio quis mendacissimus nebulo, priori
 „ opinioni subscripsit: sed nunquid & vno in loco passos, concorditer
 „ omnes scribunt? Hic vide mendaciorum portenta:
 „ Quidam enim hoc fatentur ingenuę, cantante etiam Romana
 „ Ecclesia, ne in morte eos fuisse separatos: sed sicuti vna die,
 „ ita in vno loco, morti fuisse traditos: ac Linus Petrum
 „ in loco, qui Naumachia appellabatur, cruci præpositere
 „ affixum scribit; in quo autem Paulus ceruicem amiserit,

serit, non meminit: sed hoc vno satis testatur, noluisse se
dicere, vno in loco passos, cum alios apparitores, & carni-
fices, & alios mortis spectatores eorum vtrique assignet.
Porrò Dionysius ille, apertis verbis ab eorum diuariat sen-
tentia: nam (inquit) cum ad mortem ducerentur, & ad iu-
uicem separarentur, Petro dixisse Paulum, pax tecum fun-
damentum Ecclesiarum, & pastor ouium, & agnorū Chri-
sti. deinde quod Neronis edicto, ambo ad exitium perue-
nerint: ne hic quidem cōsentiunt. Nam cum omnes eius rei
Neronem pronuncient auctorem; solus tamen Linus Agrip-
pam Petrum interimere imperasse testatur; scribit namq;,
quod Petro Romæ degente, multæ sexus fēminei, monitu
Petri, illecebris luxuriæ abrenunciauerunt; inter quas
Agrippæ concubinæ quattuor fuere, quarum continentia
indignationis materiam, Agrippæ præbuerit, ita vt Petrum
cruce interimere iusserit. hac de re, quamuis tota Roma
tumultuaretur, Imperatore tamen nihil sciante: & multa
sunt figmenta, quibus illi mutuo dissident; dum nihil certi
super ea re pronunciare nouerint. quæ ibi ergo fides, vbi
nulla est concordia? Nam vel hoc solum dissidium, menda-
cium eorum prodit, nec dum vnum vidimus arbitrum, qui
hanc intolerabilem inter eos litem dirimere aliquando au-
sus fuisset. Historiæ enim, quam de Nerone quidam nobis
reliquerunt, insegurum est credere, vt iam Iosephi adscripsi-
mus verba: inio res profecto miranda, quod Iosephus ipse,
qui à Vespasiano, expugnata Hierosolyma, Roman pro-
ductus est, ibidemq; agens, Domitiani ferè superauit tem-
pora, & historiam Iudaici belli in Vrbe conscribens, Vespas-
iano, eiusq; filio Tito nominatim dicauit, in eaq; à Nerone
interemptorum, vt etiam aliàs in antiquitatibus meminit,
nec vllam mentionem de Petro, ac Paulo facit, qui tamen
erga Christianos fauentissimus fuerat, & arrepta occasione,
non sine honoris præmio eorum solebat meminisse. velut
Ioannis Baptistæ in Macherunte Castello obtruncati, libro

„ antiquitatum 18. & Iacobi Apostoli fratris Christi Iesu, ac
 „ Hierosolymitanorum presbyteri lib. 20. id propter credide-
 „ rim ego vitæ exitum Hierosolymis vna cum Iacobo, & qui-
 „ busdam alijs Petrum accepisse; si quidem Iosephus, & alios
 „ nonnullos tunc temporis, cum Iacobo, ab Anano Iudeorū
 „ Pontifice interfectos scribit. Nam reclamatur ratio, Petrum
 „ vna die interitum cum Paulo habuisse. Qui à Christo vo-
 „ catus, vxorem, & liberos, imo socrum, quam Christus à
 „ febre vexatam, pristinae sanitati reddidit, habuisse legitur:
 „ & omnium Apostolorum annosissimus; utpote cuius cani-
 „ ciem Paulus (ut Athanasio placet) reueritus, post tres con-
 „ uersionis suæ annos, eius videndi gratia Hierusalem accef-
 „ sit; cum tamen ipse adolescens adhuc fuerit, ut Actorum
 „ habetur cap. 7. attamen in Euangelica functione tandiu ver-
 „ satus est, ut ad discipulos vnicè sibi dilectos scribens, ætate
 „ se iam confectum aliquoties fateretur. Quis se committat
 „ labyrintho huic inextricabili, quem nobis tortuosissimis
 „ suis opinionibus, velut muscipulas quasdam adornant scri-
 „ ptiores, nec quippiam tam certi alicubi occurrit, quo ceu si-
 „ lo quodam ducti, ad exitum earum perueniamus.

Disuasio Sextadecima.

„ IACOBVM Fabrum Stapulensem, non minus mori-
 „ bus, quàm doctrina superiori ætate celebrem, eius candori-
 „ ris fuisse ex ijs, quæ scripsit, ut moribus suis cæteros fin-
 „ gens, non facile sibi persuadere possit, aliquos fuisse qui à
 „ se conscripta sub aliorum nomine publicarent, quod ut mo-
 „ deste ipse credidit, utinam ita verè nobis possit persuaderi.
 „ Recte enim Nazianzenus inquit, eum qui mala facere pa-
 „ ratus non sit, nihil temere etiam vel de alijs opinari. Mi-
 „ nime igitur mirandum, si vir candoris ingenui, Petri, & Pau-
 „ li vitas ab eo scriptas credidit, cuius nomine erant inscriptæ,
 „ licet

licet eiusmodi non sint, vt Petri successoris, non auctoritate tantum, sed doctrina etiam, & sanctitate dignas esse suspicemur. Quare id quod persuasor scribit, etiam nos sentimus: Denim Ambrosij, & Ecclesiæ cum eo sentientis, opinionem suscipimus. Petrum & Paulum vna die, vno in loco, Romæ scilicet, vnius Tyranni tolerasse sententiam. A quibus verbis, etsi Lini, & Dionysij passionis in die dissentirent, non tamen illico consequens esset, totam de Petri & Pauli passionis historiam falsam esse. Nam & de die quo Christus passus est, maxima inter veteres Patres est controuersia: Nam Tertullianus, Chrysostomus, & Cyrillus cum 8. Kal. Aprilis passum scribunt. Niceta Græcus auctor 10. Kal. Theophilus Cæsariensis 11. Kal. Victorinus Lemouicensis Episcopus, Lactantius, & Bedas 7. Kal. Aprilis: alij ex recentioribus, aliter sentiunt. Quare si scriptorum varietas, detrahere fidem historiæ potest, nec Christum fuisse crucifixum, argumentari poterimus. at Linus ab Ambrosio de die non discrepat, nec de loco, cum Ambrosius generaliter locum, Urbem scilicet intelligat; Linus particulariter vias, scilicet Ostiensem, & triumphalem. De iudice verò, quid prohibet, Petrum ab Agrippa, Neronis edicto, necatū fuisse? Sed nec à Lino, aut ab Ambrosio Dionysius discrepat. At si vt Lini, & Dionysij suppositas vitas persuasor intellexit, sic eodem iudicio cauisset, ne argumento vteretur, quod contra se posset retorqueri, nequaquam tam longus fuisset in ijs enarrandis, quæ Iosephus scripsit: Mirum (inquit) quod qui libenter Christianos nominat, Petrum Romæ occisum non dixerit, qui tum neque Stephani lapidibus obruti, aut alterius Iacobi decollati, nullam mentionem fecerit, quare par est credere, Hierosolymis trucidatum eadem tempestate, qua Iacobus, & alij ab Anano, quorum in vigesimo antiquitatum Iosephus mentionem facit: quam tamen rem nemo vnquam ne somniavit quidem. At verò illud magis mirandum, si Petrus Hierosoly-

mis trucidatus est, vbi & Iacobus, cur illius, sicut & Iacobi obitum, Iosephus non describit? Nec id quidem aduertit persuasor, cum tanta Christianorum cædes extiterit, vt etiam apud Romanos, auctore Tacito, orta sit miseratio; eius tamen rei, Iosephum omnino non meminisse: Pereuntibus (inquit) addita ludibria, vt ferarum tergis contekti, laniatu canum interirent, aut crucibus affixi, aut flammis traditi, atque vbi defecisset dies, in vsum nocturni luminis sunt adusti. Sumpserat nempe Iosephus Iudæorum res, non Romanorum narrandas. Quod verò scribit persuasor de filiis, vxore, & socru Petri, nondum planè intelligere potui, quid sibi velit, auguror tamen ea ætate sibi Petrum confixisse, vt ad Neronis postremum annum peruenire non potuerit. Nos vero si qua Sibylla nobis in explicanda sententia accesserit, tum demum cum ea declarata fuerint, resolutionem accommodabimus; interim cum nihil ea de re certum acceperimus, persuasori, & eius sententiæ defensoribus, lapidem hunc relinquimus commouendum.

Persuasio Decima septima.

O S T E N S O quod Petrus Romæ mortem non receperit,
 ” restat dicere, vbi locorum pro Christi nomine passus sit, &
 ” antequam id probem, id testor prius, nullum testimonium
 ” diuina ex litteratura huc trahi posse, quo quis Paulum in-
 ” dubiè Romæ passum fuisse à Nerone ostendat: Nam dum
 ” postremo iam Neroni oblatus fuerat, & ad Timotheum scri-
 ” bens, hæc interposuit verba: Ego iam delibor, & tempus
 ” resolutionis meæ instat. In eis Paulus decrepitam, & non
 ” martyrium suum intellexit, quem interea dum hæc scripse-
 ” rat, valde senio detritum, & decrepitum plane fuisse: si non
 ” alio testimonio, certè vel hoc soio constat, quoniam ante
 ” decem annos Philemoni suo scribens, senem se nominauit:
 Cum

Cum talis sim, inquit, ut Paulus senex. Quantum verò puras intra hoc decennium, cōtinuis laboribus, omnium Ecclesiarum sollicitudine, corpusculum Pauli exhaustum, & maceratum, ut indicare Timotheo suo charissimo cogere-
tur, quo Romam acceleraret, suoq; aduentu mortem ipsius pręqueret, qua ipse breui fuerat resoluendus. Nam quod Spiritu Sancto illustratus, liberationem sui è carcere pręuiderit, verba ipsius indicant: significans enim quomodo in priori ante Neronis tribunal statione, causam suam solitari-
us, & omni patrono destitutus perorauerit, à Neroneque ereptus fuerit, sub hæc ita loquitur; Liberatus sum de ore leonis, & liberabit me Dominus ab omni opere malo, & saluum faciet in regnum suum cœleste, hoc ad ministerium corporis sui mystici Ecclesię sanctę. Quemadmodum per
regnum cœleste, Gregorij auctoritate, Ecclesiam in sacris scripturis sæpiusculum nominari diximus, sicut enim sua spes, non illum fefellit, ubi in priore captiuitate constitutus, Philemoni scripserat, para mihi hospitium, nam spero per orationes vestras donari me vobis, ita neque hic eum decepit. Sunt enim pleraque alia testimonia, cum à Nerone liberatum etiam secundario fuisse, veluti epistola illa Senecę, quæ Apostolo in carcere degenti, miserat ipse. ex quibus proclue est creditu, Neronis violentiam Paulum euasisse: verum ne hic longius iusto immoremur, iam Petrũ & Paulum Hierosolymis passum, testimonijs irrefragabili-
bus confirmabimus; Primitus solius Christi verbis, ad Scribas, & Phariseos, imò ipsam Hierosolymam apud Matthęum & Lucam loquentis: Vę vobis Scribę, & Pharisei hypocritę, qui edificatis sepulchra prophetarum, & ornatis monumenta, & dicitis, si fuissetis in diebus patrum nostrorum, non essemus filij eorum in sanguine prophetarum, itaque testimonio estis vobismetipsis, quia filij estis eorum, qui prophetas occiderunt, & vos implere mensuram patrũ vestrorum. Ideo dico vobis, ecce ego mitto ad vos prophe-

„ tas, & sapientes, & scribas, & ex illis occidetis, & crucifige-
 „ tis, & ex eis flagellabitis in Synagogis vestris, & persequere-
 „ mini de Ciuitate in Ciuitatem, vt veniat super vos, & cetera.
 „ Tandem dicit Hierusalem, Hierusalem, quæ occidis
 „ prophetas, & lapidas eos, qui ad te missi sunt, &c. Hæc lo-
 „ quutum Christū, non de prophetis legis veteris, sed de Apo-
 „ stolis: exponit Ioannes Chrysostomus homilia in Matth. 75.
 „ ac ita dicit; significat ijs verbis Christus, Apostolos, & eos,
 „ qui cum Apostolis, & post Apostolos fuerunt, ex quibus
 „ multi etiam prophetabant. Quod diuus Hieronymus li-
 „ terarum sydus, clarius erga hæc verba Christi immoratus
 „ interpretatur, dicitq; simul hic obscura iuxta Apostolum
 „ scribentem, varia esse dona discipulorū Christi, alios sapien-
 „ tes, qui nouerunt quando debeant proferre sermonē, alios
 „ scribas in lege doctissimos, ex quibus lapidatus est Stepha-
 „ nus, Paulus occisus, crucifixus Petrus, flagellati in Actibus
 „ Apostolorum Apostoli, & persequuti eos sunt de Ciuitate
 „ in Ciuitatem, expellentes de Iudæa, vt ad gentium populū
 „ transmigrarent. His verbis Hieronymus clarissime, ita &
 „ Paulum & Petrum Hierosolymis passos declarat: & ne cuius
 „ testimonium desideretur, Nicolai Lyræ horum Christi
 „ verborum interpretationem subnectamus; ex eis occidetis
 „ exponit Lyræ, sicut Iacobum fratrem Ioannis Actuum ca-
 „ pite 12. & Stephanum Actū cap. 7. & multos alios, & cru-
 „ cifigetis, vt Petrum, & Andream fratrem eius, & multos
 „ alios flagellabitis, sicut Paulum, & Sylam, vt Actuum 16.
 „ cap. & secunda ad Corinth. cap. 11. traditur. Quis contra
 „ hæc firmissima testimonia, vel hiscere deinceps poterit? quis
 „ reclamare? Quis non modo Hieronymum, Chrysostomū,
 „ Nicolaum Lyranum; sed & Christum mendacij arguere po-
 „ terit? cum ipsemet apud Lucam eadem repetiuerit verba,
 „ de Petro, Andream, & alijs quibusdam Apostolis, ea sese lo-
 „ quutum designat inquires: Dico autem vobis amicis meis,
 „ ne terreamini ab his, qui occidunt corpus, & post hæc non
 „ habent

habent amplius quid faciant; ostendam autem vobis quem „
timeatis, timete eum, qui postquam occiderit, habet pote- „
statem mittere in gehennam. Præterea dicit Christus Hie- „
rosolymis, & non Romę, à Scribis, & Phariseis, & non ab „
Imperatoribus Romanis, occidendos suos Apostolos, quā „
uis non negem, quosdam etiam extra Hierusalem fuisse „
interemptos.

Diffusio Decimaseptima.

BENE habet, tandem aperuit persuasor eam, quam de Petri morte haberet opinionem, nec eam ipsam Phrygis, aut Myſi testimonio subniſam, ſed Hieronymi, inquit, litterarum ſyderis, illius, inquam Hieronymi, qui non ſemel tantum, ſed iterum, & ſæpius Romę Petrum fuiſſe, & à Nerone trucidatum ſcripſit. Illius inquam, qui cum nuper, ipſius perſuaſoris ſententia, mendax eſſet, & ſibi contrarius, in cœleſte ſyduſ repente eſt immutatus. Nempe, quod tandem adhibebitis fidiculis, & eculo, viſus eſt perſuaſori aliquid conſiteri, iſs quæ ſæpius ante dixerat contrarium, & repugnans: ſed Hieronymi verba audiamus, Paulus occiſus, crucifixus Petrus; Vbi nam rogo Hieronymus, num Hieroſolymis? Minime id quidẽ; eſſem enim hac ratione mihi metipſi contrarius, ſed Romę ſub Nerone, poſtquam de Ciuitate in Ciuitatem, & de Iudæa à Iudæis expulſi, ad gentium populum tranſmigrarunt: ſed hæc fortasſe ita intelligi debere, negat perſuaſor. Accedat rursus ipſe Hieronymus declarator verborum ſuorum, qui in epiſtola contra Vigilantium, in commentarijs epiſtolæ ad Galatas, in libro de viris illuſtribus, & plerique in alijs locis, non per verborum inuolucra, & quæ interprete indigeant, ſed manifeſte Romę dicit, iugulatum Paulum, crucifixum Petrum: ſed nimirum nihil eſt contra ſemetipſum tam munitum, tamq̃
arma-

armatum, quam mendacium, quam veri dissimulatio, extorſit nempè veritas ipſa ab imprudente perſuaſore, vt què prius ſi non verbis, re certe ipſa tam male acceperat, nunc (vt verè eſt) litterarum ſyduſ appellaret, vt verum illud, quod nos aſſeruimus, eius teſtimonio innitatur, qui etiam aduerſarij verbis tantopere ſit commendatus, vt nemo deinde credere poſſit, eum mentitum, cui etiam aduerſarij tã magnificum titulum adhibere non vereantur. At Chriſti verba à perſuaſore citata, paulum excuriamus. Nihil ex ijs Chriſti verbis conijci poteſt, Petrum, & Paulum Hieroſolymis paſſos eſſe. Neque enim Chriſtus in verbis illis, alterutrius nomen exprimit: ſed tantum affirmat, quod ex ijs, quos ipſe miſſurus eſſet, Iudæi aliquos eſſent occiſuri, aliquos crucifixuri, aliquos in ſynagogis ſuis flagellaturi, aliquos de Ciuitate in Ciuitatem perſecuturi; quę verba, quid ad Petri, Pauliq; mortem faciunt? Quanam argumentationis formula, ſequitur vtroſque à Iudæis Hieroſolymis fuiſſe occiſos? Illud verò, quod ex Chryſoſtomo citat, etiã ſi ipſe negaret, nos vtique verum eſſe contenderemus; per prophetas ſcilicet à Chriſto mittendos, & occidendos, Apoſtolos intelligi, eoſq; ventura prædiſſe, & aliquot quoque ex ijs Hieroſolymis trucidatos, vt Iacobum, Simonem Cananeum, & Stephanum, omnes vero flagellatos, & ea Vrbe fugatos. Quare in re non dubia, teſtibus vtitur minime neceſſarijs. Lyrani vero nobis non vacat, nec planè ſi vacaret, liberet excutere verba, quæ iam ſępius perſuaſor ipſe tam acerbe inſectatus eſt, vt nobiſcum ne, an cum ipſo faciat, ſatis perſpicuum ſit, nihil interſit. Pręcipue cum idẽ ipſe Lyranus ſępius dicat, vt in commentarijs ſuper Exodum, cap. 15. epistolę ad Romanos, vltimo Actorum, & alibi, Petrum, Paulumq; Romę ſub Nerone occiſos: ſed ſi nunquam id dixiſſet, aduerſarenturq; omnino opinioni noſtrę; ſexcenti ſupereſſent, quos eidem opponere poſſemus: Vincentius ſcilicet Gallus, Iacobus Varagineus, Ioannes Belet,

Beleth, & eius generis complures, vt quod vulgo in prouerbio est, cum Bitho Bacchius. Ceterum demus aduersario ex supra à se citatis testimonijs, Petrum & Paulum à Iudæis occisos; non tamen illico consequetur eos Hierosolymis esse interfectos; quemadmodum non sequitur Christus à militibus Romanis crucifixus est, igitur Romæ crucifixus fuit. Quare omnium præcipua persuasio, in spongiam incubuit.

Persuasio Duodenigesima.

VIDERE mihi videor, fatis prolixè eorum me subneruasse opinionem, qui Petrum, vt Romanum Episcopum celebrant, & hoc nomine Romanis Pontificibus nihil non tribuunt, dum in summi Apostolorum Principis (vt aiunt) ipsi locum suffecti sint, hancq; desultoriam potestatem, ceu per manus sibi tradant. At verò si quis roget quomodo hæc falsissima persuasio in Ecclesiam obrepserit, dicā compendio; si alia quoque non minus nociua, quorum recens est adhuc memoria, negligentia temporum rata habentur, vt nihilominus pro articulis fidei reponantur; quanquam & historicorum de his taceant libri, & Christi dogmata, velut ex diametro cum eis decertent; solo tamen Ecclesiæ prætextu, non minus quam quæuis alia, sine quibus hominibus, salus non contingit credi præcipiuntur; quibus si quispiam bono fretus testimonio occurrere voluerit, atque hæreticus habetur, quam, qui in legem Christi fuerit impius. Quid ergo de tam remotis, ac perturbatissimis temporibus, Romanæ curiæ palpones, circa Petri Romam aduentum, passionem, & Pontificatum confingere non poterant: putas ne Ecclesiam, quam egenus constituit Christus, quam omnium facile pauperimi auxere Apostoli, opibus ditari oportere, vnum in ea ceteris omnibus dominari, imò Ecclesiam non aliud, quam tyrannidē fieri debere? ecquis hoc dixerit? At

verò

„ verò hodie sollempne id habetur, hoc gloriosum putatur, vt
 „ vnus arbitrio omnia fiant, circa vnum summa, & caput Rei-
 „ publicæ Christianæ consistat, vnus iussu, aut iniussu, singu-
 „ la gerantur, ex vnus nutu, cuncta pendeant. Quod si quis
 „ minus reuertenter hos Ecclesiæ proceres incesserit, si cor-
 „ ripuerit, si annuere voluerit, continuo fremunt classica, vn-
 „ delibet plebs Christiana conclamatur ad arma capeſſenda:
 „ ad omnes Christianos principes id, aiunt, pertinere, ne ex-
 „ polietur Christus, neue iacturam patiatur Ecclesia, dum ali-
 „ quot annui census denarij eis decreuerint, omnia sursum, ac
 „ deorsum versare non verentur; at tot Christianorum fœdâ
 „ dilacerationem, & stupendam perniciem interim ne pili
 „ quidem faciunt. Adeo Tyrannis hæc Romanæ curiæ, ista
 „ pernicioſa opinione inualuit, dum Primatum, mediante Pe-
 „ tro, supra omnes alias Ecclesias sese accepisse iactitat, & Ro-
 „ manus Pontifex, vniuersalis Ecclesiæ catholicæ Episcopus
 „ censetur, repugnantibus omnibus omnium fermè libris,
 „ voce ipsiusmet Christi, & ritu, ac exemplo primitiæ Ec-
 „ clesiæ, cumq; recens adhuc sit memoria, quando hæc ty-
 „ rannis exordium sumpserit. Nonne tamen inueniuntur
 „ plerique, qui id perpetuo fuisse scribant? id probent. pro
 „ eoq; ad aras vsque (quod solet dici) digladiantur, quibus
 „ non aliter, quam solius Christi verbis passim vulgus credit.
 „ præterea, Siluestrum à Constantino Imperatore honestis
 „ muneribus donatum, in sedeq; Imperatoria repositū, quis
 „ hoc hodie è populo non credit? resistentibus omnibus hi-
 „ storiographis, eorumq; commentitiis bullarum nugas for-
 „ tissimus rationibus, doctissimisq; viris reprobantibus. Quan-
 „ tum tamen veritatem promoueant, apud hanc futilem ple-
 „ beculam, pseudo sacerdotum præstigijs delusam, in propa-
 „ tulo est omnibus, cum non minus reuerenter in has opinio-
 „ nes, quam in Christi verba iurent ipsi. Non difficile est ex
 „ inde diuinare, quantum illis procliue fuerit, quæ hodie de
 „ Petro feruntur confingere, cum eorum temporum, nullam
 „ certam

certam habeamus historiam, præter commentitias illas de
 Petro & Paulo passionis, quæ adeo sibi non constant, vt
 omnibus etiam tacentibus, ipsæ se satis confutent. Præfer-
 tim, quæ Græcorum lingua conscriptæ sunt: quod vel so-
 lum argumento esse possit, eas falsissimas esse, cum hæc na-
 tio, ab omnibus passim scriptoribus, in historia mendacij
 accusetur; Iuvenale dicente: Quicquid audet Græcia men-
 dax in historia: & alibi, non sine ioco, mendacem Græculū
 nominat. & breuiter nemo miretur, hoc apertissimum men-
 dactum, suos patronos habere; cum non desint etiam, qui
 Tusciam patrimonium Petri appellant; qua voce, nunquā
 delirius dici, aut cogitari aliquid potuit. & Plinius haud
 ignobilis auctor, nulum tam impudens mendacium inue-
 niri dicit, quod teste careret.

Dissuasio Duodevicesima.

ERROR, siue res commentitia fuerit nec ne, quæ de
 primatu Romani Pontificis, aut donatione Constantini fe-
 runtur, satis supra docuimus, ita, vt rem luce clariorem
 ostenderimus. Porro autem quantum ad Apostolicam se-
 dem spectat, non video, cur ea potestas, res commentitia
 dici possit; quæ auctores habet viros lectissimos, probatissi-
 mos, & Apostolicis temporibus æquales, vel vicinos, de
 quibus nulla omnino suspicio suboriri potest, cur eis hoc
 fingere in mentem venisset, sed & cur Græcis auctoribus à
 nobis supra citatis, hac præsertim in se fides adhiberi uo-
 deat, ratione omni prorsus caret. Quid enim si profani
 Græcorum scriptores, imperiti tamen, mendaces aliquan-
 do dicti sunt, num & sacri pariter eodem vitio laborabunt?
 Num mendacij arguamus Dionysium Corinthiorum Epi-
 scopum, Caium, Origenem, Eusebium, Ioannem Chryso-
 stomum, Cyrillum, & alios eiusmodi sexcentos? absit. Quā

enim ex Christianismo veritatem hi professi sint, qui credi
 possunt mendacia legenda Christianis tradidisse? Sed neq;
 ullam probabilem rationem, id habet, Græcos quantumli-
 bet mendacissimos, voluisse comminisci, quod Petrus Græ-
 cia, & Oriente relictis, Romam se contulerit, cathedram sa-
 cerdotalem ibi locaturus: quum ea res, magnam Græcis
 gloriæ speciem eripiat. Quare, & Græcis, hac in re, maxi-
 me fides est adhibenda, & ijs potissimum Latinis, qui Apo-
 stolicis temporibus vicini fuerunt, quorum nomina, supra
 huius opusculi initio citauimus. At solam Tertulliani au-
 ctoritatem repetere non grauabimur, qui in libro de præ-
 scriptionibus aduersus Hæreticos scriptum reliquit: Per-
 curre Ecclesias Apostolicas, apud quas, ipsę adhuc cathedrę
 Apostolorum suis locis præsentur, apud quas, ipsę auten-
 ticę litterę eorum recitantur, sonantes vocem, representan-
 tes faciem. Proxima est tibi Achaia, habes Corinthum: si
 non longe es à Macedonia, habes Philippos: si potes in Asiā
 tendere, habes Ephesum: si autem Italiæ adiaces, habes Ro-
 mam, vnde nobis quoque auctoritas præsto est statuta. Fe-
 lix Ecclesia, cui totam doctrinam Apostoli cum sanguine
 suo profuderunt: vbi Petrus passioni Dominicę adęquatur:
 vbi Paulus Ioannis exitu coronatur: vbi Apostolus Ioannes,
 posteaquam in oleum igneum demersus, nihil passus est, in
 insulam relegatur. Hęc Tertullianus, quibus in verbis mul-
 ta animaduersione digna sunt: Primum, quod ex Ecclesijs,
 quas hic commemorat, sola tantum in fide catholica super-
 est Ecclesia Romana. Deinde, quod cum Ecclesię alię flo-
 rerent, ex Ecclesia Romana tantum, in ceteras fluxit aucto-
 ritas. Tertio, quod etiam ad nostrum institutum facit, Pe-
 trum Romę passioni Dominicę adęquatum fuisse; hoc est
 cruci affixum. Quarto, Paulum illic, Ioannis Baptistę exi-
 tu, hoc est capitis truncatione fuisse coronatum. Quinto,
 Ioannem Euangelistam, postquam in feruens oleum esset
 demersus, quum nihil ex eo damni passus esset, in Pathmos

insu-

insulam fuisse relegatum. Sexto, trium horum Apostolorum præsentia Romanam Ecclesiam nobilem, ac illustrem esse redditam, sed ex eo præcipue felicem, quod Apostoli duo Petrus & Paulus totam huic Ecclesiæ doctrinam vnâ cum sanguine suo profuderunt. Supra 25. veteres tum Græcos, tum Latinos scriptores citauimus, qui omnes maximo consensu Petrum Romæ Episcopum obijisse confirmant. Si igitur hæc veritas tot nobilissimis auctoribus iam recepta est, quis iam nisi mente captus, ac penitus delirans eam amplius in controuersiam reuocare audebit? Cum præsertim nemo omnino ante mille quingentos annos præter Marfilium, Velenum, & nescio quos recentiores ne contrarium quidem somniauerit. Quo fit, vt risu dignissimum sit, quod persuasor opinatur Petrum Hierosolymis fato concessisse: id quod nemini scriptorum vnquam antea in mentem venerat. Repetantur omnes ad hanc vsque diem scriptæ historiæ, legantur sacrarum litterarum interpretes quotquot Græcè Latineq; scripserunt, excutiantur commentaria, nemo penitus reperietur impudentis huius mendacij auctor. Sed vsque adeo cecutit persuasor iste, vt non attendat, quam ferè omnes eius cauilli in suum ipsius caput retorqueantur. Prima enim persuasio, quæ dissidio nititur historicorum præsens persuasoris commentum facile tollit. Nam si quorundam historicorum mutua inter se contradiçtiõ, historiæ fidem tollit: quid fieri putabimus vbi cuncti maxima consensione repugnant? Quemadmodum hoc loco fieri liquet. Omnes enim vna voce reclamant Petrum alibi occubuisse, quam Romæ. Secunda etiam id ipsum refellit. Nam propè finem eius, colligitur sub Vespasiano Petrum non obijisse: quia nemo scriptorum hætenus hoc vel dixisse, vel scripsisse inuentus est. Quæ collectio cur non eque valebit hoc loco, quum nullus vnquam scriptor aut dixerit, aut scripserit, sed ne somniauerit quidem Petrum Hierosolymis exitum habuisse? At vt prolixum, ita

facile esset singulas retorquere persuasiones. Ex sexta molitur, quod cum iam Roma Narcissum habuerit Episcopum, nihil opus esset habere Petrum hominem veteranum, & defectum viribus. An non eadem ratione argumentari possemus? Quum Hierosolyma Iacobum & Apostolum, & Episcopum haberet, quid opus fuerit simul habere Petrum, nempe veteranum, & defectum viribus? In 14. persuasione Lucas (inquit) qui diligentissime scripsit aduentum Pauli Romam, & quomodo fratres ei venissent obviam, nihil de Petro meminit. Quamobrem nec Romę tum Petrus erat. Nunquid non eque colligitur Petrum haud quaquā fuisse Hierosolymis quando Paulus illuc postremo concessit? Nam idem Lucas in hoc aduentu Iacobum, & ceteros fratres prolixum cum Paulo sermonem habuisse testatur, & nullam de Petro mentionem facit. Illud adde quod mendacium, longe deteriori condicione Petrum facit, quā aliorum Apostolorum quemlibet, quum tamen ipse Princeps omnium fuerit. Nam de ceteris ferme omnibus certum est ubi mortui sint, ubiq; eorum corpora magnā veneratione à Christianis habeantur, & in eis presertim locis, ubi ipsi velut Episcopi aliquando presuissent. At iuxta hoc mendaciū nescitur ubi locorum, & Petrus obierit, & eius corpus iam conditum fuerit: sed neque usquam in terris certo venerari potest. Nam si Romę non occubuerit, non est id corpus Petri, cui tantus honor à Christianis impenditur, nisi quisquam certo posset docere quomodo translatum ipsum fuisset Romam, quę res hactenus incognita est. Postremo illud maxime est notatu dignum, quod cum Ecclesia catholica compertum habuerit, ubi nam quisque Apostolorum mortem obierit; absurdissimum est, ut per tot secula putetur ignorasse, quo loco Princeps Apostolorum Petrus martyrio vitam finierit. Ad Iosephi verò testimonium vnde tam leuem aduersarius accepit coniecturam Capite 16. postremi libri de antiquitatibus: Ananus (inquit) Pontifex

tifex se credens inuenisse tempus opportunum, Feflo mortuo, & Albino in itinere constituto, concilium fecit iudicum, & quosdam deducens ad semetipsum, inter quos & fratrem Iesu, qui dicitur Christus, nomine Iacobum, quasi contra legem agentes accusans, tradidit lapidandos, &c. Eadem, quæ supra repeti possunt nullam omnino, neque Petri factam mentionem; quod argumentum aduersario satis efficax ante videbatur, quo colligeret nunquam fuisse Petrum occisum Romæ. Nempe quia necis eius Iosephus Christianis, alioqui fauentissimus, nihil meminisset saltem nominatim. Addendum, quod quum de lapidandis Iosephus loquatur, nihil hoc ad Petrum, quem crucis morte passum compertissimum est. Nouissime accedit, quod Petrus omnium testimonio sex annis Iacobo superuixisse traditur: Nam is anno septimo Neronis fuste fullo- nis interijt, Petrus verò 13. cruci affixus est. Nihil ergo Iosephi testimonium confert aduersario, ac proinde eius per- suasiones nulli mediocriter historiarum perito hoc men- dacium persuadere poterunt.

Sequuntur aduersariorum Cauilli septem, & eorum responsiones, in altera eorum li- belli particula contenti, cum eorum confutationibus. Cap. III.

Proloquium.

SOLET interdum fieri, Lector mi, vt dum vegeto semi- ne agrum conspergimus, ni simul nociua quæq; radici- tus extrahamus, vrenda filix subnascens, sementis pariat ia- cturam. Quod dum hic timemus, ne quidam cauilli animû tuum torquentes, nostris ijs persuasionibus minus te crede- re permittant, alteram libelli particulam addidimus; in qua, cum

cum septem quibusdam Romanensium cauillis manus con-
 „ feremus, de eis, dignis rationibus, si fors fauerit, prædam
 „ ablaturi. Proinde interim Romanum quempiam obæsis
 „ faucibus, ac ventre prominulo, imaginare sycophantam,
 „ qui sic more suo nobis instet.

Secunda partis confutatio.

ABSOLVTA prorsus quæstione, cuius gratia laborem
 hunc priorem suscepimus, liberum nobis erat finem facere,
 ni me mouissent quædam in ea parte operis, quam persua-
 sor cauillos inscripsit, cum quibus ipse manus conferere di-
 gnus existimauit, ne quisquam prioribus suis persuasioni-
 bus, minorem habiturus esset fidem; iam scilicet præuidens,
 & propemodum diuinans, quod à catholico quoque con-
 tradicendum sibi esset; quod an illi commode ceciderit,
 aliorum erit iudicium. Etenim an superioribus ipsius ar-
 gutijs, abunde confutatis, quisquam habiturus sit fidem,
 nescio. opinor tamen ubi ista quis perlegerit, cum non vsq;
 adeo mentecaptum fore, ut non risu digna putet consequen-
 tia. Sed nenimio verborum ambitu, lectori tedio sumus,
 iam aduersarium cum suis cauillis concertantē, audiamus.

Primus Cauillus.

QVOD in persuasione dictum est quarta, improbius di-
 „ ctum est, quàm ut credi debeat; Paulus enim dum binam
 „ suam versus Hierosolymam peregrinationem, in ea quæ ad
 „ Galatas est epistola commemorat, in quartodecimo anno
 „ post conuersionem suam, vtranque fuisse factam intellexis-
 „ se volunt; & non in septem & decem annis, ut tua fert opi-
 „ nio, idq; Nicolai Lyrae testimonio confirmatur. Triennium
 enim

enim quo ante Paulus Hierosolymā venerat, in subsequen-
 tibus quattuordecim annis, quibus secundario illac cum
 Tito & Barnaba perrexerat, absorbetur, ita Nicolao verba
 Pauli exponente. Deinde post quattuordecim annos, vi-
 delicet à conuersione sua, assumpto Tito, & Barnaba, &c.
 Et sic Petrus quattuordecim illis annis præterlabentibus,
 Romam diuertere poterat.

Responsio.

BELLA Lyre, nisi à tot bonis auctoribus, quibus ne
 matellam dignus erat ipse porrigere, dissentiret, crederetur
 expositio. sed quia non ausim dicere, an vllum habeat qui
 isthoc sibi consentiat, rationabilius tot celeberrimi sequen-
 di sunt interpretes, quam hic vnus, & quidem ignobilior,
 qui in hoc spero aucupabatur sibi gloriam, si stulte ab alijs
 dissentiret omnibus. Et quia contra inermem, & imbecil-
 lem frequentia militum non solet desiderari, quem vnus
 probata fortitudinis vir, vel cui scerare possit, vnicum Hie-
 ronymum tot Lyrans anteponendum, contra hunc produ-
 cam, qui epistolam ad Galatas exponens, hos septemdecim
 annos, non semel repetit: In principio fidei (inquit) in tran-
 situ, Paulus Apostolos vidit, post annos, vt ipse ait, decem &
 septem plene cum eis loquitur, & se humiliat, & ne forte in
 vacuum curreret, aut cucurrisset inquit. Et inferius.
 Contulit Euangelium cum Apostolis, non quod Paulus ti-
 muerit, ne per decem & septem annos, falsum in gentibus
 Euangelium prædicasset, sed vt ostenderet prædecessoribus
 suis, non se in vacuum currere, aut cucurrisse, sicut puta-
 uerunt ignorantes. Hæc Hieronymi verba. quibus mani-
 feste, quantum Lyra deliret, ostenditur.

Con-

Consutatio Responsionis primæ.

H VNC primum cauillum à persuasore motum, omnino nihili facimus. Quamquam enim pro certo habeamus, idq; ex Actis Apostolicis accuratissime deduxerimus, quartodecimo à Pauli conuersione anno, Concilium Hierosolymis congregatum fuisse, non decimo septimo, vt persuasor affirmat: nihil tamen ad causam nostram refert, quoto id anno coactum fuerit quartodecimo ne, an quintodecimo, cum satis supra ostenderimus, Petrum secundo Claudiij anno, Romam primum venisse; sexto vero, eius edicto, recessisse; eumq; Hierosolymis, & in Syria, vel transmarinis regionibus, octo integris annis permanisse; ita vt, si idem Concilium quartodecimo, decimo septimo, aut etiam vigesimo anno à Pauli eouersione celebratum fuisse diceremus, nihil nostræ annorum digestionis, & ad Urbem Petri aduentui officeret; quum per eos annos, Petrus Hierosolymis semper adesse potuerit. At persuasoris responsionem, alius cuius momenti esse faciamus. Si quis porro accuratè ea tempora, quæ inter Concilium Hierosolymitanum, & eandem Pauli consecuta sunt, in Actis Apostolorum considerauerit, inueniet profecto, tot annos expressos, & res gestas explicatas à Luca, vt fieri non possit, Concilium idem post 14. annorum celebratum esse, cum inter illud, & captiuitatem Pauli Hierosolymis, anno 20. conuersionis sue factam, vix paulo plusquam sex anni interlint, ex quibus, quattuor vel quinque expressi in Actis Apostolorum habentur, præter reliquas temporum fractiones, quas Paulus absumpsit visitandis, & confirmandis Ecclesijs, quarum Lucas expressè non meminit. Quo fit, vt verba ea Pauli, post annos 14. iterum ascendi Hierosolymam; ab eius conuersione accipienda sint, non vt persuasor sentit, à priore triennio exacto;

cto; quia tunc annus Concilij esset 17. vel 18. annus conuer-
sionis, inter quem, & carcerem, minimum interfunt ex
Actis Apostolicis quinque anni, quod fieri non potest, cum
captiuitas Pauli 20. eius conuerſionis anno fuerit, vt ego
in eius vita accuratissime, certissimeq; probaui.

Secundus Cauius.

QVID ni creditur Petro Apostolorum primati, qui è
Roma epistolam quam Catholicam dicunt, scribens, se Ro-
mæ fuisse proprijs exprimit verbis: Salutat vos (inquit) Ec-
clesia, quæ in Babylone collecta. Quantum piaculum dif-
fentire à Hieronymo, & Lyrano, quorum neuter Romam,
per hanc Babylonem non interpretatur. Hieronymus in
libro virorum illustrium, Lyranus autem hæc verba Petri
explanans, dicit enim vterque, Romam figuraliter nomine
Babylonis designari.

Responsio.

DUPPLICEM esse Babylonem à cosmographis didici-
mus. Vnam in Assyria, quam Babylo sapientissimus
Medi filius condidit, vel (si Herodoto credimus) Semira-
mis. Alteram quæ Aegyptiaca dicitur, non procul ab
Aegypto distans, de qua meminerunt Stephanus, Strabo,
& Ptolomæus: Et recentiorum, Ludouicus Cælius in anti-
quitatibus, & Raphael Volaterranus in sua Geographia, &
quidam alij. Strabo tamen, plus in Arabia, quàm Prouin-
cijs Aegypti, hanc esse sitam ostendit. Vnde Arabum lin-
gua, Cnayrum illam vocant, quæ vox, non aliud eis desi-
gnat, quàm si Babylonem nostrates dixerint: & sic persua-
sissimum est, Petrum ex hac Babylone, vel si quem Arabū

„ oblectat dictio, Chayro, epistolam suam scripsisse, qui in
 „ Iudæa, & contermineis vndiq; circum, & circa regionibus
 „ Christi nomen diuulgabat. Iudæa autem (vt Hieronymus
 „ vult) confinem sibi habet vtranq; Arabiam, hoc est, & Ara-
 „ biam petream, & Arabiam desertam. Ab Oriente enim
 „ habet Arabiam petream, & iuxta hanc, ad Meridiem tan-
 „ git Arabiam desertam; & Apostolus hoc quoque testatur,
 „ dicens: Syna mons est in Arabia, quæ coniuncta est ei, quæ
 „ nunc dicitur Hierusalem. Quas ob res, in eis collimitaneis
 „ Hierosolymæ prouincijs, Petrum prædicasse Christum, &
 „ ex Chayro ad dispersos è Ponto, Galatia, Cappadocia,
 „ Asia, Bithynia, Christi fideles epistolam scripsisse, hoc iam
 „ quis neget? Atque eo modo, verba Petri, salutem vos Ec-
 „ clesia quæ est in Babylone coelecta, intelligenda sunt. At
 „ finamus præterea suis figuris ludere Lyranum. Quia sicut
 „ (inquit) Babylon fuit Ciuitas maxima, & idolatriæ dedita,
 „ sicut patet in Daniele, sic Roma postea fuit ex simili opere.

Confutatio responsionis secundæ.

QVOD tanta verborum copia perstrepat persuasor, pau-
 cis perstringam. Non fuisse Romæ scriptam priorem illam
 epistolam Petri, neq; per Babylonem illic tropice Romam
 intelligi debere, quoniam apud chronographos, duas con-
 stat esse Babylonias, alteram in Assyria, alteram haud pro-
 cul ab Aegypto, ex qua, Petrus epistolam illam scripsit.
 Hæc de Aegyptia Babylone fabula, adeo à veri similitudine
 longe distat, vt mihi verisimile fiat, persuasorem, quum ne-
 quaquam idem quod scribebat crederet, id tantum quæ-
 sisse, vt testatum relinqueret, se non omnino cosmographiæ
 fuisse expertem, qua quidem in fabula, nihil necesse erat Vo-
 laterranos, aut Cælios tam anxie inquirere. Nemo namq;
 vt opinor, negaturus fuit, Babyloniam Aegyptiacam exte-

re, cuius cum & Antoninus, & Ptolomæus meminerint, originem etiam ex Diodoro scimus, conditam namque dicit à captiuis Babylonij, Sesostridi Regi in Aegypto seruiuentibus, à quo cum defecissent, bellumq; intulissent Aegyptijs, postremo edificandæ ciuitati locum acceperunt, haud procul à Nilo, eamq; à patriæ suæ nomine appellarunt Babyloniam. Iosephus vero in secundo de antiquitatibus libro, posteriùs conditam scribit, in ruinis Lyci Urbis, à Cambise deuastatæ, eoq; prima die contendisse Hebræos, cum Aegyptum essent deserturi: Qua in re, ne fortasse aliquando similitudine nominum decipi nos contingat, sciendum est, non de ea Lyco, Iosephum locutum, quæ cis Nilum in ea parte Aegypti est, vbi asperrimi montes Thebaidem à Septemtrione finiunt, & à qua Lycopolites nomus, vel vt latine loquamur, præfectura appellata est, sed de Lyco altera, quæ trans Nilum fuit Arabiam versus; Vbi postmodum Babyloniam condiderunt. Quod satis patet, ex ratione itineris Iudæorum, qui ex Gessen discedentes (ea autem, auctore Hieronymo, Thebaidos pars est trans Nilum ad Orientem) & ex Ramesse, quæ postea (eodem teste) Pagus Arsenoites fuit, in littore rubri maris, versus Palestinam cœperunt iter, & ad Septemtrionem proficiscentes, eò deueniunt, vbi Nilus primo scinditur, in vertice eius partis Aegypti, quam Græci Deltam vocant, vbi postmodum condita fuit Babylonia. Facile vero coniectura assequi possumus, cuiusmodi fuerint eius Urbis primordia, cuius egea deuastataq; manu, aut certe seruilis, & eiecta adhuc pressa tot crumnis, & calamitatibus fundamenta iecerit; Tam infelicibus etiam auspicijs, vt per tria propè annorum millia, nulla frequentia indigenarum, nullo aduenarum commercio, ad iustam Urbis magnitudinem potuerit excrecere. Per Strabonis namque tempora, non Ciuitas, non oppidum erat, sed (quod ipse ait) *ῥόδιον ἔρημον*. arx scilicet munita, quæ Romanorum præsidio tantum tenebatur, vnica ibi disposita

ta cohorte, quod esset Arabiꝝ, Aegyptoꝝ; contermi-
na: si-
quidem Nilus cui appositæ est, vt plerique dicunt, Arabiam
Aegyptumq; disternat. Diu quoque in eadem rerum,
& hominum egestate perdurauit, donec per tempora Chri-
stianæ calamitatis, paulo ante exorta Mahumetica impieta-
te, rursus in seruorum recidit seruitutem. Factisq; tum de-
mum ibi fundamentis, maximi Imperij mira incrementa ac-
cipiens, ex ruinis præcipue proximarum ciuitatum, Mem-
pheos, & Heliopoleos in eam creuit amplitudinem, vt &
murorum ambitu, & populorum frequentia, ceteris omni-
bus eius regionis, longo interuallo, Vrbs ipsa præponenda
sit. Ante annos autem quinquaginta, euerla seruili Ma-
malucorum tyrannide, per Selimum Turcærum Imperato-
rem, maximam quoque partem pristini splendoris amisit.
Cayrum autem nunc appellant, non quod ibi olim carræ
fuerint, vt Platina, Blondusq; crediderunt, nec quod idem
nomen, illud sit, cum nomine Babylonis, vt persuasori vi-
deo persuasum esse; sed quod Cayr statum (vt periti eius
linguæ dicunt) bonum rectumq; significat. Cum contra,
Babylon significet confusionem. Enimuero si persuasori
quoque dedissemus, nunquam Romæ fuisse Petrum, nulla
tamen veri esset similitudo, cur crederemus ex hac Babylo-
ne scripisse, aut ibi diutius duxisse moram, quum id merû
persuasoris figmentum, nullo scripturarum, aut auctorum
testimonio, munitum esse appareat. omitto quod licet Ba-
bylonicæ Ecclesiæ nomine salutem ascribit, non tamẽ con-
tinuo necessarium est, Babylonicæ quoque scriptam episto-
lam: posset namque de absente Ecclesia, illud intelligi, quod
Pauli testimonio conuincemus: Salutant vos (inquit ad Ro-
manos) omnes Ecclesiæ Christi. nunquid nam Paulus aut
tunc erat, aut olim fuerat apud omnes Ecclesias? Rursus in
priori ad Corinthios: Salutant vos omnes Ecclesiæ Asiæ,
cum Philippis scripta sit epistola, quæ Vrbs fuit Macedoniæ,
nunc autem euerla. In posteriore vero, salutant vos om-

nēs sancti, cum pauci fortasse adinodum tunc essent cum D. Paulo: dixisset certe Petrus, si in Babylone Aegyptia: tunc fuisset, salutat vos quæ nunc est Ecclesia, vel ut iterum Paulus, qui mecum sunt sancti. Nisi & qualis tunc esset Romæ, diuinarum humanarumq; rerum confusio, eo potissimum vocabulo, significare voluisset, tacito proprio Romæ nomine, ne forte, exceptis litteris, incitarentur in Ecclesiam Romanorum animi; quod & Paulus fecit scribens, se ex ore leonis liberatum: nisi ridicule non Neronem, sed id animal quod nomen significat, velimus intelligere. Omitto præterea quod Papias Apostoli Ioannis auditor, Romam, dixit figurate, pro Babylone apud Petrum intelligi, cuius sententiam secuti sunt Tertullianus, Eusebius, Hieronymus, & ex recentioribus Bedas: cum ipse imperitè, solum citet Lyranum, quasi solus ipse hoc dixisset. At vero cum non multum à Strabonis ætate distent Petri tempora, credo equidem Persuasorem opinatum, Petrum humanitate ductum, in Aegyptum perrexisse, ut milites Romanos qui illic in præsidio erant, ad Christum conuerteret, ex quibus illa demum condita sit Ecclesia, cuius nomine salutem adscribit. Cum enim vndique solitudines essent, magno iudicio, is qui tanquam operarius, in segetem missus fuerat, non frequentia populorum, celebrem aliquam regionem, sed arcem hanc in desertis munitam, sibi elegit, ut ductum quispiam dicat, desiderio visendarum Pyramidum. Cum vero sciamus ubi Paulus prædicarit, vicissim quoq; scimus quibus persuaserit fidem, quod item de Iacobo, Thoma, Ioanne, & alijs possumus dicere. At vero Petrus ipse qui primus Christum Dei filium confessus est, cui soli dictum legimus, ut oves agnosq; pasceret, qui se electum dicit, ut per os eius gentes agnoscerent veritatem, quos Christum docuerit ignoramus. Quæro quos nam Babylonica illa arx, vel Ecclesia viros protulerit, qui sanctitate, aut doctrina testentur, Petri se fuisse discipulos. Antiochia certe prior illius

lius Pontificis sedes, Euodium, Ignatium, & ne plura prosequar, ab illorum disciplina, Chrysostomum nominabit; sic Pantenum, Clementem, Dionysium, Origenem, Athanasium, Petrum, Cyrillum Alexandria: verè autem Petri sedes Romana Ciuitas, instituente Petro, non minus, in Ecclesiæ primordijs, sanctissimis doctissimisque hominibus, Lino, Clemente, Sotere, Iustino, Victore, Apollonio; & alijs referta fuit, quàm ante Christum cognitum, in disciplina militari clarissimis imperatoribus: Et quo nam, rogo, D. Petrum ex tanta hominum celebritate eiectum, iste relegabit? ridicule sanè, in Babylonem, & illam quidem non Arabiæ tantum, sed totius impietatis arcem atque perfugium? Quid nam interroganti respondere poterit, Petrum per tot annos egisse, quot impudenter, & fabulosè, loca illa inhabitasse contendit? Quod nam adiuumentum, teneris adhuc Christianæ reipublicæ in cunabulis præstitisse? Nul- lus certe ad hanc diem Babylonius, nullus Arabs auditus est, non modo pro Christo depugnasse, sed Christiani etiam nominis non inimicissimus. Siccine ei verisimile fit, illius, quam ipse confingit, Babylonicæ Ecclesiæ, à Petro posita fuisse fundamenta? Sic Arabiam à D. Petro omnium Apostolorum maximo, optimis & institutis, & moribus constitutam, stabilitamque reliquisse, ut sæx illa, totius orbis pestis, perniciosusque religionis Christianæ, impius Mahometus ex illa potissimum regione exierit, quam ipse regendam, gubernandamque suscepisset? & ex qua nihil vnquam, non modo pietati Apostolicæ consentaneum, sed nisi omnino tetrum, impium, scelestum, detestandumque prodijse non dubitamus? Quiescat igitur quæso, & ab hisce delirijs suis animum auocet, verumque D. Petri Romæ sepulchrum, & legitimam à Christo ipsi traditam potestatem, & eiusdem ab ipso eius successoribus, ex Christi institutione, relictam agnoscat. Sic enim clarissimis iam, certissimisque testimonijs est probatum, ita ut, nemo amplius hæc inficia-

ri audeat, & in pertinacia sua peruicax, non erubescat, contra omnium historicorum fidem, contra tot seculorum coalitam sententiam, contra totius Ecclesiæ consensum, stolidæ hæc deliramenta commentari, qui nec vnum ex antiquis sacrarum litterarum interpretibus, huius mendacij auctorem habet, nec vllam ex sacris libris, aut prophana quauis historia rationem probabilem afferre potest, Petrum vnquam eas regiones attigisse. Mirum certe esset, si Petrus eo contendisset, quod nullum eius itineris vestigiū superest, quum de aliorum Apostolorum peregrinationibus, historiæ sint refertæ.

Cauius Tertius.

Si nihil aliud, hoc profectò solum magno esset argumento, Petrum Romæ ante priorem etiam Pauli illuc aduentum fuisse, quod dum è Hierosolymis, vt Lucas in Actis Apostolorum tradit, militibus comitatus Romam victus duceretur, occurrerunt ei fratres ad Appij forum, quibus visis, gratias Deo egit ille. Nam quo monitore in Christū credidissent, si tunc Petrus Romæ absuerat?

Responsio.

CHRISTIANOS protinus post Christi passionem, & nondumtaxat Paulo illuc veniente, Romæ fuisse, Orosius, Tertullianus, Platina, imò Christianorum hostis Suetonius Tranquillus testantur. Orosius enim lib. 7. cap. 4. ad hunc modum scribit: Postquam passus est Dominus Iesus Christus, atque à mortuis resurrexit, & discipulos suos ad prædicandum misit, Pilatus præses Palestinæ prouinciæ, ad Tyberium Imperatorem, atque ad Senatum rettulit de passione,

„ fione, & refurrectione Chrifti, confequentibusq; virtutibus,
 „ quæ vel per ipfum factæ fuerant, vel per difcipulos eius, in
 „ nomine eius fiebant. Et de eo, quod certatim crescente
 „ plurimorum fide, Deus crederetur. Tyberius ergo cum
 „ fuffragio magni fauoris rettulit ad Senatum, vt Chriftus
 „ Deus haberetur. Senatus indignatione motus, cur non fi-
 „ bi prius fecundum morem delatum efferet, vt de fufcipiendo
 „ cultu prius ipfe decerneret, confecrationem Chrifti recusa-
 „ uit, edictoq; conftituit, exterminandos effer Vrbe Chri-
 „ ftianos, præcipue cum & Seianus præfectus Tyberij, fufci-
 „ piendæ religioni obftinatiffime contradiceret. Tyberius ta-
 „ men, edicto, accusatoribus Chriftianorum mortem com-
 „ minatus effer; de quo Tertullianus in Apologetico aduerfus
 „ Gentiles modestius aliquanto loquitur: Tyberius (inquit)
 „ cuius tempore, nomen Chriftianum in feculum introiuit,
 „ annunciatum fibi ex Syria Palæftina, quæ illic veritatem,
 „ ipfius diuinitatis reuelauerat, detulit ad Senatum cum præ-
 „ rogatiua fuffragij fui, Senatus, quia non ipfe probauerat,
 „ refpuit. Cæfar in fententia manfit, comminatus periculū
 „ accusatoribus Chriftianorum. Omitto dicere quid fcribāt
 „ Suetonius, & Platina, hic in Chrifti, ille vero in Tyberij vi-
 „ ta, quibus fatiſ infinuatur, tutam fuiſſe, à Tyberij tempo-
 „ ribus, ad Neronis vſque Imperium, & ſub eius Imperio, ad
 „ vſque Pauli aduentum, Chriftianam Romę religionem, Ter-
 „ tulliano adſtipulante hiſ verbis: Conſulite commentarios
 „ veſtros, illic reperietis primum Neronem in hanc ſectam
 „ Cæſariano gladio ferociſſe. Quare nullus mirari debeat, tot
 „ fratres Romæ fuiſſe, qui Paulo venienti occurrerint: quoniā
 „ gliſcente etiam illic pietate, ordinatione Spiritus Sācti, nec
 „ præſbyteri illis defucriant, vti Narciffus, Andronicus, Iunias;
 „ & ceteri, quatenus nihil opus habuerint Petri præſentiā defi-
 „ deraffe, quos deinde Paulus quoq; ipſe, tum per epistolā fa-
 „ ciendorū admonuerat, tum præſentialiter inuiſerat, vt iam
 „ abūde in priore nrī libelli particula, ſingula hæc indicauim⁹.

Confutatio tertia responsionis.

OBIECIT. sibi hoc loco persuasor, quod nemo alius (ut arbitror) ipsi obiecisset. Neque enim ex ijs quæ ipse attulit, argumentari quisquam potuisset, Romæ, ante Pauli aduentum Petrum docuisse. Nec necesse est, quod illuc prius accesserit Petrus, quam ulli alij Christiani: credi vero potest fratres ipsos, qui tum obuiam Paulo venerunt, aliquā ante cum eo necessitudinem habuisse, neque primum Romæ fuisse ad Christianismum conuersos. Debilis igitur obiectio est, nec multo validiore ratione eam aduersarius refutare cōatur. Quid enim si Tyberio Imperatore, fratres aliquon, facta per Stephani mortem dispersione, quemadmodum in Actis Apostolicis traditur, concessissent Romam, non ob id, non fuisset item præsentia Petri necessaria? An non legimus in ijsdem Actis, quod cum audissent Apostoli, quia Samaria per Philippum recepisset verbum Dei, miserunt ad eos Petrum & Ioannem? Ecce cum accepisset Ecclesia Hierosolymitana, Samaritas Philippi prædicatione, ad fidem fuisse conuersos, & baptizatos, operę pretium tamen esse duxit, ut nihilominus Petrus, & Ioannes eo se conferrent. At Velenus argutatur. Roma Narcissum habuit, Andronicum, Iuniam, Priscillam, Aquilam, idcirco nihil opus habuit, Petri præsentiam desiderasse. Necessaria profecto fuerat Petri præsentia Romę, quum ob alias causas, tum quod Simonis magi artes apprime callebat, cuius gratia, potissimum etiam in Samariam pridem accesserat. Nam ut in Actis legimus cap. 8. ille in Samaria artem magicam exercebat, ac Samaritanos dementabat dicens, se esse aliquem magnum, cui auscultabāt illi à minimo vsq; ad maximum dicentes, hic est virtus Dei, quæ vocatur magna. Ob huius certe artes Apostoli, qui tum erant Hiero-

solyimis, metuentes ne Samaria conuerſa, ad priſtinos errores relaberetur, Petrum & Ioannem eò miſerunt. Pudeſcitur itaq; & repreſſus Simon, illico reſeſſit Antiochiam primum, deinde Romam, quo & Petrus aliquot annis poſt, eius veſtigijs inſiſtens, ſe recepit. Nam eadem cauſa, quæ Petrum ante in Samariam traxit, eadem eum adegit Romam quoque proficiſci, cuius conſlictationis, quam Romæ cum Simone Petrus habuit, multi ſcriptores meminere, quorum præcipui, Euſebius, & Arnobius ſunt. Simonis vero, Ire-næus, Iuſtinus, Tertullianus mentionem faciunt. Ad Oroſium autem, cuius hæc verba perſuaſor citauit, Tyberij ſcilicet tẽpore, Senatũ edicto conſtituiſſe, exterminandos eſſe ex Vrbe Chriſtianos: quamobrem & oportuit Tyberij tẽpore, Chriſtianos Romæ fuiſſe. Sed audiat noſter ille, quid idem Oroſius eiufdem libri cap. 4. ſcripſerit: Exordio Regni Claudij, Petrus Apoſtolus Domini noſtri Ieſu Chriſti Romam venit, & ſalutarem curæ credentibus fidem, fideli verbo docuit, potentiffimisq; virtutibus approbavit, atque exinde Chriſtiani Romæ eſſe coeperunt. Audiat, inquam, Velenus, cœpiſſe Romæ Chriſtianos poſt aduentum Petri, & ex Oroſio, contra nos argumentetur. Idem teſtatur & Euſebius cap. 14. lib. 2. de Petro loquens: ſalutaris prædicationis verbo primus in Vrbe Roma Euangelij ſui, clauibus ianuam regni cœleſtis apêruit. Ecce primus in Vrbe Roma Petrus, verbo ſalutaris prædicationis, hoc eſt, clauibus Euangelij ſui, cœleſtis regni ianuam Romanis apêruit. Nec repugnat Oroſius ſibi, fieri enim poteſt, & conuerſos aliquot ex Iudæa (vt ſupra diximus) Romam ante Petrum veniſſe, qui ibi publice non docuerunt, & tamen Petrum primum fuiſſe, qui Romanis apertè concionatus fuerit, & ex ipsis Romanis, aliquot ad Chriſtianiſmum conuerterit, Eccleſiamq; publice erexit. Ceteri vero à perſuaſore citati auctores, quia præter Oroſium, nihil alicuius momenti afferunt, nullam à nobis habent reſponſionem.

Cauil-

Caillus Quartus.

QVIBVS, ea res magis comperta fieri debuit, atque
discipulis Apostolicis, & qui proxime viguerunt post Apo-
stolos. At illi hoc nobis indubitato prodidere, Petrum &
Paulum Romæ passos fuisse, quorum vnus, videlicet Lini
nomine, Timotheum salutauerat Apostolus, dicens: Sa-
lutant te Eubulus, & Pudens, & Linus. Alterius autem, in
Actis Apostolicis celebratur memoria, inquiente Luca:
Quidam vero viri adhærentes Paulo crediderunt, in quibus
& Dionysius Areopagita, & mulier nomine Damaris, & alij
cum eis. Præterea Egesippus, qui Aniceti decimi, post Pe-
trum, Romani Pontificis tēpore, Romam aduenerat, in lau-
dibus fidei Christianæ verlatus, eiusce passionis Petri, &
Pauli meminit.

Responsio.

SI mihi nihil aliud esset, quatenus probem, passiones
illas Petri & Pauli, ab eorum discipulis non fuisse conscri-
ptas, diuersitatem illam, & discrepantiam, quæ illic repe-
ritur, firmissimę probationis loco ponerem. Sed quia sunt
mihi pleraque multa, ad perditam hanc suspicionem tollen-
dam, illius ne meminero quidem. Persuasum est doctis
omnibus, non modo discipulis Apostolicis, sed & ipsis Apo-
stolis adhuc superuiuentibus, hanc iniuriam sæpius factam
fuisse, vt multa eorum sub nomine, Christianæ professioni
repugnantia, in publicum efferentur. Nomine enim Pauli
(vt Origenes testis est) ad Tessalonicenses, à pseudoapostolis,
quò facilius deciperentur, porrecta fuit epistola. Quos Apo-
stolus, re tandem comperta, propria ad eisdem data episto-

la, admonet his propè verbis : Non cito moueamini (inquit)
 à vestro sensu, neque terreamini, neque per spiritum, neque
 per sermonem, neque per epistolam tanquam per nos missam.
 Et Hieronymus visionem Pauli, & Teclæ, ac baptizati leonis fabulam, sub nomine Pauli, à quodam Asie presbytero fuisse editam, scribit; quod ipsemet postea (Tertulliano teste) se fecisse Pauli amore, confessus est. Clementis item Romani, cuius Apostolus ad Colossenses scribens, mentionem facit: multis erroribus hæretici referferunt libros, quorum quidam Eunomij hæresim sapiunt. Nam disputat quodam in libro, filium Dei, ex nullis extantibus, creatum. Item demones non voluntatis maliciam fecisse, sed creaturam eos esse, diuersæ qualitatis, ab alijs productam. Et longe plures alij mihi reperiuntur errores. Rursum Dionysij cuiusdam Alexandrini Episcopi, vsq; adeo deprauati sunt libri, vt eius auctoritate, Arrianorum hæresis, filium Dei non eiusdem substantiæ esse cum patre, ausa sit confirmare. Origenis nondum mortui, tot iam subdititijs erroribus scatebant libri, vt sapiuscule hanc iniuriam deplorasse legatur. Et Rufinus in apologia pro Origene, de hæreticorum (inquit) temeritate, vt credi istud scelus facile possit, illa res maximum credulitatis præstat exemplum, quod abstinerè impias manus etiam à sacrosanctis quidem Euangelij vocibus non potuerunt. Apostolorum verò vel acta, vel epistolas qualiter polluerint, qualiter corroserint, qualiter in omnibus macularint, vel addendo impia, vel auferendo quæ pia sunt, si quis vult plenius scire, ex his libris Tertulliani, quos aduersus Marcionem scripsit, plenissime recognoscet. Et alibi inquit: Peruersi homines assertionem dogmatum suorum, sub virorum sanctorum nomine, tanquam facilius credenda, inseruerunt ea, quæ ipsi nec sentisse, nec scripsisse credendi sunt. Et ideo Origenes homelia 26. super Matth. dicit: Oportet caute contiderare, vt nec omnia secreta quæ ferunt in nomine sanctorum, suscipiamus.

Sequi-

Sequitur deinceps persuasor, aliquot rationes adducens, quibus probare conatur, eas Apostolorum Petri & Pauli vi-
tas, & acta, quæ Dionysij, Lini, & Egesippi nomine circum-
feruntur, ficta esse, quas longis verborum anfractibus pro-
lixas, neque nihil nostræ sententiæ repugnantes, omittimus;
ita vero in fine responsionis addit.

Quod idem sentirem & de Egesippo, qualiter enim ho-
mo iste post multa tempora Romam veniens, historiæ ser-
uare potuisset veritatem? qui neque rei gestæ aderat ipse,
neque Roma illa tempestate, de eorum passionibus quic-
quam sibi conscia erat: siquidem multis post Egesippum
temporibus, fabulam hanc fuisse fictam, certum est.

Quarta responsionis reprobatio.

QUANQVAM non multi faciamus, legitima sint necne
Dionysij, Lini, & Egesippi de Petro & Paulo scripta, ubi
testium veracissimorum nubem habemus, ideoque & cau-
illus, & responsio eius, ad rem nostram nihil omnino faciât,
breuibus tamen nonnullis à persuasore in responsione sua
allatis, respondebimus: primum innuere videtur, & si id
aperte non profiteatur, hæreticos probatorum scriptorum
libris, hanc rem de Petri ad Urbem aduentu forte inter-
seruisse. Hac in re libenter ab eo expeterem, ut nos doce-
ret, qua nam ratione, aut cuius rei specie, quispiam hæreti-
cus fingere constituisset Petrum Romæ fuisse, aut cuius hæ-
resiarchæ secta, hac opinione, vel tantillum promoueri po-
tuisset? Quod si non potest, quum hoc hæreticis longe ma-
gis aduersetur, quam profit, non video cur suspicari quis-
quam debeat, id alicuius auctoris operi, fuisse ab hæreticis
insertum. Nec obstant Origenis verba, quum admonet,
non oportere omnia à nobis suscipi, quæ nomine sanctorum
circumferuntur. Nam aliud est non suscipere omnia, aliud
omnia

omnia reprobare: voluit igitur Origenes, vt non sine delectu libros suscipere, & idcirco dixit, oportet caute considerare. Sed noluit, vt illud reijceremus, in quo nulla vnquam fuit mali suspicio, quodque perpetuo à primordijs Ecclesiæ, ab omnibus esset receptum. Cuiusmodi constat hanc rem esse, de qua modo agimus, Romæ scilicet Petrû aliquando fuisse. Nam ad hunc vsque diem, nemo reperi-
tus est, præter paucos recentiores æcerrimos Ecclesiæ Romanæ perduelles, qui id negarint; quum tot eximij, vetustissimiq; scriptores, de quibus supra diximus, id ipsum toties, tam vnanimi consensu affirmant. At demus aliquam esse de anno, siue die, quo Apostoli occisi fuerunt discrepantiam: nihil id obstare debet, quin Romæ fuerint interfecti, sicut nec de Christi morte Hierosolymis facta dubitare licet, quum tamen, vt supra ostendimus, inter scriptores non de anno solum, verum etiam de die quo fuerit Christus crucifixus, magna controuersia sit. Varietas igitur, quæ inter auctores est, de tempore cedis Apostolorum, non tollit fidem, quod Romæ mortui sint, & præsertim si nullum aliud esset indicium, quàm quod in Vrbe Petri Paulique cineres, ad hodiernum vsque diem, tanta habeantur in veneratione. Sed & illud obseruemus, quod ex immenso propè sanctorum patrum numero, tres dumtaxat, carbone notauit persuasor, scilicet Dionysium, Linum, & Egesippû. Demus autem aduersarijs, trium horum libros, qui ipsorû nominibus circumferuntur, suspectos esse. Quid de Philonis viri sapientissimi, Papiæ Hieropolitani, Dionysij Corinthij, Irenei Lugdunensis, Cypriani Carthaginensis, Petri Alexandrini Episcoporum, & martyrum, Clementis Alexandrini, Tertulliani, Caij, Origenis, Arnobij, Lactantij, Eusebij, qui persecutionum temporibus vixerunt, item Ambrosij, Hieronymi, Rufini, Optati, Athanasij, Epiphani, Chrysostomi, Augustini, Orosij, Prosperi, Leonis, Gregorij, Bedæ, Theophylacti, & aliorum sexcentorum testi-
monijs

monijs dicemus? Num illos commentitios esse putabimus, quos vniuersalis Ecclesiæ consensus, & vos ipsi, vt legitimos suscipitis? Nunquid aduersus hos hiscere quisquam audebit? Quum vero dubium non sit, plerosque antiquiores Egesippo, eiusdem rei mentionem fecisse: consequens est, verum non esse, quod persuasor ait, confictam fabulam post Egesippum. Equidem opinor, illo potissimum argumento, hominem motum esse, vt falsam mentionem illam crederet; quia scilicet diligentissimus historiarum inuestigator fuerit.

Caillus Quintus.

A T Ecclesia Romana verba ex passione Lini, quem tu Lenonem potius aliquem, quam Linum fuisse blasphemias, deprompta annuatim decantat, id neutiquam factura, si eam non legitime descriptam scierit. Inter cetera, in passione Petri, & hæc ponuntur verba. Vt autem portam Ciuitatis voluit egredi Petrus, vidit sibi Christum, occurrere, & adorans eum ait: Domine quo vadis? Respondit ei Christus: Romam venio iterum crucifigi. & ait ad eum Petrus, Domine crucifigeris? Et dixit ad eum Dominus; Etiam iterum crucifigar. Petrus autem dixit: Domine reuertar, & sequar te. Et his dictis, Dominus ascendit in cœsum. Petrus autem profecutus est eum, multo intuitu, atq; dulcissimis lacrymis. Et quo id magis factum credatur, hæcenus extat eo loci exædificatum sacellum, vbi hæc habita sunt verba.

Responsio.

BENE habet, quod vniuersalis Ecclesia sancta, propheta-
num

num hoc mendacium contra Christum, contra Paulum;
imò contra ipsummet Petrum, ac fidem catholicam non
decantat. Orientales enim Ecclesiæ, quod sat scio, & mul-
ti etiam in Occidente fidelium, hanc vocem non recipiunt.
Romanam vero Ecclesiam, hæc mendacia approbare, pro-
fiteri, decantare quid prohibet? quæ mendacijs est aliqui
refertissima: potuit ne discipulus Apostolicus hæc porten-
ta horrendissima, toto cœtui fidelium scribere, ut iam Chri-
stus Petro occursurus, tunc è cœlis descenderet, & tan-
quam Petrus, Christi verbis admonitus, rursus Romam
se se recepit, fratribus ea quæ euenerant nunciaturus? Quid
Petrus enim hac fabula apud eos promouisset, non intelli-
go, quàm ut pro seductore, & mendace haberetur ab om-
nibus. Qui quondam ad Iudæos de Christo locuturus, ut
Actuum habetur tertio, dixerat, oportet quidem cœlum
Iesum Christum suscipere, usque in tempora restitutionis
omnium, quæ loquutus est Deus, per os sanctorum suorum
à seculo prophetarum. Quomodo tunc ergo cœlum ter-
ris Christum reddiderat, ante consumationem omnium,
quæ circa diem iudicii primum est futura? dicentibus etiã
Angelis ad eos, qui intuebantur Christum, in nube pergen-
tem ad cœlum: Hic Iesus qui assumptus est à vobis in cœ-
lum, sic veniet quemadmodum vidistis eum euntem in cœ-
lum. Quod explanat Matthæus de aduentu eiusdem ad iu-
dicium: Videbunt (inquit) filium hominis venientem in
nubibus cœli, cum virtute multa, & maiestate, quemadmo-
dum enim in nube ascenderat, sic in nube ad iudicandum
reueniet. Ecce quam inconueniat credere, ut vnquam
Christus in ea persona, qua à nube correptus in cœlum de-
uolauit, in terras descenderit. Sed reuera ad diem iudicii
primum, à fidelibus expectatur rediturus, ut ad eam senten-
tiam, Psalmista quoque alludat: Dixit Dominus Domino
meo, sede à dextris meis, donec ponam inimicos tuos, sca-
bellum pedum tuorum. Vnde nunquam adhuc personali-

ter descendisse creditur, vt alicui sanctorum in terris apparuerit. Enimvero in coelis semper apparere dignatus est, & ab inde adeo & loqui. Stephanus enim intendens in celum, vidit gloriam Dei, & Iesum stantem a destis virtutis Dei. Et Paulum appropinquantem Damasco, subito circumfulsit lux de coelo, qui cadens in terram, audiuit vocem dicentem sibi: Saule Saule, quid me persequeris? Qui tremens, ac stupens, dixit: Quis es Domine? Et ille: Ego sum Iesus Nazarenus, quem tu persequeris. quod ille de sua conuersione mirificatum, illic cum Iudæis alloquitur. Act. 22. tum vbi apud Agrippam, & Festum praesidem, Act. 26. data est sese defendendi copia, proprijs verbis attestatur: Cum irem (inquit) Damascum cum potestate, & permissu principum sacerdotum, die media, in via vidi Rex de celo, supra splendorem solis circumfulsisse me lumen. Et Petro olim, angelibus praedicandum sit Euangelium hallucinati, non quidem personaliter Christus apparuit, sed in extasim raptum, ne quid commune diceret, ac immundum edocuit. Et nusquam prorsus post ascensionem suam, alicui sanctorum apparuisse, in eo habitu, quo post resurrectionem suam, per dies quadraginta conuersatus est cum discipulis, conualescebatur, & loquebatur eis de regno Dei. Christum in sacra scriptura legimus, imò nec aliquando apparitum, priusquam dies iudicii venerit, credimus fide catholica Christiani instructi. Quantum flagitium ergo, tanta contra legem Dei mendaciorum simulacra, discipulo Apostolico attribueret, quibus bonum ille virtutis specimen de sese praeberet, eorumque doctrinam pulchre pertalluit? Possem hic, & de sacello quod in huius mendacii robur extructum est, nonnihil dicere, & probare copiose, nullum sacellum, nec aliquam basilicam, ad aliquot annorum centurias Romae, & locis ei adiacentibus exedificatum fuisse, sed Christianos in latebris, & speluncis subterraneis conuenire solitos, vel ad mortem Domini annunciandam, vel hym-

nis, & orationibus Christi suffragium, & diuinam gratiam
sibi demerendam.

Responsionis quinta; confutatio.

QVId ex his aduersarius molitur, omnes vident, sci-
licet quod Christus prædicta locutus non fuerit Petro. At
quam ratione? Quia nunquam (inquit) è coelo descen-
derit Christus, posteaquam eo conscendisset, sed nec vnquã
inde descensurus est, ante iudicij diem, id quod ex sacris
litteris astruere conatur. Et primum, ex ipsius Petri ver-
bis, Actorum cap. 3. Oportet (inquit) cœlum Iesum Chri-
stum suscipere, vsque in tempora restitutionis omnium, quæ
locutus est Deus per os sanctorum suorum, à sæculo prophe-
tarum. Quomodo ergo cœlum terris Christum reddiderit
ante consumationem omnium, quæ circa diem iudicij pri-
mum est futura? Facilis est responsio, quum ex his scriptu-
ræ locis, nihil præterea colligatur, quàm quod Christus in
cœlo perpetuo sit mansurus, donec ad iudicium venerit.
Quæ res, historiæ supra citatæ, nihil aduersatur; siquidem
Christus mirifica sua potestate, se præsentem terris corpore
exhibere potest, permanens nihilominus in cœlo, ad dexte-
ram Dei patris. Hoc enim omnes, quotquot orthodoxi
sumus, quotidie fieri nihil dubitamus: nam Christum in
altaris sacramento verè præsentem credimus, & nihilomi-
nus apud patrem quoque verè præsentem in cœlis eum ef-
se pronitemur. Dedit enim ipse procul dubio ministri Ec-
clesiæ sui corporis consecrandi potestatem, quum dixit:
Hoc facite in meam commemorationem. Et rursus, quod
consecratum est, affirmavit verè suum corpus esse quando
ait: Hoc est enim corpus meum. Illud etiam addi potest:
quod verbum Petri, oportet Christum cœlum suscipere,
vsque ad tempora restitutionis omnium; intelligitur tan-
quam

quam de sede, & habitatione, ac loco proprio, & frequentati, & ex communi ordinatione: quamvis ob aliquot causas, vel ex dispensatione, & priuilegio alicuius sancti, nihil vetet ad breuiorem temporis morulam, ad alium locum accedere; simile est de rege, ac principe, qui habitat in aula, & ibi esse, & habitare semper recte dicitur: quamvis aliquando diuerfetur apud aliquem ciuem. Item dicitur semper esse in ciuitate regia, & in ea habitare, ac in proprio regno, quamvis vno, aut altero die, vel mense, egrediatur: quia scilicet statim redit eò, & quia ibidem habitationem habet. Perspicuum est igitur, quod Petri verbis ab aduersario citatis, nihil repugnat, quod & Christus eodem momento temporis, corpore præsens sit in terris, & in cœlis. Addendum, quod nisi quis sanctorum vitas, quæ magno Ecclesiæ totius commodo conscriptæ sunt, omnino contemnere voluerit, ex eis abunde confirmabitur sententia nostra. Nam (vt illæ testantur) sæpe Christus semetipsum eis præsentem exhibuit, quo eos calamitate pressos, consolaretur, ita vt nihil mirum fuerit, si Petro in tantis angustijs constituto, Christus apparuit. Ad hæc non potest Paulus fuisse mendax, quum dixit, se vidisse Dominum Iesum. sic enim primæ ad Corinthios cap. 9. testatur: An non sum Apostolus inquit? An non sum liber? An non Iesum Christum Dominum nostrum vidi? Quod dixit, ne cæteris Apostolis qui Christum in terris corpore secuti sunt, inferior esse existimaretur; Et rursus cap. 15. Postremo vero omnium velut abortiuo, visus est & mihi. At quum ea verba, Paulus ad ostendendam veram carnis resurrectionem, eo loci adducat, oportuit eum utiq; vidisse Christum corpore. Præter hæc, locutum ei multa Christum fuisse, palam est ex Actis cap. 9. & 22. sed & Barnabas Actorum cap. 9. narravit Apostolis, quomodo Paulus in via vidisset Dominum, & quod locutus esset ei. Quod si Paulus in via Christum viderit corpore, & audierit ad se loquentem, quid prohibet quomi-

nus, & idem coniungit Petro. Nam sicut in Actis traditum est, quum Paulus, viso circumfulgurante lumine, collapsus esset in terram, audiuit vocem dicentem sibi, Saule Saule quid me persequeris? Et ipse clamauit: Quis es Domine? Cui Dominus: Ego sum Iesus Nazarenus, quem tu persequeris, durum est tibi contra stimulos calcitrare. Et Paulus tremens, ac stupens ait: Domine quid vis me facere? subiecit Christus: surge, & ingredere Ciuitatem, & dicetur tibi quid te oporteat facere. Quid huic colloquio dissimile est, quod refertur in historia Petri? Quamobrem vt vera fuit historia quæ de Paulo loquitur, ita, & vera potuit esse quæ narratur de Petro. Nam vtrique tam Petro, quam Paulo Christus corpore ita propinquus fuit, vt ab vtroque videri potuerit, & audiri. Caterum huius historiæ de Petro, nec vnicus testis est, sed plerique eidem subscribunt, vetus traditio quæ ad Græcos, & Latinos permanuit, antiqui auctores qui Lini, & Egeippi nomine circumferuntur, & in oratione de basilicis tradendis sine dubietatis scrupulo. D. Ambrosius. Possem (ait centuriator) probare nullum sacellum, nec aliam basilicam ad aliquot annorum centurias Romæ, & locis ei adiacentibus, edificatam fuisse, sed Christianos in latebris, & speluncis subterraneis conuenire solitos. ita ille. Id vellem persuasor probasset. Ego contra probari possum, sub ipsis statim Apostolorum temporibus, & per 300. deinceps persecutionum annos, multas Romæ excitaras fuisse publicas sacras ædes, in quibus Christiani conuenirent. Ante omnia, loca vbi Paulus, Petrusq; capitali supplicio fuere affecti, insigni publicoq; aliquo monumento fuisse signata, declarant verba illa Caij antiqui scriptoris (vt ait Eusebius lib. 2. cap. 24. hist. Eccl.) contra cataphrigas disputantis: Ego (inquit) habeo tabernacula Apostolorum, quæ ostendam, si enim procedis via triumphali, quæ ad Vaticanum ducit, aut via Ostiensi, inuenies trophea defixa, quibus ex vtraque parte statutis, Romana cõ-

munitur

~~munium Ecclesia.~~ Et Damasus auctor est, Anadetum Pa-
pam martyrium, siue confessionem, in Vaticano, sancto Pe-
tro construxisse Romæ, in vico patricio, qui basilicam pa-
storis sub Pio, Transyberin S. Mariæ sub Callisto, Felicis
via Aurelia sub eodem Felice, Pontificibus, commemorat.
Sed & profanus scriptor Aelius Lampridius, in vita Alexan-
dri Imperatoris, locum publicum Christianorum, sacris Ro-
mæ addictum profitetur, Aurelianus Imperator in oratio-
ne quadam, quam in Senatu habuit, de Christianorum
materialibus Ecclesijs, mentionem facit. De quibus præ-
terea Tertullianus, Cyprianus, Eusebius sepe meminerunt.

Caillus Sextus.

M A R C U S Evangelista Petri discipulus, à præceptore
admonitus, Romæ scripsit Euangelium, quod Petrus dum
audiuit, approbavit, Ecclesiæq; ad legendum auctoritate
sua dedit: vt & Clemens libro informationum scripsit, &
Hieronymus de viris illustribus meminit. De quo Petrus
in Epistola sua loquitur: Salutat vos Marcus filius meus,
qui post conscriptum tandem Euangelium, Aegyptum per-
rexit, & prius Alexandriæ Christum annuncians, illic Ec-
clesiam constituit, exantlatiq; laboribus. Neroniani Im-
perij anno octauo, vita functus est. De cuius conuersatione
ne apud Alexandriâ, Philo quoq; Iudæus librū cōcinnauit.

Responsio.

Q V I Clementi adscribuntur libri, minus est tutum eis
credere, quoniam eorum quidam suppositij sunt, ac falso
Clementi adscripti, quidam vero magna ex parte depraua-
ti, ac erroribus infecti, vt iam antea probauimus. Itaque
sciendum

sciendum, quòd in noui testamenti libris, duos, Marci
 „ gnomine, fuisse insignitos inuenimus: quorum prior dice-
 „ batur Ioannes Marcus, & de hoc legitur Actuum cap. 13.
 „ Quod Paulo cum Barnaba Antiochiæ inter prophetas, &
 „ Christi nominis doctores, exeunte postea quam visum est
 „ Spiritui Sancto, vt ad opus ministerij segregarentur, senio-
 „ res impositis super eos manibus, in ministerium eos confir-
 „ marunt. Qui profecti Seleuciam, venerunt tandem in Cy-
 „ prum insulam, & Salaminam eiusdem insulæ Urbem, Chri-
 „ stum per synagogas annunciantes, quibus erat adiunctus,
 „ & hic Ioannes qui cognominabatur Marcus, non reprobis
 „ quidem ministerio. Postquam autem peruenerunt Pa-
 „ phum, Urbem in Cypro insula sitam, & inde nauigare vel-
 „ lent Pamphiliam, iam dictus Ioannes Marcus renuit profi-
 „ cisci cum eis, sed è conuerso redijt Hierosolymam, & post
 „ hac Antiochiam: quo ascendentibus post aliqua temporũ
 „ interualla, Paulo & Barnaba, & aliquandiu Christum illis
 „ docentibus, dixit ad Barnabam Paulus: reuertentes visite-
 „ mus fratres per vniuersas Ciuitates, in quibus prædicaui-
 „ mus verbum Domini, quomodo se habent Act. cap. 15.
 „ Barnabas vero secum volebat assumere, & Ioannem cogno-
 „ mento Marcum, qui pridem iam ab eis descierat, sed Pau-
 „ lus huncrogatum habuit, ne id faceret, eo quòd non con-
 „ ueniat, eum deinceps in munus Euangelicum reassumi, qui
 „ antea ab eis defecerat; & pergentes Pamphiliam relinquẽs
 „ discessit Hierosolymam. Et hinc orta est inter eos dissensio,
 „ ita vt alterutrum separarentur. Nam Barnabas assumpto
 „ Marco, perrexit Cyprum: & Paulus electo Sila recepit se in
 „ Syriam, & Ciliciam. Quiquidem Marcus, Barnaba ob
 „ nomen Christi, in Cypro impijssime trucidato, quòd ad
 „ Aegyptum tandem iter occupauerit, nemo it inficias, cum
 „ Philo magni nominis scriptor, in Alexandria Vrbe Aegy-
 „ pti propè ostium Nili sita, Christi nomen ipsum annuncias-
 „ se prodar: & Petrus ex Chayro, hoc est Babylone, quam

Stepha-

Stephanus, & Prolomæus in Aegypto sitam esse tradunt, epistolam scribens, ipsius meminit: Salutat vos (inquiens) Marcus filius meus. Credibile est enim hunc Marcum, Petro familiarem fuisse, cum Alexandria non procul à Chayro, hoc est Babylone, distet. Et de hoc Marcò multa figmenta reperiuntur. Primum quòd dum crediderit in Christum, amputasset sibi pollicem, ut sacerdotio reprobus efficeretur; deinde quòd Romæ scripserit Euangelium, ad vota Petri, quòd proximus falsum est. Nulpiam enim hunc Marcum perinde, ut nec Petrum in libris Canonicis Romæ aliquando fuisse inuenimus. Et scriptorum varietas mendacium hoc declarat. Hieronymus enim, Clementis auctoritate, scribit; Marcum rogatum à fratribus, Christi Euangelium scripsisse. Alij verò, quorum è numero, & Platina non ignobilis est historicus, tradunt; quòd Petrus Romanorum precibus motus, Marco qui ad hanc rem videbatur idoneus, Euangelij conscribendi negotium iniunxerit, quem omnes velut ex composito octauo anno Neronis obijisse, Alexandriaq; sepultum fuisse scribunt. Verum enimvero hos decipit eorum indiscretio. Non enim alium Marcum inter Apostolorum discipulos fuisse crediderant, & ideo quicquid de utroque legitur, ad vnum falso retulerunt. Altes namq; fuerat Marcus nomine Aristarchus, qui cooperator, & discipulus fuerat Pauli, de quo ipse in priori captiuitate sua, qua biennio Romæ à Nerone detinebatur, ad Philemonem scribens, mentionem facit: salutant te Marcus Aristarchus, Demas, Lucas adiutores mei. Deniq; ubi iam secundario in manus deuenit Neronis, & ingrauescente ætate, ac laboribus confectus, diem obitus accelerare videns, Timotheoq; è carcere scribens, eiusdem Marci iterum meminit: festina ad me venire cito; Lucas enim mecum solus est, Marcum itaque assume, & adhuc tecum, est enim mihi utilis in ministerio, penulam quam reliqui Troade apud Carpum, Veniens affer tecum, & libros maxime autem

3) autem, & membranas. Quod Iacobus ille Stapulensis, non
 12) omnium deterrimus Apostolicus interpres, pulcherrime
 22) exponit, inquit: Lucam secum habebat Apostolus, Mar-
 32) cum autem mandat obnix, & membranas, quæ apud Car-
 42) pum erant deferri. Sed ad quid nam? nisi ut Lucæ, & Mar-
 52) co electis à Spiritu Sancto, diuinis scribis, eas relinqueret;
 62) ad reponendum Sanctum Euangelium. Quid apertius his
 72) verbis dici poterat; quam quod Marcus Aristarchus, & nō
 82) Ioannes Marcus factum Euangelium conscripserit? qui fa-
 92) cile Neronis Imperij annos superauit, cum Apostolus circi-
 102) ter tredecimum eiusdem Imperij annum, epistolam hanc
 112) scribens, eum sibi à Timotheo adduci postulat. Neque
 122) idem (ne quem id moretur) Aristarchus & Ioannes apud
 132) Hæbreos sonat. Aristarchus enim perinde Hæbris significat,
 142) ac si dicas suscitans coronam, Ioannes vero gratia Domini.
 152) Ex his euidentissime patet, fabulam esse quod de Petro, &
 162) Marco quidam scriptitant.

Sexta responsionis confutatio.

172) I N hac proluxa responsione, de duobus Marcis, in sacris
 182) litteris mentionem haberi magnopere contendit; quorum
 192) alter Ioannes Marcus fuerit, de quo sæpè in Actis fit mētio;
 202) Alter Marcus Aristarchus, cuius, & meminit Paulus in epi-
 212) stola ad Philemonem, dicens: Salutant te Epaphras, Mar-
 222) cus Aristarchus, Demas, & Lucas adiutores mei. Et hunc
 232) Marcum Aristarchum, persuafor asserit Euangelium scrip-
 242) sisse, non illum Ioannem Marcum: cuius rei in partem & Fa-
 252) brum citat testem. Hæc nominum multiplicatio, certissi-
 262) mum iam per fugium facta est omnium difficultatum. Sic
 272) nuper tres inuenimus Magdalenas, olim autē dnos Cēphas,
 282) duos Ioannes. Nunc vero Marcus etiam Marcum peperit,
 292) ut Plauti verbis utar, omnes conduplicauimus. Enunvero,

vt mea est sententia, vnicus Marcus extitit, gente Iudæus, discipulus Apostolorum, primus Alexandriæ Episcopus, qui Romæ auctore Clemente Alexandrino presbytero (non Clemente Romano Episcopo, vt persuasori ex ignorantia falsò visum est) in sexto informationum libro, rogatu fratrum, Petro auctore, scripsit Euangelium. Aristarchus vero nusquam in diuinis libris cognomen est Marci, vt persuasor ait, sed hominis proprium nomen. Fuit siquidem (vt Apostolica Acta testantur) gente Macedo, patria Thessalonicensis, qui simul cum Paulo, à Iudæa Romam ductus est captiuus; vbi Aristarchus tantum, non etiam Marcus appellatur. Quod vero in epistola ad Philemonem est: Salutant te Epaphras, Marcus, Aristarchus, Demas, Lucas. Credo vtique persuasorem credidisse sicut Marci, Aristarchum, sic etiam Demæ cognomen esse Lucam. At vero quicumque vel prima rudimenta grammatices Græcæ attigerit, facile intelliget apud Paulum, Aristarchum cognomen non esse: facta namque esset per articulum (vt Græcis consuetudo est) expressior significatio, sed tantum abest, vt Marci cognomen sit Aristarchus, vt illud ipsum nomen Marcus sit Ioannis cognomen, vt Lucas ait, ἐπικαλεῖται μένον Μάρκου, dixisset igitur Μάρκος ὁ ἐπισκοπος, vel certe Μάρκος ὁ ἐπικαλεῖται ἐπίσκοπος. ad hæc vulgatum aduerbium ἐπὶ κλην. quo ferè in similibus Græci vti consuevere Paulo non excidisset. Postremo luce clarius, ex epistola ad Colossenses probari potest, alium esse Marcum, alium Aristarchum, quos in epistola ad Philemonem commemorauit, quod ita ostenditur: eodem tempore quo per Onesimum scripsit ad Philemonem Paulus, ad Colossenses quoque Tichyco litteras dedit. Quod ipse ita commemorat in ipsa epistola cap. 4. Tichycum (inquit) misi ad vos, ad hoc ipsum, vt cognoscat quæ circa vos sunt, & consoletur corda vestra cum Onesimo charissimo & fideli fratre, qui ex vobis est, hoc est, qui vestras est, scilicet Colossensis, vt

erant illi. Et propterea Hieronymus subinfert, ratio (inquit) ipsa, & ordo deducit, quod & Philemon quoque Colossensis sit, & eo tempore comunem, ad omnem Ecclesiam Onesimus epistolam tulerit, quo priuatas, & sui commendatrices ad Dominum litteras sumpserit, sed, & aliud indicium annotauit diuus Hieronymus: nimirum quod in vtraque epistola meminerit Archippi. Nam in ea quæ ad Colossenses scribitur, sic ait; dicite Archippo, Vide ministerium quod accepisti à Domino, vt illud impleas. In altera vero ad Philemonem, in ipsa mox epistolæ fronte, salutat Archippum. Tertium indicium, quod in vtraque se uinctum fuisse testatur: sic enim ad Colossenses, Propter quod & uinctus sum. Et ad Philemonem, Paulus uinctus Iesu Christi. Postremo quartum indicium, quod ad rem nostram maxime facit, quia in epistolarum fine totidem 3. vbique (quanquam non eodem ordine) salutantes commemorat. Sex enim enumerat ad Colossenses, Aristarchum, Marcum, Iesum, Epaphram, Lucam, & Demam, totidemq; apud Philemonem leguntur: Salutant te (inquit) Epaphras concaptiuus meus, in Christo Iesu, Marcus, Aristarchus, Demas, & Lucas adiutores mei. Quod si nomen Iesus in recto esset prolatum, totidem in hac epistola salutantes numerarentur, quot in ea quæ ad Colossenses scripta est, si ita legeremus: Salutant te Epaphras concaptiuus meus in Christo, deinde sequatur, Iesus, Marcus, Aristarchus, Demas, Lucas adiutores mei. Vt tuncque sit, palam illud est, Marcum, & Aristarchum, duorum virorum nomina esse in epistola ad Philemonem (quemadmodum in epistola ad Colossenses) vbi Aristarchum nomen sui concaptiui, seiunctum esse à Marco, aperte his verbis declarat; salutant vos Aristarchus concaptiuus meus, & Marcus consobrinus Barnabæ; cum vtraq; epistola eodem sit scripta tempore. Cæterum cum persuasor affirmet hunc MARCV M cuius Paulus meminit ad Philemonem

Euange-

Euangelium scripsisse, quod nos secundum Marcum appellamus, profecto inficiari non potest, eundem à Petro vocatum fuisse filium: quam rem ita probamus. Is qui Marcus appellatur à Paulo in epistola ad Philemonem, idem ab eodem in epistola ad Colossenses vocatur Marcus consobrinus Barnabæ. At hunc esse illū, quē Petrus filiū vocat intelligit ex Act. & primū c. 12. vbi refertur, q̃ Petrus vbi primum è vinculis Herodis liber euasisset, illico ad domum Mariæ matris Ioannis, qui cognominatus est Marcus, se recepit. Quare facile conijcere possumus, Petrum tunc tantam erga Marcum beniuolentiam concepsisse, vt deinceps eum vocauerit filium suum. Haud ita multo post, vt ex fine eiusdem capituli constat diuus Paulus, & Barnabas, eundem Marcum assumpsērunt in eorum ministerium. Cæterum vt in 13. cap. refertur, quum Paulus, & Barnabas Pergen Pamphiliæ venissent, Marcus ab eis digressus, redijt Hierosolymam, propter quod & Paulus, quando postea Barnabas ei suasit, vt Marcum denuo ministerium acciperent, non assensit; atque ita Barnabas assumpto secum Marco, secedens à Paulo, nauigauit Cyprum: erat enim affinitate conuinctus Marco, quod etiam hoc loco Beda palam testatur. Verisimile igitur esse iam opinari licet, ex ijs, eundem fuisse Marcum, quem Petrus in epistola sua filium vocauit, & quem Paulus ad Colossenses vocat Consobrinum Barnabæ. At quum in Actis non semel Aristarchi mentio fiat, nunquam tamen appellatur Marcus. Quare illud necesse est, vt Marcus alius sit ab Aristarcho. Mirum præterea est, vbi nam apud Philonem persuasor legerit, Marcum Alexandriæ Christi nomen annunciasse. Tantum enim abest, vt apud illum, vel Christi, vel Marci nomen inueniatur, vt fuerint qui, ea quæ à Philone scripta sunt, affirmarint, de Christianis intelligi non debere, sed de Essæeorum secta; de quibus lib. 2. cap. 7. de bello Iudaico Iosephus eadem penè scripsit, quæ Philo par-

tim in libro in quo demonstrat virtutis studiosos liberos esse, partim vero in libro de supplicibus. huius opinionis fuit Porphyrius. Nec defuerunt qui de his intelligerent, de quibus tam multa in legibus Moſis, & qui à Iudæis Nazarej appellantur: Sunt & qui in Christum credentes, suspicantur ibi intelligi, sed eos qui legem Moſis in figuris observabant. Eusebius tamen Pamphili, & cæteri Christianorum qui de illis meminere, id de Marco, & ea quæ sub ipso fuit Ecclesia (vti profecto sunt) dicta intellexere. Quæ vero de tempore quo posterior epistola ad Timotheum scripta est, aſſert, nouissimis scilicet Neronis annis, satis supra coarguimus.

Caïllus Septimus.

” PHILLO Iudæus vir litterarum pollentissimus, sub C.
 ” Caligula à gente sua Romam missarius factus, dum non
 ” nihil periclitaretur secunda vice sub Claudij Imperio illac
 ” remissus, cum Petro Apostolo de nonnullis contulit rebus,
 ” & tam arctissimas secum iniit amicitias, vt tandem, quotiens
 ” modo licuit, in libris suis, Christianos honestis traduxerit
 ” laudibus, & in Ioannis Marci præconijs, pleno libro versaretur,
 ” vt Hieronymus in libro de viris illustribus prodidit.

Responsio.

” HAS nenas, vel solus risus potis sit explodere. Qui
 ” nam Philo Iudæus sub Claudij Imperio, Petrum Romæ
 ” conuenire poterat, quem nunquam etiam Romæ fuisse tot
 ” iam rationibus persuasimus: siquidem Paulus in fine Imperij
 ” Claudij, Romanos, litteris suis fidei ac virtutum admonens,

nens, & omnes presbyteros, seniores, & muneris Euan-
 gelici coadiutores, tamen etiam quosdam plebeios salu-
 tans, solius Petri ne tantillum quidem meminit. Tandem
 quarto Neroniani Imperij anno, Romam perductus, Pe-
 trum illic non inuenit, & biennio ibi existens, nullam Ec-
 clesiam eius salutat nomine. Lucas ad quartum vsq; Ne-
 ronis annum, historiam Apostolicam Romæ scribens, Pe-
 tri nullam mentionem facit. Paulus decem præter laben-
 tibus annis, secundo Romæ captiuatus, nullum Petri
 præsidium sensit, sed ab omnibus ferè destitutus, rem Euan-
 gelicam cum vno Luca tractauit: sin vero ea ratione Philo
 Christianos laudasse putatur, quod cum Petro inierit ami-
 citiam, ego in Iudæa potius id contigisse crediderim, vbi
 Petrus, Christum prædicando, ætatem suam consumpsit,
 & mortem inibi passus est. Aut nunquid solus Iudæorum
 Philo, Christi nomen dignis encomijs extulit? Iosephus
 enim, qui non commemoratur alicubi Petrum vel vidisse,
 vel amicitias secum pactum fuisse, tamen adeo honestam
 Christi mentionem in suis de antiquitatibus libris fecit, vt
 interim mirum videatur, è tam peruicacissima gente, ali-
 quem reperiri potuisse, qui tanto laudis præconio Christum
 extulerit. Sed quid mirum, Iosephum talia de Christo di-
 xisse, cum & dæmonum legiones Christum prædicare co-
 gerentur? Cuius & nos veritatem in multa discrimina per-
 ductam, nunc defæcimus, sceleraque, & errores occi-
 dentalis Babylonis patefacimus, præmia immarcescibilis
 coronæ, ipsius benignitate, dubio procul adepturi.

Confutatio responsionis septima.

ANIMADVERSIONE dignum, qua hic versutia per-
 suasor vtatur. Quum enim ad D. Hieronymi testimonium
 respondere debuisset, id nequaquam præstat, sed iaculum
 decli-

declinans, prætexit se, validissimis antea rationibus, satis firmasse, Petrum Romam non fuisse. Atqui satius omnino fuisset hoc non obiecisse, quam ex laudificatione subtrahere se certamini. Quid enim hoc aliud est, quam se præuaricatorem ac plane victum ostendere? Neque enim inficiari potest, quin Philo Iudæus aliquando Romæ fuerit, tantus est scriptorum in hac vna re consensus, & ipsemet in libro de legatione sua ad Caium id profitetur. Atque ideo subterfugere quærens, commentatur Philonem cum Petro in Iudæa potius amicitiam contraxisse quam Romæ. Quod si ita esset, eadem facilitate potuisset ab historicis memorari, qua modo referunt id Romæ fuisse factum. Ceterum quod in Iudæa cum Petro colloquium habuerit Philo, nec vnum quidem auctorem persuasor citare poterit. Et sanè probabile est, id eos longè libentius retulisse, quo regioni suæ eum fauorem præstarent, quam quod modo referunt Romæ accidisse. Neque video, cur eo tempore id fingi potuisset, aut Philonis, aut Petri, aut Marci gratia. Quod si coniecturas in hac re sequi liceret, ego facile crediderim, Marcum ob eam necessitudinem, quam Romæ cum Philone iniit, dum is adhereret Petro, postea Alexandriam concessisse. Nam & Romæ tum erat Marcus, ut epistola ad Colossenses testatur. Neque dubium esse potest, quin tum ibi fuerit Petri causa, magis quam Pauli, quandoquidem, & Paulus illum ante repulisset, ut ex Actis Apostolorum liquet. Fuit vero Philo ciuis Alexandrinus, ut testatur Eusebius, genere Iudæus, vir eloquentissimus, cuius opuscula circumferuntur varia eruditione plena, ob seditionem inter Iudæos, & Græcos Alexandriæ excitatam, Romam à Iudæis contribulibus ablegatus. Et bis utique ea legatione ad Urbem functus est, quemadmodum diuus Hieronymus affirmat, primum sub Caio, iterum sub Claudio. Porro autem quod persuasor ait, Iosephum (quam alicubi Petrum se vidisse non commemoret) haud minus

minus dignis encomijs extulisse Christi nomen, quam fecerat Philo: nihil ad rem facit. Nam Hieronymus non de Christi nomine, sed de Christianis Alexandriae sub Marco degentibus, multa scripsisse Philonem asseruit, & in eorum laudibus copiose fuisse versatum. Quæ res, non parum ad stipulatur his, qui Philonem affirmant Romæ cum Petro familiaritatem inijisse. Iosephus autem & si de Christo scripserit, tamen ab Egesippo reprehenditur, perfidiæ Iudæorum fuisse consortē; in hoc ipso sermone, quem de eorum supplicio manifestauit. Quorum (inquit) arma deseruit, eorum tamen sacrilegia non reliquit. Deplorauit flebiliter ærumnam; sed ipsius ærumnæ causam noluit intelligere. Nec mirum, si Iosephus Romæ Petrum non viderit, quum non ante Petri mortem Romam ipse concesserit. Accessit enim Vespasiani temporibus, quum Petrus ante sub Nerone cruci fuisset affixus. Perspicuum igitur ex his opinor, cunctis factum esse, nihil Persuasorem hoc suo profecisse Cauillo. Neque enim redarguit, quin Philo Petrum conuenisset Romæ, quod Eusebius, & Hieronymus, grauissimi auctores constanter affirmant. Et profecto nili pudorem omnem abiiecisset, potuisset ijs adeo manifestis indicijs frenari, ne tantopere aduersus Petri Pontificatum, quem is Romæ gessit, oblatraret. In primis autem ad hanc rem, facit amicitia ipsa Philonis, & Petri mutua, quam auspica-tam fuisse Romæ, historici acuratissimi prodiderunt. Qui etiam referunt, Philonem Christianos Alexandriae sub Marco degentes, miris laudibus extulisse. Conducit huic rei salutatio, qua Paulus è Roma Marcum in vna suarum epistolarum salutare Colossenses facit. Confert & alia, qua Marci nomine, Petrus è Roma, Iudæos sparsim incolentes regiones gentium, saluere iubet. Promouet eam rem, Euangelium quod à Marco Romæ fuisse scriptum, ab omnibus memoratur. Adminiculatur epistola Petri prior; quam prisce patres vnanimi consensu affirmant Roma fuisse

se missam. Ad hæc haud paruum indicium huiusce rei est conflictatio, quam cum Simone mago Romæ Petrum habuisse. Iustinus, Arnobius, Tertullianus, & alij affirmant. Addendum quod ab eisdem refertur colloquium, quod cum Christo Petrus habuit, dum Roma fugam meditaretur. Accedunt loca, tam vbi necatus Romæ Petrus est, quam vbi corpus eius hucusque quiescit. Postremo quod inficiari nemo potest, cineres, & ossa Petri adhuc habentur Romæ; quemadmodum etiam Hieronymus suo tempore fuisse, aduersus Vigilantium ita testatum reliquit: Male facit Romanus Episcopus, qui super mortuorum hominum Petri, & Pauli secundum nos, ossa veneranda, secundum te, vilem puluisculum offert Domino sacrificia, & tumulos eorum Christi arbitratur Altaria. Sed præter hæc tam apertissima indicia, non desunt innumera clarissimorum Græcorum, & Latinorum auctorum testimonia, qui passim vno ore confirmant, Petrum Romæ occubuisse: quum persuasor nec vnus quidem habeat scriptoris, pro sua impostura tuenda auctoritatem, neque aliud quicquam, præter quasdam negatiuas argutiolas afferat, vt quia Paulus non salutauit, Lucas non meminit, id non legi, quæ ex dialecticæ regulis, nullius momenti esse satis constat. Tot igitur indicatijs, & testimonijs pro nostra parte citatis, admoneri debent aduersarij, ne tantopere contra veritatem vsque adeo claram amplius obganniant. Nam multos audio esse huius persuasoris adhuc in Germania sectatores, quos profecto in hoc errore diutius permanere pudere deberet. At hi tantum aduersus Petri sedē virus imbiberunt, vt quemadmodum putris cloaca, pestilentem halitum iugiter euaporat, ita hi quicquid excogitare calumniarum, & mendaciorum possunt, id omne in Pontifices Romanos, & sedem Apostolicam euomere non cessant.

Perora-

P E R O R A T I O
T R A C T A T V S.

PERSPICVVM igitur, ex hisce nostris responsionibus esse iam opinor, quam futilibus strophis, friuolis sophismatibus, nugacissimis argutijs, persuasor ostendere molitus sit, Petrum Romæ nunquam fuisse : & è conuerso, quam efficacibus rationibus, quam solidis probatissimorum auctorum testimonijs, quam apertissimis coniecturis, & indi-
cijs, nos eundem Romæ obijisse monstraauerimus, vt nihil in hac re pium lectorem desiderare præterea credamus. Verum enimvero vt huic disputationi felicius finem imponamus, quædam, de quibus supra ex Euangelio abunde disseruimus, hic denuo breuissime subijcere non grauabimur, & Apostolicæ sedi scitissime applicare. Primum est, quod & si Petrus non esset primus, tempore à Christo vocatus, primus tamen inter Apostolos à Christo fuit institutus. Alterum, quod idem à Christo petra vocatus sit, super quam Ecclesiæ suæ structura consurgeret. Tertium, quod eidem à Christo dictum fuit: Ego oraui pro te Petre, vt non deficiat fides tua, & tu aliquando conuersus, confirma fratres tuos. Hæc autem adeo manifesta sunt, vt negari, nisi ab impudentissimis non possint. Perscrutetur itaque secum pius lector primum testimonium, & accuratius rem totam sine dolo malo contempletur. Nonne aptissime congruit, vt quum vniversus terrarum orbis ad Christum esset conuertendus, Vrbs ea, quæ totius mundi princeps erat, nulli alteri pro sede, quam ei, qui primus inter Christi Apostolos erat, diuinitus contingeret? Nam si quisquam alius Apostolorum eam cathedram sortitus esset, iam

T T non

non solum Petrus in hoc habuisset superiorem, verum etiam indecorè actum esset, vt præcipua sedes, Apostolo non præcipuo demandata fuisset. Quamobrem, & Leo Papa in concione quam de Apostolis habuit, ita scribit: Nam cum duodecim Apostoli, accepta per Spiritum Sanctum omnium locutione linguarum, imbuendum Euangelio mundam distributis sibi terrarum partibus suscepissent, beatissimus Petrus Princeps Apostolici ordinis, ad arcem Romani destinatur Imperij, vt lux veritatis, quæ in omnium gentium reuelabatur, salutem efficacius se ab ipso capite per totum mundi corpus effunderet. Cuius autem nationis homines in hac tunc Vrbe non essent? aut quæ usquam gentes ignorarent, quod Roma didicisset? Hic conculcandæ philosophiæ opiniones, hic resoluendæ erant terrenæ sapientiæ vanitates, hic confutandus Dæmonum cultus, hic omnium sacrilegiorum impietas destruenda, vbi diligentissima superstitione erat collectum, quicquid usquam fuerat vanis erroribus institutum. Hæc LEO, cui in Chalcedonensi synodo summa Patrum admiratione, ter, sancto, acclamatum fuit. SECVNDVS vero locus, quem ex Euangelio enunciauimus, est, quia Petrus à Christo solidum saxum, & præcipuum totius Ecclesiæ post se ipsum fundamentum constitutus fuit. Cui rei tam & si recentiores hæretici contradicant, tantus est tamen sanctorum Patrum, in ea re, nemine reclamante, consensus, vt quicquid illi deblaterent, haud aliter quam canum latratus æstimari debeat. Cæterum vt diuinos interpretes omittamus, ipsa sacra scripta satis eam rem testantur. An non apud Ioannem scribitur: Christum Simoni dixisse: Tu es Simon filius Iona, tu vocaberis Cephas; quod sonat, si interpreteris, petra, siue lapis, & non quidem cuiusuis generis, sed fundamento tantum aptus. Quamobrem cum ci Christus nomen id indidisset, vocassetq;

setq; Simonem Cephā , seu Petrum, hoc est, vel petram ,
vel lapidem , aut si mauis saxum , nonne subiunxit , & su-
per hanc petram ædificabo Ecclesiam meam . Et quanā
alia de causa Christus illi nomen eiusmodi præ cæteris
Apostolis imposuisset , quod lapidem , saxum , aut petram
significat , quam , quod ab ipso , velut à præcipuo post se
ipsum fundamento , Ecclesiæ structura excitanda esset .
Quod totum nunc nonne apertissime cernimus comple-
tum ? Quis non animaduertit Ecclesiam , quæ hodie ex-
tat , non ab alio Apostolo , quam à solo Petro permanasse ?
Vbi iam locorum sunt Christiani , quos aut Andreas con-
uertit , aut Ioannes , aut Apostoli cæteri ? Nusquam om-
nino sunt , sed nec eorum aliqua successio iam superest , de
veris loquor , & legitimis Christianis , non de hæreticis , aut
schismaticis . Neque enim omnes quibus in ore Christus
est , sincere Christiani sunt reputandi . Reliquum est igi-
tur , vt huius coetus , quem hodie vocamus Ecclesiam , so-
lus ipse Petrus exordium habeatur , ex oraculo scilicet
Christi , solus inquam post Christum . Nam lapis omnino
primarius huius structuræ Christus est , quemadmodum
& Paulus testatur : Ipso (inquit) summo angulari lapide
Christo Iesu , in quo omnis ædificatio crescit in templum
sanctum in Domino . & rursus : Petra autem erat Chri-
stus . At post Christum , primus fuit Petrus , super quem
ædificantur quotquot hodie Christiani sunt , veluti viui
quidam lapides (vt idem ait) in domum spiritualem , quæ
nimirum est Ecclesia . Nam Ecclesia quid aliud est , quam
fidelium in quandam vnitatem collectio ? Quæ sanè iam
non alia putari debet , quam quæ temporibus Petri fue-
rat , tamen si nos qui nunc viuimus , morum varietate , &
labefactatis integris institutis , longe plurimum ab illa
distemus . Quum enim ipsa Christianorum successio , à

Petro incipiens, hucusque penitus interrupta perducta sit, non immerito, potest vna prorsus Ecclesia dici tota ipsa collectio, quæ ab ipso manauit. Quis igitur iam non videt, quantum illis Christi verbis congruat, quod Petrus aliquando sedisset Romæ, quum è Romana Ecclesia, tanquam ex primo fonte, veræ fidei lux in cæteras, quæ iam per Christianismum, sparsæ sunt, Ecclesias, deriuata sit. Postremo si attente cogitabimus, id quod tertio loco, de fide Petri supra à nobis memoratum est, dilucide perspiciemus nequaquam conuenisse, vt Petro pro præcipua sede, contigisset earum aliqua, quas nunc occupant incredulitatis tenebræ. Non inficias eò, quin clara fidei lux, olim Antiochiæ fulserit, vbi primum sedit Petrus, sed ea nunc ab infidelibus opprimitur. Hierosolyma quoque, quam rexit Iacobus Apostolus frater Domini, hodie teterrima incredulorum seruitute premitur. Alexandria, vbi Marcus docuit, in Christi hostium potestate est. Andreas Achaiam Christo acquisiuit, at ea iam Christi inimicis est subdita. Minorem Asiam Ioannes obtinuit, ibi nunc magnus Turcarum Tyrannus dominatur. Sic orbis terrarum reliquæ partes, quæ cæteris obtigerunt Apostolis, nunc in infidelium potestatem deuenere. Congruebat igitur, vt eam mundi partem obtineret Petrus, in qua fides Euangelica nullo vnquam tempore extingueretur. Id quod, an cuiquam alteri Apostolorum contigerit, facile intelligi potest. Nam, & si Christus in vnus aut alterius eorum sede, adhuc annuntiatur, verendum est, ne sic prædicetur, quemadmodum ab hæreticis, & schismaticis, fieri multis in locis non sine dolore intelligimus. Et quanquam eadem sit fides Petri, quæ & cæterorum, tamen quia Petro singillatim hoc erat dictum, opportunum fuit, vt alicubi locorum,

in

in quo Petrus hanc fidem prædicaret, ea ad ultimum usque diem perpetuo vigeret, quod nusquam sanè commodius fieri præter quam Romæ potuisset. At dicet quis: Nusquam alibi vita Christianorum Christo magis aduersatur, quam Romæ; atque id quidem inter ipsos Ecclesiæ proceres, quorum mores cum Christi institutis pugnant. Hæc autem fortasse nobis aduersarij obijcient. At ista, nostrum institutum confirmant. Nam quum cæterorum Apostolorum sedes, videmus iam passim ab incredulis occupari, & hanc solam, quæ Petri fuerat, ad hunc usque diem in ditione esse Christianorum, quæ tamen ob tot scelera deleri cum cæteris meruisset: quid aliud cogitare possumus, quam veracissimum esse Christum, qui tot & tantis laceffitibus iniurijs, promissa tamen seruat, atque ut ipsi volunt, vel immeritis? Fides per Petrum prædicata Romæ, non defecit hætenus. Et permanet adhuc Ecclesiæ vera successio, quæ à Petro sumpsit exordium, cuius & ipse velut faxeum, & solidum à Christo fundamentum erat constitutus. Quis iam itaque non clare perspicit, quantum ista mutuò se fulciunt, idest quantum Petri sedes, quam is Romæ diuinitus locauit, verbis Christi conrespondeat, ac vicissim quantum ipsa Christi verba, Petrum Romæ sedere debuissè, valide corroborant? Nam quia Petrus fuit inter Apostolos præcipuus, conueniens fuit, ut & præcipuam sedem ipse fortiretur. Et quia Petrinæ soliditatis ei nomen fuerat impositum, æquum erat, ut ab ipso non inualida, sed solida quædam potestatis structura permaneret. Postremo quum ei peculiariter à Christo fuisset dictum, Oraui pro te ne deficiat fides tua Petre, decuit ut alicubi fidem Christi doceret Petrus, quæ ita duraret, ut aduersus eam infidelitatis tenebræ ne-

uti-

utiquam præualerent . Quorum trium , vix vnum aliquod hodie videremus , si cuiusuis alterius Apostoli sedes , quæ nunc ab Christi perduellibus occupatur , Petro postrema contigisset . Harum rerum euentus , sic permouerunt Augustinum , vt is per eos se plane fateatur in Ecclesiæ gremio fuisse colligatum . Sic enim inter alia scribit aduersus Manichæum contra epistolam Manichæi , quæ fundamenti dicitur cap. 4. Tenet me ab ipsa sede Petri Apostoli , cui pascendas oues suas post resurrectionem Dominus commendauit , vsque ad præsentem Episcopatum , successio sacerdotum . Tenet postremo ipsum Catholicæ nomen , quod non sine causa inter tam multas hæreses , ista Ecclesia sola obtinuit . Hæc ille : quibus verbis intelligimus ipsa tria . Primum Petri sedem . Deinde perpetuam Episcoporum à Petro successionem . Tertium quod inter tam multas Hæreses , hæc Ecclesia , quæ à Petri sede permanauit , vel sola Catholicæ nomen obtinuit . Opinor itaque iam vel Sole dilucidius apparere , Petrum & vniuersalis Ecclesiæ pastorem fuisse , & vere obiisse Romæ , nihilque nisi meras nugas esse , quas Persuasor , & qui cum sequuntur virulenta malitia contra Romanæ Cathedræ principatum euomunt . Qui cum in hac re tam manifesta , impostores deprehensi sint , æquum est , & quicquid de alijs rebus scribent ex hac metiamur , & crimine ab vno omnes discamus , horumque peruersa dogmata , vt venenata pocula , ad fidelium perniciem propinata , modis omnibus auersemur , reijciamusque . Christo vero sit laus , quod ipsamet experientia redarguti sint manifesti mendacij . Quum & Pontificem nostrum Pium Quintum virum vere sanctissimum , tot optimos patres Cardinales , clerum , & populum

lum Romanum habeamus optime institutos , Vrbſque
ipſa tota pijs operibus ſcateat , in ſacramentorum fre-
quentatione .

L A V S D E O .

F. Auguſtinus Nicolutius Inquiſitor .

The following is a list of the names of the persons who have been
 admitted to the office of the Secretary of the Board of Education
 since the last meeting of the Board.

1. J. H. S. 1. 1. 1.

2. J. H. S. 2. 2. 2.

The following is a list of the names of the persons who have been
 admitted to the office of the Secretary of the Board of Education
 since the last meeting of the Board.

lū Romanū habeamus optime institutos, Vt bñq; ipsa tota
pijs operibus scateat, in sacramentorum frequentatione.

P. Augustinus Nicolaius Inquisitor.

Quod Petrus in Vrbe moriens summam in
ecclesia potestatem sibi à Christo traditam,
Clementi successorī suo, & ijs qui post eum
Romani futuri essent Pontifices, reliquerit,
ex Sanctis patribus probatur.

PETRI porro ligandi & soluendi officium, ac in eccle-
sia primatum in eius successores deriuatum, ex eo ar-
gumentari possumus, quod existimandum non est Christi
uoluntatem fuisse vt id munus tanto magisterio fundatum
simul cum vnius hominis vita deficeret, quod ne illo qui-
dem tempore defecit, quo Christus corpore discedens à
terris, in cœlum ascendit, ex quo nobis ne morte quidem
Petri defuturum indicauit, sed ad successores eius peruen-
turū, ac tandiu duraturū, donec & oues pascendæ reperi-
rentur, & ipse corpore ad iudicandos viuos & mortuos re-
uerteretur, vt illustris & gloriosus appareat in sanctis suis.
At vbi extremū illud iudiciū peraētū fuerit, tūc ipse Chri-
stus (vt Paulus ait) tradet regnum Deo & patri, atque ex
eo tempore Deus erit perpetuo omnia in omnibus, neque
aut eiusmodi munus, aut qui eo fungatur amplius, omni-
bus deficientibus, erunt: hæc ita et sic sanctorum patrum
testimonijs facile confirmari possunt.

PRIMVS Petri Apostoli successor in Episcopatu Ro-
mano, & vniuersalis Ecclesiæ cura Clemens vir sanctus
fuit, qui ab eodem Petro paulo ante ipsius obitum per
manuum impositionem Episcopus Romanus summa cum
potestate sibi substitutus post illū Catholicā ecclesiā rexit.

HOC DAMASVS Papa in vita Petri Apostoli diser-

tis verbis exponit sic. Sanctus Petrus beatum Clemen-
 tem Episcopum consecrauit, cui & Cathedram vel Eccle-
 „ liam omnem disponendam commisit dicens. Sic vt mihi
 „ gubernandi tradita est à domino meo Iesu Christo pote-
 „ stas ligandi, soluendique, ita & ego tibi committo, vt ordi-
 „ nes dispositiones diuersarum causarum, per quos actus
 „ non Ecclesiastici profigentur, & tu minime curis sæculi
 „ deditus reperiaris; sed solummodo orationi & prædicatio-
 „ ni ad populum vacare stude. Idem in Clementis Papæ
 vita sic scribit. Hic ex præcepto beati Petri suscepit Ec-
 clesiæ Pontificatum gubernandum, sicut ei fuerat à domi-
 no Iesu Christo Cathedra tradita vel commissa.

D. CYPRIANVS libro 4. Epistola secunda ad An-
 tonianum, factus est (inquit) Cornelius Episcopus de Dei
 & Christi eius iudicio, de clericorum pene omnium testi-
 monio, de plebis suffragio, & de sacerdotum antiquorum
 collegio, cū nemo ante se factus esset, cū Fabriani locus, i.
 cum locus Petri & gradus cathedræ sacerdotalis vacaret.

OPTATVS Afer Episcopus Milcuitanus libro 2. con-
 tra Parmenianum & alios Donatistas, Vna (inquit) Ca-
 thedra est priuilegium vnus ecclesiæ, & primum, ideo non
 adhærens vnitati Cathedræ, non adhæret vnitati Ecclesiæ
 Cathedra vna est, & negare non audes scire te in Vrbe Ro-
 ma Petro primo Cathedram esse collatam, in qua sederit
 omnium apostolorum caput Petrus, in quo vno Cathedræ
 vnitatis ab omnibus seruaretur, ne cæteri Apostoli singulos
 sibi quisque defenderent, vt iam schismaticus esset, qui
 contra vnā Cathedram alteram sibi collocaret: Ergo
 Cathedra vnica est quæ est prima de doribus, & in ea sedet
 primus Petrus; successit Linus, Lino, Clemens, cui Anacle-
 tus &c. & infra. Contra portas inferi clauēs salutares le-
 gimus Petrum principem nostrum recepisse, cui à Christo
 dictum est, Tibi dabo clauēs regni cœlorum, Vnde est er-
 go quod clauēs regni cœlorum vobis vsurpare contendit-
 tis?

tis? qui contra Cathedram Petri vestris præsumptionibus & audacijs sacrilegio militatis &c. & infra. Igitur de dotibus Ecclesiæ Cathedræ prima est quam probauimus per Petrum nostram esse, quæ ducit ad se Angelum, Angelus enim qui datur Ecclesiæ, ei non coniungitur, qui se Cathedræ Petri non coniungit &c. & infra. Vos dico abscissos palmites à vite, vos riuum concisum à fonte, non enim potest origo esse riuus, qui paruus est, & non de se nascitur, & arbor è ramo conciso ex cæta arescit.

D. AVGVSTINVS tractatu quinquagesimo in expositionem Ioannis Petro non tantum datas esse clauces cœlorum, sed & successoribus per longum probat, vbi inter cætera hæc ait. Si enim Petro tantum dictum est, tibi dabo clauces regni cœlorum, & quodcumque ligaueris super terram, erit ligatum & in cœlis, non facit hoc Ecclesia; si autem & in Ecclesia fit, vt quæ in terra ligantur, in cœlo ligentur, & quæ soluuntur in terra, soluantur in cœlo, quia cum excommunicat ecclesia, in cœlo ligatur excommunicatus, cum reconciliatur ab Ecclesia, in cœlo soluitur reconciliatus: Si hoc ergo in Ecclesia fit, Petrus quando clauces accepit, Ecclesiam Sanctam significauit.

Idem cont. epist. fund. c. 4. tenet me (inquit) ab ipsa Petri sede, cui pascendas oues suas post resurrectionem Dominus commendauit vsque ad præsentem Episcopatum successio sacerdotum.

Idem Epistola 165. ad Generosum, si enim ordo Episcoporum sibi succedentiū considerandus est, quanto certius & vere salubriter ab ipso Petro numeravi, cui totius ecclesiæ figuram gerenti dominus ait, super hanc petram ædificabo Ecclesiam meam, & portæ inferi non vincunt eā, Petro. n. successit Linus, Lino Clemens, Clementi Anacletus, Anacleto Euaristus &c. oēs vsq; ad Anastasiū enumerat.

D. I o. Chrysostomus Episcopus Constantinopolitan. lib. 2. de Sacerdotio c. 1. Qua nam (inquit) item de causa idē ille sanguinem effudit suum, certe vt oues eas acquireret,

quas tum Petro, tum successoribus Petri gubernandas in manus tradidit: Iure igitur ac merito sic loquebatur Christus, quisnam fidelis seruus & prudens, quem dominus super familiam suam constituit,

IOANNES III. Papa in epistola, quam vniuersis Germaniæ & Galiarū Episcopis scripsit, ita ait, Si autē Petrus princeps Apostolorum adiutores sibi adsciuit Linum & Cletum, non tamen potestatem pontificij, aut ligandi aut soluendi eis normam tradidit; sed successori suo Sancto Clementi qui sedem apostolicam post eum, & potestatem pontificalem tradente sibi beato Petro tenere promeruit: Linus vero & Cletus ministrabant exteriora, Princeps autem Apostolorum Petrus verbo & orationi insistebat, Linum namque & Cletum nihil legitur vñquam ex pontificali ministerio egisse potestatiue, sed quantum eis à beato Petro præcipiebatur, tantummodo agebant.

PELAGIVS Papa II. contra Ioannem Patriarcham Constantinopolitanum canone 2. Quicquid (inquit) statuistis ex auctoritate Sancti Petri Apostolorum principis, & domini Saluatoris voce, quæ beato Petro potestatem soluendi & ligandi ipse Saluator dedit, quæ est potestas in successorē eius indubitātē trāsiuit, cassam, & annullam.

ADRIANVS Papa Constantino & Irene Augustis, & Synodo Nicenē vij. beatus Petrus (inquit) Apostolorum princeps sui apostolatus principatum successoribus suis, qui in sua sanctissima sede successerunt, perenniter dereliquit, quibus & auctoritatis potestatem, quemadmodum à Saluatore nostro ei concessa est, ipse tradidit diuino iussu successoribus suis.

PLACIDIA Augusta Valentiniano Augusto Filio. Quia Roma (inquit) est maxima Ciuitatū & domina orbis terrarum, Ideo Petrus in ea Principatum ordinauit diuini Episcopatus.

INDEX RERVM MEMORABILIVM

In opus Onuphrij Panuini Veronen-
sis Theologi;

DE PRIMATV PETRI.



*A*duersariorum argumēta
contra D. Petri pri-
matum pag. 121.

131. 135

*A*duersariorum contra
usum primatus D. Petri argumen-
ta, & rationes 138. 167. 171.

173. 175

*A*duersariorum persuasiones, quod D.
Petrus Romæ non fuerit 224

*A*duersariorum Cauilli septem cum
responsionibus 286

*A*gni, et oues Christi ita vocātur, quia
& ipse agnus, & ouis fuit 28

Alcuinus Caroli Magni Imperatoris
præceptor, & Gymnasii Parisien-
sis fundator fuit 107

Amatores Ecclesiæ præcipui; anima-
rum pastores constituendi sunt 23

Amor D. Petri erga Christum fuit
maior, quàm aliorum 24

Et vnde id cognoscatur 31

Anacletum Rom. Pontificem nonnulli
asserunt fuisse Cleum 221

Andreas vocatione & ordine primus
fuit; dignitate verò fuit Petrus. 73

Angelus non ipse docuit Cornelium
Act. 10. sed destinauit ad Petrum
& cur id factum sit 83

Animarum gubernator quo modo
pro subditorum diuersitate sese
gerere debeat, exempla multa in-
dicant 126

Antiochiam deserendo Petrus, Ca-
thedra principatum non deseruit;
sed secum potius Romam trastu-
lit 142

Antiocheni Episcopatus Petri anni
septem in nu. annorum 25. qui-
bus Roma Cathedram habuit,
includuntur 128

Apostolica Ecclesia valde Clement
est; sed tamen potens; & multa,
qua potest, enumerantur 113

Apostolici Apostoli omnes equa-
les erant; non autem quod ad iuris-
dictionem 161

Apostolos in morte beata Virginis
conuenisse, ubi habeatur 151

Apostolus aliquis ex duodecim si
modò in terra esset, in Ecclesia-
stica potestate concernentibus
Romano Pontifici subiaceret; ti-
cet non in ijs, quæ sunt fidei 169

a Apo-

- Apostoli diem enumerantur, semper primo loco recensetur Petrus* 34
Apostolorum pedes Christus dum lauat; cur Petrus primus est 35
Apostoli eam potestatem habent, quam neque Angeli, neque Archangeli consecuti sunt 39
Apostolis reliquis per Petrum Claves conferuntur 42
Apostoli reliqui quod non possunt sine Petro, id potest Petrus sine reliquis 43
Apostoli in quoniam pares, vel impares fuerint 44
Apostoli reliqui ex eodem tributo reddito pro Christo, & Petro, arbitrati sunt Petrum esse Prælatum 73
Apostolorum fortitudinem Christus in Petri persona corroborauit 97
Apostolorum reliquorum miracula in scriptura sacra non describuntur; Petri verò sic 143
Apostoli omnes acceperunt à Christo Apostolatus potestatem; vniuersalem, prædicandi scilicet omni creaturæ 164
Apostoli primò ad reliquias Israel saluandas missi sunt; deinde ad gentes 164
Aqua, qua fluxit de petra in deserto sitienti populo, saluifera Petri confessioni aptatur 99
Archiepiscoporum, & Patriarcharum nomina Apostolorum temporibus in Ecclesia non fuerunt 243
Argumenta confirmantia Petri primum 32
Argumentandi modus Hæreticorum falsus 146
Aristotelis quoque auctoritate probari potest Christum fuisse Regem auctoritatibus 17
Euangelij summa Petri super alios potestas probatur 33
Autorum diuersorum in annorum supputatione discordia, quantum spectat ad scripturam diuinam 109
Augustinus Ecclesie doctor ob tres potissimum causas se in Ecclesie gremio colligatum fuisse proficitur 326
B *ABYLODEM Petrus tropicè vocat Romam in sua prima Epistola, dum ait; salutat vos Ecclesia, quæ est in Babylone collecta* 190. 193.
Babyloniæ duas fuisse habetur 290
Bithyniam & Pontum septè visitasse ipsum Petrum, & in Hispaniam inisse; licet Roma sedem haberet, certum est 185. 215
Bonus, & seuerus fuit Petrus temporum hominumque diuersitate; idque multa eius facta comprobant 168
C *ATHEDRA, quæ est prima dos Ecclesie, unica est; in qua Petrus prior sedet* 3
Cathedra Petri est tanquam oraculum, ubi diuina mysteria discuntur 83
 Canilli

Canilli septem aduersariorum cū re-
 sponſionibus 286. 289. 295.
299. 303. 309. 316
 Christus cum ſis ipſe caput Eccleſiæ,
 cur aliud caput inſtitueris 14
 Christus vt primum Petrum in terris
 vidit, ei primum dedit 17
 Christus a Petro pluſquam ſab aliis
 diligitur 24
 Christus pro Petri fide rogans pro
 omniaibus rogaffe dignoſcitur, quia
 omnes in Petro continentur 68
 Christus verè fuit Rex 134
 Christus ſub quibus Imperatoribus
 & natus, et crucifixus eſt 217
 Christus quonam die poſſus ſit 273
 Christus ſua poteſtate ſe corpore præ-
 ſentem terris exhibere poteſt; per-
 manens tamen in Cælis ad dexte-
 ram patris 306
 Chriſti conſilium ſemper fuiſſe, vt Pe-
 tro Eccleſiæ primum daret ex
 variis tum verbis, tum geſtis ip-
 ſius Chriſti pateſcit 17
 Clauis duæ collatæ ſunt à Chriſto Pe-
 tro 38
 Clauis dari ſoli Petro ſine alicuius
 interuentu; aliis verò per ipſum
 probatur patrum teſtimonium 42
 Clauis & ſi datæ ſunt Petro; cur ta-
 men dicantur Clauis Eccleſiæ 44
 Clauis datæ ſunt Eccleſiæ in Petro
 vt in capite 70
 Clauis poteſtatem ad alios per ip-
 ſum Petrum tranſlatam eſſe pro-
 batur 40
 Clemens cum Petri ſucceſſor fuerit,
 cur tamen in ſacro miſſæ Canone
 et Lino, et Cleo poſtponatur. 223

Clementem Petri ſucceſſorem fuiſſe
 probatur 211
 Clemens quartus poſt Petrum Romæ
 Episcopos ex ſanto Hieronymo
100
 Clems Rom. Pontifex alius eſt ab
 Anacleto 221
 Columna Eccleſiæ tres; Petrus, Ia-
 cobus, & Ioannes 159
 Concilium Hieroſolymitanum Apo-
 ſolicum quonam tempore congre-
 gatum fuerit 288
 Confeſſio Petri dicentis. Tu es Chri-
 ſtus filius Dei vini ſuit non ex ra-
 tionis humane perſuaſione ſed ex
 illuminatione à Deo patre 81
 Conſutationes reſponſionū contra Ca-
 uillos ab aduerſariis in medium
 allatos 288. 290. 297. 301.
306. 312. 317.

Conſtantino Imperatore primo licuit
 Chriſtum publicè proſuere, & ado-
 rare 187
 Conſuetudo Eccleſiæ optima Chriſti
 verborum interpres Petri prima-
 tum confirmat 158
 Cornelius poterat ab Angelo doceri
181 o. miſſus eſt autem ad Pe-
 trum; ne ipſe Angelus illius uſur-
 pare officium videretur 83
 corporis totius Eccleſiæ morbum
 Chriſtus curat in Petro, qui eſt
 caput 66

D

DIACONI ſeptem an a Pe-
 tro, an ab aliis electi fuerint
144
 Dicere Chriſti eſt facere 72
 a 2 Digra-

- Digrachmam Christus iubens solui
 pro se, & pro Petro pro omnibus
 exoluisse videtur, quia in Petro
 omnes continentur 68
 Differentia, & convenientia inter
 Petrum, & Paulum 71
 Dignitatem pristinam consecutus est
 Petrus post illum grauem negatio-
 nis casum 88
 Dissuasio persuasionis prima hereti-
 corum de Petri ad Urbem aduen-
 tu 108
 Dissuasiones contra aduersarios per
 suasiones ordinata; dum Petrum
 nunquam Roma fuisse probare ni-
 untur 125. 229. 232. 234. 243.
 247. 250. 252. 254. 256. 258.
 269. 253. 268. 272. 277. 281.
 † Dona sua diffundit Deus à Petro, ut
 à quodam capite, velut in omne
 corpus 94
 Dos Ecclesia prima quanam sit 3
 E
 ECCLESIA est sponsa Chri-
 sti, qua adulterari non po-
 test 4
 Ecclesia cum sit una quo modo mul-
 tiplex rectè dicatur 3
 Ecclesia ad summam Trinitatis unita-
 tem redigitur 5
 Ecclesia Dei non nisi concordēs, &
 vnanimes continet 5
 Ecclesia militans principatus ordi-
 nem habet sicut triumphans 11
 Ecclesia sub vno Romano Pont. mili-
 tans veteris legis Synagoga opor-
 timè imitatur 13
 Ecclesia fundata est super Christum,
 & super Petrum 119
 Ecclesia est fidelium in quandam vn-
 itatem collectio 323
 Ecclesia cum Patriarchas, & Archi-
 episcopos instituerit 243
 Ecclesiam quondam Petrus regere
 caperit 117
 Ecclesia unitatem declarant etiam
 ipsa dominica sacrificia 5
 Ecclesiae unitas ex corporis unitate
 comprobatur 15. 94
 Ecclesiae personam gerit Petrus 41.
 69. 154.
 Ecclesia totius principatus committi-
 tur à Christo Petro & ante pas-
 sionem, & circa passionem, et post
 passionem 114
 Ecclesie dum cum fuerint gentium sci-
 licet, & Circumcisionis, haec potro
 est mater, uirgine, & magistrail-
 lius 161
 Ecclesiae initia clare describuntur
 183
 Ecclesia dantur Claves in Petro ut
 in capite 70
 Ecclesia fundamentum tum Christus,
 tum Petrus est; sed non eodem mo-
 do 115
 Ecclesie Romane privilegium auferre
 tentans, in haeresein labitur. 108
 Ecclesiae unitas probatur 14
 Ecclesiasticam praelationem non dam-
 nauit Christus; sed ambitionem,
 fastum, tumorem, elationem, ty-
 rannidem &c. contra aduersarios
 123. 125
 Electio sit vnica, ut capite constituto
 schismatis tollatur occasio 173
 Eligendorum Ecclesiae pastorum for-
 mam docuit Christus 23

Episcopatus, vnus atque indiuisus
Epistolae suas singulas, quoniam tem-
 pore scripserit Paulus, & quo or-
 dine 235
Epistolā ad Rom. scribente Paulo, ve-
 ritū Roma nō fuisse probatur. 239
Errare permittitur Petrus, vt discat
 in omnibus Christo parere 89
Errare nunquam nouit Ecclesia ab
 Apostolicis traditionibus, nec he-
 reticis prauitatibus succumbit 103
Eucharistia materia Ecclesiastica vni-
 tatis argumentum est 5
Exemplis clarescit, quo modo Eccle-
 sia cum sit vna, in multitudinem
 extendatur 3

Fid

FIDES Petri Christi oratione cor-
 roborata, est eius principatus
 argumentum 20
Fides Petri, quae fratres confirmare
 potest, & amor supra alios, eius
 summa auctoritatis veritatem in-
 dicat 26
Fides firmata est in Petro iuxta omne
 modum 90
Fidei periculo imminente fa-
 ctū ē concē-
 ditur superiorem ab inferiori meli-
 us sentiente emendari posse 170
Figura Petri, eiusque ecclesia fuit
 Noe, & Arca 57
Firmamentum factus est omnibus vi-
 tris, qui antea fuerat sibi infirmus
 169
Forma eligendi in Ecclesia pastores ex
 Christo tradita 23

Fortitudo Apostolorum nuncitur in
 Petro 97
Fundamentum Ecclesiae est Christus
 & Petrus, sed Christus primum
 & praeipuum; Petrus verò secun-
 dum, & secundarium 115
Fundatur vniuersalis Ecclesia in Pe-
 tro 89. 110

G

GLADIUS politicus datus est
 proculdubio Petro in specta-
 tibus ad animam: quod verò ad
 potestatem secularem, quomodo
 eidem datus sit declaratur 132
Glosa ordinaria *Chiusā sit opus* 106
Grex Christi eos non continet qui Pe-
 trum etiam in successoribus suis no-
 luerint habere pastorem 115
Gubernacula Ecclesiae suscepta Petrus
 nunquam reliquit, sed adhuc per-
 seuerat 94

H

HÆRESSES, & **Hæresiar-**
cha sunt porta inferorum 90
Hebraeorum discrepantia in annis mū-
 di constituendis 209
Hierarchia terrena Celestibus **Hierar-**
chyis conformis est 111
Hierosolymam Paulus adiuit, vt Pe-
 trum, qui primus erat inter Apo-
 stolos, videret 89. 150. 153
Hierosolymis relictis Petrus cur Ro-
 manam pro sede delegit 187
Humilitate non potentia Christus oc-
 culit suos ad virtutum summam
 peruenire 124
Humilitatis virtus ita seruanda est, vt
 non soluantur intra regiminis 127

IACOBVS Apostolus quo modo
accepit sedem Hierosolymis. 87
Iacobus & si videbatur columna Ec-
clesie: tamen vna contentus Hiero-
solyma, Petro vniuersitatem reliquit

111.115

Illatio mala est, qua ex illis verbis,
Salus ex Iudeis est, deducitur A-
postolos non habuisse potestatem
erga alios.

164

Index Consulium, & Imperatorum,
sub quibus fuerunt primi Romani
Pontifices

218

Interpretatio eorum verborum

10.21.

Cum esses iunior, cingebas

16. & c.

pag.

28

Interpretatio visionis Petri lintheū
de Cælo in terram descendens, in
mentis excessu videntis

147

Ioannes Euangelista cur, & in quo
aliquando præferatur Petro

53

Ioannes cum fuerit virgo cur non eli-
gatur ecclesie caput

72

Ioannis consuetudo in conscribendis
sermonibus à Christo enigmaticè
prolatis

28

Isaia dictum quoddam optimè de Pe-
tri dignitate intelligitur

101

Iudæi maiori odio Paulum, quàm Pe-
trum prosequabantur, & cur

253

Iudæi aliquando omnes Roma expulsi
sunt

186

L

LIGANDI, & soluendi pote-
statem quia habet Petrus,
ideo ipse principis seruum percutit

pag.

69

Linus primus post Petrum Romanam
Ecclesiam tenuit ex Eusebio

198

Loca omnia, vbi sedes suas posuerunt
Apostoli reliqui à Petro, nunc ty-
ranorum potestatibus subduntur: sola
Roma Petri sedes est libera.

324

Loquendi modus Christi, & Petri in
singulari, & plurali notandus

137

Lucas Euangelista quam potissimum
de causa in Actis septem Diaco-
norum electionem enarrauit

144

Lutherani electionem, numerum, &
electionis modum ministrorum Ec-
clesie à secularibus potestatibus,

& plebe accipiunt; sed male, &
contra Apostolorum ordinationē

145

M

MAIORES à minoribus quam
do id necessitas requirit, re-
prebendi possunt

169

Maiores à minoribus mitti non posse
falsum est, & falsitas exemplis
comprobatur

174

Marci Euangelium Roma conscriptum
à Petro probatum ex Hieronymo
& Eusebio

123

Mare Sig. hoc seculum, & naues ec-
clesias

112

Maris aquas calcando Petrus, intelli-
gitur super vniuersos populos po-
testatem accepisse; quia aqua si-
gnificant populos

116

Maria Virginis obitus quoniam tem-
pore accideris

187. 326

Martyrium vitabat Petrus populo in
dulgens Christiano, & vix ad po-
pulum confirmandum cōferrearet.

152

818

Materia Eucharistia Ecclesia unitatem indicat 15

Matthia assumptio ad Apostolatam, cur sit facta fuerit, & non alio modo, à Petro 140

Mors Christi quoniam aetatis sue anno acciderit 109

Mors Petri quando acciderit 180

Moyles quot annis ante Troia excidium fuerit, varia sunt opiniones 109

Multi sunt sacerdotes, multi pastores; omnes tamen propriè regit Petrus, quos principaliter regit & Christus 25

Multitudinem quandam habet Ecclesia, eum tamen sit una 3

Munus Ecclesiasticum non est deferendum peccatorum turbatione 68

Mysteriorum diuinorum participes non est, qui à Petri soliditate recedit 94

N

Natura sunt Ecclesia: mare est seculum istud 112

Negationi nullum malum comparari potest 88

Noë in arca significabat Petrum in Ecclesia 57

Nomen ipsum Petri eum summum in Ecclesia gradum tenere indicat: & cur ita vocatus 118, 57

Nomen Pastoris nullus Apostolorum accepit, nisi solus Petrus 74

Nomine Satanae cur à Christo vocatur Petrus 78

Nominis mutatio alicuius altioris mysterij signum est 33

Nominis sui communionem Christus indulsit Petro, ita ut ambo sint petra, sed Petrus petra de petra 94

Nonnulli reliqui recedentes ab unitate perfectionem non habent, sed dissolutionem 118

O BSEQUIVM Deo gratias, est cura animarum 24

Officium Ecclesiasticum non est deferendum peccatorum turbatione 68

Opiniones varia de primorum sex Pontificum Rom. successionem; & quanam sit probabilior 213

Oraculum est Cathedra Petri, ad quod recurrit quisquis diuinum aliquid, aut profundum scire desiderat 83

Oratio Christi pro Petri fide obtinuit, quod haecenus non defecit 110

Ordinis potestas ex aquo data est Apostolis omnibus; iurisdictionis autem Petro praeceteris 45

Ordo primorum Rom. Pontificum 218

Os Apostolorum erat Petrus; hinc est quod Paulus eum praeter alios visurus adiuit 87, 89, 150

Oves Christi Petro pascende traduntur; & quo cibo pascantur 14, & 30

Oves, & agni Christi fideles cur ita dicantur 28

Oves Petro committuntur, cui certum Christo erat, nec studium, nec fide desse 99

PASTOREM summum non amat, qui idoneus oves Christi pascere renuit 75

Pastores animarum ij constituendi sunt,
qui prae alijs Christi Ecclesiam di-
ligunt 22

Pastorum officia 30

Patriarchae, & Archiepiscopi cur in
Ecclesia ordinati sunt 243

Patrum antiquorum auctoritates plu-
rimae de Petri primatu 47

Pauli peregrinationes varia enume-
rantur ex ordine 238

Pauli ad Senecam, Senecaeq; ad Pau-
lum epistola circumferuntur, quas
non minus esse credendum est 268

Paulus Christi Euangelium predican-
di securitatem non habere visus est,
nisi Petri sententia roboratum fuisset
154. 170

Paulus ad Rom. scribens cur Petrum
non salutauerit, cum tamen multos
alios nominatim salutauerit 235.
239

Paulus maximo prae ceteris ardore
predicabat 253

Paulus anno primo à Christi morte
ad Christi fidem vocatus est 181

Paulus adiuit Petrum honoris dese-
rendi gratia; quia Petrus Apo-
stolorum princeps erat 150

Paulus à Deo quidem, sed ex Petri
consensu gentibus predicandi mu-
nus accepit 160

Peccare Petrum permisit Deus, ut
disceret, quo modo erga peccatores
se haberet 66. 76

Peccatoribus ignoscendum est, sicut
etiam Petro post multos defectus
venia data est 69

Personam Ecclesia sustinet Petrus, &
quare 69. 154

Persuasio prima haereticorum contra
Petri ad Urbem aduentum 206

Persuasio aduersariorum, quod Pe-
trus Roma non fuerit 224. 227.
230. 233. 240. 246. 249. 251.
253. 254. 257. 259. 262. 266.

270. 274. 279.

Petri consecratio, & electio facta fuit
Christi verbis 10.

Petri prerogativa multa 133

Petri successor Clemens fuit 211

Petrum omnium caput institutum fuisse
ex multis Christi & verbis &
factis patet 19

Petrum primum intrare in Christi mo-
numentum, deinde Ioannem quid
Sig. 36. 52

Petrus non alios abscindere dexte-
ram auriculam Malco quid sig. 59

Petrum ab Apostolis in Samariam
missum non arguit, quod aut minor,
aut equalis ceteris fuerit in pose-
state, sed potius eius auctoritatem
indicat 146

Petrum Roma fuisse nonnulli negaue-
runt 172

Petrum potuisse aliquando Romam
venisse absque diuinarum scriptu-
rarum repugnantia probatur 180

Petrus, ut primum à Christo in terris
inuenitur, primum habere capit
17

Petrus à Christo tertio de amore
interrogatus cur tristatur 27

Petrus accepit Claves primum in se, &
pro se; deinde vero per ipsum ac-
cepit Ecclesia 42

Petrus tertio Christum negauit, tertio
quoque cum confessus est 59. 108

- Petrus solus sustinens personam omnium
 respondens, & accipit pro omnibus;
 alij verò in ipso, & per ipsum 62
 Petrus uniuersam sig. Ecclesiam 62
 Petrus erat durior, & seuerior alijs
 Apostolis 66
 Petrus post Christi ascensionem Eccle-
 siam regere cepit 117. 39
 Petrus non semper plenaria potestate
 sua ubiq; vsus est 132
 Petrus cur præcipue circumcisionis
 Apostolus, Paulus verò gentium
 vocentur 161
 Petrus & compresbiter fuit & alio-
 rum Apostolorum princeps, et quo
 modo id intelligatur 168
 Petrus et Paulus in Apostolatu erant
 pares; sed potestate, & regimine
 Petrus eminabat 169
 Petrus non subiecit sibi reges, nec po-
 liticam sibi usurpauit functionem;
 quia eorum temporum conditio id
 non ferebat 169
 Petrus æquo animo tulit se à Paulo
 reprehendi 171
 Petrus cathedram sacerdotalem Ro-
 me annis 25. tenendo, antoto illius
 temporis spatio semper in vrbe per-
 mansit 185
 Petrus ubi fuerit, quidue egerit toto
 sui Pontificatus tempore, distinc-
 te tractatur 187
 Petrus Galilæus Christianum p. p.
 primus Antiochena Ecclesia fun-
 data Romam proficiscitur, ubi 25
 annis perseuerat Episcopus ex Eu-
 sebio 198. per 24 annos ex Rus-
 sino 201. & annis 25. ex Beda 204
 Petrus Roma Simonem Magum su-
 perauit ex Arnobio 195. Roma
 prædicauit ex Lactantio 196. Ro-
 ma primus Euangelium prædicauit
 ex Euseb. Casar. 197
 Petrus passioni Dominicæ adequatur
 Roma ex Tertull. 193. 194. ex
 Caio 194. ex Origene ibid. ex Petro
 Archiepiscopo Alexandrino
 195. ex D. Ambro. 200
 Petrus Romā proficiscitur ex S. Atha-
 nasio 198
 Petrus secundo Claudij anno Romam
 pergit, & ibi 25. annis cathedram
 Sacerdotalem tenuit vsque ad vl-
 timum annum Neronis ex S. Hie-
 ronymo 199
 Petrus sacerdos fuit Ecclesia Rom.
 ex D. Ambro. 200
 Petro in vrbis porta Christus occur-
 ruit 201
 Petro primo cathedra Episcopalis in
 vrbe Roma est oblata ex Optato
 Mileuitano 201
 Petrus Romana Ecclesia Episcopo su-
 is ex S. Chrysost. 202. ex S. Au-
 gust. 203
 Petrus Roma moritur 2. Neronis
 anno ex Epiphanio 201
 Petrus exordio regni Tiberij Romā
 venit ex Orosio 203
 Petrus trophæum crucis Christi Roma
 nis arcibus intulit ex S. Leone
 203 204
 Petrus & Marcus Romam uenerunt
 tempore claudij ex Beda 204
 Petri corpus in regia Roma positum
 est ex Theophilacto 205
 Petrus cur tantum, & toties, ut ex
 scriptoribus apparet, Romanus,
 Pontifex

- Pontifex, Romæ aberat 264
 Petrus non minus Romanorum erat 110
 Episcopus Hierosolymis, vel alibi
 agens, quàm Romæ 264
 Petrus, & Paulus vna die vno in lo-
 co, Romæ scilicet vnius tyranni to-
 lerauerunt sententiam 273
 Petrus quoniam tempore romam pri-
 mo sese contulerit 288
 Petrus Ecclesiam Romanam fundauit,
 & eamque suo sanguine consecrauit
 177
 Petrus non erat Romæ, cum Paulus
 scripsit ad Romanos 243
 Petrus vsus est auctoritate sibi à Chri-
 sto tradita 140
 Petrus videns dominum Io. 21. in ma-
 re se misit; & sic venit ad eum; alij
 nauigio venerunt; & hoc summam
 eius potestatem indicat 112, 116
 Petrus ostendit sese Apostolorum prin-
 cipem in gestis suis 117
 Potestas aliorum Apostolorum cer-
 tis attribatur limitibus; Petrus verò
 in plenitudinem potestatis vocatus
 est 112
 Potestas clauium cunctis Apostolis
 non sine Petro data est; Petro ta-
 men collata fuit sine alijs 126
 Potestas Ecclesiastica collata est Pe-
 tro ante passionem, circa passio-
 nem, & post passionem 114
 Prelati Ecclesiastici non populus, Ec-
 clesiæ ministros eligere debent 145
 Q
 Quæ sunt propria Christo pote-
 state facta sunt communia &
 Petro participatione 96
 Quæcunque vera sunt, sunt vera per
 veritatem diuinam 110
 Quantum erga oues suas amorem d
 Petro Christus optauerit 25
 Quatuor mirabiles mutationes factæ d
 Deo 89
 Quatuor insignes ecclesiæ, dum adhuc
 fides adolesceret, celebrabantur
 244
 Qui cuilibet Ecclesiæ ius suum detrahit
 iniustitiam facit; qui vero Romane
 Ecclesiæ prauilegium auferre cona-
 tur, in hæresim labitur 108
 Qui in ore Christum habent, non om-
 nes statim sincere Christiani sunt
 censendi 313
 Quicquid Deus Apostolis reliquis nō,
 negauit, nunquam nisi per Petrum
 dedit 95
 Quid sit illud Duc. in altum 58
 Quid significent verba illa Christi se-
 quere me 102
 Quid quo tempore, quoque aut impe-
 ratore aut Rege acciderit circa tem-
 pus Petri 183
 Quisnam primus negauerit Petrum
 aut Romæ fuisse, aut ibi sanguinem
 fudisse 179
 Quomodo se haberent Petrus & Pau-
 lus in prædicando Indæis, vel gen-
 tibus 248
 Quonam tempore caperit Petrus con-
 firmare fratres 116
 Quonam tempore Imperatorum edi-
 ctis caperunt Christiani publicè
 profiteri, & adorare Christum 178
 Quonam tempore Petrus obierit 180
 Quoties, & quibus de causis Indæi
 Romam deserere coacti sunt 186

R

S

RECTOR animarum socium
 erga bonos, praelatū verò in
 malos sese prebere debet; & hoc
 exemplis comprobatur 126
 Reprehensio Pauli Petro facta quonā
 tempore acciderit 233
 Reprehensio Pauli gratissima fuit Pe-
 tro 171
 Responsiones ad aduersariorum argu-
 mēta Petri primatum impugnan-
 tium 122.132.135
 Responsiones ad aduersariorum argu-
 mēta vsū primatū Petri negātia
159.168.172.174.175.176.
 Responsiones ad aduersariorum persua-
 siones, qui sibi persuadēt Petrum
 non venisse Romam 225
 Roma egrediens Petrus Christum in-
 gredientem inuenit, & interroga-
 tum dicentem; venio iterum cruci-
 figi 150.307
 Roma Petrus sepe discescit 264
 Roma itāquam à primo fonte fidei lux
 in ceteras Ecclesias sparsa est 324
 Roma prius erroris, deinde veritatis
 magistra fuit 187
 Romam aliquando Babylonem voca-
 uit Petrus 190
 Roma meritis Cathedram posuit Pe-
 trus 118
 Roma cur potius, quàm alibi Petrus
 sedem suam collocauerit 178
 Romana Ecclesia, quanam fundatore
 primo condita sit 108
 Romana Ecclesia Petri cathedra, Ec-
 clesia principalis, vnde sacerdotalis
 vnitās exorta est à Cypriano no-
 minatur 194

SACERDOTES vinculi potestā-
 tem habent maiorem, quàm prin-
 cipes terrestres 32
 Sagenam misit in mare Petrus, & pi-
 scatus est orbem terrarum 87
 Schismatis tollitur occasio, dum inter
 duodecim vnus eligitur p capite 72
 Sciētia clauem etiam Paulus Aposto-
 lus accepit 71
 Scriptura sacra auctori tate quoq; mō-
 do interpretandæ 46
 Sedem suam ibi posuit Petrus, vbi si-
 des nullo vnquam tempore extincta
 est 324
 Seneca epistolās scripsit ad D. Paulū
268
 Signa præcipua summi Petri erga Chri-
 stum amoris 26.58
 Signa plurima apparēt in Petri actio-
 nibus post Christi Ascensionem, quæ
 eius primatum indicant 117.119
 Soli Petro cur dicatur tempore passio-
 nis; Simon dormis 87
 Superior vel aqualis quo modo fuerit
 Petrus ipsi Paulo 170
 Supputatio facilis, circa primorum
 Pontificum Rom. successionem, &
 ordinem; de quibus varij varia scri-
 pserunt 218
 Synagoge regimē fuit Monarchicū 13

T

TEMPORA, et gesta Apostolo-
 rum Petri, & Pauli diligen-
 ter inquiruntur 181
 Tercio Petrus à Christo de amore interro-
 gatur, & quare 25.87.93.108
 Tertio Petr^o interrogat^{ur} cur tristat^{ur} 69
 Testimonijs probatur plurimis Petrū
 fuisse

fuisse Romæ **2**
 Trahit Petrus rete; ne sit inanis cate-
 rorum Apostolorum labor; quid si-
 ne capite nullius vigoris sunt mem-
 bra **23**
 Tria præcipue confirmant Pontificiam
potestatem **326**
 Tribus Apostolis. Christus familiari-
 us vsus est **33**

VARIETAS scriptorum in anno-
 rum numero circa resdiuersas
 assignandò **209**
 Velle Christi est posse **110**
 Verba Christi ad Perum sequere me,
 eius super cunctos fideles prælaturâ
 indicant **109. 117.**
 Verba illa Petri. Quoties peccabit in
 me frater meus &c. eius primatû
 indicant **117**
 Verba illa super hanc petram ædifica-
 bo, &c. quomodo à patribus in-
 telligantur
 Verba illa Pauli. Post annos **14** ite-
 rum ascendi Hierosolimam, quo
 modo intelligantur **288**
 Verba illa Christi Accipite spiritû san-
 ctum: quorum remisistis, &c. ec-
 clesie vnitati, & Petri auctoritati
 non repugnant **2. 44-54**
 Visio illa Petri Act **9.** & **10.** clarum
 est eius summa potestatis argumen-
 tum **147**
 Vita sæpe virtutes sese esse mentiuntur

127
 Vilijs potius, quam fratribus domina-
 ri debet prælatus **127**
 Vixit adhuc Petrus per successores
 suos, causasque decernit, & semper
 victurus est **23. 104**
 Vni Petro non frustra commendatur,
 quod omnibus Ecclesia rectoribus
 intimatur **107**
 Vnitas Ecclesie probatur ex Enange-
 lio, & prophetis, & ex patribus
1. 1
 Vnitas Ecclesie etiâ in pari potesta-
 te à Christo Apostolis collata, ap-
 pareat **2**
 Vnitas vbi est, ibi est perfectio **111**
 Vnitatem Ecclesie negans fidem in Ec-
 clesia non habet **3**
 Vnitatis Ecclesie necessitas vnde oria-
 tur ex D. Thoma **14**
 Vnus de toto mundo Petrus eligitur;
 et omnibus præponitur Apostolis,
 cunctisque Ecclesie patribus **25**
 Vocatione, et ordine Andreas pr. mo
 vocatus dicitur; dignitate vero Pe-
 trus **73**
 Vulgi de Christo opiniones referunt
 Apostoli omnes; ipsorû verò Apo-
 stolorû solus Petrus vi primus in-
 ter reliquos patefacit **85. 95. 115**
ZELVS non ita accendatur, vt
 mäsuetudo funditus amittatur;
 et optima exempla afferantur **117**

ERRATA.

In p̄fatione pag.	2 ^a lin.	2	quia	qui à
	3	14	aliquod	aliquot
	2	17	redditur,	reditur
	8	4	frustra	frusta
	9	25	chismata	schismata
	14	3	distratu	distracta
	19	34	exponentur	exponent
	34	8	capitibus	deleñ.
	43	5	Petro	Petri
	49	21	secundam	secundum
		ibid.	iunxit	vinxit
		32	eam	cum
	56	24	sine	suis
	83	10	id quod	ut id quod
	84	23	in debile non	indelebilem cre-
			se crepid	pidinem
	87	2	multo	cum
		11	desinere	debuisset
	89	19	ad	ac
	105	29	auctoritates	deleatur
	127	1	summus	sumus
	143	2	si	hi
	157	18	generat	generetur
	172	1	princeps	principes
	175	7	quum	quem
		33	Hypotyposū	Hypotyposeon
	187	178	4 admirari poss.	admirari nō poss.
	183	4	Abillenæ	Abillinæ
		12	sub exitu	exitum
		19	aditis	additis
	184	33	peue exact ⁹	plene exactus nō
	185	11	quod	quot (erat

191	14	certe	certam
223	33	chorepiscopi	coepiscopi
238	29	Romam	Roma
265	10	lætis	lætis
	13	quos	quod
273	28	tum	tamen
279	26	atque	æque
280	5	reuertenter	reuerenter
	6	voluerit	noluerit.
283	21	quamuis fere	quamam rōne fere
288	26	annorum	annum
290	25	chonographos	chorographos
297	17	non ob id non	num ob id non
300	34	ferunt ni	feruntur
306	28	ministri	ministris
314	16	3. vbique	utrobique

Cætera prudens lector per se corrigat.





338

41E

R. SALVAREZZA
RESTAURO
Via Val Sassina, 60
Tel. 099.2231 PER 1971

